





32-10.6-1

PRAELECTIONES THEOLOGICAE

QUAS

IN COLLEGIO ROMANO S. J.

HABEBAT

JOANNES PERRONE


E SOCIETATE JESU

IN EOD. COLL. THEOL. PROF.

EDITIO SECUNDA ROMANA, DILIGENTER EMENDATA, ET VARIIS ACCESSIONIBUS
AB AUTORE LOCUPLETATA

VOL. I

CONTINET TRACTATUM DE VERA RELIGIONE



ROMAE

TYPIS COLLEGII URBANI

SUPERIORUM PERMISSU

1840.



TRACTATUS
DE VERA RELIGIONE

ADVERSUS
INCREDULOS ET HETERODOXOS

TYPOGRAPHUS

LECTORI

Nondum omnia harum praelectionum theologicarum volumina prelo subjecimus, et jampridem exemplaria eorum omnia venalia in hoc nostro typographeo prostare desierunt: cito adeo ea sibi omnia studiosorum cupiditas usurpavit. Tametsi vero probe nobis esset perspectum, et intra et extra Italiam non defuisse typographos, qui iterandae editionis munus sibi susceperint; majorem nos tamen ipsi laudem nobis comparaturos arbitrati sumus, si manus et nos alteri huic editioni admoveremus. Operis enim auctor nobis, non ipsis praesens adest; imo non modo adest ut praelectiones suas a mendis typographycis expurget, sed multo magis ut singulas expoliat, tum ea submovendo quae minus ad rem facere videbuntur, tum pleraque adjiciendo quae majorem vim auctoritatemque illis valeant conciliare. Si priori nostrae editioni a typis et a carta elegantiae aliquid desiderari poterat, in hac posteriori et typi et carta adeo sunt et nitidiora et splendidiora ut externis editionibus praerepturos palmam confidamus: Haec te monitum volebam, tibi que diuturnam incolumitatem, lector benevole, a. l. precari.

LECTORI BENEVOLO



Quod maximo illi Ecclesiae lumini et theologorum fere parenti Augustino, quum de Trinitate scriberet, visum est, verae justaeque excusationis loco sibi esse posse apud illos, qui putassent eum propterea tacere debuisse, quia non tam expedite ac dilucide, quam ceteri, eloqui potuisset; id mihi theologicas hasce praelectiones in lucem educere cogitanti, de eventu tamen pertimescenti ob copiam praestantiamque tot illustrium virorum, qui tum superioribus aetatibus, tum hac etiam nostra, de re eadem scripserunt, magno, equidem fateor, solatio fuit, atque adeo incitamento, ut quod institueram, quanto possem citius, perficerem. *Neque*

enim omnia , aiebat sanctissimus Doctor (1) , quae ab omnibus conscribuntur , in omnium manus veniunt , et fieri potest , ut nonnulli , qui etiam haec nostra intelligere valent , illos plures non invenient libros , et in istos saltem incidant. Ideoque utile est , plures a pluribus fieri diverso stilo , non diversa fide , etiam de quaestionibus eisdem , ut ad plurimos res ipsa perveniat , ad alios sic , ad alios autem sic.

Accedebat , quod , quum postremus aggressus sim ad hoc genus doctrinarum tractandum , auctorum priorum opibus locupletare commode potuerim inopiam meam ; hinc , quam detrimenti quidquam eorum multitudo et sapientia asferret operi meo , pretium potius eidem faceret , commendaretque illud lectoribus , quippe in quo , quantum habenda brevitatis ratio patiebatur , collecta pleraque inveniunt , quae a ceteris accuratius sunt disputata , unoque in conspectu universa intuerentur. Illud vero tandem me vehementissime commovebat ac veluti spei blandae stimulis concitabat , fore ut hac mea tenuitate laboris non tenuem fortasse operam navarem sanctissimae nostrae religioni , quam , hoc maxime tempore , tantis afflictam aerumnis totque calamitatum turbulentissimis fluctibus exagitam dolemus. Etenim unum horum aliquod bonorum

(1) De Trinit. lib. 1. c. 5.

inde extitutum sperabam , nempe ut , dum magis quam veterum , recentium opinionum pravitatem haereticorumque nostrorum perversitatem insector atque urgeo , vel ipse constringerem per me eorum audaciam furoremque compescerem vel , si hoc minus assequerem , catholicos viros , qui id majori ingenii et doctrinae vi possent , excitarem ut praestarent , vel denique mature moniti adolescentes de temporum nostrorum erroribus , edoctique praesentem necessitatem Ecclesiae , alacriores in studiis essent , seque impensius compararent , ut strenui ejus administri atque adjutores evaderent. Hoc autem postremum si vel unum obtineo , equidem laboris mei fructum amplissimum sum consequutus ; nam si aetatibus reliquis , profecto hac nostra optandum maxime est , ut , quemadmodum increbrescere in dies numerum improborum , et profundiores , quam tolerabile sit , radices agere et dilatare stirpes videmus , ita uberius etiam consurgat et quasi succrescat bonorum proles , succusque ille et sanguis incorruptus virorum propagetur , qui et sanctitate morum et excellentia doctrinae acceptam divinitus fidem et religionem adornent atque tueantur. Sic enim fiet , ut , si minus jactura omnis resarciatur , quam furiosorum hominum amentia et scelere pati cogitur Ecclesia , habeat tamen optima mater ex constanti gnavaque filiorum pietate quo inustum ab ho-

stibus dolorem allevel , quantumque ab his sibi injuriarum et vexationum timere debet , tantumdem in illis sibi praesidii solidaeque oblectationis gaudeat adesse.

Haec ferme sunt , quae reluctantem me diu multumque et aegre ferentem , ut , quae hactenus in hoc Romano Collegio adolescentibus praelegeram , typis vulgarem , tandem accedentibus nonnullorum postulationibus , volentem , atque adeo fortasse audacem fecere ; quae proinde etiam prae loqui volui , ut , qui fuerit mihi in hoc opere conscribendo animus , quod in eo edendo consilium , quisque perspiceret. Ceterum quemnam sortiturum sit demum exitum , futurum ne sit ut probetur nec ne , quam divinari inutiliter et blandiri mihi , malo committi aequitati usuique lectorum , si prius tamen benignissimae Dei providentiae commendavero , in cuius majorem gloriam volo totum hoc cedat quodcunque est. Restat ut, quemadmodum ex Augustino accepi , quo exordirer , ab eo etiam mutuer quo finem faciam , illud orans omnes , in quorum manus nostra haec pervenerint , ut scilicet , *quia sicut Dei data , sic etiam mea errata cognosco , non solum curam legentis impendant , sed etiam censuram corrigentis assumant* (1).

(1) Epist. 31 , ad Simplicianum.

IN PRAELECTIONES THEOLOGICAS

PROLEGOMENA

§ I.

THEOLOGIAE NOTIO OPERISQUE PROSPECTUS

1. Theologia, quae, si vocis etymon spectes, est *Sermo de Deo*, modo latiori, modo strictiori significatione usurpatur.

2. Theologiae enim nomine ea peculiariter divinae scientiae pars comprehenditur, quae agit de Deo, deque iis, quae Deo inhaerent, ejusmodi sunt Dei proprietates seu attributa tum absoluta tum relativa. Ampliori acceptione designatur praeterea quidquid ad Deum tanquam causam refertur, seu opera comprehendit omnia, quae extra Deum sunt, quanquam ab ipso originem trahant, atque instrumenta, quibus Deus ad aliquid efficiendum utitur.

3. Hinc in duas partes divina haec disciplina dividitur, quarum altera disputationes complectitur de Deo ejusque attributis, altera circa Dei opera versatur.

4. Cum autem dupliciter Deum spectare possimus, nempe vel ut auctorem naturae, vel ut auctorem gratiae, hinc rursum posterior haec theologiae pars bifariam distribuitur. Prior quidem Dei opera contemplatur, qua creator et auctor naturae est, posterior, qua gratiae est fons et origo.

5. Ex operibus porro a Deo conditis alia mere spiritualia sunt, ut angeli et hominum animae, alia prorsus corporea, ut haec rerum universitas, quae coeli terraeque ambitu continentur, alia demum, quae tum spiritu tum corpore constant, ut homo ipse.

6. Sic opera gratiae, quibus intelligentes creaturae Dei ipsius naturam quodammodo induunt, seu ad quoddam cum Deo consortium ac communicationem supra naturae suae conditionem admittuntur, pro duplici communicationis modo, dupliciter distingui possunt.

7. Alia siquidem cum Deo communio interior est et absoluta, ac per hanc non divina solum, sed etiam Deus fit, et in unam cum Deo personam convenit humana natura, quod in Incarnatione divini Verbi contigit. Alia est, quae sit extrinsecus atque ex parte duntaxat, siquidem in sola voluntatum inter se conjunctione consistit. Haec porro *moralis* communiter nuncupatur, et est fons, unde omnis sanctitas, quae in creaturis est, dimanat.

8. Ad hanc vero conjunctionem efficiendam duplex adhibetur adjumentorum genus. Alia quippe sunt instrumenta, eaque partim efficiunt, ut sacramenta novae legis, partim dirigunt, ut lex ac morum virtutumque praecepta. Aliae autem sunt interiores causae ejusmodi conjunctionis; ex quibus aliquae eam, quam vocant *formam*, constituunt, seu *causam formalem* justificationis et sanctitatis, qua tum angeli tum homines sancti efficiuntur; tales sunt gratia sanctificans, necnon fides, spes, caritas ac reliquae virtutes infusae; aliquae spectari debent ut dispositio seu praeparatio ad talem formam recipiendam, ut omnia auxilia gratiae quibus intelligentes creaturae interius illustrantur quoad intellectum, et permoventur quoad voluntatem ad bene et sancte volendum et agendum.

9. Statui sanctitatis et gratiae opponitur status peccati; et quum sibi invicem oppositorum mutua sit scientia, de peccatis etiam theologia pertraculare consuevit.

10. Ex hac vero theologiae notione, quam ex clarissimo Petavio (1) deduximus et contraximus, quaeque a

(1) Cons. Petavius, tom. 1, *De theologicis dogmatibus*, Proleg. 1, cap. 1, n. 1 et seqq.

methodo S. Thomae (1) non abscedit, duo colliguntur, generalis theologiae definitio, ut sit nempe : *Scientia, quae de Deo agit, deque iis, quae ad Deum quoquo modo pertinent* : tota deinde praelectionum nostrarum ratio ordoque rerum, in quibus tractandis et evolvendis opera deinceps nostra versabitur.

11. Quare hae praelectiones dogmaticae complectentur tractatus de Deo ejusque attributis, de Trinitate, de Deo creatore, ubi de Angelis, de mundo, deque homine in duplici suo statu, naturae innocentis et lapsae, necnon de altera ejus vita sermo erit. Hos autem tractatus excipient illi, qui de Dominica Incarnatione sunt ac de divina Christi gratia, ubi de justificatione et merito, ac de sacramentis novae legis, tum generatim tum singillatim.

12. Frustra porro de his omnibus dissereremus, nisi luctuosis hisce nostris temporibus praeraceremus quasi fundamentum tractatum de religione, non modo adversus incredulos et recentiores rationalistas, qui omnem revelationem e medio tollunt, sed et adversus heterodoxos, qui, ex privato judicio revelationem divinam interpretantes, eam omnino labefactant atque subvertunt.

13. Ab hac propterea tractatione lucubrationes nostras auspicali sumus. Divina enim revelatione in tuto posita, atque Ecclesiae catholicae auctoritate firmiter constituta, facilis erit via ad ea omnia, quae hinc sponte quodammodo fluunt.

14. Ad haec potissima theologiae argumenta, quibus in Romano Collegio totum hujus disciplinae curriculum constat, est nobis in animo etiam tractatum de Locis theo-

(1) Vestigiis tanti doctoris eo libentius insistimus, quod ipse voluti sol affulserit in Ecclesia Dei, eaque vi mentis copiaeque et delectu doctrinae rem omnem theologicam persequutus sit, ut *Angelici* nomen merito sibi comparaverit. Eum vel ipsi doctiores Protestantes magni faciunt;

ac profecto vix theologum dixeris, qui ipsius opera, *Summam* praesertim et libros *Contra gentes* non legent ac pervolutaverit. Nostra studiorum ratio theologiae professores jubet eum ut *doctorem* suum haberet (*Ratio studiorum Societ. Jesu*, regula 2, profes. theol.).

logicis adjicere, ut opus nostrum saltem ex hac parte absolvatur. Tractatus enim de actibus humanis, de legibus, deque virtutibus atque peccatis, theologiae moralis institutoribus dimittimus.

§ II.

FONTES AD HANC ELUCUBRATIONEM ADHIBITI

15. Erit etiam operae pretium quaedam hic subjicere circa fontes, e quibus ea, quae scripturi sumus, depromemus.

16. Quum igitur juxta Angelicum Doctorem in celeberrimo opere, quod *Contra gentes* (1) inscripsit, ex veritatibus, quae ad Deum spectant, aliae sint, quae humanae rationis facultatem excedunt, aliae vero, ad quas ratio naturalis potest pro suis viribus pertingere, hinc pro diversitate argumenti, de quo agitur, diversa etiam via est incedendum. Rursum, prout idem observat Angelicus Doctor (2), quum ex hostibus, qui christianam religionem impugnant, alii sunt, qui omnem penitus scripturarum auctoritatem rejiciunt, alii qui non admittunt nisi libros Veteris Testamenti, alii qui praeterea admittunt libros Novi Testamenti, sed respuunt traditiones et auctoritatem Ecclesiae, hinc diverso armorum genere utamur necesse est, sive ad propositas veritates propugnandas, sive ad diversos ejusmodi religionis hostes refellendos.

17. Quare, ubi agendum nobis erit adversus incredulos, ratione atque monumentorum adjumentis eos a pravis nefariisque opinionibus deducere conabimur, ut tandem admittant non solum divinae revelationis existentiam, sed insuper Ecclesiae a Christo fundatae auctoritatem; siquidem haec est veritatis magistra atque divinae

(1) Lib. 1, cap. 3.

(2) Ibid. cap. 3.

revelationis servatrix et infallibilis interpres. Si vero cum judacis nobis manus conserendae sint, ex Veteri Testamento atque ex auctoritatibus, quas ipsi non respuunt, eos erroris arguimus. Sic ex sacris litteris universim sumptis pugnabimus adversus protestantes et haereticos, nec non ex certis totius antiquitatis monumentis. Demum, ut par est, si cum catholicis, seu cum iis, qui se Catholicos profitentur, nobis negotium sit, quales hisce temporibus in tanta praesertim quidvis sentiendi et scribendi licentia non pauci existunt, ex Romanorum Pontificum constitutionibus atque Conciliorum praesertim oecumenicorum decretis, ex recepta in Ecclesia catholica doctrina et Patrum auctoritate eos refellemus, qui in aliquo articulo a sana doctrina aliquâ ratione deflectunt.

18. Modo igitur ratione, modo auctoritate pro diversa adversariorum indole incedemus; aliquando, prout res postulabit, et ratione simul et auctoritate.

19. Quum vero gravissimi atque eruditissimi viri magnos exantlaverint labores ad religionem atque catholicam doctrinam propugnandam, sive ex antiquis sive ex recentioribus scriptoribus, non dedignabimur ex probatis ejusmodi fontibus aquas derivare ad hortulos nostros irrigandos, eosque suo loco cum debita laude commemorabimus, quod lubenti pariter animo praestaremus erga institutores nostros, quorum opera usi sumus, si typis vulgatae essent eorum lueubrationes.

20. Ne vero in nos etiam cadat ea satis communis querela, quod scilicet minus exacte atque accurate scriptorum loca referuntur, hanc nobis legem constituimus sancte servandam de nullo unquam, quoad licuerit, citando auctore, quem oculis nostris minime inspexerimus, adnotando, si opus fuerit, editionem etiam qua usi sumus. Quod si libros ipsos ad manus habere quandoque nobis non licebit, indicabimus saltem auctorem, cujus fide innixi, vel cujus auctoritate aut rationibus usi fuerimus.

21. Atque ista in genere de his fontibus delibasse sufficiat ; ubi enim in operis decursu de iisdem specialis mentio fiet , et ex professo in tractatu de Locis theologicis sermo occurret , singulorum theologiae locorum auctoritatem expendemus ac vindicabimus. Quod quidem , ut per se patet , intellectum volumus de iis auctoribus , quorum operibus utemur sive ad rem catholicam adstruendam et confirmandam , sive ad errores adversariorum refellendos. Quod enim spectat ad ceteros quorum in notis tantum elenchum subiiciemus ad discipulorum eruditionem , et quorum copia nobis praesto non est , eorum praesertim quae a rationalistis in Germania prodierunt , hoc profitemur ut plurimum inuitos Wegscheidero adducere. Illic enim cum in institutiones redegerit doctrinam rationalisticam , auctores singulos magna sedulitate collegit in singulis doctrinae illius articulis : quare ab ipso elenchum nostrum praesertim mutuabimur. Si quidem Wegscheiderum potissime aggredimur , et in hoc uno conficiendo , caeterorum fidem auctoritatemque elevare contendimus.

§ III.

METHODUS ET INSTITUTUM

22. Diversam methodum pro subjectae materiae diversitate proque varia adversariorum indole adhibendam esse in harum praelectionum decursu , ex dictis compertum est. Illud tamen addimus , quod spectat ad speciale illud propositum , quod in animo nobis est , talem nempe tractationum seriem exhibendi , qualis theologiae tironum captui accommodata sit.

23. Quare in scribendi ratione eam methodum consecretabimur , quae et idonea sit ad eorundem tironum ingenia in his disciplinis apte informanda , et privatis ac

publicis concertationibus, quae ipsis ingeniis excolendis plurimum conferunt, inserviat.

24. Idcirco praemissis, quae ad controversiae, de qua agitur, statum et naturam dignoscendam necessariae vi-
sae fuerint, notionibus ac enarrationibus opportunis ad definiendum germanum et verum propositionis enuncian-
dae sensum, propositionem ipsam statuemus, deinde vel refellemus vel propugnabimus quod propositum est.

25. Quum praeterea diuturnis experimentis nobis com-
pertum sit, non parum conferre, ad claram qualemcum-
que notionem sibi efformandam, dilucide exponere ac de-
terminare propositae propositionis certitudinis gradum, et
ea, quae stricte de fide sunt ac definita, ab iis secer-
nere, quae talia non sunt, curae nobis erit, ubi mate-
ria patietur, singulis propositionibus suam, ut ajunt,
qualificationem subjicere, atque illico fundamentum ex-
hibere notae seu censurae, qua multata est. Ubi vero
de ecclesiae definitione aut ejus sensu non omnino con-
stat, dicemus quid nobis videatur ex argumentis, qui-
bus innitur. Hinc fortasse fiet, ut omnis e juvenum men-
te confusio tollatur; ex qua non raro contingit, ut quae
de fide sunt definita, vel ad doctrinam catholicam per-
tinent, vel quae eundem certitudinis gradum minime ob-
tinent, permisceant cum ingenti ipsius scientiae detri-
mento, atque periculo contrariam doctrinam non debita
ac propria censura notandi.

26. Quamobrem, ubi opportunus erit locus et id ipsa
materia patietur, satagemus propositiones enunciare iis-
dem plane verbis, quibus qualiscumque veritas vel a
Conciliis vel a consultationibus pontificiis definita ac de-
clarata est.

27. Jam vero sic insectabimur veritatis hostes, ut om-
nes domesticas atque olim magna animorum contentione
agitatas in scholis catholicis quaestiones, quoad fieri pot-
est, devilemus. Salva enim fide, et Ecclesia ipsa an-

nucnte , unaquaeque schola suis potest adhaerere placitis. Ad pacem propterea conservandam atque fovendam , his supersedebimus , nisi expeditior dogmatis explicatio aliud suadeat ; quo in casu illud ante omnia nobis curae erit , eam seligere sententiam , quae dogmati cum explanando tum contra incredulos ac heterodoxos tuendo accommodatior videbitur. Ne tamen quaestiones ejusmodi a theologiae studiosis penitus ignorentur , controversiam historica ratione exponemus , ac praecipua utriusque contrariae sententiae momenta , ex cujusque illustrioribus patronis deprompta , ingenue ac breviter attingemus ; quo fiet , ut in talibus quaestionibus , unusquisque , perpensis hinc inde rationibus , eam sequetur sententiam , quam veriorem putaverit ; tali enim in casu *unusquisque in sensu suo abundet*.

§ IV.

SCRIBENDI RATIO

28. Duo prae oculis habemus , quae in ejusmodi praesertim scriptionis genere reperiri debent , brevitem ac perspicuitatem. Haud ignoramus , quam operosum sit binas recensitas proprietates , quae sese invicem excludere videntur , simul conciliare ; divina tamen ope freti pro viribus enitemur eas perpetuo consecrari , easque ita simul conjungere , ut nec brevis perspicuitati , nec perspicuitas brevitati detrimentum afferat.

29. Ad brevitem obtinendam , inutiles omnino atque jamdiu obsoletas et antiquatas quaestiones missas faciemus , vel obiter de minus necessariis agemus , easque potissimum prosequemur , quae aetate hac nostra agitantur tum a biblicis ac rationalistis , quos vocant , tum ab incredulis et heterodoxis. Rursum in iis , quae ab auctoritate pendent , in medium allatis praecipuis , sive ex Scri-

ptura sive ex Patribus ac monumentis ecclesiasticis, testimoniis, quae rem conficere videntur, indicabimus fontes, ex quibus studiosiores atque ingeniosiores adolescentes poterunt sibi pleniorē comparare rei, de qua agitur, cognitionem, eosque praecipue, qui ex instituto de peculiari illo argumento scripserunt seu commentaria ediderunt. Adversariorum autem difficultates, ut ordini inserviamus, in classes redigemus, ac non interrupto sermone una simul conjungemus, tum ne aliquid nativae vis ac roboris amittant, tum ut locum exercitationibus scholasticis praebeamus, dum ad dialecticae normam eas unusquisque exigere debet in mutuis concertationibus; atque id quidem brevitati non parum inserviet.

30. Ad perspicuitatem quod attinet, quae est altera sermonis virtus; eo utemur stilo eaque scribendi ratione, quae maxime decent tractatus polemos, simplici nempe atque accurata. Exquisitam proinde elegantiam, quae quidquid latinum non est, rejiciat, minime consecrabitur, utpote alienam ab eo fine, quem nobis proposuimus, et minus fortasse ad id accommodatam, ut nempe juvenum utilitatibus, quantum in nobis est, prospiciamus.

31. Cum opus erit, nonnullas addemus notulas, ad rem apertius declarandam, ita tamen ut nonnisi parce ac moderate id praestemus, ac nonnisi ubi necessitas aut saltem opportunitas ad majorem questionum claritatem tulerit, ne nimium libri moles excreseat.

32. Mediam igitur inibimus viam; nimiam in rebus tractandis prolixitatem aequae ac nimiam jejunitatem devitabimus. Adolescentes theologiae studiosi totam quam exoptant, quaeque ipsis necessaria est, doctrinarum suppellectilem hic ita nanciscuntur, ut eorum animi nec supervacaneis abundent, nec nimia rerum copia absterreantur.

33. Licet vero in his clueubrandis nec industriae nec

labori pépercerimus , facile tamen profitemur , nos non omnes idcirco maculas culpasve effugere potuisse. Et nos homines sumus ; humani nihil a nobis alienum putamus. Verum ejusmodi labes aequi bonique viros doctos consulturos esse confidimus. Quod si quidpiam minus caute aut minus accurate dictum , quidquam fortasse etiam catholicae ecclesiae doctrinis minus consonum invitis exciderit , id velut indictum haberi volumus , cum nos nostraque omnia pientissimae huic veritatis magistrae , columnae ac firmamento subjecta esse decernamus.



TRACTATUS

DE VERA RELIGIONE

ADVERSUS

INCREDULOS ET HETERODOXOS

1. **D**uae omnino sunt classes hominum, qui verae religioni adversantur atque repugnant, haeticorum una, altera incredulorum. Hi enim unica contenti religione naturali, si tamen eam, prout decet, admittunt, revelationem omnem, utpote supervacaneam et hominum cogitatione inventam, rejiciunt; illi vero, dum privato judicio religionem permittunt, suis pessime commentis eam temerant ac labefactant. Hinc fit ut adversus incredulos necessitas existentiaeque revelationis sit demonstranda, simul et via ratioque tradenda, qua eam tuto investigent, si velint, et consequantur; adversus haeticos autem divinitus constituta ecclesiae auctoritas sit vindicanda, apud quam depositam Deus revelationem suam voluit, et qua solum vindice et magistra integram inviolatamque habere possumus, ejusque germanam intelligentiam tenere.

2. Duae itaque erunt quoque partes tractatus nostri. Altera incredulos redarguet, atque eos admodum quos deistas aut naturalistas vocant; qui quidem Deum existere et cultu pio prosequendum fatentur, ejusque praeterea providentiam agnoscunt sive pro hac, sive pro altera vita praemia poenaeve pro merito decernentem: nam eunt atheis, ubi de Deo ejusque attributis agemus, res nobis futura est. Eos hic unos adorimur, qui in enumeratis

Tom. I.

modo articulis nobiscum consentientes , in eo tamen longe discrepant quod solam religionem naturalem , uti appellant , necessariam homini esse arbitrantur. Altera secularios sive haereticos perstringet , revelationem utique recipientes , at eam maneam , ut ita loquar , et mutilam : quippe qui traditiones divinas respuunt , et prout ad incredulitatem iter faciunt , negantque commissam ecclesiae custodiam et fidei revelationem ejusque cognitionem , quam temere ad jus devocant sensumque privatum.

3. Intendendi hic sane nobis nervi omnes industriae et ingenii , nec permittendum ut in tanti momenti re ullae nostrae partes desiderentur. Patrocinium enim suscipimus verae religionis ; agitur fides catholica , aguntur ecclesiae jura , agitur sanctorum doctrina , tranquillitas imperii , salus populorum , sempiterna hominum felicitas , quae omnia extra veram religionem frustra requiras , siquidem in ea unice continentur.



DE VERA RELIGIONE

PARS I.

ADVERSUS INCREDULOS

4. Propositum quidem nobis erat exordiri a facto ipso constituendo, sive ab existentia divinae revelationis ostendenda. Ilac enim semel constituta ac vindicata, continuo per se omnia evanescerent, quaecumque ab incredulis ad divinae alicujus revelationis vel possibilitatem vel necessitatem impugnandam sunt excogitata; essetque haec compendiaria prorsus via ad omnes revelatae religionis hostes profligandos. Ne tamen videamur novitati studere, atque aliud quam quod tritum est iter velle insistere, tum maxime ne juvenes iis destituantur praesidiis, quae ad divinae revelationis possibilitatem atque necessitatem adstruendam in medium afferri soleant, in quatuor praecipua capita hanc priorem tractatus partem distribuimus; in quorum primo de divinae revelationis possibilitate, in altero de ejus necessitate, in tertio de notis quibus vera a falsis distinguitur, in quarto demum de existentia disseremus.

CAPUT I.

DE DIVINAE REVELATIONIS POSSIBILITATE

5. Revelatio, prout hic accipitur, est alicujus veritatis vel plurium etiam veritalum manifestatio; quae si a Deo, atque extraordinario quidem, id est supernaturali (1), ut dicunt, modo, praeter consuetum nempe

(1) Vox *supernaturalis* diversis in sensibus intelligi potest: quo in sensu hic a nobis adhibeatur, ex totius quaestionis tenore intelligitur.

providentiae ordinem fiat, divina nuncupatur (1). Manifestari autem aliquae veritates a Deo possunt vel homini singulari, seu singularibus hominibus, ita ut per istos ceteri edoceantur, vel omnibus indiscriminatim. Si omnibus prorsus hominibus fieret ejusmodi manifestatio, tunc revelatio *generalis* ac *communis* vocaretur; sin vero peculiaribus a Deo electis hominibus, *peculiaris* ac *privata*. Revelatio illa, quae alicui immediate a Deo fit, dicitur *immediata*; si ista ad alios perveniat, *mediata* nominatur.

6. Rursus ex iis, quae a Deo manifestari possunt, alia sunt, quae hominis captum minime excedunt, alia, quae omnino superant, ac *mysteria* propterea vulgo dicuntur.

7. Jam vero ex incredulis alii sunt, qui possibilitatem quaecunque revelationis inficiantur; alii minus saltem accomodatam homini traducunt revelationem mediatam, quae nempe hominum ministerio, ut notavimus, ad alios perveniat; alii denique revelationem tantummodo mysteriorum, veluti impossibilem impugnant, quibus omnibus totidem propositiones opponimus.

PROPOSITIO I.

Possibilis est divina revelatio immediata

8. Possibilis enim divina censenda est revelatio, si neque repugnet ex parte Dei revelantis, neque ex parte

(1) Quae quidem adnotavimus ad excludendum *rationalismi* nuper inducti systema, juxta quod non alia datur revelatio quam per rationem rite excultam, vel etiam, ut nonnulli addunt, a Deo excitam ad veritates cognoscendas; ac per hoc distinguitur a *naturalismo* striete sumpto; isti omnes quaecunque, ul vocant, *supernaturalismum* rejiciunt. Hiorum elenchum et placita exponit Jul. Aug. Lud. Wegscheider, *In-*

stitut. theologiae christianae dogmaticae, edit. vi, Halae 1828. Hunc auctorem protestantem vere vocaveris rationalistarum signiferum, qui ad certam methodum illorum doctrinam redegit. A Kantii philosophia magna ex parte originem suam agnoscit *rationalismus*, quem plures in Germania sequuli sunt, Fichte, Koppen, Niehammer, Grohmann, Nitsch, alique apud eundem, *Proleg. de relig.* c. 1. §. 9. et seqq.

hominis revelationem excipientis, neque ex parte rerum revelatarum. Jam vero nulla ex parte repugnat.

9. Non utique ex parte Dei, qui quum infinite sapiens ac potens sit, ideo aliquas potest veritates manifestare, innumerosque habet in promptu modos ea quae ad se spectant, vel voluntatem suam patefaciendi. Neque hoc profecto quisquam, nisi atheus, in dubium vocabit; nam si homo potest sensa sua alteri aperire, quidni possit Deus?

10. Neque vero ex parte hominis, qui quum intelligentia ac ratione praeditus sit, nulla certe re vetatur, propositum sibi veritatem excipere, sicut et alia quaecunque solent cum ipso ceteri homines communicare.

11. Neque tandem ex parte rerum revelatarum: si enim istae conferant ad majorem Dei cognitionem et gloriam et ad hominum utilitatem, nihil impedit, quominus objectum esse possint divinae manifestationis, ut patet.

12. Haec magis confirmantur ex communi hominum sensu, qui nullam unquam repugnantiam invenerunt in ejusmodi revelationibus, uti constat ex historia omnium gentium, quae revelationes sive veras sive fictas admitterunt. Ergo.

DIFFICULTATES

13. Obj. 1. Nos modum assequi non possumus, quo Deus aliquas veritates manifestet; incerta praeterea 2. ambiguaque semper res est revelatio, nunquam enim ille qui revelationem accipit, ita certus de ea esse potest, ut nullam moveat suspicionem erroris atque fallaciae: et sane 3. plures turpiter quovis tempore decepti sunt circa internas ejusmodi inspirationes, quae non nisi lusus turbatae mentis fuerunt, imaginationesque falsae, quales sunt quae dormientibus occurrunt. 4. Denique divinam dedecet majestatem, se eo usque demittere, ut creaturas tam miseras alloquatur. Ergo.

14. Resp. ad 1. *D.* Non possumus determinatum ali-

quem modum assignare , quo Deus aliquas veritates manifestet , *Tr.* vel *C.* non possumus saltem in genere diversos assignare modos , quibus Deus ad aliqua manifestanda uti possit *N.* Potest enim Deus suam patefacere voluntatem vel aliquas patefacere veritates sive per somnia , sive per aliquam loquutionem , sive per signa , sive per symbola , sive quacunque alia ratione , quam ipse noverit ; nos vero minime tenemur determinare potius unum quam aliud medium , quo ipse uti maluerit.

15. Ad 2. *D.* Per se , *Tr.* spectato fine , quem Deus intendit , *N.* Quum enim Deus ad alicujus bonum , et a fortiori si ad bonum multitudinis dirigat illam veritatem , quam manifestat , potest ac debet ita certum de ea facere hominem , cui eam enuntiat , ut nulla ipsi dubitatio esse possit et omnem tollat metum deceptionis. Alioquin aliquid majus efficere posset homo , quam Deus.

16. Ad 3. *D.* Ex iis , qui veram revelationem non habuerunt , *C.* qui veram habuerunt , *N.* Non eadem profecto ratione disserendum est de iis , qui veram revelationem habent , ac de iis , qui non habent ; isti utique illudi decipique possunt , existimantes se aliquam revelationem habuisse , quum reipsa non habuerint. At qui vera revelatione divina donati sunt , tali pollent subjectiva , ut ajunt , certitudine , ut nullo modo decipi possint , quia quando loquitur Deus vel aliquid efficit atque operatur , sapientissimus et providentissimus quum sit , talia exhibet suae operationis signa , quibus omnis errandi formido prorsus ahigatur.

17. Dices : difficultas versatur in homine distinguendo , qui veram habeat revelationem ab homine , qui fictam habet ; ergo.

18. Resp. praeter intimam certitudinem de qua modo diximus , non deesse extrinseca signa ad homines hujusmodi tuto recognoscendos , e. g. vitae sanctitatem , miracula , prophetias eventu comprobatas , testimonium alio-

rum prophetarum, objectum ipsum revelationis, universalem quandam approbationem, etc. quae quidem omnia aliaque horum similia si in alicujus revelationis confirmationem concurrant, jam nullus superest fraudi metuendae locus.

19. Ad 4. N. Quid Deum debeat vel dedecet, nostrum semper expendere non est. At Deum dedecere hominem affari et alloqui in iis potissimum, quae conferunt ad ejus bonum ac felicitatem, nemo dixerit, nisi insanus et impius. Deum non dedecuit hominem concedere et quidem ad felicitatem, cum propterea nec dedecet viam tutam eidem homini indicare, qua ad optatam beatitudinem possit pervenire.

PROPOSITIO II.

Possibilis est divina revelatio mediata

20. Ea scilicet possibilis est revelatio, qua homines alii revelatas divinitus veritates per alios edocantur, qui eas a Deo immediate acceperunt, seu per eos quos Deus ipse ejusmodi veritates edocuit.

21. Etenim ex praecedenti propositione possibilis est revelatio immediata; recte ergo possibilem esse revelationem mediatam infertur: quas enim divinitus homo accipit veritates, potest cum ceteris communicare. Si quid difficultatis occurreret, ea non tam ex parte rei, quam ex parte hominum ceterorum proveniret, qui revelationes nuntianti fidem minime haberent; at si revelatio a Deo reipsa ortum ducat factaque sit in commune bonum, praesto erit Deus ipse subsidiis extrinsecis superius recensitis, praesertim vero miraculis et vaticiniis, ut fides tuto ei adjungi possit ac debeat; quae si desint, nemo sane est, qui assensum revelationem adstruendi praebere teneatur.

22. Ad assertionis confirmationem huc pariter accedit

conspiratio omnium gentium, quae, quin absurdi quidquam in hac agendi ratione viderint, pronas potius anres praebuerunt illis hominibus, qui se a diis missos tradebant, ut eas ad officia religionis, legum ac morum recte instituerent, uti de Minoe legitur, Lyeurgo, Numa, aliisque, qui ita comparatis hominum animis abusi sunt ad auctoritatem sibi suisque institutis conciliandam. Ergo.

DIFFICULTATES

23. Obj. 1. Revelatio mediata fraudibus innumeris obnoxia est; 2. nec solum privati homines, sed integri quandoque populi decepti sunt; eo vel maxime, 3. quod media ad fraudem delegendam omnino certa non suppelant; et si quae essent, 4. nonnisi moralem certitudinem parere possent, quae profecto omnem prorsus errandi formidinem nunquam excludit; 5. longe proinde satius esset, si homines singuli a Deo veritates edocerentur, quae homini scitis necessariae sunt, prout veritates naturalis religionis per rationem edocuit, quaeque jure revelatio primitiva nuncupatur. Sic nulla jam superesset de religione controversia: sufficeret enim internam hanc vocem consulere; ergo.

24. Resp. ad 1. *D.* Si nulla haberemus media ad veram revelationem discernendam a falsa, *C.* si talia media habeamus, *N.* Quae vero ea sint, superius exposuimus.

25. Ad 2. *D.* Decepti sunt ex defectu accurati examinis, *C.* quasi non potuissent ullo modo fraudem delectare, *N.*

26. Ad 3., *N.* Ut ex dictis patet.

27. Ad 4., *N. minor.* Si enim moralis certitudo sit summa atque perfecta, aeque ad assentiendum impellit, ac certitudo physica et metaphysica, atque in hanc demum resolvitur, omnemque proinde errandi formidinem

tollit. Quandonam vero habeatur summa haec moralis certitudo, a logicis et criticis traditur.

28. Ad 5. D. Si homines ita comparati essent, ut nunquam ea abuti possent aut vellent, C. si cupiditatibus obruti valde proni sint ad ea abutendum, N. Nempe eodem modo ac homines cupiditatibus irretiti abusi sunt rationis lumine, quod omnibus affalget, atque in absurda non pauca lapsi sunt, sic etiam communi ejusmodi revelatione abutereantur, eaque ad cohonestanda turpia quaeque deducerent, quin unquam argui possent falsitatis. Singuli enim a Deo ea se acceperisse affirmarent, quae non essent nisi propriae mentis deliria, ac totidem essent religiones quot capita, prout evenisse in ea, quam ipsi vocant primitivam revelationem, experientia demonstrat. Quare et hoc habetur emolumentum ex mediata revelatione, quod scilicet unitas atque consensus, quae sunt praecipuae verae religionis notae, inde exsurgant, tum publica hominum societas atque professio, necnon publicum societatis istius et professionis vinculum. Alioquin, ne fraudi daretur locus, a singulis efflagitanda essent miracula et valcinia, quod quam absurdum sit, nemo non videt.

29. Atque hinc responsio patet ad ea, quae in confirmationem adducuntur; ex dictis enim constat, neutiquam controversias de religione sic fore ablegandas, quin potius viam latissimam apertum iri *enthusiasmo*, uti perspicuum est, et amplius confirmari posset exemplis non sane paucis nec obscuris ex recentioribus sectis, quae tum in Anglia, tum in foederalis Americae septentrionalis provinciis maxime vigent (1). Neque enim homo in abstracto, seu prout a nolus fingitur, spectari debet, sed qualis reipsa est.

(1) Nonnulli ex istis sectariis adeo progressi sunt, ut sibi a Deo nefaria quaeque et homicidia ac parricidia

imperata effutierint. Non pauca exempla videri possunt in controversiis episcopi Milner, quae suo loco afferemus.

PROPOSITIO III.

Possibilis est revelatio illarum veritatum, quae mentis nostrae captum excedunt, seu est possibilis mysteriorum revelatio

30. *Mysterium*, quod idem significat ac *res arcana*, ut ex propositionis enuntiatione colligitur, hic accipitur pro *veritate*, quae longe ab intelligentia nostra disjuncta sit; non eo quidem sensu quod plane nos lateat ejusmodi *veritas*, cujus terminos vere cognoscimus, sed quod terminorum ejus uexum non assequamur, quo fit; ut ejusmodi *veritatem* minime comprehendamus. Negant deistae, *mysteria* posse a Deo revelari, ast frustra; etenim

31. Dantur *veritates*, quae mentis nostrae aciem superant; ergo Deus potest eas manifestare, seu possibilis est *mysteriorum revelatio*.

32. Quod dantur ejusmodi *veritates*, nemo sanae mentis inficiari potest: tales enim sunt, quae naturam hominis spectant, tales, quae naturam spectant corporum omnium, quae nos circumstant. Hominem anima et corpore constare compertum est, qua vero ratione existat conflaturque compositum utriusque, quomodo in corpus anima ac vicissim in animam corpus agat, plane nos praeterit. Ignorant philosophi quatenam sit corporum natura; tota qua late patet haec rerum universitas *mysterium* est. Recentiores ipsi physici, licet non parvos progressus fecerint in cognitione naturae, legesque multas et vires deprehenderint, fatentur tamen abdite latere adhuc istarum virium causas, et esse, ut quidam (1) ex ipsis ait, *qualitates ocellas*. Quidni igitur dantur ejusmodi *veritates* in Deo, cujus infinita prorsus natura est?

(1) Blumenbach, *Man. d' hist. nat.* tom. 1. sect. 2. §. 9.

33. Jam vero, si dantur hae veritates, nihil ob stare potest, quominus Deus eas nobis manifestet, si ita ipsi placuerit sive ad exercendam fidem nostram, sive ad capiendum nostri in eum obsequii atque obedientiae experimentum. Nulla profecto in hoc invenitur repugnantia. Ergo.

DIFFICULTATES

34. I. Obj. 1. Ipsa mysterii notio excludit ejusdem revelationem: revelare enim est patefacere quod occultum est; si igitur mysterium revelatum est, jam non est occultum sive mysterium. 2. Repugnat praeterea revelare, quod homo ratione sua assequi non possit; tum quia nullum esset emolumentum incognitae sive occultae veritatis: perinde enim esset, ac lingua ignota loqui, in qua nihil praeterea haberetur, quam sonus inanis verborum; tum quia mysteria ob insitam obscuritatem esse non possunt nisi perpetua feraxque disputationum ac discordiarum seges, uti experientia ostendit, ex qua deprehendimus totum christianorum zelum imo et religionem collocatam fuisse in fide atque praetensa orthodoxia tuenda, id est, in verborum formulis sensu vacuis acriter propugnandis. Quare 3. si juxta Lockium nemo assentiri propositioni potest, cujus termini non comprehenduntur, neque modus intelligitur, quo vel affirmantur vel negantur ad invicem; recte ipse concludit, nos nullum posse mysterio assensum praebere; ergo.

35. Resp. ad 1. *Vel N. vel D.* Revelationem excludit intrinsecam, seu quoad ejus naturam, *C.* extrinsecam seu existentiam, *N.* Ad prob. *revelare est patefacere*, etc. *D.* In se, *Tr.* vel *C.* prout hic accipitur pro manifestatione nempe existentiae, *N.* Ludunt igitur deistae in ambiguo, dum talia opponunt; atque hinc patet responsio ad illationem, *si igitur mysterium revelatum est, jam non est mysterium.* Non est profe-

cto mysterium ex ea parte, qua revelatum est; al mysterium remanet quoad intimam sui naturam, quae revelata non est.

36. Ad 2. *N.* Ad 1. autem prob. *Quia nullum esset emolumentum incognitae sive occultae veritatis*, *D.* si esset omni ex parte incognita et occulta, *C.* si ex parte tantum, nempe quoad nexum terminorum, *N.* Nam mysteria, quae per revelationem proponuntur, ut ex dicendis suo loco patebit, non sunt omnino incognita; atque ut exemplis res plana fiat, quum dicimus in una divina natura tres esse personas, duas ideas enunciamus nobis bene cognitae, licet non assequamur modum, quo in una simplicissima natura tres distinctae personae subsistant; sic etiam quum dicimus in Christo duas esse naturas subsistentes in una divina persona, duos pariter terminos proferimus nobis cognitos, etsi non intelligamus, qua ratione duae naturae in una persona subsistant; atque ita porro de ceteris mysteriis a fortiori dicatur. Inde magnum nobis emolumentum provenit, quum ejusmodi mysteria longe splendidiorem Dei ideam praebeant, ac basim ac fundamentum constituent firmissimum moralium virtutum et officiorum, atque incitamento sint ad sublimiorem perfectionem, ut infra evolvemus, capessendam. Ad confirmationem, *perinde esset ac lingua ignota loqui*, *N.* Etenim ex adductis exemplis corruit vana ejusmodi assertio: certe quum dicimus, Dei filium ad salvandum humanum genus, naturam humanam assumpsisse, atque ad expianda hominum crimina se victimam obtulisse, non loquimur lingua sinensi aut malabarica, cujus nonnisi vacuum sonum percipiamus, ut deistae autumant. Ad 2. prob. *mysteria ob insitam obscuritatem*, etc. *D.* Respectu illorum, qui omnem legitimam auctoritatem rejiciunt vel eidem non obsequuntur, *C.* respectu illorum, qui, ut par est, ejusmodi auctoritatem venerantur, *N.* Non igitur ex mysteriorum na-

tura, sed ex defectu debiti obsequii erga auctoritatem a Deo constitutam ejusmodi controversiae ortae sunt, atque in dies oriuntur. Ceterum non solum circa mysteria, sed circa quoslibet religionis articulos ex ingenii humani abusu quaestiones motae sunt atque moventur. Ad confirmationem, *experientia ostendit*, etc. *N.* Istae enim non sunt nisi deistarum declamationes et calumniae. Quod si ecclesia catholica semper sollicita fuit in custodiendo fideliter divinarum veritatum deposito sibi a Deo concesso, munere suo functa est; alioquin jam funditus eversa foret tota christiana religio. Quod vero subdunt de formulis verborum sensu vacuis, satis disjectum est ex responsione ad 2.

37. Ad 3. *D.* Quod tamen falsum est, ideoque rejiciendum, *C.* verum et admittendum, *N.* Lockius enim ad evertenda christianae religionis mysteria tale principium adstruxit, quod omnino est repudiandum: necesse enim non est ad assensum alicui propositioni praestandum, ut termini eorumque relatio mutua comprehendantur; sed satis est, ut eorum notio aliqua habeatur licet obscura et incompleta; alioquin deberent rejici omnia mysteria metaphysica et matheseos ipsiusque naturae, quae pauca non sunt, ut prae ceteris ostendit Cl. Feller (1), nec diffitentur deistarum coryphaei, Voltaire, Hume, Diderot alii-que (2). Quis autem hoc feral? Caecus natus nunquam adduci posset ut ea crederet, quae de lucis phaenomenis ceteri homines testantur, et rudes ut absurda improbare deberent geometricae theoremata, quorum demonstrationem non assequuntur. En quo ducal lockianum principium a deistis celebratum (3).

38. II. Obj. 1. Homo ratione praeditus nihil admittere debet, nisi quod ratio et evidentia verum esse de-

(1) *Catéchisme philosophique*, suite du livre iv. chap. 5. art. 1. les Mystères en général, § 413 et seqq.

(2) Loc. cit.

(3) Consulatur quoque Bergier in *Diction. théol.*, art. *Mystères*.

monstret. Ideo enim Deus intelligendi facultate hominem instruxit, ut intelligeret, eaque veluti duce et magistra interetur praesertim in religionis negotio, quod est omnium maximum. Quare 2. quum religio essentialis debeat esse omnibus hominibus communis, ita debet omnibus evidens esse, ut a quolibet etiam rudi plane intelligatur: neque enim homines ex imperio, sed ex persuasionem credunt, ubi scilicet eos moverit rerum perspicuitas atque evidentia: talis autem esse non potest, quae proponit credenda mysteria. 3. Sane Deus noster, inquit J. J. Rousseau (1), non est Deus tenebrarum, sed lucis; nec nos intellectu instruxit, ut nihil intelligeremus, nec rationem concessit, ut eidem repugnaremus. Quae magis confirmantur ex Bayle animadversione, qui non uno in loco observat, 4. mysteria ex eo quod sint supra rationem, hoc ipso esse contra rationem, quum non sint rationi conformia; quod exemplo turris longius conspectae declarat, quae, quum quadrata sit, ratione distantiae apparet rotunda; hinc affirmanti eam esse quadratam credere teneor contra id, quod oculi de ejus rotunditate testantur. Hinc factum est, 5. ut nulla falsa religio revelata perhibeatur, quae sua non habeat mysteria, uti sinensis, japonica, etc., scilicet ut in rudium animos facilius dominarentur. Optime propterea 6. concludit Gibbon (2), hanc semper fuisse artem condendae religionis, praebere nempe credenda mysteria, quae non intelligantur, et ritus praescribere, quorum nulla ratio assignari possit. 7. Quod tamen est contra Apostoli (3) monitum: *rationabile obsequium vestrum*. Ergo.

39. Resp. Ad 1. *D.* Nihil admittere debet, nisi quod ratio et evidentia verum esse demonstrat evidentia vel intrinseca vel extrinseca, *C.* intrinseca tantum, *N.* alio-

(1) *Emile*, tom. III. pag. 129, 139, 140 et seqq.

(2) Gibbon, *The history of the decline and fall of the roman empire*,

in 8. London, 1823. c. 16 et seqq.

(3) Τὴν λογικὴν λατρείαν ὑμῶν. ad Rom. 12, 1.

quin omnes, ut observavimus, deberent rejici veritates, quarum intrinsecam naturam evidenter ratio non assequitur, quod est absurdum, nec ab adversariis conceditur. Ad probationem, *ideo Deus intelligendi facultate*, etc. *D.* ut intelligeret ea, quae ipsius limites non excedunt, *C.* quae excedunt, *N.* In his enim officium rationis est, expendere momenta, quae auctoritati insunt ejusmodi veritates proponenti, seu credibilitatis motiva diligenter aestimare, quae secum fert negotium omnium utique maximum, quale est religio.

40. Ad 2. *D.* Debet esse omnibus evidens evidentia extrinseca, *C.* intrinseca, *N.* Recolantur superius dicta. Ad confirm. *neque enim homines ex imperio*, etc. *D.* id est, praemisso accurato ac diligenti examine motivorum credibilitatis, *C.* id est, perpensa intima mysteriorum natura, quam assequi homines non possunt, *N.* Responsio patet ex dictis; hinc negatur sequela, quod non possit esse homini essentialis religio, quae proponit mysteria credenda.

41. Ad 3. *D.* In se, *C.* respectu nostri, *N.* Nimio siquidem laevine perstringitur quodammodo acies mentis nostrae, eadem prorsus ratione ac corporis oculis evenit, si solem adversum intueamur, cujus vim radiorum oculi nostri non ferunt. Ad confirm. *nec nos intellectu instruxit*, etc. *D.* In iis, quae intellectui pervia sunt, *C.* in iis quae intellectus attingere non potest ob suam infirmitatem, *N.* Recolantur quae dicta sunt circa mysteria naturae et agendi rationem cacci nati. Nego praeterea nos debere repugnare rationi nobis a Deo concessae, dum mysteria credimus. Nullam enim repugnantiam videt aut videre potest ratio in mysteriis. Repugnantia non est nisi clara duarum idearum oppositio, nihil vero tale in mysteriis occurrit (1).

(1) Consulatur Bergier, *Traité de la vraie religion* tom. III, edit. Paris 1784. pag. 318 et seqq.

42. Ad 4. *N.* Etenim *supra rationem* id dicitur ,
cujus intimam veritatem comprehendere non possumus ;
contra rationem vero id , quod evidentiae principii est
plane contrarium. Nunquam vero Bayle suis paralogismis
ostendere potuit mysteria principii evidentiae adversari (1).
Hinc ad 1. confirm. *quum non sint rationi confor-*
mia , *D. positive* , quasi nempe haberetur aliqua po-
sitiva oppositio mysteriorum cum ratione , *N. negative* ,
quasi nempe haberetur tantum negatio conformitatis cum
ratione in iis , quae sunt superioris ordinis , seu non co-
gnosceretur conformitas mysteriorum cum rationis prin-
cipiis , *C.* Haec enim tria distinguenda , perpetuoque re-
tinenda distinctio haec est , scilicet 1. quaedam relate ad
nos cum ratione congruere ; 2. quaedam eidem opponi ;
3. denique quaedam nec cum ratione congruere , nec
cum ipsa pugnare , quia sunt *supra rationem* , excellen-
tioris videlicet ordinis , ad quem ratio limitibus circum-
scripta pertingere nequit. Sane ipse Bayle (2) principii
loco constituit , nullum discriminis interesse inter haec
duo , videlicet si objecti alicujus possibilitatem non com-
prehendas , et si ejusdem comprehendas impossibilitatem.
Primum negativum est , et ad hoc referuntur mysteria ;
alterum est positivum ; talia vero esse mysteria nunquam
evinct Bayle cum suis asseclis. Ad 2. confirm. dedu-
ctam a similitudine turris eminens inspectae , negamus
ex dictis paritatem , quum sensus nisi rite applicati sint ,
aliter repraesentent objectum ac reipsa sit , quod de ra-
tione dici non potest , dummodo ea recte utamur. Nam

(1) Consulatur S. Thom. *lib. I. contra gentes* , c. 7. ubi invicte ostendit , nullam inveniri posse repugnantiam inter mysteria , quae humanae rationis capacitatem excedunt , atque rationem ipsam ; quum idem Deus , qui est auctor rationis , sit auctor pariter revelationis , ex quo infert quaecunque argumenta *contra fidei do-*

cumenta ponantur , non ex principiis primis naturae inditis per se notis recte procedere : unde nec demonstrationis vim habent , sed vel sunt rationes probabiles vel sophisticae , et sic ad ea solvenda locus relinquitur.

(2) *Diction. art. Spinoza.*

licet turris quadrata e longinquo visa , id exigentibus opticae legibus , appareat rotunda , sensus tamen nihil praecise testantur circa ejus rotunditatem vel quamlibet aliam figuram , quum ratione distantiae angulos et sinuositates non distinguant. Quare qui fidem tribuit testanti de quadrata turris figura , quum incertus de ea sit , nihilque affirmare possit , quippe quam e longinquo prospicit , vel eallet hic opticae leges , vel eas ignorat. Si primum , sibi repugnare non debet ; si alterum , non tenetur nisi suam ignorantiam fateri eamque deponere , dum , qui propius eam intuitus est , testatur esse quadratam , quum ipse in tanta distantia cognoscere non possit , utrum revera turris sit rotunda utrum vero quadrata. Eadem ratione gerere quisque se debet circa mysteria , quorum conformitatem cum ratione licet ipse non videat , ob auctoritatem tamen Dei testantis illa eum ratione non pugnare , id sibi persuasum habere debet , eorumque veritatem admittere.

43. Ad 5. *D.* Ad ingenium conficta absque ulla eum doctrina morum relatione et absque ullo fundamento , *C.* qualia in religione christiana exhibentur *N.* Recolantur superius dicta circa utilitatem mysteriorum (1).

44. Ad 6. *D.* Quoad eos , qui absque divina missione proprio Marte religiones euderunt , *Tr.* quoad verae religionis praecones *N.* Jam vero hic observanda est per-versa agendi ratio , qua utuntur increduli , ut invidiam consent sanctissimae religioni nostrae , suumque faciant incautis ; scilicet veram religionem eum falsis comparant , eandemque imitando revelationes effingunt , et imperitis obtrudunt (mendacia siquidem , ut fidem inveniant , induere debent veritatis speciem) ; ea tamen si pertentes et exeutias , continuo malitiam deprehendes , iuanemque simulationem veritatis. Porro nihil quiequam con-

(1) Cons. Bergier *Diction. theol. artic. Mystères.*
Tom. I.

mune est inventis hominum, fabulisque superstitionum cum systemate sibi ex omni parte cohaerente verae religionis, in qua sic omnia inter se connexa aptaque sunt, ut unitatem summam efficiant ac in sui admirationem rapiant vel invitos. Profecto mysterium SS. Trinitatis est fundamentum mysterii dominicae incarnationis, quod rursum supponit mysterium peccati originalis ejusque in omnes Adae posteros propagationis, ex quibus mire elucet divinae naturae ejusque attributorum, omnipotentiae, sapientiae, bonitatis, misericordiae, justitiae excellentia, nec non generis humani se prodit infirmitas. Hinc liquet aliud omnino esse agere de mysteriis in abstracto, ut deistae solent, aliud ea considerare in concreto, prout a religione proponuntur.

45. Ad 7. *D.* Id est, perpensis credibilitatis motivis, quae hominem ad assentiendum inducunt, *C.* id est, perpensa intima mysteriorum natura, ut alias diximus *N.* Si tamen hic Apostolus loquitur de obsequio fidei praestando, et non potius de moderata corporis afflictatione. At deistarum parum interest verum sensum attingere scripturarum.

CAPUT II.

DE REVELATIONIS NECESSITATE

46. Revelationis divinae nomine, ut ex superiore cap. compertum est, hic intelligimus supernaturalem illam Dei operationem, qua peculiare homines quasdam a Deo veritates edocti sunt, quibus ipsi deinde homines reliquos ad religionem et officia instituerent.

47. Gravissimam hanc inimus disputationem non solum adversus veteres recentioresque deistas, sed etiam adversus nuperos rationalistas, qui non aliam revelationem agnoscunt praeter *naturalem*, sive manifestationem Dei, quae fit per opera naturae, quamque in *univer-*

salem seu communem dividunt et in *particularem*. *Universalis* porro ex eorumdem sensu *ea est*, quae *naturalibus animi facultatibus aliisque universae rerum naturae praesidiis efficitur*, quibus homo ad concipiendam colendamque rerum divinarum notitiam adducitur. *Particularis vero eademque mediata* (1) *ea est*, quae continetur complexu rerum secundum naturam evenientium, quibus Deo auctore nonnulli homines praeceteris excitati sunt ad verae religionis principia cognoscenda, eaque popularium quidem desiderijs accommodata insigni cum successu alijs tradenda (2).

48. Antequam vero ad rem propius accedimus, majoris perspicuitatis gratia animadvertimus, objectum revelationis esse posse vel veritates ordinis humana ratione superioris; cujusmodi mysteria esse diximus, necnon ea, quae a libera Dei voluntate pendent, quaeque seposita revelatione ab homine cognosci nulla ratione possent; vel veritates, quae rationis humanae limitibus continentur; cujusmodi sunt ea, quae ope ratiocinationis homo assequi absolute potest, e. g. Dei existentia, animorum immortalitas, officia quibus homo Deo, sibi, societatiq; obstringitur, aliaque hujusmodi.

49. Age porro dum divinae revelationis necessitatem adstruimus, non hanc volumus intelligi de veritatibus

(1) Hoepfner, *De discrimine mediatae et immediatae Dei efficaciae rectius intelligendae*, Lips. 1823. pag. 21, sic rem explicat: *Qui mediatam Dei efficaciam turnunt, ii recte discernunt inter cognitionem ejus subjectivam et objectivam. Nec igitur Deum, si objective spectatur, immediate in mundum agere negant; sed potius eum omnia, quaecunque tandem fiant, immediate perficere affirmant. Negant vero Deum, si subjective a nobis spectatur immediate operantem a nobis cognosci seu sentiri posse. Quam pulchra haec sunt et perspicua! Id ipsum tradit*

inter ceteros Baumgarten Crusius *Pr. de notionibus mediati et immediati in disciplina theologia*, Jenae, 1827; F. Fischer, *zur Einleit. in die Dogmatik. der Ev. Kirche*, seu *introductio in theol. dogmaticam evangelicae ecclesiae*, Tübingae, 1828, pag. 88 et seqq.

(2) Sic totum systema exponit Wegscheider, op. cit. proleg. 1, § 12. Unde intelligimus, quo progressus s. l. protestantismus in Germania quantoque studio elaboret in omni penitus divina revelatione de medio tollenda.

primi ordinis , quum exploratum sit illarum cognitionem nobis necessariam non esse nisi hypothetice , quatenus nempe per earum cognitionem et fidem voluerit Deus nos adipisci salutem ; quum enim hoc revelationem potius supponat , quam adstruat , ex hac parte necessitatem , quam intendimus , evincere non possumus.

50. Restat proinde , ut ad veritates secundi ordinis necessitatem revelationis , de qua loquimur , referamus.

51. Quum autem hujus secundi ordinis veritates rationis humanae finibus concludantur , easque propterea humana ratio absolute cognoscere possit , plane consequitur , nos haud posse instituere controversiam de necessitate , ut dicitur , *absoluta* , sed solum de necessitate , quam vocant , *moralis* ; itaque hoc sensu necessariam revelationem esse defendimus.

52. Ad declinandas vero innumeras prope tricas , quas movent adversarii , contra quos agimus , circa humanae rationis vires , circa hominis dignitatem et conditionem , in quas injuriose nos agere clamant deistae ac rationalistae , eas deprimendo ad adstruendam nostrae revelationis necessitatem ; praeterea ne petere videamur principium , ut iidem rursus conqueruntur , dum naturae humanae infirmitatem ex peccato primi parentis inductam supponimus ; ad haec , inquam , incommoda delivanda , brevior nobis pro re , de qua agimus , via visa est , quae procedit ex *facto* , atque ab experimento , et quidem publico , universali , constanti , quodque a nemine in dubium vocari potest.

53. Duo enim ex historicis omnibus monumentis certa sunt , 1. universum humanum genus sibi relictum a veritatis tramite turpiter plus minus aberrasse , sive circa cultum , sive circa mores et officiorum principia ; 2. nunquam populos revocari ad sana principia potuisse ex humana sapientia et industria. Jure proinde ex his inferimus , necessariam esse aliquam supernaturalem re-

velationem, tum ut homines dignum Deo cultum ac cetera quae hominis propria sunt amplectantur, tum ut in officiis ejusmodi contineantur. Sic igitur procedimus

PROPOSITIO I.

Ex eo, quod nullus populus divina revelatione destitutus dignum Deo cultum exhibuerit, atque in absurdos contra sanae ethices principia errores delapsus non fuerit, jure infertur divinae supernaturalis revelationis necessitas

54. Quum in prima propositionis enunciatae parte agatur de facto omnibus comperto atque ab omnibus admissio, nemine prorsus reclamante, possemus quidem illud supponere; juverit tamen nonnulla summatim attingere ex veteribus monumentis ad ejus confirmationem.

55. Ac primo quidem, gentes revelatione destitutas plures coluisse deos explorata res est. Astrolatria apud orientales praesertim populos, chaldaeos, persas, phoenices obtinuit (1). Fuit pariter apud antiquissimos orientales populos, seu religionis ac theologiae ipsorum fundamentum, doctrina de duobus principiis (2), quae adhuc perseverat apud indos, et japonos. Aliqui animantia bruta, imo et virgulta et caepas, ut aegyptii (3), fere omnes vero simulacra ut deos venerati sunt. Licet autem fateamur, non omnes fortasse adeo stolidos fuisse, ut ligna et lapides tanquam deos habuerint; si tamen ingenui sumus, nec apertissimis monumentis volumus contradicere, inficiari haud possumus, vulgo velut deos ejusmodi simulacra et habita et culta fuisse (4). Graeci et romani

(1) Cons. *Voyages de Cyrus*, par M. de Ramsay, in-8.

(2) Ibid.

(3) Conf. Jos. Flav. *Contra Appio-*

nem, l. 1, c. 9, n. 3, et l. 11, c. 4.

(4) Conf. Gerdil, *Saggio d'istruzione teologica*, De Deo uno; ubi refert tyrios calenis vixisse Illecu-

genios praeterea, heroes sive vivos sive defunctos ut numina venerati sunt (1); mitto dicere de reliquis gentibus, quippe nota historia est et pervulgata apud omnes.

56. Exploratum pariter habemus ethnicae gentes cupiditates et vitia omnia diis suis tribuisse, eosque cupiditatum omnium atque vitiorum patronos exhibuisse, uti legere est apud veteres poetas, Homerum praesertim et Virgilium.

57. Certum denique est cultum omnem ethnicorum, obscenas effigies (2), festa (3), sacrificia, in quibus non eror tantum sed et ipse pudor sacrificabatur humanus (4), nummum gesta, praeterea templa (5), ritus, aliaque omnia, quae ad cultum spectabant vel referebantur, non fuisse nisi publicum perpetuumque scelerum quorumcunque et flagitiorum irritamentum; adeo ut cultum ejusmodi vere dixeris vitiorum omnium apotheosin. Non potest quin toto animo commoveatur et perhorrescat, quisquis legat, quae apud Originem (6), Tertulianum (7), Clementem Alexandrinum (8) et Lactan-

ti simulacrum, ne aufugeret; sic Guineae incolae hodieum simulacra sibi coningere, quae vocantur ab ipsis *Fetiches*, quibus vim tribuunt et virtutem divinam. Omitto, quae ex scriptura afferri possent monumenta, nec non ex Josepho Flav. Sed ad os obstruendum recentioribus incredulis, qui negant, veteres vere idola ut numina coluisse, satis est in medium proferre Horatii versus ex lib. 1, sat. 8:

Olim truncus eram, ficulus, inutile lignum;
Cum faber, incertus scamnum faceretne Priapium,
Maluit esse Deum. Deus inde ego.

(1) S. August. *De civ. Dei* l. 11, c. 15.

(2) Ibid. l. VII, c. 21. Conf. insuper Bern. Montfaucon, *L'antiquité*

expliquée et représentée en figures, Paris, 1719, tom. 1 et 11.

(3) Conf. S. August. loc. cit. et alibi passim, nec non Montfaucon, op. cit. tom. 11.

(4) Conf. Dionys. Halicarnass. l. 1; Plin. l. XXVIII, c. 1; Cleric. in annot. ad lib. 1 Hugonis Grotii *De verit. relig. christ.*; S. August. ep. 91, ed. maur.: *Non avis, non quadrupedes, non denique sanguis humanus, sed multo scelestius pudor humanus immolatus intereat.*

(5) Haec omnia recensita pariter sunt a Grotio loc. cit. et a Clerico in suis annot. documentis comprobata tum ad lib. 1 tum ad lib. 11.

(6) In lib. *contra Celsum*, praesertim lib. v.

(7) In *Apolog.* c. 14 et in lib. *De Idololatr.* c. 1 et seqq.

(8) In *cohortatione ad gentes.*

tium (1) de cruentis et obscenis ejusmodi superstitionibus referuntur (2).

58. Et haec quidem de cultu ; ex quibus colligi facile potest , quid in universum gentes circa mores et senserint et fecerint. Corruptionis scholae erant ipsorum theatra atque spectacula (3) ; fornicatio neque inter vitia quidem recensebatur (4) ; paederastia passim recepta erat (5) ; sicut et infantium expositio , etc. ; adeo ut pudeat nos tot truculenta et nefanda vel meminisse , quae tamen publico usu cohonestabantur ac ipsis legibus sanciebantur.

59. Illis itaque leviter adumbratis , turpe quippe foret in his diutius immorari , sic breviter argumentum adstringimus. Quaecunque demum sit humanae rationis vis , sive in vero ac digno Deo cultu decernendo , sive in sanae ethices principiis expendendis , quam adeo et deistae et rationalistae extollunt ; factum tamen est publicum , universale et constans , per plura saecula nullum populum , sive barbarum sive excultum , quamdiu revelatione destitutus fuit , tum cultum , qui Deo dignus esset , eidem exhibuisse , tum in turpissimos errores contra sanae ethices principia prolapsum non fuisse. Necessarium igitur est medium aliud supra humanam rationem positum ad homines recte instituendos sive circa cultum sive circa mores. Jam vero istud aliud esse non potest nisi supernaturalis atque divinum , seu quod idem est : Ex eo quod

(1) *De div. insti.* lib. 1 , qui inscribitur *De falsa religione* , tum passim in aliis earundem institutionum libris. Sed praeceteris vel inter ethnicos festive , ut solet , ridet Lucianus in dialog. *De sacrificiis*.

(2) Conf. *Mémoires pour servir à l'histoire de la religion secrète des anciens peuples ; ou Recherches historiques et critiques sur les mystères du paganisme* , par M. le baron de S. Croix. Paris , 1784. 1. vol. 8. ubi clarissimo in lumine lo-

tum hoc argumentum ponit.

(3) Satis est consulere Tertul. *Apologet.* c. 15 , tum *orationes* , quas in theatra habet s. Joan. Chrysost. Certo ipso Gibbon fatente , theatrum erat unus ex titulis , quibus poterant romani divortium facere cum propria uxore.

(4) Epictetus , *Enchiridii* , c. 47.

(5) Aul. Gell. l. xviii. c. 2. , et l. xiv. c. 11 ; Plutarch. in opusc. *De liberis educandis* , ante fin. opp. tom. 11. Parisiis , 1624.

nullus populus divina revelatione destitutus dignum Deo cultum exhibuerit, atque in absurdos contra sanæ ethices principia errores delapsus non fuerit, jure infertur divinæ ac supernaturalis revelationis necessitas. Huic autem propositioni majus robur accedit ex demonstratione sequentis propositionis.

DIFFICULTATES

60. Obj. 1. Præcipuum humanitatis attributum, quo a brutis maxime ipsa seceritur, est *perfectibilitas*; hinc licet aliquandiu a recto honestoque ipsa aberraverit, 2. concludi non potest, semper populos in eadem ignorantia atque erroribus mansuros fuisse. 3. Proximæ ejusmodi mutationis indicia sub finem romanæ reipublicæ sunt 4. generalis polytheismi contemptus, irrisio idololatriæ superstitionis in ore philosophorum admodum frequens, de quibus fidem faciunt veterum scripta, Tullii præsertim inter latinos ac postea Luciani inter græcos; 5. quædam denique ad mysticismum tendentia atque ad solitudinem, de qua inter ceteros Josephus Flavius (1) late disserit. 6. Non omnes præterea ejusmodi superstitionibus et vitiis obstringebantur; 7. plena sunt enim historica monumenta præclaris virtutum exemplis, quibus quovis tempore viri ac mulieres floruerunt, adeo ut 8. vel ipse Augustinus romanorum virtutes demiratus fuerit. 9. Unius summi Dei notio in hominum mentibus nunquam penitus oblitterata est, nunquam discriminis ratio inter justum et injustum, ita ut facinorosi semper poenis ac publica fuerint ignominia mulctati. 10. Frustra propterea ex generali illa populorum conditione infertur supernaturalis subsidii necessitas: quoniam ejusmodi medium insitum sit in ipsa rationali hominum natura, et *eas notiones, quæ ad re-*

(1) *Contra Appionem*, lib. 11, c. 13.

ligionem pertinent, ut verbis Wegscheider (1) utamur, *soli homines quasi sanctissimum peculium sibi vindicant*; ergo.

61. Resp. ad 1. *D.* In scientiis vel artibus, quae nullam ad mores ac religionem dicunt relationem, *C.* in iis, quae ad religionem pertinent, *subdist.* si nihil obstat ex parte cupiditatum, illecebrarum et exempli, *C.* positus ejusmodi obstaculis *N.* Nullum utique dubium est, *perfectibilitatem* attributum esse humanitatis, at in iis, quae moralem vivendi rationem non attingunt. In his enim luctuosa experientia ostendit, quod homo sibi relictus in plura sive speculativa sive practica errorum monstra delabatur. Non enim in abstracto homo sive humanitas spectari debet, sed in concreto, prout est malis cupiditatibus abstractus et illectus, pessimis exemplis circumventus, praepjudicatis opinionibus, quas ab infantia hausit imbutus, publica ac universali apud suos agendi ratione quodammodo raptus. Quanta vero horum omnium vis sit, graphice more suo Tullius (2) his verbis declarat: *Nunc (natura) parvulos nobis dedit igniculos; quos celeriter malis moribus opinionibusque depravatis sic restinguimus, ut nunquam naturae lumen appareat;... simul atque editi in lucem et suscepti sumus, in omni continuo pravitate et in summa opinionum pervertitate versamur, ut pene cum lacte nutricis errorem suxisse videamur. Quum vero parentibus redditi, deinde magistris traditi sumus, tum ita variis imbui-mur erroribus, ut vanitati veritas et opinioni confirmatae natura ipsa cedat... Quum vero accedit eodem, quasi maximus quidam magister, populus atque omnis undique ad vitia consentiens multitudo, tum plane inficimur opinionum pravitate, a natura-*

(1) Op. cit. proleg. c. 1, § 10, n. (a).

(2) Tuscul. disput. lib. III, c. 1, edid. Taur. opp. tom. XII.

que desciscimus. Ex quibus apparet, in re, de qua sermo est, hominem sibi relictum non in melius ferri sed in pejus ruere perpetuo atque dilabi.

62. Ad 2. *N.* Ut patet ex dictis: alioquin quo populus adultior fit, eo fieret perfectior magisque ad veritatem ac virtutem accederet; at experientia, monumentis historicis confirmata, contrarium ostendit; ex ea enim dignoscimus, eo puriores sive quoad cultum sive quoad mores fuisse populos, quo magis ad suam, ut ita dicam, infantiam accedunt; e contrario eo deteriores factos, quo magis ab ipsa recedunt. Sinenses profecto, quorum imperium antiquissimum est, quum neque scientiis neque artibus sint destituti, debuissent summam perfectionem attingere; attamen in suis superstitionibus ac in morum pravitate permanent, imo et deteriores sunt quam fuerunt tot retro saeculis, prout et in ceteris populis evenit.

63. Ad 3. *N.* Ejusmodi enim indicia nil aliud evincunt, nisi romanam rempublicam epicureismi praesertim vi et impulsu in proximam venisse tum religiosam tum socialem dissolutionem, servatis primaevis institutis et cujusdam probitatis ac honestatis naturalis reliquiis. Ceterum multitudo nusquam adeo foede corrupta fuit, quam ubi superstitioni fuit dedita.

64. Ad 4. *D.* Ex parte epicureorum, ideoque et atheistarum practitorum, qui maxime tunc Romae dominantur, *C.* ex parte magistratuum et populi *N.* Ejusmodi enim philosophi non solum polytheismi atque idololatriae, sed omnis prorsus religionis contemptum inducebant, quin defectui religionis quidpiam substituerent, ea ferme ratione qua aetate nostra sese gesserunt ac gerunt deistae, qui religionem christianam diruere contendunt, quin ipsi, quae humanae societatis et vinculum et columnen est, quidquam substituant ad extremam perniciem avertendam. Quod vero spectat ad magistratum ac populi sensa circa polytheismum atque idolola-

triam, trium saeculorum odium et immanis furor adversus Christianos ea satis manifestant.

65. Ad 5. *D.* Respectu singulorum, *Tr.* multitudinis *N.* Recolantur ante dicta. Josephus porro loquitur de tali dispositione ex commercio cum judaeis, seu potius cum christianis, qui disseminari coeperant per imperium romanum.

66. Ad 6. *D.* Id est nonnulla eaque paucissima individua ab universali illa superstitione ac morum foeditate sibi temperarunt *Tr.* vel *D.* subsidio primavae revelationis vel communicationis cum judaeis, *C.* per se *N.* Ut distinctio magis fiat perspicua, observandum in primis est, aliud esse loqui de multitudine, aliud de singulis individuis; porro quum dicimus imparem esse humanam rationem medicinae hisce malis faciendae, de populis sive multitudine disserimus, ut *ex facto* ostensum est; quod autem attinet ad individua singula humanae speciei, absolute loquendo potuissent utique ab hac universali superstitione ac morum foeditate evadere, alioquin forent excusabilia; et nonnulla quovis tempore fuerunt quae ad instar insularum natantium integra inviolataque in mediis debacchantis licentiae fluctibus perstiterunt ad divinae providentiae justificationem; non tamen dederim homines istos singulares hoc esse consequutos vel absque subsidio primitivae revelationis, quae, ut infra invicte probabimus, ad omnes gentes pervenit, vel saltem absque communicatione cum verae religionis cultoribus. Hinc nova vis accedit stabiliendae supernaturalis revelationis necessitati.

67. Ad 7. *Tr.* Ejusmodi enim singularia exempla non destruunt factum generale et constans, quod nos adstruximus; nec infirmant argumentum, quod inde confecimus. Recolantur modo dicta in resp. ad 6. Addimus non ex uno vel altero praeclaro facinore, sed ex complexu perpetuitateque recte factorum oriri rectam vivendi rationem.

Non vacat hic, neque praestat in ejusmodi praeclara gesta, quae tantopere jactant adversarii nostri, intimius inquirere.

68. Ad 8. *D.* Respective ad alias gentes, in ipsorum infantia et quidem abstractione facta a falso deorum ac daemonum cultu, *C.* absolute *N.* Etenim s. Augustinus (1) haec scribit: *Veteres igitur primi Romani, . . . quamvis ut aliae gentes, excepla una populi Judaeorum, deos falsos colerent, et non Deo victimas sed daemioniis immolarent, tamen laudis avidi, pecuniae liberales erant; gloriam ingentem, divitias honestas volebant; hanc ardentissime dilexerunt, propter hanc vivere voluerunt, pro hac et mori non dubitaverunt; ceteras cupiditates hujus unius ingenti cupiditate preserunt.* En, quo sensu commendat et sub quali restrictione; igitur factum a nobis statutum confirmat. Ceterum quid senserit Augustinus de Romanorum moribus primi ejus libri *de civ. Dei* aperte declarant.

69. Ad 9. *D.* Ita tamen, ut eas innumeris prope superstitionis deorum cultibus et erroribus homines foedaverint ac fere soffocaverint, *C.* germanas et sinceras conservarunt *N.* ut patet ex dictis. Damus utique nunquam penitus oblitteratum illud, ut Tertullianus (2) vocat, *testimonium animae natura liter christianae*; at incredibile dictu est, quot absurdis commentis ethnici ideam istam depravaverint, quod nemo certe in dubium vocabit. Idipsum dicatur de generalibus notionibus animae insitis de justo et injusto, de virtute ac turpitudine, quas notiones in applicatione atque in praxi ex generali illa ac publica morum perversitate pessime distorserant atque corruperant, quidquid tandem de singularibus casibus senserint.

70. Ad 10. *D.* Si rem in abstracto spectemus, *Tr.* si in concreto, ita ut absque ullo externo ac supernaturali

(1) *De civ. Dei*, lib. 7, c. 12.

(2) *Apolog.* c. 17.

subsidio homines sive populi officia ejusmodi et cognoscant et praestent *N.* Theoriae omnes ac ratiocinationes factum universale et constans non destruunt ; porro factum contrarium evincit , quidquid sit de nativa rationis vi et efficacia , de qua hic non inquirimus. Hinc praeoccupata sunt , quaecumque deistae ac rationalistae congerunt , videlicet ex nomine legis *naturalis* , quae sic a *natura* dicitur , tum quia paucissimis ac simplicissimis veritatibus concluditur ac continetur , tum quia indita a Deo est humanae naturae , tum postremo quia invincibilis non est talis aberratio , aliaque id genus ingeniose excogitata , quae nulla ratione attingunt factum a nobis propositum , quodque inficiari adversarii non possunt , nisi velint omnia historica monumenta convellere.

PROPOSITIO II.

Ex eo quod nulla humana sapientia aut industria populos revelatione destitutos revocare valuerit ab universali illa defectione sive circa cultum sive circa mores , jure rursus infertur divinae ac supernaturalis revelationis necessitas

71. Rursum et in hac propositione *factum* adstruitur extra omnem dubitationis aleam positum.

72. Licet enim omnes Aegypti sacerdotes sive sapientes , Indorum gymnosophistae , Persarum magi , graeci ac romani philosophi sapientiae studuerint , scholas atque academias instituerint , sectas informaverint , et quidem per longum annorum et saeculorum tractum ; certum tamen est , ipsos impares omnino fuisse populis ad veri numinis cultum ac veritatis cognitionem adducendis , idque ex triplici ipsis inhaerente defectu. Ex defectu nempe *imitatis* , ex defectu *auctoritatis* , ex defectu *sanctionis*.

73. Ac primo quidem ex defectu *imitatis* ; quum semper non solum scholae , sectae et academiae , sed et phi-

losophi singuli a se invicem discreparint in tradendis religionis ac morum institutionibus. Quod enim schola una, academia aut secta probabat ab aliis impugnabatur, nec raro discipuli in magistros insurgabant, adeo ut omnes philosophiae epochae in scepticismum delaberentur (1) ob unitatis ac consensus defectum; impares proinde se reddebant ad propria placita populis suadenda.

74. Ex defectu insuper *auctoritatis*; auctoritas enim ista non erat *personalis*, ut patet, cum nulla potestate in populos pollerent, non *doctrinalis*, siquidem ad summum doctrina in sui admirationem populos rapuisset, non vero ad relinquenda cupiditatum oblectamenta, quibus nimis abducebantur, induxisset. Non *realis*, non quaevis alia, qua semper destituti fuerunt. Accedit nimia eorum facilitas in sese accommodando populorum superstitionibus, sive ad eorum ac magistratum vindictam et poenas declinandas, sive ad propria commoda tuenda, adeo ut tanquam in dogma crexerint principium de *accommodatione* (2). Quare vel ipse Socrates, qui

(1) Cons. *Histoire comparée des systèmes de philosophie considérée relativement aux principes des connaissances humaines*, par M. Gó-rando; in qua auctor quinque philosophiae epochas distinguit, quarum 1. incipit a Thalete et desinit in Protagoram, qui suis sophismatibus dubium circa omnia movet. Altera exordium habet a Socrate, qui coepit impugnare scepticismum, deinceps a Pyrrhone instauratum. Postea Epicurus venit cum suis principis physicis moralitatis; tum sequitur Zeno cum suo fato, quem sequuntur Arcesilaus et Carneades, qui finem imponunt huic epochae. 3. Epochae complectitur vicissitudines philosophiae quae Romae et Alexandriae obtinuit usque ad saec. vi, quo omne philosophiae studium barbarie superveniente extinguitur. 4. Comprehendit totum illum temporis lapsum qui a

saeculo vi ad xvi protenditur. 5. Initium ducit a tribus summis reformatoribus, Bacone in Anglia, Cartesio in Galliis, Leibnitio in Germania ac ad Kantium usque pertingit, qui Baconem, Cartesium ac Leibnitium immutat, statuitque philosophiam *experimenti*, et ad hanc appellat auctor. Ast nonne rectius post tot saecula ab hac *EXPERIMENTUM PHILOSOPHIAE* posset appellari? Eecur non simul utraque conjungitur, religio nempe ac philosophia, prout in sua origine conjunctae erant? *Nous les reverrons*, inquit cl. Comtes J. De Maistre, *la superbe alliance de la religion et de la science; ils reviendront ces beaux jours du monde, où toute science remontait à sa source*. Traduct. du Traité de Plutarque intitulé: *Des délaix de la justice d'vine*.

(2) Erat enim commune apud ipsos

vulgo perhibetur monotheismi martyr, teste Xenophonte (1), ejus biographo et apologeta, passim patriis diis immolabat.

75. Ex defectu demum *sanctionis*; cum nulla ipsi auctoritate sua vel praemia vel poenas praeceptorum suorum observatoribus vel transgressoribus proponere potuerint, atque irriderent, quae poëtae de elysiis vel stygiis sedibus cecinerunt (2). Jam vero quid juvant eloquentissimi quique tractatus de virtutibus ac vitiis ad populos absque certa sanctione vel ad virtutem adducendos vel ad retrahendos a vitiis?

76. Dixi vero *ex triplici defectu ipsis inhaerente*, non solum ut rationem redderem facti propositi, verum etiam, ut innucrem adversus nostros deistas ac rationalistas, nec ipsos triplici hoc defectu laborantes aut nunc esse aut unquam pares fore, seposita revelatione divina ac supernaturali, ad hoc idem praestandum, quod veteres philosophi minime praestare valuerunt (3).

receptum effatum: *Expedire falli in religione civitates*. Quare August. etiam ex hac parte veteres arguit philosophos, De civ. l. vii, c. 10., ubi de Seneca scribit: *Colebat, quod reprehendebat; agebat, quod arguebat; quod culpabat, adorabat*. Sic etiam Epictetus, Ench. c. 38. principii loco statuebat: *Libare autem et sacrificare et primitias offerre secundum patrios mores unumquemque deest*. *Ἐπιδίδω δι καὶ θύειν καὶ ἀπαγγίσσαι κατὰ τὰ πατρία, ἡ ἀστροὶς προσέχουσιν*.

(1) Xenoph. De factis et dictis Socratis memoratu dignis, l. 1, c. 1.

(2) Apposite J. J. Rousseau in Emile l. iii. p. 18; ita philosophum alloquitur: *Frustra virtutem statuere ac confirmare unius rationis auctoritas; nam quo unquam fundamentum illam poteris sustentare? Praeclarae quidem sunt tuae de moribus leges, sed earum cedo, quaeso, sanctionem! Age, quid aeterno in-*

ferorum igni suffectum vis?

(3) Sic graphice describit idem J. J. Rousseau deistas seu philosophos: *Philosophos, inquit consului, eorum libros pervolvi, ac varias opiniones expendi; agnovi omnes animorum plenos affirmantes audacter, etiam in rebus dubiis ex tripode judicantes, qui scire se omnia profitentur, extricent nihil, sese invicem irrideant; quod quidem commune omnibus id mihi visum est, in quo minime hallucinentur. Elati et quasi ovantes, quum alios petunt; quum ipsi petuntur, fracti et abjecti; si eorum argumenta explores, nulla plane invenies nisi ad evertendum aliquid comparata; si suffragia recenseas, id quisque fert, quod sibi quisque tribuit: nulla quidem in re nisi in contendendo sibi invicem cohaerent; cum ipsi sui virtutis lumine illustrati, candidi, fide digni videri volunt, tum nos jubent*

77. His igitur sic constitutis ita perstringimus argumentum : res facti indubia est , humanam sapientiam et industriam non valuisse populos revelatione destitutos revocare ab illa generali defectione sive circa cultum sive circa mores , nec potuisse , etsi enixe id voluissent , nec posse , etsi vehementer vellent , ex triplici proposito defectu ; ergo necessarium est ad hoc praestandum subsidium aliquod extra humanam conditionem positum , quod triplicem nuper expositam conditionem praeseferat. Atqui tale subsidium esse non potest nisi divina supernaturalis revelatio , quae sola principium in se continet tum unitatis , tum summae auctoritatis atque efficacissimae sanctionis ; ergo ex eo quod nulla humana sapientia ac industria populos revelatione destitutos revocare valuerit ab universali illa defectione sive circa cultum sive circa mores , jure rursum inferitur divinae ac supernaturalis revelationis necessitas.

DIFFICULTATES

78. Obj. cum Ammon et Wegscheider: 1. *Rationem* , quatenus suprema ejus virtus dignoscitur in *ideis* concipiendis , quaeque ipsa recte dicitur *idea* , homini a Deo datam esse facultatem , non excultam , sed assidue excolendam constat , ejusque aciem adjuvantibus tantum rebus faustissimis , a Dei providentia repetendis , ita *currari* posse , ut ne obscuretur errorum tenebris. Quapropter 2. distinguendum est inter rationem in *abstracto* et in *concreto* , uti dicitur , cogitatam. 3. Neque vero dubitari potest , quin in rebus gravissimis , quae ad religionem et honestatem tuendam pertinent , itemque in praeceptis artis logicae omnes fere philosophorum sebo-

quodammodo ipsorum dicto acquiescere , et putida atque absurda commenta pro veris ac certis principiis obtinunt. Emile , tom. III , p. 21.

lac mirifice inter se conveniant ; et 4. inter ipsos scriptores , quos profanos dicimus , et quos *injuste aversantur atque calumniantur tenebrarum patroni* , haud paucos esse constat , qui praeclaras de religione ac virtute sententias , Jesu Christi decretis ac praeceptis haud ab-similes in medium protulerint. 5. Contra inter eos ipsos , qui eandem revelationem sequi se professi sunt , magna opinionum diversitas obtinuit ; 6. nec illa revelationis auctoritas impedire potuit , quominus ejus asseclae ad superstitionem erroresque alios non modo ineptos sed etiam perniciosos delaberentur. 7. Quod si vero Deo placuisset , omnes omnibus temporibus idem prorsus sentire de rebus divinis , ita ut ipsa forma et involucra idearum ad religionem pertinentium omnibus eadem essent , certe sapientissimis praesidiis id effecturus fuisset. Ergo. Ita citati auctores. (1).

79. Resp. generatim *D.* Et haec respiciunt meram ab ipsis excogitatam possibilitatem , *C.* destruunt factum a nobis constitutum *N.* Ejusmodi enim theoriae non sunt nisi imaginariae , et ab existentia revelationis illius originem ducunt , quam per summam injuriam ipsi impugnant , ut inferius ostendemus ; sed nullo modo attingunt argumenta , quae ex facto deducuntur. Quid enim effecerunt veteres philosophi ad populorum illustrationem ? Quid efficiunt deistarum ac recentiorum rationalistarum conatus , nisi corruptionem populorum , et juventutis sibi commissae ?

80. Resp. singillatim ; ad 1. *N.* Experientia enim contrarium evincit , ut ex dictis patet , quaecumque demum vis in ratione supponatur. Non agitur de eo , quod *possit* , sed de eo , quod *fecerit*.

81. Ad 2. *D.* Et supposita qualicunque distinctione ob

(1) Ammon , *Der rechte Standpunkt* , Lips. 1822 , p. 19. Wegschieder , op. cit. prol. c. 1. § 11 , n. (a).
Tom. I.

ob vitium eidem inhaerens impar semper est humana ratio effectui obtinendo, quem adversarii praetendunt, *C. secus trans.*

82. Ad 3. *IV.* Quam enim mirifice philosophorum scholae inter se conveniant, si sermo sit de recentioribus, vidimus ex J. J. Rousseau, et patet ex perpetuo rationalistarum conflictu et pugna, quae in Germaniae scholis adhuc viget, et ex eorum libris. Si sermo sit de antiquioribus, patet ex historia philosophiae ejusque diversis sectis stoicorum, epicureorum, pyrrhonistarum, cynicorum, etc. (1). Quid porro commune habeant artis logicae praecepta cum gravissimis rebus, quae ad religionem et honestatem pertinent, non video.

83. Ad 4. *D. Praeclaras de religione sententias* absque fundamento, absque conjunctione et fine, et quidem generales et theoreticas, *C.* systema religionis ac ethices ex omni parte absolutum, bene connexum ac practicum. *N.* Aliud porro est nonnullas sententias, tractatus etiam ac dissertationes edere de religione ac moribus et quidem speculativas et generales, quod fieri utique ab antiquis philosophis potuit, multoque magis a recentioribus, qui tot subsidiis religionis instructi sunt, atque interdum factum esse concedimus; aliud autem integrum, absolutum ac bene constructum praebere totius religionis atque ethices aedificium cum solido fundamento sive auctoritatis sive unitatis atque sanctionis, nec non eum applicatione generalium principiorum ad praxim, quod nusquam ab ipsis factum est, ac seposita revelatione nunquam fiet. Nunquam convenerunt in hominis fine constituendo; nunquam in certis ethices naturalis atque obligationis principiis constabiliendis; nunquam stabiles re-

(1) Cf. Plutarch. *De placitis philosophorum*, praesertim l. iv. opp. fol. ed. Paris. 1694. tom. II. Itaque mirifice scholae philosophorum inter se conveniunt solum in dissentiendo.

Philosophorum item clamores, acres disputationes, dissensiones graphice describit Lucianus in dialogo: *His accusatus*, c. II et seqq.

gulas ad applicanda casibus particularibus principia virtutis, probitatis atque honestatis exhibuerunt; nunquam fines statuerunt, qui praecepta a consiliis seu a perfectione secerant et varios culpae gradus determinent; nunquam motiva omnibus communia et valida ad impellendum hominem ad virtutem, et retrahendum a vitiis proposuerunt. Mira semper in his omnibus aliisque, a quibus recensendis brevitatis gratia abstinemus, viguit ac viget inter philosophos deistas ac rationalistas varietas, qui propterea nunquam ethicen populorum indigentiae accommodatam dare potuerunt, nedum cultus, ut ipsi vocant, theoriani (1). Quare *tenebrarum patroni*, (id est, catholici seu supernaturalistae) neque *injuste aversantur* neque *calumniantur* scriptores profanos, sed factum referunt, quod nostri lucis amatores nunquam destruent.

84. Ad 5. *D.* Inter eos, qui eandem revelationem se qui se professi sunt, sed mutilam ac rejecto ecclesiae magisterio, magna opinionum varietas obtinuit imo et obtinet, *C.* qui integram sub auctoritate ecclesiae, *subdit.* in opinionibus levioris momenti, quae nec religionis nec doctrinae moralis attingunt substantiam ac nondum definitae sunt, *C.* secus *N.* alioquin jam non sunt catholici.

85. Ad 6. *D.* In refractariis et perduellibus, *C.* in catholicis sinceris *N.*

86. Ad 7. *D.* Si hominibus iis uti placuisset, *C.* si propria sensa potius quam legitimam auctoritatem a Deo constitutam sequi maluerunt *N.* Deus homini nunquam defuit, ut infra ostendemus, sive per primitivam revelationem, sive per constitutam a se ecclesiam: omnia

(1) Lockius in suo *Specim. intell. hum.* lib. 1, c. 11, innumera prope exempla varietatis ejusmodi exhibet, quae inter veteres et recentiores populos et philosophos obtinuit. Quod pariter praestitit Helvetius, *serm.* 20, c. 13. Consulatur de hoc argu-

mento Spedalieri, *Diritti dell' uomo* l. iv, c. 14. et seqq. necnon Manoni, *Sulla morale cattolica*, c. 3. *Sulla distinzione di filosofia morale e di teologia*: ubi egregie hoc argumentum evoluit.

enim suaviter fortiterque ad finem suum perducere maluit, quin vim inferre videretur humanae libertati, cui consultum ipse omni ratione voluit; etsi maxima in se esset atque efficacissima divinitus a se constituta auctoritas. Sed si hominibus magis placuit evanescere in cogitationibus suis, quam eidem obtemperare, sibi impudent, si ortae divisiones sunt.

PROPOSITIO III.

Cum humana ratio ex se motiva sufficientia non praebeat ad homines in officio continendos atque a vitiis retrahendos, iterum necessitas jure inferitur divinae ac supernaturalis revelationis etiam in iis, quae naturali rationis lumine cognosci possunt

87. Et hic *factum* enunciamus quod ab ipsa experientia eruitur; damus enim libenter philosophis, deistis ac rationalistis, humanam rationem cognoscere posse, teneri hominem ad cultum supremo numini praestandum, animam immortalitate esse praeditam, praemia poenasve ipsam manere post mortem, vitium esse fugiendum virtutemque sectandam aliaque id genus plurima, sola etiam inspecta naturae humanae conditione ejusque ad Deum relatione. At ubi humanorum animorum sinus introspectantur, inficiari ipsi non possunt ejusmodi notiones sufficientes non esse ad hominem ita regendum, ut in omnibus rerum adjunctis in officio ipse se contineat atque ex virtute agat.

88. 1. Quia non omnes, imo plerique non assequuntur vim naturalium ejusmodi demonstrationum, praesertim quod non pauci philosophi eas in dubium revocaverint, imo aperte negaverint (1).

(1) *Conv. C'e. Académ. Quest.* edit. Taur. 1829. opp. tom. xii. lib. 11, praesertim c. 37 et seqq.

89. 2. Quia saepe dantur difficilia rerum adjuncta , in quibus homo constitutus ac sibi relictus , si alia non habeat motiva praeter ea , quae ratio illi praebet , aegre omnino , imo nullo modo adducitur ad sectandam virtutem atque ad injustam actionem vitandam ; ut cum in aestu vehementis cupiditatis reperitur , vel cum agitur de famae ac vitae periculo , in injustae potentium virorum insectationis discrimine , quibus vulgo homines cedunt (1).

90. 3. Quia , qui in conflictu reperiuntur , facile sibi suadent , in ejusmodi casibus hominem non obligari ad tale vel tale facinus , dubia iis insurgunt de demonstrationis vi ac veritate , mens obnubilatur , nec videt amplius , quod antea evidenter cognoscere sibi videbatur ; in subsidium adsciscit sapientium dubia , falsum dictamen facile adoptat.

91. 4. Quia , quum ratio nonnisi generalia suppeditet principia sive circa cultum sive circa vitae futurae praemia vel poenas , nec determinet in particulari quo cultu , quibus in specie obsequiis divinitatem sibi homo demereri possit ; quaenam nos maneant praemia , quaenam poenae et quamdiu duraturae , praesertim quum poenae juxta deistas aeternae esse non possint ; inde fit , ut omnem penitus vim amittant , et homo haereat perinde ac si eas non cognosceret , praesertim si vitium utile sit , et virtus circumsepta et obsita difficultatibus , ut passim evenit.

92. 5. Quia haec omnia confirmantur ex agendi ratione veterum philosophorum (2) , ac praesertim recen-

(1) Cons. Roberti S. J. *Della probità naturale* , parte 2 , ubi sex obstacula recenset , quibus homines sola naturali probitate ducti a virtute retrahuntur , quod pluribus illustrat exemplis ductis ab historia antiqua et recentiori. Cons. pariter Card. Gerdii , *Diss. Della origine del sen-*

so morale. edit. Rom. opp. tom. II.

(2) Sic de sui temporis philosophis scribebat Cicero , *Quaest. Tusc.* lib. II. c. 4. *Videre licet alios tanta levitate et jactatione , ut iis fuerit non didicisse melius ; alios pecuniae cupidos , gloriae nonnullos , multos libidinum servos ut cum eo-*

tiorum deistarum, eorumque omnium, qui ipsorum sectantur principia, omni revelatione seposita. Publice enim nullam isti, ut plurimum, religionem exercent, vitiis diffluent, dilectionis et charitatis actus in proximum, in arduis praesertim, vel omnino negligunt vel parvipendunt. Et haec quidem illi, qui de probitate quadam naturali atque honestate gloriantur, quibus ad honeste tamen vivendum tot insunt praesidia, sive ex domestica institutione, sive ex quadam laudis et gloriae cupidine, ex quodam decore, virtutisque insita vi, etc. Verum quid de infimae plebis hominibus, quibus talia principia communia fierent?

Jam vaga prosiliet frenis natura remotis (1).

Omnibus nempe cupiditatibus simul ac libertas omnis tribuitur, nullum vitium est, in quod flagitiosissimi non ruant ad omnia parati, nec ulla ratione contineri possunt, ut luctuosa experientia evincit, perinde nempe ac si nec Deus esset, nec ulla vel praemia bonis vel poenae malis essent constitutae.

g3. Unde sic ratiocinamur: Data qualicunque humanae rationis vi in agnoscendis officiiis, quibus homines erga Deum, proximum ac semetipsos obstringuntur, quum in humana ratione nulla sint motiva sufficientia et omnibus aecommodata, quae efficaciter in omnibus rerum adjunctis impellere valeant homines, eosque vel in officio continere vel retrahere a vitiis, ut ex facto experientia omnium saeculorum comprobato evincitur, velint nolint deistae ac rationalistae, necesse est vel ut homines sine ullo freno brutorum more dimittantur ingenti omnium jurium ac societatis jactura, vel ut existat aliquod motivum extra humanam naturam positum, quod illa omnia praestet, divina nempe ac supernaturalis revelatio; seu quod idem est: Cum humana ratio ex se

rum vita mirabiliter pugnet ratio; quod quidem mihi videtur esse turpissimum. Cons. Roberti, *Della pro-*

bità naturale.

(1) Horat. lib. 11, sat. 7.

motiva sufficientia non praebeat ad homines in officio continendos ac retrahendos a vitiis ; iterum necessitas jure merito inferitur divinae ac supernaturalis revelationis etiam in iis , quae naturali rationis lumine cognosci possunt (1).

DIFFICULTATES

94. Obj. 1. « Ipsa humanae mentis natura et summi numinis idea recte efformanda omnem excludunt supernaturalis revelationis necessitatem ; quemadmodum enim omnia alia animantia iis viribus praedita sunt , quibus naturae suae fines attingere possint , ita procul dubio homines ratione sibi concessa praestant reliquis animantibus , eisdemque facultas data est ea omnia intelligendi et observandi , quae ad summos humani generis fines obtinendos , scilicet ad officia tuenda et ad religionem colendam , spectant. Deinde 2. homo , simul atque eo pervenit , ut rationis et officii sui sibi conscius sit , necesse est rationem teneat tanquam supremam cognoscendi vim , cujus decreta in omnibus vel cogitationibus vel actionibus servare debeat. Quicumque autem , spreto hoc rationis humanae principatu , revelationis , quae modo supernaturali ad certos homines delata dicitur , eam esse auctoritatem statuit , ut ei sine ulla dubitatione caeco quodam instinctu aut sensu parendum sit , is veram hominis naturam ac dignitatem tollit atque evertit. 3. Humana mens legibus cogitandi ipsi innatis subjecta , quaecumque vel sensuum ope perceperit , vel cogitatione ac meditatione repererit , proxime quidem ad causam

(1) Optime S. Thom. p. 1. q. 1. ostendit , quod circa ea etiam , quae de Deo ratione humana investigari possunt , necessarium fuit hominem instrui revelatione divina , quia veritas de Deo per rationem investigata a paucis et per longum tem-

pus et cum admixtione multorum errorum homini perveniret , a cujus tamen veritatis cognitione dependet tota hominis salus , quae in Deo est. Eadem inculcat et fusiuse evolvit tum 2. 2. q. 2. art. 4. in corp. , tum Contra gentes lib. 1. c. 4.

aliquam in mundo sensibus obvio vel ad origines in ipsa mente latentes referre cogitur ; ideoque stultae esset arrogantiae , si causam eventus in rerum natura observati aut origines verae religionis inter homines deprehensae in animae facultatibus reconditas non statim perspexerit , eas prorsus negare velle , et supernaturalem ac miraculosum eventum fingere , cujus certa quaedam nota demonstrari omnino nequit. Si qui autem sunt , qui *supernaturalismum* , ut vocant , *rationalem* tuii , religionem christianam rationi prorsus convenire censeant , nihilominus tamen eandem supernaturali modo revelatam esse contendunt , ii leges cogitandi a Deo ipso homini datas transgrediuntur ; nam quaecunque religionis doctrina menti humanae dicitur plane convenire , ea ex hac ipsa ad leges ejusdem accomodate repetatur necesse est. 4. Quum plures religionis doctrinae , quae vulgo *positivae* dicuntur , revelationis divinae ejusque supernaturalis ac miraculosae dignitatem sibi arrogaverint , nisi quis caeco quodam arbitrio alteram alteri praeferre velit , nulla alia est ratio et via eas examinandi , quam ut illarum placita cum iis , quae via naturali rectae rationis de Deo ejusque voluntate ipsi innotuerint , diligenter componat et ad hanc normam sine omni superstitione exigat. Nam qui hac norma in exploranda religionis , quae supernaturalem se profitetur , veritate uti noluerit ei verendum esset , ne , si forte daemon aliquis aut homo se Dei legatum profiteretur , aut falsa aut mala pro veris et honestis venditare auderet , placita summo numine indignissima tanquam ab ipso revelata sibi obtruderentur. Quot mala facinora , neglecta rationis cultura , obtentu numinis , et revelationis divinae inter homines patrata sint , historia gentium abunde docet. 5. Accedit , quod omnino nulla revelatio , quae sicut historia aliorum testimoniis nititur , tam certam potest nobis persuasionem afferre , quam quae ex ratione profisciscitur , cujus decreta ho-

mini sua ipsius conscientia innotescunt. Quo magis autem religio intimae humanae mentis conscientiae insita fuerit atque impressa, eo certius homo beneficam ejus vim in variis vitae humanae vicissitudinibus experietur. 6. Denique argumentum speciosissimum, quo revelationem supernaturalem ostendunt (*supernaturalistae*), *petitionis principii*, quod vulgo dicitur, vitio premitur. Id enim sumitur ex iis, quae in aliquo libro, qui modo quodam supernaturali confectus esse perhibetur, leguntur. Illic autem ipsi fidem esse adhibendam hoc argumento scilicet persuadere conantur, quod supernaturalem revelationem contineat. Itaque demonstrandum pro demonstrato ponunt. Ac si quis, ut fit, rationis humanae imbecillitatem religionisque naturalis insufficientiam e peccato originali, ex lapsu protoplastorum scilicet oriundo, demonstrare velit, is sane in eodem errore versabitur. Nec minus in eandem reprehensionem incurreret quicumque argumentationibus e ratione et philosophia deductis fidem *religiosam*, a ratione et philosophia plane alienam, ad earum praecepta non esse exigendam statuerit; ergo. » Ilacenus Wegscheider (1) ad suum rationalismum statuendum.

95. Resp. generatim *D.* Et haec usque adeo non destruunt factum a nobis statutum, ut ne attingant quidem, *C.* destruunt vel attingunt *N.* Stat adhuc tota argumenti a nobis inde deducti firmitas, stant omnia quae nexu legitimo ex eo consequuntur. Sed jam expendamus singula ab adversariis asserta.

96. Ad 1. *N. A.* Ad arg. sive rationem *N.* paritatem *C.*tera enim animantia, cum instinctu ac necessitate agant, iis utique mediis omnibus a natura instructa esse necesse est, quibus finem suum attingant. At vero homines, cum ratione ac libertate praediti sint, possunt utique a

(1) Op. cit. proleg. c. 1, § 11. Quod si cuiquam videri possint obscurae ejusmodi difficultates ita exposi-

tae, meminisse is debet illas de verbo ad verbum ex citato auctore esse desumptas.

fine suo aberrare, prout eos sive quoad religionis cultum sive quoad officiorum observantiam revera et aberrasse olim et nunc quoque temporis turpiter aberrare historia et experientia testantur; quibus insuper edocemur nunquam per se homines a publica ejusmodi et universali aberratione eximi potuisse vel posse, ut ostensum a nobis est, absque externo aliquo adjumento, quo non solum rite instituantur, sed praeterea ad exequenda ejusmodi officia moveantur et impellantur. Hac ratione non solum hominis naturae et dignitati opportune provisum est, sed praeterea etiam homo ipse et tutius ducitur, et occasio ei praebetur tum exercendi virtutes sibi proprias, tum melius divinas perfectiones cognoscendi.

97. Ad 2. *D.* Id est, posita gratuita hypothese de plena officiorum cognitione et motivorum ad illa efficaciter adimplenda, *Tr.* vel *C.* sublata ejusmodi hypothese *N.* Et hoc est praecise de quo quaeritur; omnium porro saeculorum experientia et factum ipsum ejusmodi hypothesin destruunt. Rationalistae igitur vere principium petunt, dum assumunt, quod esset probandum, et falsum omnino est. Ad conf. *quicumque autem spreto hoc rationis*, etc. *D.* id est, qui rationi non tribuunt nisi eam partem, quae ei competit, *N.* qui nullo modo rationem consulunt, imo et excludunt atque spernunt *C.* Hoc vero non contendunt, qui rationem revelationi subjiciunt. Perperam proinde affirmant rationalistae, caeco instinctu aut sensu ab homine parendum esse supernaturali revelationi, quae rectum rationis usum nunquam proscripsit, imo commendat. Rectae propterea rationis munia in revelationis negotio in eo sita sunt, ut expendat fundamenta, quibus haec innititur, et deinde, hac semel constituta, se submittat in iis, quae ejus captum excedunt, quod ratio ipsa dictat; in ceteris vero, quae ejusdem aciem minime superant, plura habet, in quibus se exercent, ea evolvendo, quae per revelationem didicit. Haec autem

agendi ratio nullatenus veram hominis naturam tollit atque evertit, ut ipsi autumant, sed impedit, quominus natura ac dignitas humana rursum concideant, prout revera hoc destitutas praesidio concidere necesse est.

98. Ad 3. *D.* Nisi certo constet ab alia causa, quam a naturali esse repetenda, *C.* alias *N.* Et hic rursum principii loco constituunt adversarii (qui nos arguunt petitionis principii) quod falsum est; asserunt et supponunt, sed non probant, humanam rationem absque externo ac supernaturali subsidio tum omnia religionis ac morum praecepta agnovisse tum motiva ad ea exequenda, quod est contra factum. Scilicet quidpiam constanti vultu tanquam ex delphico tripode asserere et illud argumentis stabilire non idem est. Primum illud optime adversarii nostri praestant, alterum negligunt. Ad Prob. *stultae esset arrogantiae*, etc. idem esto responsum; addatur non fingi a nobis *supernaturalem ac miraculosum eventum*, cujus certa quaedam nota demonstrari omnino nequeat, sed plane demonstrari, prout evidenter patebit, cum sermo erit de divinae revelationis existentia, ubi pariter ostendemus certas quasdam esse notas ad supernaturalem ejusmodi eventum discernendum. Ad Conf. *si qui sunt, qui supernaturalismum . . . ii leges cogitandi . . . transgrediuntur*, etc. *N.* Aliud enim est, facta revelatione earum veritatum, quae in naturae ordine continentur, deprehendere eas consentaneas esse rectae rationis principii, quod factum difficile non est; aliud vero illas omnes veritates, seposita revelatione, cognoscere, quod adeo difficile est, ut nedum integri populi plurimum saeculorum decursu, sed vel ipsi sapientissimi philosophi in eo caecutiverint et toto coelo erraverint, ut ex facto ostendimus (1). Duo haec adversarii commiscunt in

(1) Plato communionem uxorum in sua republica admisit. Socrates Theodotam quamdam meretricem do-

cet artem homines alliciendi, apud Xenophontem *De otio et factis mirabil.* lib. IV, c. 11. Epictetus in

sua thesi, quae commisceri nec possunt nec debent. Hinc negamus illationem : *quaecumque religionis doctrina menti humanae prorsus dicitur convenire, ea ex hac ipsa ad leges ejusdem accommodate repetatur necesse est* ; detecto enim sophismate, ejusmodi illatio evanescit. Adnoto praeterea, tanquam certum rursus assumi ab adversariis divinam revelationem non complecti nisi eas veritates, quae ordinem naturalem non praetergrediuntur; complectitur autem revelatio plures alias veritates, quae humanae mentis aciem superant, ut suo loco ostendemus, quare rursum peccat adversariorum argumentatio, et eo laborat vitio, quod falsi suppositi vulgo dicitur.

99. Ad 4. *D.* Et inde sequitur rationem per se posse omnia religionis et morum officia cognoscere, vel cognita ab ipsa fuisse seposita revelatione, *N.* ut patet ex dictis; sequitur rationem propositas sibi morales veritates cognoscere tanquam rectis principiis congruentes *C.* Recolantur nuper dicta in resp. ad Conf. 3. difficultatis. Eadem semper equivocatione laborant ejusmodi argumenta. Ad Conf. *quot mala facinora*, etc. *D.* Ex neglecto examine accurato motivorum, quae vocant credibilitatis, *C.* rite adhibito hoc examine *N.* Quae vero ejusmodi motiva sint, inferius aperiemus.

100. Ad 5. vel *N.* vel *D.* Persuasionem non afferat ejusdem ordinis *C.* alterius ordinis, quae eandem pariat certitudinem seu saltem aequivalentem *N.* Ex logicis enim omnes norunt pro subjecta materia triplicem distingui certitudinem, metaphysicam, physicam atque moralem; et postremam hanc, ut reliquas, quae ad institutum nostrum non pertinent, taceamus, dummodo plena sit, conditionesque omnes praeseferat, quas illi requirunt,

Enchir. c. 42. fornicationem ut licitam admittit. Aul. Gellius, *Noct. attic.* lib. xix, c. 11. refert versus amatorios Platonis, quibus scelestae paelerastiae commendatur; sed me

dies deficeret, si omnia errorum monstra, quae veteres admiserunt, recensere vellem. Recentiores deistae, ut suo loco ostendemus, non minus absurda et impia docuerunt.

nos tutos acque de veritate reddere ac certitudinem metaphysicam, atque in eam demum resolvi. Ilinc non minus certus sum me existere ex testimonio sensus intimi, ac existere Romam vel Lutetiam Parisiorum ex testimonio ceterorum hominum. Talis vero est certitudo, cui iunitur existentia revelationis, ut suo loco ostendemus. Ergo falsum est, quod ab adversariis adstruitur.

101. Ad 6. *N.* Tantum enim abest, ut istud sit argumentum *speciosissimum*, ut sine illo res plane concili possit, prout reipsa a nobis praestitum est; etenim nunquam ad illud recurrere debuimus, ut ex tota hucusque instituta disputatione patet, in qua praefatum argumentum non solum non attigimus, sed ne innuimus quidem; reliqua proinde superstructa corruunt (1).

CAPUT III.

DE NOTIS DIVINAE AC SUPERNATURALIS REVELATIONIS

102. Frustra divinae ac supernaturalis revelationis possibilitas atque necessitas fuisset per nos constituta, nisi praeterea adstrueremus certas notas ad eam discernendam ab hominum fraude.

103. Hujusmodi notarum potissimae, omnium consensu, sunt miracula et prophetiae. Hae notae si *vere* exi-

(1) Infirmae adeo virtutis sunt argumenta, quibus theologiae in Academia fridericiana professores inexpertae juventuti illudunt eamque decipiunt! quibus illi, qui de Christiano nomine gloriantur, fundamenta subruunt christianae religionis et eujuscunque supernaturalis revelationis, ut eam a sola ratione repetant, id est, ut solum deismum statuant sub christiani nominis larva! Enim vero tales sunt fructus, quos deum in Germania protulit protestantismus! Attamen, uti melius dignosci poss.

quo istiusmodi professores tendant, operae pretium erit eum versare librum, quem nuper edidit Cl. August. Theiner, *Storia del seminario ecclesiastico, o gli otto giorni a Sant'Eusebio a Roma. Roma 1834.* epocha III, ubi totum hoc negotium repetit a suis causis. Confundi tamen non debent protestantes, quos vocant rationalistas seu naturalistas, de quibus agimus, cum aliis qui supernaturalistae dicuntur, quique adhuc revelationem retinent.

stant in confirmationem alicujus doctrinae, vel ad comprobendam alicujus missionem, quae a Deo esse perhibeantur, nullum dubium superesse potest sive circa divinitatem illius doctrinae, sive circa divinam missionem illorum, in quorum gratiam edita illa sunt.

104. Deistae ac rationalistae, cum nullam supernaturalem revelationem agnoscant, nullum pariter agnoscunt opus supernaturale ad eam confirmandam.

105. In rationalistarum systemate religio, quae *supernaturalis* dicitur, nil aliud est, quam ipsa religio naturalis sub forma *positiva* proposita Dei nomine, *arbitrariis* nonnullis additis institutis, ac *mythis* (1) involuta ad quamdam apud rudes aucupandam auctoritatem. Quare factum est, ut religiones mosaica et christiana *arbitrariae* ab ipsis nuncupentur passim, et ex ea parte, qua prodigiosa facta vel narrationes exhibent, *mythologicae* vocentur.

106. Ex ejusmodi principiis facile est dignoscere, nullas ab his auctoribus veras ac proprie dictas notas agnoscere ad supernaturalem divinam revelationem discernendam. Cum vere hoc systema sibi sumpserint biblici germanici protestantes, fit, ut veluti mythi ab ipsis traducantur et juxta naturae leges passim explicentur miracula omnia, ut suo loco prolatis exemplis ostendemus.

(1) En, quid *mythi* nomine intelligant neoterici prostantes rationalistae: *Mythus* generatim est narratio quaedam ad antiquissimam populi aut religionis instituti ejusdam historiam maxime perlinens, quae vel prorsus ficta est, vel factum aliquod aut placitum quoddam philosophicum additamentis fictis ac plerumque miraculosis exornatum exhibet. Imbecillitas hominum rudiorum, qui accuratiore rerum naturae et philosophiae cognitione destituti, et fervidiore imaginandi vi ducti, religionis ideas sine involucri historicis et symbolis

neque ipsi capiunt, nec cum aliis communicare valent, et modus eas per traditionem propagandi mythos istos, quibus omnium religionum origines implicatae sunt, progeniit ac sustentavit; quemadmodum reliqua omnium gentium historia antiquior *mythis* repleta est. Ita Wegscheider, op. cit. Cap. 1, § 8, n. b. Niebuhr, *Römische Geschichte*, id est, *Historia romana*. B. Th. 1. 1812. 2. A. 1826. G. Hermann, *Primordia hist. graecae*. Lipsiae 1820. Heyne, *Commentat. de Apollodori bibliotheca*, tom. 111. p. 906, etc.

107. Ut ejusmodi ambages atque impietatem abjiciamus , remque totam a suis principiis exordiamur , declarabimus quid *miraculi* et *prophetiae* nomine intelligamus , ut deinde 1. miraculi possibilitatem et prophetiae confirmemus , 2. eorundem sive miraculorum sive vaticiniorum vim evincamus ad supernaturalem revelationem dignoscendam , in cujus gratiam edita fuerunt.

108. Ne tamen rerum copia quempiam obruat , vel saltem confusionem pariat , in duos distinctos articulos eam dividimus in quorum priori de *miraculis* , in posteriori de *prophetia* disseremus.

ARTICULUS I.

De miraculis

109. Argumenti , de quo agere instituimus , perspicuitati inservientes , nonnulla praenotabimus quibus difficultates non paucae , quae moveri solent , ab ipso exordio praecupabuntur.

110. Ac 1. quidem , cum miraculum a *mirando* dicatur , ac mirari homines soleant effectus extraordinarios , quorum causa eos latet , hic prius sistamus oportet. Si causa *naturalis* sit , id est intra naturae hujus visibilis atque corporeae leges posita , quamquam hominum captum effugiat , effectus crit *mirus* vel *mirabilis* , non autem miraculum ; si enim ex naturae legibus phaenomenon enascitur , iteratis experimentis iterari debet.

111. 2. Cum inter agentes naturales alii sint , qui in ordine sensibili hujus universi continentur , alii , qui ad ordinem invisibilem spectant , cujusmodi sunt Angeli sive boni sive mali (quorum existentiam tunc solum admittunt deistae ac rationalistae , cum miracula impugnant) , et cum eorum vires nos lateant , dicimus , fieri aliquando posse , ut non satis distinguamus effectum , de quo

agitur, an immediate a Deo, an mediate ab Angelis sit repetendus; ex quo difficultates oriuntur circa miraculi definitionem. Dixi *aliquando*; dantur enim miracula, quae, ut videbimus, nonnisi ab actione Dei immediata repeti possunt. Sed interea eum omnia miracula ejusmodi non sint, de hac re disquisitio est opportune instituenda.

112. 3. Quum miraculum proprie dictum tale esse possit, tum ratione *sui*, tum ratione *modi*, difficultas, quae petitur ex vi et efficacia Angelorum, cadere non potest nisi in miracula, quae talia sunt ratione *modi*, seu in miracula secundi vel tertii ordinis, ut patebit ex dicendis. Jam vero eum Angeli boni agere non possint in naturam visibilem ac sensibilem nisi ad Dei nutum et imperium, nec mali absque Dei, cui subsunt, saltem permissione, omnino cessat ejusmodi difficultas. Quaecumque enim supponatur vis Angelorum, certum est ipsos, si boni sint, nullum miraculum edere posse nisi in confirmationem veritatis, utpote Dei ministros; si vero sint mali, nihil prorsus efficere posse in confirmationem erroris saltem ita, ut error sit ineluctabilis, obsistentibus moralibus Dei attributis, ut postea declarabimus. Quare non est, cur hac de causa valde laboremus circa miraculi definitionem.

113. 4. His positis, nihil vetat, quominus cum D. Thoma (1) definiri possit miraculum *quod fit praeter ordinem totius naturae creatae*; vel, ut alibi (2) suam explanat sententiam, *illa simpliciter miracula dicenda sunt, quae divinitus sunt praeter ordinem communiter servatum in rebus*. Licet enim Angeli naturarum creatarum ambitu contineantur, cum tamen nihil efficere possint absque Dei vel praecepto vel permissione, semper verum erit, miraculum esse id, *quod fit praeter or-*

(1) 1. p. q. 110. art. 4. in corp.

(2) *Contra Gentil.* lib. III. c. 101.

dinem totius naturae creatae sive ratione sui sive ratione modi, ut expositum est. Quod si morosis haec definitio non placeat, non abnuimus miraculum definire: *opus sensibile, stupendum, ordini providentiae consueto et naturae legibus contrarium*. In hanc porro definitionem verbis mutatis conveniunt definitiones, quae passim sive a philosophis sive a theologis traduntur, si dolosas nonnullas excipias ad fallendum nempe excogitatas vel prorsus singulares. In hanc praeterea definitionem illa quatuor quadrant, quae ad verum miraculum constituendum requiruntur 1. ut effectus sit sensibilis, 2. ut a nulla creata causa, modo exposito, effici possit, 3. ut sit proinde supernaturalis, 4. ut denique ad divina perducat (1).

114. Dixi *passim traduntur*, exploratum enim est, aliam viam inivisse Carolum Bonnet (2), et Cl. Houtteville (3), juxta quos miraculum non est, nisi eventus mirus atque stupendus ex incognita sed naturali legum harmonia ac temperatione profectus. Haec tamen mi-

(1) Cons. Andreas Spagnius S. J. *De miraculis*, Romae 1787. p. 2. *De essentia miraculi*. Egregium opus, in quo istud argumentum dilucido evolvitur.

(2) *Palingénésie philosophique* P. 17. c. 5. 6.

(3) Tom. II. edit. Amst. 1744, lib. 1. cap. 6; ubi advertendum est, Houtteville minime rejicere communem notionem de miraculis, juxta quam etiam refellit Spinozam, sed aliam addere, ut eo magis directe opponeret Spinoae. Differt vero quoad aliqua a Bonnet praesertim in eo, quod ille duos ordines a Deo ab initio constitutos existimaverit, ex quorum uno consurgeret consuetudine naturae cursus, ex altero vero extraordinarius cursus existeret, in quo miracula concipiuntur. Id est, ex Caroli Bonnet mente duplicem Deus causarum seriem paravit, unam, quae commu-

nes produceret effectus, v. g. ortum et occasum solis, motus siderum, aliaque phaenomena, quae passim in mundo contingunt; aliam vero seriem causarum disposuit, quae in his vel illis locorum, temporum ac personarum adjunctis ab eodem auctore paratis praeter consuetas naturae leges operarentur. Hinc series causarum, v. g. quae a mortuis Lazarum excitarent, jam ab initio disposita fuerat, eo tamen ordine, ut causae operaturae non essent nisi adveniente Christo ad sepulchrum et clamante: *Lazare veni foras*. Houtteville autem arbitralur Deum ab initio sic omnia disposuisse, ut ex legibus semel positis omnia prodirent, sive quae naturalia, sive quae mira nobis videntur, quae tamen non minus naturalia, quam priora sunt. Ex quibus patet, sententias tam Caroli Bonnet quam Houtteville in idem quoad substantiam redire.

raculi notio a plerisque fortasse non injuria improbatur ac passim rejicitur. Quidquid vero de ea sentiendum sit, quod aliorum judicio relinquimus, eam minus necessariam censemus ad Spinozae sophismata diluenda, in quem finem invecta est.

115. Dixi praeterea, *si dolosas nonnullas excipias ad fallendum excogitatas vel prorsus singulares*; cujusmodi profecto ea est, quam Lockius (1) dedit, dum miraculum definit: *operationem sensibilem, quae superat spectatorum captum et juxta illos est contra cursum naturae et accipitur tanquam operatio divina*, qua destruitur ipsa miraculi notio, cujus tota virtus penderet ab existimatione spectatorum. Id ipsum dicatur de aliis ejusmodi plus minus vitiosis definitionibus, quas hic non vacat ad trutinam vocare (2).

116. Igitur ut omnis acquivocatio tollatur, ad veram miraculi notionem requirimus, ut sit opus sensibile, ut a nulla causa creata effici possit, et quidem praeter consuetum naturae ordinem, et nos ad divina perducatur.

117. Circa miraculi divisionem et gradus quoad *substantiam, subjectum et modum*, nec non de alia divisione miraculi, quod fiat *supra, praeter et contra* naturam, auditores remittimus ad celeberrimum opus Benedicti XIV. *De beatificatione et canonizatione Sanctorum* (3).

118. Ut igitur coeptum prosequamur iter, ex adversariis miraculorum alii sunt, qui cum Spinoza (4) eorum

(1) *Journal des Savants*, art. 9. annu 1708.

(2) Consul. Andr. Spagni op. cit. p. 2. art. 6, 7, 8., ubi accurate plures expenduntur definitiones miraculi partim falsae partim imperfectae, vel saltem parum exactae.

(3) Lib. IV. p. 1. c. 1. et seqq. Consul. praeterea Spagni loc. cit., ubi expendit diversas acceptiones nomi-

nis miraculi.

(4) *Tract. theol. polit.* c. 5. Spinozae inter ceteros adstipulatus est ex Hebraeis Dom. J. Salvador annis proxime elapsis in opere cui titulus: *Histoire des institutions de Moïse et du peuple hébreu*, Paris 1829. tom. 1, pag. 218, et alibi passim.

possibilitatem denegant; alii vero data miraculorum possibilitate inficiantur miracula esse notam certam et ineluctabilem divinae revelationis, seu quod tuto ea discerni non possint ab operibus naturalibus vel ab operatione daemonis, seu quod assensum iis praestare non possimus defectu historicae certitudinis. Duo propterea a nobis praestari debent, 1. adstruenda miraculorum possibilitas, 2. eorundem ineluctabilis vis ad probandam divinitatem supernaturalis revelationis.

PROPOSITIO I.

Miracula sunt possibilia

119. Sane illud est possibile quod non implicat, sive nullam involvit contradictionem; atqui miracula posse a Deo fieri nullam involvit contradictionem; miracula igitur sunt possibilia.

120. Deus enim, qui libere mundum condidit, ac libere eidem leges dedit, potest legibus libere a se constitutis derogare; ast ubi legum naturalium adest derogatio, ibi habetur miraculum; ergo. Praesertim cum ejusmodi derogatio, quae in tempore fieret, nullam importet mutationem in Deo, qui ab aeterno, dum constituit mundum condere, eique generales leges dare decrevit, simul decrevit peculiare ejusmodi derogationes ad manifestandam gloriam suam; Deus siquidem, dum *opera mutat, non mutat consilium* (1).

121. Et haec quidem juxta nostrum concipiendi modum; si intimius enim, ac prout in se est, res consideretur, aliter omnino se habet. Etenim Deus, si proprie loqui velimus, non regit *genera* vel *species*, quae non sunt nisi *ideae abstractae*, sed regit *individua*, quae sola

(1) S. August. *Confess.* lib. 1, c. 4.

realia sunt , neque regit legibus universalibus , quae pariter non sunt nisi in conceptu nostro , exinde ortae , quod nos conspiciamus Deum *modo uniformi* individua talis classis regere , sed regit voluntate peculiari individua singula ; quo fit , ut , dum Deus decernit talem planetam v. g. sisti , non deroget alicui legi a se constitutae , sed decernit ejusmodi planetam moveri circa solem ad tantum tempus , postea sisti , ac rursum deinceps moveri , prout libet. In hoc vero nulla concipitur nec habetur legis universalis naturalis derogatio , ut patet ; et sic de ceteris dicatur. Cum igitur , re in se spectata et prout est , nulla sit universalis naturalis lex , quae videlicet *genera* et *species* , et non potius *individua* respiciat , nec ulla habetur derogatio proprie dicta vel exceptio , sed simplicissimus divinae voluntatis actus , quo fit , ut tale naturae individuum in datis adjunctis hac potius vel alia ratione se habeat ; qui proinde hac de causa miraculorum possibilitatem impugnant , falso laborant supposito , ac Deum ex propria sua imbecillitate dimetiuntur.

DIFFICULTATES

122. I. Obj. 1. Non possunt a Deo fieri miracula , quin Deus ipse mutetur. Leges enim , quibus mundus regitur , sunt ipsa Dei decreta , quae mutari non possunt , quin mutetur ipse Deus , quod est absurdum. 2. Saltem miracula , subdit Salvador (1) , minus digna Deo videntur ; in legibus enim mundi constituendis cur Deus non ita generaliter eas patere voluerit , ut circumstantias omnes etiam attingerent , quae essent exoriturae ex hoc ipso mundo ? Secus 3. dicendus est locum identidem reliquisse evertendi has leges , quod nonnisi ineptis legislatoribus usuvenit , qui quum exigua mentis virtute sint in-

(1) Op. cit. ibid. et alibi passim.

structi, totamque reipublicae regendae formam assequi nequeant, quoties graviore difficultates occurrunt, toties ad exceptiones confugere coguntur.

123. Resp. ad 1. *N.* Ad prob. *leges sunt Dei decreta*, etc. vel *N.* quum leges non sint nisi effectus divinorum decretorum; vel *D.* Sunt ipsa Dei decreta, quae habent pro objecto tum leges tum ipsarum derogationes in tempore faciendas, *C.* secus *N.* Recolantur dicta in probationibus; ex quibus patet, nec locum habere posse difficultatem propositam a Spinoza quae praeterea jamdiu a s. Thoma (1) praecoccupata est.

124. Ad 2. *N.* Ad prob. *in legibus constituendis*, etc. *D.* Nisi Deus sibi aliquid minus usitatum reservarit ad torpidas quorundam hominum mentes excutiendas, quae consuetis non moventur, *C.* quasi Deus non satis providere ordinariis eventibus ac naturali rerum creaturarum ordini *N.* Deus certe leges universales constituit, quibus ordinaria ratione mundus regeretur; at ei quoque placuit reservare sibi extraordinaria nonnulla facta, quibus homines supremum ejus dominium in res cunctas ejusque providentiam evidentius cognoscerent, ac praecipue certiores fierent de veritate religionis, quam revelare constituit, ut inferius ostendemus (2).

(1) En verba S. Thomae: *Dicendum quod Deus sic rebus certum ordinem indidit, ut tamen sibi reservaret quod ipse aliquando uliter ex causa esset facturus. Unde quum praeter hunc ordinem agit, non mutatur.* P. 1. q. 105. art. 6. ad. 3. Eadem alibi scribit, praesertim quae disputatis 4. de miraculis, q. 6. art. 1. ad 6; et lib. 113. *Contra Gent.* c. 99. n. 7.

(2) Ita S. August. *Tract.* 24. in Joan. n. 1, praecoccupavit et solvit hanc difficultatem: "Miracula, quae fecit Dominus J. C., sunt quidem divina opera, et ad intelligendum Deum de visibilibus adinvenit huma-

nam mentem. Quia enim ille non est talis substantia, quae videri oculis possit, et miracula ejus, quibus totum mundum regit universamque creaturam administrat, assiduitate videntur, ita ut pene nemo dignetur attendere opera Dei mira et stupenda in quolibet seminis grano; secundum suam misericordiam servavit sibi quaedam, quae faceret opportuno tempore praeter usitatum cursum ordinemque naturae, ut non majora sed insolita videndo stuperent, quibus quotidiana vivebant. Majus enim miraculum est gubernatio totius mundi, quam saturatio quinque millium hominum de quinque panibus; et ta-

125. Ad 3. *D.* Si id ex necessitate faceret, *C.* si ex libera electione ob fines sibi praestitutos *N.* Deinde *Neg.* Deum evertere suas leges quum miraculum quaecumque edit; sed, ut in probationibus dictum est, derogat legibus suis, et quidem non omnibus, sed alicui peculiari legi et in casibus particularibus. Deus vim igni ademit, ne rubum combureret, non evertit legem, nec sustulit virtutem ubique igni inditam ad comburendum; et sic de ceteris dicatur. Aequivocatione proinde utuntur increduli in his comminiscendis. Ad confirm. *quod non nisi ineptis legislatoribus*, etc. *D.* Si Deus ejusmodi exceptiones faceret ex inopinato et non praevisto superveniente eventu, *C.* si e contrario in toto etiam systemate voluit has exceptiones ad suos fines obtinendos comprehendere *N.* Hinc *N.* parit. Ineptus enim legislator ad has exceptiones confugeret defectu scientiae et capacitatis, quod de Deo dici nequit, qui incredibili scientiae suae virtute omnia comprehendit; si tamen miracula exceptiones dicenda sint, in cujus vocis usurpatione rursum latet aequivocatio.

126. Et haec, ne tritam desereremus viam; ceterum vi animadversionis in probationibus positae, ejusmodi difficultates toties repetitae ne locum quidem habent.

127. Ex dictis pariter evanescent, quae magno apparatu obtrudunt recentiores rationalistae, id est, increduli cum Wegscheider (1), dum scribunt: « Ili (supernaturalistae) nimirum Deum sumunt res humanas naturali ordine in universum regere, et ubi hic naturalis ordo

men haec nemo miratur; illud mirantur homines, non quia majus, sed quia rarer est. Ex hac s. Augustini observatione patet, quid sentiendum sit de praecelara recentioris rationalistae sententia, dum ait: "Miraculis multo minus declarari majestatem naturae divinae quam ordine naturae; quum in illis vim tan-

tum admiremur (rudem quasi); in hoc vero et vim, quae virtutem rebus etiam abjectis indidit, et sapientiam dispensatoris. Ita Doederlein, Institutio theolog. christian. vol. 1, pag. 615. Quam praecelare ac sapienter haec et ejusmodi alia proferuntur!

(1) Op. cit. proleg. c. 1. § 12, n. a.

voluntati ipsius haud amplius satisfacere possit, miraculis patrandis ipsi quasi opeum et medicinam ferre; illi vero (rationalistae) Deum statuunt ab aeterno res omnes continua serie secuturas tam sapienter disposuisse, ut quae v. g. ante plura jam saecula evenerint, id, quod nunc evenit, praepararent et efficerent, nec opus esset miraculis quibusdam quasi intercalariis; ergo omnem gubernationis divinae sapientissimae et ima aeque ac summa, maxima aeque ac minima, extrema aeque ac novissima complectentis ambitum agnoscunt; dum isti (supernaturalistae) in singulis tantum effectibus, Numen summum prodentibus, hic vel illic singularem Dei omnipotentis efficaciam cernere maluit, eoque hominibus rudioris aevi aequiparandi sunt, qui magis ad summam Dei vim et efficaciam quam ad sapientiam explorandam prompti erant. Ita illi ex tripode pronunciant in quibus difficile est dijudicare, utrum impietas ignorantiae, an ista illi praevaleat, dum tamen uni ipsi et docti et sapientes a suis celebrantur.

128. Obijcitur secundo cum Spinoza. Miraculum est quid excedens cognitionem nostram, nosque perducens in cognitionem existentiae Dei vel alicujus sui attributi; sed non est possibile, ut id, quod excedit cognitionem nostram, nos perducatur in alterius rei cognitionem; nam ex illo, quod excedit cognitionem nostram, nihil potest inferri; ergo impossibile est miraculum (1).

129. Resp. D. 1. part. maj. Miraculum excedit cognitionem nostram quoad modum, quo per divinam virtutem existit, C. quoad existentiam sui et quidem per virtutem divinam N. et N. min. cum suis probationibus.

(1) Ubi pariter notandum, aliis verbis, ut solent, eandem difficultatem rationalistas refricare, dum ajunt: Si nemo ejusmodi effectiorem (miraculum) certis signis cognoscere potest, ne apta quidem est Nu-

mini divino patefaciendo, quippe quae hominem in ambiguo relinquit, nec certam unquam ei persuasionem indere possit. (Ibid.) Eandem jam proposuerat Rousseau apud Bergier, *Traité hist.* tom. 7, §. 14, ch. 2.

Quomodo vero ab operibus naturalibus miracula dignoscantur, ex infra dicendis patebit.

130. Objicitur tertio ab anonymo quodam incredulo (1): Miracula id sunt in ordine naturali, quod sunt mendacia in ordine morali; *nam miracula sunt violatio ordinis naturalis; sed mendaciis non est credendum; ergo neque miraculis.*

131. Resp. *N. maj.* Ad Prob. *miracula sunt violatio ordinis nat.* etc. vel *N.* ex dictis miracula esse violationem ordinis naturalis; vel *D.* Id est, sunt suspensio ordinis physici libere a Deo facta, *C.* violatio proprie dicta, prout est mendacium in ordine morali *N.* Sublata inepta hac acquivocatione vocis *violationis*, evanescit tota virtus propositi argumenti, ex quo aeque anonymus inferre potuisset, miracula esse *peccata*, prout peccata sunt mendacia (2). Accedit, quod violatio ordinis moralis importaret imperfectionem in Deum, quod repugnat summae ipsius sanctitati. Id patet ex ipso mendacio, quod opponeretur veritati.

132. Inst. Eadem est ratio legum physicarum ac legum moralium; atqui istae mutari non possunt; ergo neque illae.

133. Resp. *N. maj.* et paritatem; priores enim, si quae sint, a libera Dei voluntate pendent, non autem posteriores, quae afficiunt ipsa moralia Dei attributa, sanctitatem nempe, justitiam, etc.

(1) In *Diario literator*, Pisan. tom. v, art. 3, pag. 88.

(2) Impugnarunt Benedictum Spinoza ex orthodoxis Calmet in *Dissert. de veris fictisque prodigiis*, quae est prima inter eas quas praemisit ad Comuent. in Exod. Michael Vassor, aucte suam apostasiam a religione catholica, *Véritable relig.* t. 11, c. 1; Fassonius, *De mirac.*; Hlooke

Princip. relig., tom. III, Dissert. *De Mirac.*; Valsechius, *Fondamenti della relig.* lib. II, 16, n. 8; Bergier, *Traité hist. et dogmat. de la vraie relig.*, tom. v. — Ex heterodoxis praecipue Petrus Bayle, cujus longam impugnationem referunt *Trevoltiani*, anno 1743, art. 41, pag. 1018, et Alphons. Nicolai S. J. *Lez. 7, sull' Esodo.*

PROPOSITIO II.

Miracula certissimam notam exhibent ad dignoscendam divinam ac supernaturalem revelationem

134. Miraculum ex datis definitionibus non potest esse nisi a Deo; ergo si Deus miracula efficiat in favorem revelationis, quae ejus nomine proponitur, miracula non possunt non esse certissima nota ad dignoscendam divinam ac supernaturalem revelationem.

135. Deus enim veritas est neque unquam potest vel adstipulari errori et falsitati, vel suae auctoritatis sigillum apponere ad errorem confirmandum, vel saltem permittere, si sermo sit de operibus daemonum, ut ipsi talia opera edant, quibus homines invincibiliter in errorem inducantur.

136. Deus enim decipere homines non potest sive per se sive per alios; si igitur miracula veluti signa assumpsit ad testificandam ac patefaciendam divinae suae supernaturalis revelationis veritatem, nequit permittere, ut daemones talia opera patrent, quibus vel dubia fiat probatio, quae ex miraculis eruitur, vel ita homines decipiantur, ut in errorem ineluctabiliter inducantur, tum etiam, ut dicemus, cum malos punire decreverit vel bonos probare.

137. Attamen iste solus casus esset, in quo exceptio fieri posset adversus statutam propositionem, desumpta ex potestate malorum spirituum, quorum naturali vi, cum ignoremus quousque ea se extendat, patrari forsan nonnulla signa possent, quae saltem respectu nostri rationem miraculi haberent. Ast si notetur ejusmodi naturalem vim, quaecunque ea demum sit, liberam non esse, sed divinae providentiae obtemperantem quoad exercitium, ex dictis nihil erui potest ad infirmandum assumptum.

138. Cum difficultates, quae afferri solent, ad quatuor capita revocentur, ad tollendam confusionem distincte ac divisim eas proponemus.

DIFFICULTATES

Ex ratione

139. Obj. 1. Nemo perspectas habet omnes naturae vires; ergo nemo judicare potest inter opus naturale ac prodigiosum; sane 2. saepe perperam judicamus quidpiam naturam non posse ejusque legibus adversari, 3. quod rudibus praesertim accidere potest, quum ipsi impares sint examini ejusmodi instituendo. 4. Cum igitur dubium semper aliquod supersit in tali judicio efformando, dici nequit, miraculum esse certissimam divinae revelationis, cui testificandae assumitur, notam. Haec quidem veteres deistae, quibus Kantiani ac rationalistae subscribunt, quaeque fusius evolvunt. 5. Est enim, inquit Em. Kant (1), quaedam humanae mentis arrogantia, quam falso modestiam interpretantur, quaeque, ubi in rerum natura aliquid accidit, quod non statim ex causis physicis et moralibus explicari posse videtur, id immediate virtuti, quae leges naturae interrumpat, sive efficaciae Dei miraculosae, haud cunctanter attribuit. 6. At modestum indagatorem decet, ubi talis eventus causas naturales et intermediarias non statim reperiat, earum declarationem a futuro tempore potius expectare, quam continuo prodigia et miracula, id est, eventus supernaturali modo effectos somnari; quod quo rudior et incultior homo fuit, eo frequentius accidit. 7. Sunt quidam eventus in rerum natura, quorum causae, sicut rationes et leges naturae, e quibus pendent, ob mentis imbecillitatem aut experientiam

(1) *Vorlesungen über die Metaphysik*, seu *Praelectiones de Metaphysica*, pag. 333. Lips. 1825.

mancam non omnibus ex partibus et plane possunt cognosci, v. g. generationis mysterium. Neque tamen inde concludi potest, causas et leges eas hic omnino locum non habere, et ipsum Deum in mundo sensibili interdum sine causarum intermediarum interventu, scilicet *immediate et supernaturali* modo, operari. 8. Namque Deus ipse leges cognitionis humanae ita constituit, ut quaecunque in rerum natura evenierint, ad causas suas et ad leges in ipsa rerum natura positas, revocari debeant; nec, nisi his bene cogitatis, 9. *primaria* summaque rerum causa, a qua omnia continuata serie pendeant, in Deo sit quaerenda; 10. quippe qui cuncta ita disposuerit, ut ordine ac nexu quodam causali, qui ab humana mente indagari queat atque comprehendere, eveniant. 11. Quae quum ita sint, Dei omnipotentiam legibus naturae ab ipso datis superiorem quidem esse concedendum est, homo tamen innatis sibi cogitandi legibus subjectus divinam in administranda rerum natura vim et efficaciam, nisi ex nexu causarum et eventuum, experientia sensuum cognito, intelligere non potest (1); ergo.

140. Resp. Ad 1. *D. Positive* et quidem omnes naturae vires, *C. negative* saltem quoad illas, ex quibus iudicari debet de miraculo *N.* Nemo profecto omnes omnino perspectas habet naturae vires, ita ut de omnibus affirmare tuto possit, quousque sese earum efficacia extendat; at perquam saepe, experimento ductus potest homo sive doctus sive rudis cognoscere, quoad usque illa pertingere non possit. Atque ut in concreto exemplum ponatur (a quo semper fugiunt adversarii, ut intra abstractionum latebras sese tegant), etsi fateamur nos ignorare, quousque sese attollat nobilissima medicinae ars, certo tamen scimus, nullum medicum solius voluntatis nutu vel voce quempiam infirmum sanare, os confractum

(1) Wegscheider, loc. c. § 11, n. b.

consolidare, mortuum, et quidem jam quatrinduo defunctum et foetentem, ad vitam revocare; quae si contingerent, quis ambigat de miraculo? Nonne et ipsi deistae et rationalistae, relictis suis omnibus abstractis et contortis ratiocinationibus, miraculum proclamarent? Possemus proinde et nos hic eum imitari, qui, ad solvenda argumenta sibi proposita adversus motum, coepit ambulare.

141. Ad 2. *D.* Saepe et quidem ex defectu accurati examinis, *Tr.* semper ac debito examini nstituto *N.* Recolantur nuper dicta, in quibus nemo facile decipi potest.

142. Ad 3. *D.* In nonnullis difficilioribus casibus, *Tr.* in recensitis *N.* Rudes praeterea, si eventus aliquantis per implicatus accideret, cui judicando impares essent, deberent se judicio sapientum subicere. Addimus, Deum ad testificandam suae revelationis veritatem iis portentis uti, in quibus nemo decipi potest; id enim ad suam providentiam spectat. Deistae id sibi fingunt, quod locum non habet.

143. Ad 4. *N.* Recolantur superius dicta.

144. Ad 5. *D.* Si indiscriminatim et absque solido fundamento humana mens in hanc sententiam concedret, *C.* si solido fundamento et in factis indubiis *N.* Duo extrema declinanda sunt, temeritas atque incredulitas. Et nos docemus, non semper aurem esse praebendam iis, quae tanquam miracula praedicantur; non tamen sub nimiae modestiae obtentu respuere debemus, quae vere miracula sunt atque a physicis legibus repeti nullatenus possunt, cujusmodi v. g. est Lazari a mortuis excitatio; alioquin Christus frustra ad fidem sibi conciliandam Judacos ad signa et opera sua provocasset. Rationalistae porro, quibuscum agimus, scripturas admittunt, licet, ut videbimus, inutiles conatu omnia prodigia per violentam interpretationem ad naturae leges exigere satagant.

145. Ad 6. *D.* Si natura talis eventus ea sit, ut ejusmodi suspensionem patiatur et postulet, *C.* si autem ejus-

modi suspensionem nec postulet nec patiatur *N.* Ridiculum plano foret, quod aliquis, ubi cerneret ad vocis imperium mortuum in vitam redeuntem, deberet animo haerere ac expectare experimentum naturae et temporis ad cognoscendum, num ista aliquando possint vitam defuncto restituere. Falso supponunt adversarii, vel saltem supponere videntur, miracula esse ad instar combinationum chemicorum vel electricorum aut magneticorum phaenomenorum, in quibus inveniri potest causa physica ad ea explicanda; at talia non sunt miracula, quae operatur Deus in confirmationem suae revelationis, ut praedictam animi suspensionem requirant, neque rudis quispiam in iis falli aut decipi potest, habito praesertim respectu ad adjuncta omnia, in quibus miracula patrantur.

146. Ad 7. *D.* Et quum dantur ejusmodi eventus, mens assensum suum cohibere potest et interdum debet, *C.* omnes prorsus eventus ejusmodi sunt *N.* Non inficiamur, dari tales eventus, quibus expendendis examine et quidem accurato opus sit, ut inde judicium de iis feratur; at negamus omnes omnino tales esse, ut ex dictis patet. In eo propterea peccant adversarii nostri, quod velint ad omnes eventus extendere, quod non est nisi paucorum, de quibus ex toto complexu judicari debet, et ex aliis etiam miraculis minime dubiis, a quibus illi priores eventus lucem accipiunt et firmitatem.

147. Ad 8. *D.* Si quae sint in rerum natura posita, *C.* si non sint *N.* Jam vero eo ipso, quod miracula sint praeter ordinem totius naturae creatae, frustra in rerum natura quaeremus has causas et leges, prout autumant rationalistae, qui assumunt quod est falsum in suis argumentationibus; porro *Deus*, ipsis latentibus, *leges humanae cognitionis ita constituit, ut quaecumque in rerum natura evenerint, ad causas suas et leges in ipsa rerum natura positas revocari debeant*; miracula vero eveniunt praeter rerum naturam, ut diximus.

148. Ad 9. *D.* Id est, omnia, continuata serie, divina sapientia ab aeterno ad finem suum ordinate disposita sunt, et quidem independenter a naturalium causarum serie, *C.* in ipsa causarum naturalium serie, ita ut ab ista omnino pendeant *N.* Responsio patet ex dictis.

149. Ad 10. *D.* Ratione superius exposita, *C.* secus *N.*

150. Ad 11. *D.* Id est, nequit homo intelligere modum, quo vis et efficacia divina operetur miracula, prout nec modum assequitur, quo haec eadem efficacia divina operatur ea, quae ordinis naturalis sunt, *C.* non potest intelligere utrum eventus quidam excedat consuetum providentiae ordinem, ac proinde non potest judicare de vero miraculo *N.* Quod vero subditur de nexu causarum et effectuum experientia sensuum cognito, coartari debet ad ea, quae a nexu naturali pendent; non autem extendi potest ad ea, quae transgrediuntur ejusmodi nexum et a Deo in alio ordine constituta sunt (1).

(1) Quum quidam ex Germania in censura hujus loci Wegscheider (in *Wiener N. krit. Journal. der theol. Lit. B. II. II. 3*, p. 318 et seqq.) reposuisset, Deum revelando efficaciam suam immediate exserere in humanam rationem, quippe quae causalitatis legi haud obnoxia, sed vis quaedam sit sponte sua libere agens (quam obsura haec sunt et incongruedicta!) respondit cit. auctor: et is haud bene memor est legum, quibus animus humanus adstrictus est, qui, nulla alia vi ac ratione, rerum divinam cognitionem sibi comparare atque omnino excoli potest, nisi singulis animi facultatibus bene excultis, tum intuitione, quae dicitur naturae, et institutione, tum medi-

tatione et abstractione. Praeterea ejusmodi persuasionem commenta mysticorum de commercio quodam inter Deum et homines immediate foventur ac sustentantur, „Obscurior adhuc responsio haec est ac pluribus nominibus falsa. Rel. g'o debet esse omnium, ideoque etiam rudiorum, qui non habent omnes animi facultates bene excultas; falsum est non posse hominem sibi comparare cognitionem rerum divinarum nisi intuitione et institutione naturae vel abstractione. Quod spectat ad fanaticum nuper inductum penes protestantes Germaniae mysticismum, ipsi viderint, nec enim ejusmodi aberrationes nobis expendere in animo est.

DIFFICULTATES

Ex daemomum efficacia

151. Obj. 1. Possunt daemones mira quam multa patrare, quae vel miracula sunt, vel saltem eisdem aequivalent quoad effectum. 2. Saltem incertum semper erit, num ea, quae miracula credimus, utpote excedentia vires naturae nobis cognitae, divinae an diabolicae operationi adscribere debeamus. 3. In tali autem dubio instituendum esset examen de bonitate doctrinae, priusquam de auctore miraculi ferri iudicium posset; 4. ast praeterquam quod examen omnium esse non potest, 5. praesertim ubi agitur de doctrina indifferenti atque excedente hominum captum, miraculum jam non potest esse nota divinae revelationis, ex qua 6. dignosci deberet, utrum miraculum opus divinum sit; ergo.

152. Resp. Ad 1. *D.* Per se, *Tr.* reipsa faciunt, ita ut nulla via pateat ad secernenda opera daemonis a Dei miraculis, quum necessitas urget, spectata divina providentia *N.* Recolantur superius dicta.

153. Ad 2. *N.* Si enim patrantur in confirmationem doctrinae promoventis temporale et spirituale hominis bonum Deique gloriam, apertum est, opera illa non esse a daemone, utriusque infensissimo hoste. Expendi praeterea debent qualitates *morales* illius, qui haec operatur, finis, adjuncta cetera, quae ea comitantur (1).

154. Ad 3. *D.* Esset instituendum examen de bonitate doctrinae *generale*, quatenus ea non sit evidenter contraria gloriae Dei et utilitati hominis, *C.* quatenus debeat examen de bonitate doctrinae *analyticum* et *particulare*

(1) Cons. Spedalieri, *Analisi dell'esame critico del Sig. Nicolò Frevet sulle prove del cristianesimo*,

c. 4. art. 9, *Del distintico tra i veri ed i falsi miracoli.*

institutui *N.* Quilibet porro rudis et bardus homo ad tale examen idoneus est. Quamvis semper prae oculis habendum sit, quod diximus de moralibus Dei attributis, quibus certi sumus, nunquam ipsum passurum, ut daemon ita ejus opera imitetur, ut facile discerni nequeant, vel etiam ut in certis rerum adjunctis ea possit ullo modo imitari.

155. Ad 4. *D.* Modo exposito, *N.* alias *Tr.* Recolantur modo dicta.

156. Ad 5. *D.* Et tunc, ut patet ex dietis, Deus non permetteret talia opera, *C.* permetteret, *N.* Alioquin nulla via superesset ad cognoscendam veritatem et errorem eo ipso, quod agatur de doctrina, quae mentis aciem superaret.

157. Ad 6. *N.* Sed supposita bonitate doctrinae, de qua adhuc dubitari posset, num divina an humana sit, accedit miraculum tanquam divinitatis sigillum (1).

158. Inst. Scriptura ipsa hanc potestatem daemonibus tribuit; Deut. enim dicitur: *Si surrexerit in medio tui propheta aut qui somnium vidisse se dicat, et praedixerit* (hebr. יִנְבִּיא) *dederit vel ediderit) signum atque prodigium, et evenerit, quod locutus est, et dixerit, eamus et sequamur deos alienos, . . . non audies verba prophetae illius aut somniatoris; quia tentat vos*

(1) Origenes *Contra Celsum*, lib. II. n. 51. merito infert ex eo, quod per praestigia aliqua fiant, divina virtute aliqua fieri in vita necesse esse. Οὕτω καὶ ἐπὶ τῶν κατὰ γρητοσίαν ἐπιτελούντων ὅτι πάντως ἀνάγκη εἶναι καὶ ἀπὸ θείας ἐνεργείας ἐν τῷ βίῳ γινόμενα. Deinde pergit enumerans notas, quibus verum a falsis miraculis daemonum dignoscatur, easque repetit praesertim a qualitatibus moralibus eorum, quorum opera id sit, et praecipue a doctrina, quae Dei gloriam hominumque utilitatem promoveat, dicens: Διὰ τι οὕχ' βιβασανισ-

μῖνος τοὺς ἐπαγγιλλομένους τὰς δυνατόμεις ἐξετάσομεν ἀπὸ τοῦ βίου καὶ τοῦ ἡθους καὶ τῶν ἐπακολουθούντων ταῖς δυνατόμειν, ἥτοι εἰς βλαβὴν τῶν ἀνθρώπων, ἢ εἰς ἡθὺς ἐπανόρθωσιν; τίς μὲν δαίμων διακονούμενος διὰ τίνων ἐπυθὼν καὶ μαγικῶν τὰ τοιαῦτα ποιεῖ; τίς δ' ἐν χυρᾷ καθαρᾷ καὶ ἁγίῳ γινόμενος κατὰ τὴν ψυχὴν αὐτοῦ καὶ τὸ πνεῦμα, οἶμαι δὲ καὶ τὸ σῶμα τῷ θεῷ παραδεδωμένος θεῶν τι πνεῦμα, τὰ τοιαῦτα εἰς ὠφέλειαν ἀνθρώπων καὶ προτροπὴν τῶν ἐπὶ τὸ πιστεῖν τῷ εὐαγγελίῳ πράττει; tom. I. edit. Maur. 1733. pag. 425 et 426.

Dominus (1). Sic in N. T. Christus : *Surgent pseudo-christi et pseudoprophetae et dabunt signa magna et prodigia , ita ut in errorem inducantur , si fieri potest , etiam electi* (2) ; et Apostolus loquens de viro peccati ait : *Cujus est adventus secundum operationem Satanæ in omni virtute et signis et prodigiis mendacibus* (3) ; et in Apocalypsi de bestia habente cornua duo ad instar agni dicitur : *Et fecit signa magna , ut etiam ignem faceret de coelo descendere in terram ,.... et seduxit habitantes in terra propter signa , quae data sunt illi facere in conspectu bestiae* (4) ; rursum : *sunt spiritus daemoniorum facientes signa et procedunt ad reges totius terrae* (5) ; ut nonnulla alia similia loca praetermittamus ; ergo.

159. Resp. D. A. Id est , scriptura testatur daemones posse interdum mirabilia facere , Deo permittente , sive ad bonorum probationem , sive ad ultionem malorum in confirmationem erroris ; ita tamen ut nullum certum supeditet medium ad prodigiorum auctorem discernendum , N. secus Tr. Plerique enim negant in citatis locis agi de veris proprieque dictis miraculis , ut patet ex commemoratis verbis Pauli ea vocantis *signa mendacia* seu

כִּי־יִקְוֹם בְּקֶרֶךְ נְבִיא (1)
או חלם חלום ונתן אליך אות
או מופת : ובהא האות והמופת
אשר־דבר אליך לאמר נלכה
אחרי אלהים אחרים... לא
תשמע אל־דברי הנביא ההוא
או אל־חולם החלום ההוא
כי מנפה יהיה אלהיכם
Deuter. xiii , 2. et seqq. : אֲתִכֶּם

(2) Ἐγεθίζονται γὰρ ψευδοχριστοὶ καὶ ψευδοπροφῆται , καὶ ὡ-

σοῦσι σημεῖα μεγάλα καὶ τέρατα , ὥστε πλανῆσαι , εἰ δυνατόν , καὶ τοὺς ἐκλεκτούς. Matt. xxiv , 24.

(3) Οὐ ἔστιν ἡ παρουσία κατ' ἐνέργειαν τοῦ Σατανᾶ ἐν πάσῃ δυνάμει καὶ σημείοις καὶ τέρασιν ψευδούς II. Thessal. ii , 9.

(4) Καὶ ποιῶσι σημεῖα μεγάλα , ἵνα καὶ πῦρ ποιῇ καταβαίνειν ἐκ τοῦ οὐρανοῦ εἰς τὴν γῆν , ἐνώπιον τῶν ἀνθρώπων. Καὶ πλανᾷ τοὺς κατοικοῦντας ἐπὶ τῆς γῆς διὰ τὰ σημεῖα , ἃ ἰδοῦθαι αὐτῷ ποιῆσαι ἐνώπιον τοῦ θ-εοῦ. Apoc. xiii. 13 et 14.

(5) Εἰσὶ γὰρ πνεύματα δαιμόνων ποιοῦντα σημεῖα , ἃ ἐκτελούνται ἐπὶ τοῦς βασιλεῖς τῆς γῆς. Ibid. xvi , 14.

mendacii, ut praesefert graccus textus. Sed dato etiam quod de veris miraculis saltem quoad nos in adductis testibus ageretur, sic tamen Deus semper praesto erit, ut vel per celebriora miracula, vel per totalem ejusmodi efficaciac ademptionem, seu potius per exercitii impedimentum vel per totalem istorum daemonis ministrorum confusionem, veritas eluceat, ne inevitabilis prorsus error evadat; prout evenit Magis in conspectu Pharaonis; nec enim Magi sciniphles e pulvere educere potuerunt, adeo ut exclamare coacti fuerint: *Digitus Dei est hic* (1); sicut Baal pseudosacerdotibus in conspectu totius populi israelitici contigit (2); prout denique continget sub mundi finem illis falsis prophetis veram religionem oppugnantibus, praesertim si animadvertamus, Christum horum prodigiorum praedictione omnem vim eis ademisse. Hinc Deus gloriam suam, justi meritum, mali excecationem eruent. Ex his responsio patet ad singula objecta testimonia et his similia, quae adduci possent (3).

DIFFICULTATES

Ex historia

160. I. Obj. Nulla est religio, quae in sui confirmationem non habeat miracula. Vera miracula profecto sunt caecis visum restituere, defunctos ad vitam revocare, morbos subito depellere, aquam cribro asportare, onerosissimam et haerentem navem cingulo trahere, cotem novacula secare et alia id genus plurima; atqui primum inter ceteros praestiterunt Vespasianus et Hadrianus, testibus Tacito (4) et Suetonio (5) atque Spartiano (6); al-

(1) Exod. viii, 19.

(2) iii. Reg. xviii.

(3) Conf. Tassoni, *Verità della Religione*, tom. 1. c. 34, p. 183; Pascal, *Pensées sur la religion*,

ch. 18. n. 2.

(4) *Hist. lib. iv, n. 81.*

(5) *In Vesp. n. 7.*

(6) *In hist. Aug. in Hadriano*, n. 25.

terum praestitit Aesculapius, qui, ut refert Diodorus Siculus (1), Androgeon Minois filium et Hippolitum filium Thesei a morte excitavit; tertium praeter Aesculapium Isis passim in templis sibi dicatis praestabat, eodem teste (2): quartum et quintum praestitit Claudia Vestalis, referente Valerio Maximo (3); sextum denique Attius Navius, teste Livio (4). Vel igitur omnem religionem divina esse dicendum est, vel miraculum nullius roboris esse ad astruendam alicujus religionis divinitatem.

161. Resp. D. A. Nulla est religio, quae in sui confirmationem non habeat miracula vel vera vel ficta, C. vera, vel N. vel *subdist.* Patrata in testificationem alicujus virtutis, Tr. in confirmationem erroris N. Ad prob. vera miracula profecto, etc. D. Et ejusmodi facta veluti fabulosa a sapientibus habentur, quia ad critices regulas exacta vel falsa vel saltem suspecta deprehenduntur, C. deprehenduntur ut vera et ad falsae religionis confirmationem edita N. In primis recensita facta carent fundamento historico. Etenim ne unus quidem ex citatis historicis fuit oculatus testis, et ex incerto rumore ea referunt; ea insuper Tullius (5) contemnit, Lucianus vero (6) irridet. Sacerdotum fraudibus eadem plerique adscribunt (7). Nulla praeterea perlubentur in falsae reli-

(1) *Bibl. Hist.* lib. iv, pag. 189, edit. Henr. Steph.

(2) *Ibid.* pag. 189.

(3) *Ibid.* viii, c. 5.

(4) *Lib.* i, c. 36.

(5) *De Divin.* lib. ii, c. 38. « Omitte, sic alloquebatur Quintum fratrem, lituum Romuli, quem in maximo incendio negas potuisse comburi, eodem Attici Navii: nihil debet esse in philosophia fabellis loci ».

(6) In *Dialogo*, *Jupiter confutatus*, et *Jupiter tragoedus*, et alibi passim.

(7) *Valer. Max.* lib. i, c. 8, n. 6, scribit: « Nec me praeterit de motu et voce decorum immortalium

humanis oculis auribusque percepto, quam in ancipiti opinione aestimatio versetur ». Sic *Curt.* lib. iv, c. 1, circ. fin. « Equidem plura transcribo quam credo. Nam nec affirmare sustineo, de quibus dubito, nec subducere, quae accipi. Similes confessiones saepe reperiuntur in *Liv.* Dec. i, lib. i; *Plutarch.* in *Vita Romuli*. Id ipsum dicitur de prodigiis *Vespasiani* et *Hadriani*; nam *Spartianus* in *Hadriano* tradit, quod *Marius Max.* ea referat tanquam fide patrata, et *Tacitus* satis indicat ex assentatione in novum imperatorem *Vespasianum* illa fuisse excogitata. Sed cons. *Aug. Reumann, Dissert. de*

gionis testificationem saltem directe edita, quaeque naturaliter magna ex parte explicari non possint (1).

162. II. Obj. 1. Multi haeretici miracula patrarunt, ut Paulus Novatianus, teste Socrate (2), cujus precibus Novatianorum ecclesia ab incendio incolumis evasit, et aqua e lavacro semel et iterum effluxit ad delegendum dolum judaei ab eodem Paulo fecte baptismum petentis. Idem de quodam, cognomento Eutychiano, e novatianorum secta referunt Socrates et Sozomenus, nempe eum sanasse morbos, et facta ab eo mirabilia, ut virtute, quae in vita ejus elucebat, Constantinum familiarem et amicum sibi effecerit (3). 2. Quod fieri posse pro certo habet Tertullianus (4), et praesertim, 3. s. Augustinus (5), qui non ex miraculis, quae pro se Donatistae habebant, sed ex verae ecclesiae notis de veritate

miraculis Testificant, etc. tom. 11, p. 427; Joan. Clericus, *Hist. eccl. prim. duorum saec.*, ad annum 138. Jac. Serces, *Traité des miracles*, p. 276; Moshem. in *Cudworth*, tom. 11, p. 162, Lugd. Batav. 1772; *Observatio Grotii De ver. relig. christ.*, lib. IV, n. 8. Circa facta prodigiosa Apollonio Tiano a Philostrato post duo circiter saecula attributa, et ab Apuleio relata in *Asino aureo*, consuli possunt Huetius, *Demonstr. evang.* prop. 1.; Orsi, *Storia eccl.* lib. 1, n. 69, et lib. 11, n. 22; *Dissert. de Du Pin sur l'histoire d'Apollonius convaincu de fausseté*.

(1) Aegroti Babylone et fortasse in pluribus aliis regionibus primum in viis publicis exponebantur, ut transientes consulerent, et ab ipsis ea remedia acciperent quae simili morbo affectis jam pridem ad valetudinem recuperandam conducerant. Aegypti in templa Serapidis et Graeci in templa Aesculapii deferabant aegrotos, et media, quibus sanati sunt, scripta in his fanis conservabantur. Ex his per experientiam cognitis medicamentis progressu temporis ars

medica in scientiam redacta est primum in Aegypto, multo recentiori aevi in Graecia, etc. Inter Hebraeos ut in Aegypto et in Graecia sacerdotio ars medica commissae fuit. Ita Jaln, auctor non suspectus adversariis, in *Archaeolog.* § 122. 2. edit.; inde originem habuerunt mythologicae illae fictiones de sanationibus ope Aesculapii, Iasidis, etc. et haec cohaerenter ad principia adversariorum; nec omittendum falso asseri Diodorum Siculum loc. cit. referre alicujus mortui excitationem sive ab Aesculapio, sive ab alio peractam.

(2) Socrates, *Hist. eccl.* lib. VII. c. 17.

(3) Socrat. lib. 1, c. 13; Sozom. lib. 1, c. 14, qui de Eutychiano scribit: *Αἰρετοὶ δὲ τῶν Ναυματιανῶν προσβύων θείας χάριτος μεταίχε, Σαραπείας παθῶν καὶ πράξει παραδόξοις, ὡς καὶ αὐτὰ Κωνσταντίνῳ διὰ τὴν ἀρετὴν τοῦ βίου συνεθῆ καὶ φίλου εἶναι*. Ed. Cantabrigiens.

(4) Lib. *De praescript.* c. 44.

(5) Lib. *De unitate Eccl.* c. 18. n. 47, edit. Paris. Maur. alias c. 16.

judicandum esse affirmabat. 4. Denique, quod omnem dubitationem tollit, sunt miracula edita ad tumulum diaconi *Paris*, haeretici Jansenistae et appellantis, de quorum nonnullis extant decreta approbationis Episcoporum Antissiodori et Montis Pessulani, et de omnibus vindiciae Montgeronii, qui fuit supremae parisiensis curiae consiliarius, in suo gallico opere tribus tomis comprehenso, quod inscribitur: *Veritas miraculorum, quae facta sunt per intercessionem D. de Paris et aliorum appellantium, demonstrata*, editum partim anno 1717, partim vero anno 1747. Ergo.

163. Resp. ad 1. *N.* Ceteris enim omissis, ab haeticis nullum unquam factum miraculum Jos. Bingham, unus ex ipsis, ingenue fatetur et late etiam ostendit (1), etsi nonnulli ex illis maxime voluerint; at frustra: in ipsis enim ad litteram semper verificatum fuit Tertulliani (2) dictum in sua Apostolorum cum haeticis comparatione: *Agnosco maxime virtutem* (haeticorum), *qua Apostolos in perversum aemulantur, illi enim de mortuis vivos faciebant, isti de vivis mortuos faciunt.* Hinc est quod nuperi praesertim protestantes omnia jam miracula aggrediantur. At meminisse debemus vulpis uvam frustra arripere adnitentis, quam proinde tanquam acerbam sprevit. Ad prob. *Paulus Novatianus*, etc. *D.* Quae tamen perinde ac illa Eutychiani dubia vel falsa sunt, deficiente fundamento historico, *C.* vera et certa *N.* Ea enim ex incerto rumore referunt Socrates et So-

(1) *Origines antiq. eccl.* lib. xvi, c. 5, § 7.

(2) *Lib. De praescript.* c. 30. Cons. Pamelius, qui in hunc locum observat eum ad litteram verificatum in Calvine, ex auctoritate Hieronymi Bolsec, *ocularis testis*, qui in ipsius vita refert Calvinum excitare volentem quendam Brulacum, quem ipso spe lucri ac pecuniae persuaserat, ut

se mortuum fingeret, mortuum revera invenisse. Hanc historiam ab haeticorum oppositionibus vindicat Card. Gotti, *De Eccl.* tom. 1, c. 2, § 6, et fusius exponit Menochius ex vita Calvini scripta a Jacobo Lainger, doctore sorbonico. *Stuore*, part. 3, c. 8. Alia conf. apud Spagui, op. cit. p. 3, prop. 2, art. 1.

zomenus, auctores nempe hac in parte nullius fidei, utpote addictissimi Novatianorum factioni, quique in pluribus mentiuntur (1). Addatur, Socratem, ex quo historiam suam magna ex parte Sozomenus derivavit, fateri, se ea, quae de Novatiani refert, accepisse a quodam Auxenone presbytero Novatiano.

164. Ad 2. Vel *N.* vel *D.* Quatenus ab haereticis jactabantur *C.* vera et proprie dicta *N.* Loco enim citato Tertullianus fingit haereticos ad sui excusationem in die iudicii dicturos: *Multa de auctoritate cujusque doctoris haeretici illos maxime doctrinae suae fidem confirmasse, mortuos suscitasse, debiles reformasse, futura significasse, uti merito apostoli crederentur.* Quae ipse profecto non admittit, sed data hypothese, quod ejusmodi prodigia haeretici patrassent, nihil ista conferre ad ipsorum excusationem asserit, addens: *Quasi nec hoc scriptum sit, venturos multos, qui etiam virtutes maximas ederent ad fallaciam muniendam corruptae praedicationis.* Quid reipsa senserit Tertullianus de vi haeticorum in edendis miraculis, patet ex citato testimonio (2).

165. Ad 3. *D.* Ita ut s. Augustinus pro veris habeat miracula, quibus Donatistae gloriabantur *N.* secus *Tr.* Sed dato et non concesso, quod vera essent facta illa, volebat, ut, seposita omni contentione de miraculis, quaestio breviter dirimeretur per Ecclesiae notas: *Non in signis et prodigiis fallacibus, quia etiam contra ista verbo Domini praeparati et cauti redditi sumus,*

(1) S. Greg. M. lib. vii, ep. 34. alias 31, ed. Maur. de Sozomeni historia haec habet: « Sozomeni historiam sedes apostolica suscipere recusat, quoniam multa mentitur, et Theodorum Mopsuestiae nimium laudat, atque usque ad diem obitus sui

magnum doctorem ecclesiae fuisse perhibet ». Haec pariter in Socratem quadrant, praesertim circa Novatianorum encomia.

(2) *De praescript.* c. 30, circa finem.

quaeque alibi (1) proinde comparat miraculis Simonis Magi, et Magorum Pharaonis.

166. Ad 4. *D. Conficta*, vel quae nihil supernaturale habeant, *C. proprie dicta miracula IV.* Ita quidem Franciscus Lafiteau (2) et Bergier (3) aliique multi, qui de iisdem disseruerunt, in quibus sunt Ludovicus la Tasse, qui in suis *epistolis theologicis* omnia jactata ab Jansenistis miracula commentitia ostendit authenticis et legalibus documentis, et Joan. Joseph Languet, quem Benedictus XIV (4) *doctissimum* appellavit et *pastorali flagrantem zelo*, qui, cum esset archiepiscopus senonensis, de illis edidit anno 1734 documentum pastorale, in quo copiose et distincte aliqua, quae vehementius et confidentius obtrudebantur, plane falsa esse demonstrat vel ex parte morbi, vel sanitatis, vel testium, vel ex omni simul parte; quod et praestiterat archiepiscopus parisiensis. Quare non solum ea irriserunt quidam ex protestantibus, cujusmodi sunt de Veux et Campbell (5), sed nunc jam deseruerunt ipsi Jansenistae. Certe, vel ipsae indecorae totius corporis agitationes et turpia, quibus se dabant nonnulli convulsionibus correpti ad illius tumultum, satis produnt, quid de ipsis miraculis sentiendum sit. Episcopi Antissiodorensis et Montis Pessulani pertinebant ad eandem sectam, non secus ac Montegoron (6): nullius proinde sunt auctoritatis.

167. Nunc coronidis gratia quoad miracula, quae ab haereticis quibuscunque patrata perhibentur, addimus: vel ea sunt a Deo, et tunc certe facta non sunt in con-

(1) Tr. XIII. in Joan. n. 17, ubi inter cetera scribit: *Nemo vobis fabulas vendat ... primo aut falluntur (Donatistae) aut fallunt, etc.*

(2) *Hist. de la constit. unigenitus* liv. vi, edit. an. 1731.

(3) *Confut. de l'examen*, p. 1, ch. 6, n. 3.

(4) *De festis*, lib. 1, c. 5, n. 5.

(5) *Dissert. of mirae.*, p. 1, sect. 5, apud Spani loc cit.

(6) *Cons. Auct. Dictionarii auctorum ecclesiast.*, art. *Caylus* et *Colbert*, licet eorumdem fuerit fautor; nec non opus *Réalité du projet de Bourg-Fontaine*; atque Benedictus XIV, *De canoniz. Sanct.* loc. cit. c. 7, n. 20.

firmationem erroris, ut patet ex dictis; vel sunt a daemone, et tunc, cum iste subjiciatur divinae providentiae, nunquam Deus haec permittet, nisi suppeditet media ad praecavendum errorem, quod confirmari posset non paucis exemplis, quae videri possunt apud Baronium (1). Et sic omnes tricae dissolvuntur.

DIFFICULTATES

Ex defectu certitudinis

168. Obj. Cum ipse miracula non viderim, aliorum testimonio fidem praestare teneor; atqui hoc ipso moveri non possum ad revelationis veritatem agnoscendam. Semper enim 1. anceps haerere debeo, num omnes praetitorum temporum testes, qui ea signa referunt, vel decepti fuerint, vel alios decipere voluerint. Ergo miraculum efficax esse non potest revelationis olim factae argumentum (2). Sane 2. quae ratio efficere potest, ut imprudentiae sim accusandus, nisi credam ea, quorum ego testis non fui?

169. Resp. generatim. Ergo omnis historica et moralis certitudo esset e medio tollenda, quod tamen adversarii non admittunt. Attamen si quid efficerent ejusmodi aliaque his affinia argumenta, impeterent ac submoverent omnem moralem ac historicam certitudinem, incertaque essent quaecunque antiquitus gesta esse dicuntur (3).

170. Ad 1. Vel *N.* vel *D.* Si testes idonei non sint ad fidem faciendam illius facti, quod referunt, *C.* secus *N.* Notas autem idoneorum testium exhibet critica, qua-

(1) *Annal. ecclesiast.* ad annum 484. Circa auctoritatem historiae Socratis et Sozomeni cons. Fleury, *Hist. eccl.* lib. xxvi. n. 49. tom. xiii, *Des auteurs ecclésiast.* p. 685; ac de miraculis haereticorum in genere

leg. P. Maran, *La doctrine de l'Écriture et des Pères sur les guérisons miraculeuses*, p. 2.

(2) Ita Rousseau, *Emile*, tom. iii.

(3) Cons. Ruffini, *Riflessioni critiche*, etc. p. 176, n. 12.

rum aliae spectant ad intellectum , ex quo non potuerint decipi , aliae ad voluntatem , qua noluerint decipere (1).

171. Ad 2. *N.* Quia cum homines praeteritorum temporum iisdem facultatibus praediti fuerint , quibus et nos donati sumus , praesumendum est eos illa praestitisse , quae fecissemus et nos , si versati in iisdem rerum adjunctis fuissetmus. Si nos v. g. audiremus , hominem ad vitam e mortuis revocatum , quomodo nos gereremus ? Omnia examini accuratissimo subjiceremus , utrum nempe reipsa mortuus fuerit , qui excitatus perhibetur , quo tempore , per quos excitatus , quomodo , etc. id ipsum de visu caeco nato restituto dicatur , hisque similibus , praesertim si in confirmationem alieujus doctrinae fierent ; nam ista hominum investigationem ad se natura sua trahunt , et facile perpendi et cognosci possunt. Ergo sic praesumendum est fecisse majores nostros , nisi velimus eos hebetes ac plumbeos , vel alterius naturae et indolis ab ea in qua nunc homines sunt , supponere ; quod nonnisi per summam impudentiam et insaniam cogitari potest.

172. *I.* Inst. Argumentum , quod nititur hominum testimonio , moralem tantum evidentiam parit , ergo ab intellectu non extorquet assensum ; nam moralis evidentia non excludit possibilitatem oppositi. Quamobrem , licet plures homines rem aliquam factam esse testentur , semper absolute possibile est , eos aut fallere aut falli ; ergo moralis evidentia non omne dubium excludit. Cum igitur pro divinae revelationis signis sola haberi possit moralis evidentia , jam patet nos per ipsam duci certo non posse in cognitionem divinae revelationis.

173. Resp. *C. A.* Nam agitur de facto ; facta autem metaphysicis ratiociniis probari nequeunt. Sed *N. cons.* Nam moralis evidentia innititur principiis non minus evidentibus in genere suo ac iis , quibus innititur mathema-

(1) Cons. Spedalieri contro Gibbon , p. 165 , sez. 3 , § 5 , n. 13.

tica demonstratio. Haec enim principia moralia : *Humana societas nequit subsistere , nisi homines sibi mutuam fidem habeant. Praeteritarum generationum homines in rebus maxime ad se pertinentibus non fuerunt omnes aut stupidi aut amentes* , vel alia id genus principia , aequae sunt evidentia ac istud : *Si ab aequalibus aequalia demas ; quae remanent , erunt aequalia*. Ideo enim istud negari non potest , *nisi contra evidentiam pugnes , ac intimo sensui vim facias*. Atqui eodem modo negari non possunt moralia principia modo enunciata ; ergo si principia moralia eandem in genere suo evidentiam praesecerunt ac mathematica , aequae certa esse debent quae ex iis legitime inferuntur , quamvis demonstrationes ejusdem naturae non sint , et aequae insanus esset , qui alterutrum negaret.

174. Fateor insuper illud discrimen intercedere inter demonstrationem mathematicam et moralem , quod illa ostendat rem aliter fieri non posse , ista vero non item ; nego tamen quidpiam propterea detrahi posse evidentiae veritatis moralis. Ex quo enim res potuerit non fieri , non probatur illam factam non esse ; quia non quaeritur , utrum res esse potuerit , sed utrum , quae esse potuit , reipsa extiterit. Quod verissimum esse potest , etiamsi res potuerit non esse. Exempla sint in sole , qui vel mane sit oriturus , vel heri fuerit jam ortus ; in sensationibus , quibus anima percellitur ad dignoscendam corporum existentiam , licet illae absolute fieri possint , etiamsi nulla corpora existant ; insanus tamen et amens haberetur , qui utrumlibet negaret ex eo nempe quod fieri potuerit , ut nec sol ortus fuerit , vel eras mane possit non oriri , vel corpora potuerint non existere (1).

175. II. Inst. Ubi duo morali evidentia constant , quae inter se sunt contraria , jubet prudentia ac communis ho-

(1) Cons. Houlteville ; *La Religion* , etc. , tom. II, liv. 1 , ch. 4 et seq.

minum sensus, ut iis assentiamur, quae majorem evidentiae vim habent; jam vero dato etiam, quod ex testium fide dignorum auctoritate coalescat moralis evidentia de alicujus mortui resurrectione olim facta ad hominis nutum, negari certo non potest, quin majorem evidentiae gradum sibi vindicet perpetua ac omnibus obvia experientia, qua constat mortuos non resurgere. Atqui inter has duas propositiones moraliter certas eam sequi debeo, quae majori nititur evidentia. Ergo, coactus eligere inter alterutram propositionem, credere debeo mortuos non resurgere, ac longe facilius contingere potuisse, ut homines, qui testantur miraculum resurrectionis, vel decepti sint, vel fallere voluerint, quam fieri, ut falsa sit experientia, qua patet homines vere mortuos nunquam ad vitam iterum revocari (1).

176. Resp. 1. *D. maj.* Si major evidentiae vis cadat in idem objectum in quod cadit minor vis evidentiae, *C.* si in diversa objecta *N.* et sic corrumpit totum argumentum, seu potius sophisma adversarii. Accedit quod ejusmodi argumentum nimis probat, in primis quia tunc nulla esset fides historiae, quoties refert eventum extraordinarium, sive in ordine physico, sive in ordine morali. Homines v. g. diligunt vitam, curam sui habent, omnia potius patiuntur, quam vitam amittant. Ergo tanquam fabulosum rejiciendum, quod de *αὐτοκτενίας*, sive de suicidiis vel legimus vel audimus; idem dic de mirifica aliqua meteora quae apparuisse fertur; imo juxta adversarii principia, etsi oculis nostris conspiceremus mortuum resurgere, credere minime deberemus, cum sit contrarium consueto sensuum testimonio, quod homines resurgant. Itaque argumentum supponit falsum principium, nempe in rerum natura vel in societate nihil un-

(1) Ita David Hume in *examine de miracles*.

quam accidere, nisi juxta ea, quae consuetis observationibus nostris consentanea sunt.

177. Resp. 2. Supponi hoc modo quod est in quaestione, nullam nempe fieri posse exceptionem quoad ea naturae phaenomena, quae contingere videmus. Si enim aliter supponeretur, jam caderet tota argumentatio, et eo quaestio deducitur, ut videatur, an fide digni sint, qui rem aliter aliquando contigisse referunt; quod ubi constiterit per critices regulas, jam insaniret, qui rem in dubium revocaret, eo quod aliter ipsa evenire soleat. Nam sensuum tuorum fides evidentiam quidem parit; sed nec minorem parit evidentiam fides sensuum aliorum, nisi constet eos falli potuisse, vel fallere voluisse. Utraque veritas pari evidentiæ gradu constat, nec una cum altera pugnat. Nec qui narrant, mortuum resurrexisse id veluti perpetuum naturae phaenomenon exhibent, in quo utique pugna esset, sed contra ut effectum extraordinarium divinae potentiae tribuunt (1).

178. III. Inst. 1. Quo magis factum aliquod extraordinarium est, eo magis probabilem reddit errorem, dolum et mendacium eorum, qui illud referunt vel testantur. 2. Ex quo fit, ut illud ipsum, quod minuit fidem doctiorum hominum, fidem augeat rudiorum; nec 3. propterea multitudo testium majorem gradum probabilitatis addit facti extraordinarii narrationi. 4. Sane vulgus, praesertim si imperitum et superstitiosum sit, sponte fertur ad mirabilia et supernaturalia admittenda (2). Prae-

(1) Cons. Spedalieri loc. cit. § 3. p. 163; item Dissertation sur les miracles contenant l'examen des principes posés par M. David Hume, écuyer, dans son essai sur les miracles, composée en anglais par M. Jean Castillon, Utrecht 1763; nec non Recherches philosophiques sur les preuves du Christianisme par C. Bonnet, Genève 1771. Hic monco, quod, cum ad auctores pro-

testantes remitto, eo consilio id faciam, ut indicem eos, qui de aliquo argumento scripserunt, ad quos hunc tantum recurrere poterunt auditores, quum debitam facultatem impetraverint; quod et de Catholicis scriptoribus accipiendum est, quorum opera in indicem relata sunt.

(2) Ita La Place, *Essai philosophique sur les probabilités*, Paris 1816, pag. 135 et seq.; nec non

terea 5. historia docet, multos ejusmodi eventus, qui olim supernaturales et prodigiosi a plerisque habebantur, rerum naturalium scientia adaucta et diligentius exulta, fuisse a naturalibus causis profectos, ex iisque postea recte explicatos esse. Unde recte concluditur fore, ut omnes ejusmodi eventus simili ratione explicari possint (1), et quod consequens est, hominum testimonium circa miraacula suspectum saltem esse debere.

179. Resp. ad 1. *D.* Si id genus factorum deberet provenire ab ipsius naturae legibus, *C.* si a causa ipsi naturae superiori, nempe Deo *N.*

180. Ad. 2. *D.* In nonnullis factis dubiis, praesertim si agatur de ipsorum causa determinanda ac judicio ferendo circa eorum naturam, *Tr.* vel *C.* in omnibus indiscriminatim et cum agitur de factis in se *N.*

181. Ad 3. Vel *N.* absolute, vel *D.* ut modo distinximus in resp. ad 2. Notandum insuper est falso supponere La Croix, qui haec nobis obtrudit, multitudinem semper coalescere ex solis imperitiis (2). Addatur praeterea ipsam eventus insolentiam efficere testes vel spectatores attentiores ad ipsum rite examinandum et perpendendum, ideoque majoris ponderis esse, ceteris paribus, ipsorum testimonium in factis extraordinariis, quam in ordinariis.

182. Ad 4. *Tr. A.* et *D. cons.* Si ageretur de causa vel judicio facti, *C.* si de facto ipso *N.* Ex natura porro facti, de quo vulgus testatur, sapientis erit judicium ferre, utrum vulgus decipi potuerit nec ne, dum causae praelaturali illud adscribit (3).

La Croix, *Traité élémentaire du Calcul des probabilités*, n. 130 et seq.

(1) Sic Krug, *Pisteologie*, Lips. 1825, pag. 111.

(2) Exemplum esto in apparitione crucis, quae superioribus annis contigit apud *Migné* in Gallia in diocesi Pictaviensi, cui interfuerunt

praeter vulgus plerique viri docti, non solum ex catholicis, sed ex ipsis protestantibus, qui rem testatam fecerunt, ut ex publicis documentis notum est. *Cons. Epist. pastoralis.* Illmi. D. de Bouillé, episcopi p. claviensis, data anno 1827.

(3) Contra La Place et La Croix legatur Ruffini in egresso cit. ope-

183. Ad 5. Idem esto responsum, et *IV. cons.* Nempe ex eo quod nonnulli eventus, qui ut prodigiosi ad aliquod tempus habiti sunt, postea recte sint explicati (quos tamen adversarius minime recenset), inferri nullo pacto potest sic posse omnes per causas naturales rite explicari; v. g. ex eo, quod explicata sit aliqua meteora, quae vulgo ut supernaturalis habebatur, explicari nequit sanatio caeci nati vel excitatio Lazari e mortuis; ast dialectica non est prima rationalistarum et incredulorum virtus.

184. Sed praestat populari huic argumento, petito ex ignorantia et superstitione veterum, quod tantopere adversarii jactant, apponere tres quaestiones, quas subjicit doctus Ruffini (1):

185. 1. Cur post Christi adventum judaica gens, etsi superstitiosa ac generatim ignorantia laborans, nec ab anticipatis judiciis immunis, non amplius praesetulerit miracula inter suos patrata?

186. 2. Cur provinciae Asiae, Africae et Graeciae, licet in immensum distent a liberaliori illa humanitate ac cultu, in quo erant temporibus apostolorum et Cypriani, Augustini, Basilii, etc., attamen non amplius in medium afferant miracula, prout olim afferebant?

187. 3. Cur inter diversas religiones, quae christianum nomen sibi assumunt, sola religio catholica semper miracula exhibeat, quae in sinu suo patrentur, et adhuc in praesentiarum producat, licet catholici neque scientiis neque litteris aut artibus ceteris inferiores sint, et licet catholica ecclesia non pronuntiet, seu decretum emittat de aliquo miraculo, quin prius rigidissimum un-

re. *Risposta critica*, Modena 1841, ubi ostendi, quam fallacia sint fundamenta calculorum, quibus subjicitur probabilitas eventuum humanorum; praesertim memoria 4.

pag. 137, et p. 158 et seqq. Cons. pariter Gordil, *Saggio d'istruzione teologica*, art. *della storia umana*, opp. ed. Rom. vol. I.

(1) Op. cit. p. 166.

dequaue examen tum circa factum tum circa ejus naturam instituerit (1) ?

DIFFICULTATES

Ex intima hominis vi et efficacia

188. Obj. 1. Eventus extraordinarii, qui miracula vulgo nuncupantur, semper vivam supponunt fidem, seu fiduciam, vel in eo, qui eos recepit, vel in eo, qui ea operatur, aut etiam in utroque. 2. Jam vero id genus eventuum seu miraculorum, quae ex fide proveniunt su-

(1) Ut quis certior fiat de severiori ejusmodi examine decretis praemittendo, legat celeberrimum opus Benedicti xiv, *De Beatificatione et Canoniz. Sanctorum*, praesertim lib. iv. Ut levo specimen habeatur summae severitatis, qua miracula Romae expenduntur, pretium operae erit, duo facta in medium adducere, quae valeant omnem suspicionem amovere. Alterum refertur ab auctore vitae S. Vincentii a Paulo (*Histoire abrégée de S. Vincent de Paul, par M. Collet. Dr. en Théologie, Arignon, 1762*) de quodam miraculo patrato a S. Vincentio erga Aloisiam Elisabetham Sackville, natione anglam, quae in Gallia apud Haye quendam ex protestantibus reformatis debebat. Hoc miraculum adeo evidens visum est protestanti ipsi, ut illud evulgaverit per totam Lutetiam Parisiorum. Ejus autem uxorem ita admiratio perculit, ut extra sensus paulisper manserit, dein non dubitaverit chirographo, manu propria exarato, tanquam testis oculata miraculi instantanei et permanentis illud confirmare. Illud tamen sacra rituum congregatio non admisit defectu sufficientium probationum (p. 605. seqq.) Aliud refertur a P. Daubenton in vita S. Joan. Francisci Regis (*La vie du bien-*

heureux Jean-Francois Regis, par le R. P. Daubenton, Paris 1716). Romae venerat conspicuus Anglus protestans. Praelatus quidam romanus, qui cum eodem amicitiam iniecit, illi tabulas, quae plurimum miraculorum probationes continebant, legendas praebuit. Has ipse quum summa animi voluptate legisset, Praelato reddidit dicens : « Voilà certainement la plus sûre manière de prouver les miracles. Si tous ceux, que l'on reçoit dans l'église romaine étaient établis sur des preuves aussi évidentes et aussi authentiques que ceux-ci le sont, nous n'aurions aucune peine à y souscrire, et par là vous vous sauveriez de toutes les railleries, que nous faisons de vos prétendus miracles. Eh bien, répondit Praelatus, sachez que de tous ces miracles, qui vous paraissent si avérés et si bien appuyés, aucun n'a été admis par la Congrégation des Rits, parce qu'ils n'ont pas paru suffisamment prouvés ». Protestans, ejusmodi inexpectato responso percitus, fassus est, nonnisi caceam praeventiorem posse obsistere canonizationi Sanctorum, neque unquam arbitratum se esse, cautelam ecclesiae romanae eo usque progredi in examine, quod ipsa instituit circa miracula (pag. 33).

scipientis, quid aliud sunt, nisi quas dicimus sanationes, quae repeti debent a phantasiae seu imaginationis vi? Imaginationis vero ac phantasiae vis non aliud hic est nisi firma persuasio receptae vel recuperandae valetudinis, ex qua provenit effectus sanationis. 3. Plura ejusmodi facta collegerunt P. Regnault (1) et Des Vaux (2) aliique. 4. Miracula vero, quae repeti debent a fide ac voluntate agentium id sunt, quod olim dicebatur *imagination operans extra proprium corpus* (cujus efficaciam adeo magni fecerunt Avicenna et Pomponatius), nunc autem nuncupatur *magnetismus animalis* seu *mesmerismus* (3), cujus effectus major erit, si fidei conjungatur contactus sive mediatu sive immediatus. Si cum agentis fide uniatur fides patientis, seu cum vi magnetismi vis imaginationis, mortui, qui perhibentur ad vitam revocati, potuerunt mortui esse apparenter tantum, et tunc maxime, in casu nempe mortis apparentis, utilissimus evadit magnetismus animalis (4). 5. Quis porro scit, utrum vis voluntatis et fidei pluvias possit excitare (prout existimavit Avicenna) ac similia producere phaenomena necne? Quis limites figat virtuti imaginationis seu magneticae? Quis satis novit naturae vires? Quis satis hominem novit ejusque indefinitas facultates, quarum ipse capax est? 6. Illic proinde ratione explicari possunt miracula, quae in revelationis divinae confirmationem patrata referuntur, quin ad ullam vim supernaturalem confugiamus. a) Sane Christus semper fidem exigebat ab iis, in quorum gratiam miracula edebat. b) Ob hujus autem fidei defectum nonnisi pauca edere potuit in pa-

(1) *Entretiens physiques*, t. II, p. 9.

(2) *Lettres sur les miracles*, liv. IV, Rotterdam, 1735.

(3) A Mesmer Helvetico praecipuo magnetismi animalis propagato-

re. Vid. *Mémoires de F. A. Mesmer sur ses découvertes*, Paris, an. VII.

(4) Kluge, cujus operis compendium et excerpta exhibent *Ephemerid. medico-chirurg. D. Flajani*.

tria sua (1). c) Manus imponebat super eos, quos curabat, praesertim d) in caecum illum, de quo Marcus (2) scribit, quod videret homines velut arbores ambulantes, nec nisi repetita manuum impositione ad perfectam visus restitutionem devenit impertiendam. e) Quare sub hac tantum conditione facultatem praebeuit morbos sanandi: *Super aegros manus imponent, et bene habebunt* (3), vel saltem nonnisi olei unctione apostoli atque discipuli infirmos sanabant (4), quae f) omnia apprime conveniunt cum magnetismi efficacia; ergo.

189. Resp. ad 1. In primis *Neg.* omnia miracula in solis sanationibus consistere, ut supponere videntur adversarii; certe multiplicatio et transmutatio substantiarum inter sanationes non recensentur, neque inter miracula, quae ex vi phantasiae pendent. Si possent magnetismi patroni quinque panibus ac duobus piscibus quinque hominum millium multitudinem satiare, prout praestitit Christus (5), vel aquam in vinum convertere, ut factum est in nuptiis Canae (6), valde commendanda esset eorum imaginationis vis, ac libenter ab omnibus exciperentur. Hactenus tamen haec non praestiterunt (7); hinc ceteris omissis, jam ruit tota difficultas inde petita.

190. Ad illud, quod subditur de viva fide *D.* Tanquam conditione, neque tamen in omnibus casibus, *C.* tanquam causa efficiente, et quidem semper *N.* Mortui enim ac sensibus destituti ejusmodi fidem habere non possunt, si de patientibus sermo sit. Si vero de agentibus

(1) Matth. xiii, 58; Marc. vi, 5.

(2) Marc. viii, 23 et seqq.

(3) Marc. ult. 18.

(4) Marc. vi, 13; Jac. v, 14.

(5) Matth. xiv, 17 et seqq. Joan. vi, 6.

(6) Joan. ii, 8.

(7) Id ipsum dici posset de multiplicatione farinae et olei ad Eliae promissa (IV. Reg. iv.), de ferrea ascia, quam ex iluvii fundo super

aquas Elisaeus revocavit (IV. Reg. vi, 6), aliisque id genus sexcentis, quae in scripturis utriusque foederis occurrunt; ut sileam de his, quae in sanctorum processibus authenticis leguntur, ut in actis s. Franciscæ Romanae, s. Theresiae, s. Mariae Magdalenae de Pazis, s. Aloisii Gonzagae, s. Francisci Xaverii, s. Francisci de Hieronymo, etc.

loquamur, adnoto, interdum Deum miracula operari per malos homines, non quidem in confirmationem erroris, quod fieri nequit, sed ad manifestationem gloriae suae. Perversi enim homines aliquando dieturi sunt: *Nonne in nomine tuo virtutes multas fecimus* (1)? Quod si fides passim requiritur ad patranda miracula, requiritur tantum tanquam conditio, ut dictum est, minime vero tanquam causa efficiens miraeulorum, ut adversarii supponunt, quod tamen nemo dicet. Addatur hanc fidem nunquam operari, nisi pro objecto habeat Deum, Christum, aut sanctos ejus, non autem quemlibet alium, ex quo rursum deprehenditur argumenti fallacia.

191. Ad 2. *N.* suppositum, ut patet ex dictis, vel *D.* Nonnullae sanationes eorum, praesertim qui perturbata phantasia vel amentia laborant, *Tr.* vel *C.* omnes et in quolibet casu *N.* Valde conferre persuasionem recuperandae valetudinis, et in nonnullis casibus valere, apud omnes compertum est, ac non solum medici admittunt, sed et ipse Benedictus XIV. (2) pro certo habet; quare et hic casus in congregatione rituum prae oculis habetur (3); idque potissimum valet ad corrigendam lac-sam phantasiam (4). Ast pervicacis, ne dicam, insanientis est velle ad omnes easus ejusmodi vim extendere atque asserere, ad ossium v. g. contusionem et fracturam, ad vulnera aliosve morbos insanabiles ita ut omnes sola

(1) Matth. vii, 22.

(2) *De Bent. et Can. Sanct.*, lib. iv. c. ult. ubi de hoc argumento fuisse agit.

(3) Ibidem inter ceteras difficultates, quas ipse Lambertinius opposuit, quum officio promotoris fungeretur, et hanc promovit in causa s. Francisci Regis. De eadem rursum actum est in causis B. Joannis de Prado, S. Vincentii a Paulo, B. Petri Forerii, apud eundem, lib. iv, p. 1, c. 15.

(4) Cons. Muralori, *Della forza*

della fantasia umana, Venet. 1745, c. 8, 9; *Opusc. scientifici di Bologna*, tom. 1, 117 et seqq., Leufen, *Sur l'impossibilité des opérations sympathiques*. Hic obiter duo notentur, 1 saepe ejusmodi persuasionem nihil efficere, ut faletur ipso Deleuze, loc. cit. tom. II, pag. 271; 2 in quodam opere magnitudinis animalis easum occurrere cujusdam puellae, quae ex cura magnetisimi insanivit (*Journal magnét. du traitement de M. D... par M. Cheulie de Lyon*).

phantasiae ac imaginationis extra corpus operantis vi ad integritatem restituantur (1). Id si esset, non solum miracula, sed et therapeutica et chirurgia e medio possent facile tolli.

192. Ad 3. *D.* Quae tamen spectant ad classes, quas enumeravimus, *C.* secus *N.* Ea etiam collegit Benedictus XIV. (2), quin inde aliquid concludi possit ad enervandam miraculorum vim.

193. Ad 4. *D.* Cui falso et gratuito tales effectus ascribuntur, *C.* nonnulli effectus, qui ex persuasionem pendunt, quod nuper innuimus (in resp. ad 2.) *Tr.* Nec enim vacat omnes magnetismi nugas expendere, quas modo doctiores plerique contemnunt, ac Mesmer passim ut circulator traducitur (3); atque hinc responsio patet ad id, quod subditur de apparentibus mortuis, et ad mirabiles effectus, quos super eos magnetismus producit. Nos agimus de vere mortuis, qui ad vitam revocati sunt absque ullo apparatu atque ad solum imperium et nutum thaumaturgi. Profecto Lazarus jam foetebat utpote quatruiduanus (4).

194. Ad 5. Resp. Omnes norunt ab experimento, neminem posse vi imaginationis pluvias excitare, alioquin expeditum remedium in promptu esset, quoties siccitate

(1) Cf. Deleuze, *Hist. critique du magnétisme animal*, tom. 11, p. 8, licet et ipse fautor sit Mesmerismi; Bachelier d'Agès, *De la nature de l'homme et des moyens de le rendre heureux*, Paris, anno VIII, alter magnetismi patronus. Vid. insuper, *Leçons d'anatomie comparée par M. Cuvier, et publiées par M. Dumeril*, Paris, 1813, tom. 11, p. 117.

(2) Loc. cit.

(3) Animadvertendum porro hic est, nonnullos scriptores catholicos non solum in Galliis, sed in Germania praesertim, non habere magnetismum animale ut merum praestigiarum inventum, sed agnoscere atque admittere veram ac realem insitam vim producendi quosdam ef-

fectus, quorum causa inter naturae vires nos latet in tota sua extensione. At praeterquam quod isti scriptores simul fateantur magnetismum obnoxium esse daemionis artibus, absolute negant effectus supernaturalles, quos in miraculis vel mystica sanctorum vita ceruimus et admiramur, quidpiam habere commune cum effectibus magneticis, imo istos ab illis toto caelo differre fateantur, nec posse ulla ratione magnetismi ope explicari. Cons. Goerres in praefatione novae editionis operum B. Henrici Susonis cura D. Melchioris Diepenbrokk, quae inscribuntur *Heinrich Suson Leben und Schrifften*, etc. Regensburg 1829.

(4) Joan. 11, 39.

laboramus. Ejusmodi quaestionibus possemus similes alias apponere. Quis scit utrum possint homines vi solius imaginationis vivere necne, aliaque id genus praestare, quin quidquam comedant aut bibant? Id experiantur magnetismi patroni. Fortasse huc aliquando devenient. Ex superius dictis jam responsio patet ad ceteras dubitationes quin tempus terere in his debeamus.

195. Ad 6. *N.* Ad probationem *a)* *Christum semper fidem exegisse*, etc.; in primis negamus eum *semper* fidem exegisse ab iis, in quorum gratiam miracula operabatur, prout nullam exegit in civitatis miraculis multiplicationis panum et conversionis aquae in vinum; neque quum excitavit filium viduae Naim (1) vel filiam Jairi (2), ut alia omittam. Dein *D.* exegit ut conditionem, eo quod miracula ederet ad suam confirmandam divinam missionem, *C.* ut causam effectricem et necessariam *N.* Recolantur superius dicta. Ad *b)* *Defectu hujus fidei*, etc. *D.* quatenus illi conceives indignos se praebuerunt ejus beneficiis, *C.* absolute *N.* Addo, etsi non multa ob adductam rationem, nonnulla tamen Christum inter Nazarethanos patrassent miracula. Notandum praeterea in passim recepta adversariorum hypothesis sufficere fidem in agente. Adeo nempe sibi cohaerent, dum religionem impugnant! Ad *c)* *Manus imponebat*, etc. *D.* Aliquando, *C.* semper *N.* Immo nonnisi una vel altera vice legitur Christum ad conferendam sanitatem manus imposuisse; passim solo nutu, ac saepe etiam absentibus valetudinem conferebat. Legant evangelium. Ad *d)* *Praesertim in coecum illum*, etc. *D.* Ad experiendam illius fidem, vel mysterii causa, *C.* ex necessitate *N.* Cum id nonnisi semel contigerit, nec alibi occurrat, peculiare ob causas sibi notas, Christum ita egisse dicendum est; alioquin semper debuisset eadem ratione se gerere. Adversarii

(1) Luc. vii, 14.

(2) Marc. v, 41.

autem casum extraordinarium extendunt ad ceteros omnes, etsi contrarium constet. Ad *e*) *Sub hac tantum conditione*, etc. *N.* Etenim Christus nunquam hunc ritum praescripsit ad edenda miracula, vel ad gratiam curationum, sed solum praedixit, fore ut, quum manus imponerent ipsius discipuli, aegri salutem consecuturi essent. Ceterum legimus, claudum, sedentem ad portam Speciosam a Petro et Joanne absque manuum impositione sanatum, et absque oleo (1); sic omnes eos valetudinem recuperasse, quos Petrus transiens obumbrasset (2), illos, ad quos Pauli sudaria et semicinctia deferebantur (3), etc. Rursum bona fides deprehenditur adversariorum, dum talia obtrudunt (4). Ad *f*) *Quae omnia apprime*, etc. *Neg.* prorsus quidpiam commune habere recensita signa cum nugis magneticorum. Ubi enim in illis apparatus occurrit magnetismi, ubi convulsiones, detorsiones, somnus, aliaque id genus non pauca, quae in illo requiruntur et passim absque omni effectu, ipsismet fatentibus (5)? Nonnisi igitur per summam impudentiam ejusmodi comparatio instituitur.

ARTICULUS II.

De prophetia

196. Prophetia, graece *μηντή* (6), passim definitur *praesensio et praedictio certa futuri alicujus eventus*,

(1) Act. III, 7.

(2) Ibid. v, 15.

(3) Ibid. xix, 12.

(4) Apposite S. Thom. p. 3. q. 83. a. 4. ad. 1. observat, quod *manus impositio... ordinatur ad miracula perficienda, ut scilicet per contactum manus hominis sanctificati etiam corporalis infirmitas tollatur.*

(5) Vido *Examen sérieux et impartial du magnétisme animal*, Paris 1784; *Bibliothèque du magné-*

tisme animal, Juin. 1818, tom. II, pag. 15, et alibi passim; Deleuze, op. cit. tom. I, pag. 168, tom. II, pag. 8, 18, 24, 27, 67, 88. Ipsemet Mesmer queritur exaggerata esse, quae vulgabantur, *Mémoires*, etc. p. 108.

(6) Hebr. *נְבוּאָה* annuntiatio, in-

tordum *תְּחִיבָה* prospectus, seu *נְבוּאָה* visio.

qui in causis naturalibus praesciri non potest ; vel pressius manifestatio rei futurae creaturis occultae (1). Ex qua prophetiae notione patet , tres conditiones ad eam vere et proprie talem constituendam requiri : 1. ut sit praedictio *certa* , non conjecturalis , 2. rei futurae *liberae* , quae proinde nec arte nec scientia naturali qualicunque cognosci possit , 3. ita determinata , ut non accomodetur eventus prophetiae , sed potius prophetia determinet eventum ; id est , quod non sit vaga et obscura , flexiloqua , quae omni eventui accommodari possit , et applicatio non sit arbitraria. Quae conditiones semper prae oculis habendae sunt ad cavillationes omnes adversariorum detegendas , praesertim cum ipsae sint , quae characterem et notam divinitatis imprimunt prophetiis . Est enim prophetia genus quoddam miraculi , seu verum quidem miraculum : sed prophetia prae miraculo hoc habet , quod probationem suam sibi ipsi suppeditat. Quisquis enim prophetiae veritatem certam habere potest , modo sciat eam praedictam fuisse antequam eveniret , et ejusdem praedictionis exitum animo contempletur. Cum nonnulli ipsam prophetiae possibilitatem impugnaverint , alii vero ejusdem probationis vim oppugnent vel parvipendant , quod circa miracula effecimus , id ipsum praestabimus circa prophetiam , ostendendo ejusdem possibilita-

(1) Cons. S. Thom. 2, 2. q. 171. art. 1: *Dicendum , quod prophetia primo et principaliter consistit in cognitione , quia videlicet prophetae cognoscunt ea , quae sunt procul et remota ab hominum cognitione* , etc. Et ibid. q. 174. a. 2, ubi tres gradus prophetiae distinguit. Ab hic tradita prophetiae notione recessit incredulus Dumarsais in sua *Analyse de la religion chrétienne* , ubi scribit veram significationem prophetiae esse praedictorem aut hortatorem ; sed bene vapulal a Non-

notte S. J. *Diction philos.* art. *Prophéties*. Id ipsum , quod Dumarsais , innuit Salvador , in sua *Histoire des institut. de Moïse et du peuple hébreu* , Paris 1828, liv. 11, chap. 3, *Orateurs publics ou Prophètes* , pag. 192 et seqq. ; ubi nihil supernaturale in ipsis agnoscit , nullum vaticinium proprie dictum , quin potius omnem prophetiam excludit. Nec mirum , cum Judaeus iste non refret nisi Spinozae principia et deistarum nec non recentiorum biblicorum et rationalistarum.

tem, atque summam ejusdem vim et efficaciam ad evincendam divinitatem supernaturalis revelationis.

§ I.

De prophetiae possibilitate

197. Omnis prophetiae, seu, ut veteres vocabant, *divinationis* possibilitatem ex antiquis negarunt Colophonius, Tullio (1) teste, et Epicurus, qui rerum humanarum curam ad Deum non pertinere profanus homo assererat (2); sic sensit Carneades, eodem Tullio (3) teste. Ex recentioribus hanc Deo denegant facultatem futura praevidendi Spinoza (4) atque Sociniani (5); nunc deum rationalistae (6). Adversus quos sit

PROPOSITIO

Prophetia est possibilis

198. Non implicat, sive nulla est repugnantia, Deum libere futura cognoscere, et haec manifestare; ergo prophetia est possibilis. Duo enim haec ad prophetiam requiruntur et sufficiunt. Jam vero non repugnare, quominus Deus libere futura cognoscat, insita hominibus ipsa Dei idea evincit, quorum ea semper fuit persuasio, Deum omnia cognoscere. Idem postulat ipsius entis perfectissimi notio, alioquin nec omnia praesentia Deus cerneret, neque omnia tempora complecteretur ejus aeternitas, ac

(1) *De divin.* lib. 1, c. 3.

(2) Diog. Laert. lib. x, qui est de Epicuro. Cicer. *De nat. deor.* lib. 1, c. 19.

(3) *De fato*, c. 14.

(4) *Tract. theol. polit.*

(5) Faust. Socin. in *Praefect. theol.* cap. 8, 9, 10; Joan. Crellius, *De*

Deo et attributis divinis, c. 26, pag. 223, vers. belgic.; Valer. Smalzius *contra Franzium*, pag. 472 et seq.

(6) Wegscheider, op. cit. part. 1, c. 2, § 50; Kant, *Anthropolog.* 101, apud eundem.

nova semper fieret accessio ad ejus scientiam, quae omnia a Dei idea summopere abhorrent.

199. Quod si ejusmodi libere futura Deus necessario cognoscit, haec ipsa manifestare potest, ut patet per se, et ex iis, quae de revelationis possibilitate disseruimus. Ergo prophetia possibilis est.

DIFFICULTATES

200. Obj. 1. Quod nondum est, nihil est, atqui objectum prophetiae est id quod nondum est, ergo nihil est; at quod nihil est, nec praevideri nec praedici potest; ergo impossibilis est prophetia (1). Addatur 2. difficile, immo impossibile esse quempiam infallibiliter certum esse de accepta a Deo prophetia. Praeterea 3. quaecvis praedictio divinitus patefacta, qua fatum inevitabile hominis aut populi ejusdam, quod ab opere quodam ab ipsis perpetrando pendeat, diserte annuntiatur, ideae Dei sanctissimi ac benignissimi repugnat, fatalissimum fovet, et libertatem hominum moralem tollit (2); ergo.

201. Resp. ad 1. *D.* Nihil est actu existens, *C.* nihil est possibile et consequenter cognoscibile ab intellectu infinite perfecto *N.* Eodem ferme modo se habent futura respectu Dei, ac se habent praeterita respectu nostri. Res praeteritae in se utique nihil sunt, attamen certo fuerunt; idem die de futuris respectu Dei, si tamen futura aliqua in Deo sunt vel praeterita, et non potius omnia praesentia; unde fit, ut in Deo proprie nulla sit praescientia sed potius scientia.

202. Ad 2. *N.* ut patet ex dictis agendo de possibilitate revelationis (3); et *N. conseq.* Dummodo enim

(1) Ita fere Voltaire *Essai sur les mœurs et l'esprit des nations*; Discours prélim., et art. *oracles* tom. VIII. de ses Oeuvres, édition de

Genève 1769, p. 88.

(2) Ita Wegscheider loc. cit.

(3) Num. 8 et seqq. hujus tract.

eventus veritatem vaticinii comprobet, nihil aliud requiritur; vaticinium siquidem, ut diximus, probationem suam sibi ipsi suppeditat.

203. Ad 3. *N.* Non enim eveniet, quia praevisa vel praedicta, sed ideo praevisa et praedicta est res aliqua, quia futura, ideoque si aliqua necessitas est in ejusmodi praedictionibus, non est nisi consequens et hypothetica (1); logice enim prius est aliquid esse, quam videri, proindeque et manifestari.

§ II.

De vi et efficacia prophetiae ad ostendendam divinitatem revelationis

204. Illic observare juvat quamdam excellentiae speciem respectu nostri sibi conciliare prophetiam super miraculum ad ostendendam divinam alicujus missionem ac proinde divinitatem factae revelationis. Cum enim unusquisque testis esse possit eventus praedicti, satis est eum cum prophetia comparare, ut superius observatum est. Quare minus cavillationibus ac telis incredulorum vaticinium exponitur quam miraculum. Quod patet potissimum ex ipsa incredulorum agendi ratione et praesertim Freret, qui licet plura congesserit adversus probationes

(1) Difficultatem hanc, quam adeo magni facit Wegscheider cum suis, jam promoverat Epicurus, quocum causam communem agunt sociniani et rationalistae. Ipse enim non solum rejecit divinationem ex eo quod nulla diis cura esset de nobis, sed praesertim ex perempta hac ratione humana libertate: Ἡ μαρτυρὴ ἀνθρώπου· ὃ δὲ καὶ ὑπαρκτικὴ οὐδὲν πρὸς ἡμᾶς ἤγνων τὰ γινόμενα; seu, Divinatio nulla est, si vero talis esset, omnem ea tolleret voluntatis libertatem, nihil ad nos existiman-

dum pertinere quae fiunt. Diog. lib. 1, Segm. 135, edit. Meibomii Amstelred. 1692. Eadem sententia inhaesit Carneadi, qui apud Tullium loc. cit., ne Apollinem quidem futura posse dicere putavit, nisi ea, quorum causas natura ita contineret, ut ea fieri necesse esset. Idem senserunt Stoici et Tullius ipse, quorum sensa fuit S. Augustinus refellit, *De civ. Dei*, lib. v, capp. 8, 9, 10. Cons. S. Thom. loc. cit. art. 6. ad 1, qui hanc difficultatem jam praeccepaverat.

christianismi, ejusque doctrinam, miracula, etc., alto tamen silentio praeteriit vaticinia, perinde ac si ad ea minime advertisset, eaque penitus dissimulavit, prout observavit Spedalieri (1). At quod non praestitit Freret seu verius auctor operis sub ejus nomine vulgati, id praestiterunt rationalistae; qui nihil intentatum reliquerunt ad vim elevandam hujus notae supernaturalis revelationis. Ipsorum argumenta inferius expendemus. Interea sit

PROPOSITIO

Prophetia est certissimum divinae ac supernaturalis revelationis argumentum

205. Prophetia vere et proprie dicta non potest esse nisi a Deo; ergo quoties vera habetur prophetia eventu comprobata, toties ineluctabile divinae ac supernaturalis revelationis exurgit argumentum.

206. Antecedens constat ex nozione, quam de prophetia dedimus; consequens negari non potest.

207. Id confirmatur ex omnium gentium persuasionem, sive ex sensu naturae communi. Nulla enim gens est, quae non admiserit praedictionem libere futuri alicujus eventus qui exitum sortitus fuerit velut ineluctabile argumentum divinitatis. Hinc propterea receptum apud veteres sapientes adagium, cujus meminit Cicero (2): *Siquidem ista sic reciprocantur, ut et si divinatio sit, dii sint, et si dii sint, sit divinatio*; qui praeterea addit: *Vetus opinio est, jam usque ab heroicis ducta temporibus, eaque et populi romani et omnium gentium firmata consensu, versari quamdam inter homines divinationem, quam graeci μαντικὴν appellant, id est, praesen-*

(1) *Confutaz. dell' esame critico* VIII, edil. Rom. 1778.
del signor Nic. Freret. Praefaz. pag.

(2) *De divin. lib. 1, c. 5.*

tionem et scientiam rerum futurarum (1). Exinde repetenda oracula, aruspicia, sybillae, ceu totidem divinitatis organa. Poetae ipsi passim vates exhibent numine plenos et agitados ad futura praedicenda. Adeo gentes omnes hac persuasione imbutae erant, divinationem sive prophetiam nonnisi a Deo esse! Ergo.

DIFFICULTATES

208. I. Obj. Frustra Deo adscribuntur prophetiae; 1. prophetia enim a vividiore imaginatione pendet; 2. facile siquidem accedit, ut vehementior animi affectus imaginationem incendat, qua sibi animus quasi praesentia fingat, quae sperat vel metuit, ut Cassandrae contingit malorum vehementer terrore percussae, quae Troja a graecis patiebatur. Ita post Spinozam auctor operis *Examen religionis*. 3. Hinc fit, ut per conjecturas humanas quaedam praevideri possint ac praenunciari, ut saepe factum esse omnis historia docet. Ergo incertum est, quod a vaticiniis deducitur, argumentum.

209. Resp. *N. A.* Ad 1. prob. *D.* Ac proinde huiusmodi prophetia ea non est, de qua loquimur, *C.* illa de qua loquimur *N.* Nempe eo ipso, quod a vividiore imaginatione pendeat aliqua praedictio, non includitur in prophetiae notione, quam dedimus, et ex qua exclusimus omnem causam naturalem. Addendum ejusmo-

(1) Ibid. lib. 1, c. 1. Idem alias Balbum ita locutum fuisse fingit: « Velleius, quia nihil tam irridet Epicurus quam praedictionem rerum futurarum, mihi videtur quam maxime confirmare deorum providentia consiliis humanis. Est enim profecto divinatio, quae multis locis et temporibus apparet, tum in privatis rebus tum maxime in publicis. Multa cernunt haruspices, multa augures provident, multa oraculis declarantur,

multa vaticinationibus, multa somniis, multa portentis ». *De nat. deor.* lib. 11, c. 63, edit. Taur. opp. xiii. Cons. Huet, *Demonstr. evang.* tom. 1, Axiom. 4, ubi mira eruditione, ut solet, adductis veterum sive graecorum sive latinorum testimoniis, id luculentissime evincit. Optime propterea et energice Terullianus, *Apol.* c. 20. concludebat: *Idoneum testimonium divinitatis veritas divinationis.*

di vaticinia incerta esse et conjecturalia, minime vero certa et determinata, qualia ad revelationis notam necessaria esse diximus.

210. Ad 2. Idem responsum esto, quod accommodari etiam potest iis, quae ex magnetismo animali vel somnambulismo objici solent; etenim semper extra hypothesim versantur; nam in his omnibus aliisque similibus praexistet causa naturalis, quam nos exclusimus. Addatur imaginationem, utut vividissimam, nullam habere vim posse in liberas hominum voluntates et actiones, quae futurae sint, cum nullam adhuc habeant determinationem vel in seipsis vel in causis. Quare Cassandrae factum, ejus supposita veritate, quae tamen saltem dubia est, extra rem et causam profertur (1).

211. Ad 3. *D.* Et in hoc casu haberetur prophetia proprie dicta, de qua loquimur, *N.* improprie dicta *C.* Futura pleraque non negamus posse non sine aliqua probabilitate conjici ac praenunciari; sic ex habitu corporis, et indole, propensionibus, aliisque id genus, futurum hominis exitum probabiliter conjicere possumus et solemus; ita nos quotidie ex puerorum indole conjicimus: iste vitam finiet in suspendio, hic erit sanctus, apostolus, etc.; id ipsum dicatur de politicis praedictionibus, quas non raro exitus confirmat (2). At haec neque excedunt naturalis ingenii vires vel conjecturae limites; hinc etiam vidimus saepe spem fallere et inopinato eventu omnem conjecturam subverti, et ratio est, quia humana conjectura non omnes *possibiles* casus praevide-re potest.

(1) Cons. S. Thom. loc. cit. q. 172, art. 1, ubi totum istud argumentum evoluit atque in clarissimo lumine ponit.

(2) Huc referuntur praedictiones s. Gregorii Naz. de futuro Juliani apostatae exitu, et P. Le Jay S. J.

de Voltaire, Polybii relate ad romanae reipublicae finem, Jos. Flavii quoad Vespasiani assumptionem ad imperium, Mahumetis circa victoriam graecorum sub Heraclio in persas, etc.

212. II. Obj. Si prophetia a Deo esset, non vero ex humana industria vel arte comparata, id potissimum erueretur ex prophetiis, quae in sacris litteris habentur. Jam vero, inquit Wegscheider (1) cum suis rationalistis, 1. praedictiones vere et proprie dictae, indubitatae, summaque eum claritate definitae, in utroque sacro codice frustra quaeruntur, ipsiusque Jesu Christi praesagium de reipublicae judaeae excidio non satis perspicue enunciatum est (Matth. XXIV, 36). 2. Tum prolata sunt nonnulla vaticinia ab hominibus auxilio divino plane indignis (Num. XXII, 5 et seqq. I Sam. XV, 32; Jon. I, 3; IV, I. et seqq. Joan. XI, 51). Praeterea 3. nonnulla in libris sacris continentur, quibus eventus nequaquam respondit; conf. praeter plurima vaticinia messiana Isaïae XXII, XXIX, XXXIV, LXIII, LXVI; Dan. II, VII; Oseae. IX, 3, XI, 5, Ezech. XL et seq. Luc. I, 32; Act. II, 30; Matth. XXVI, 32; Coll. Act. I, 4; Matth. XVI, 28; Joan. XXI, 22, I Thess. IV, 15; V, 1 et seq. I Cor. XV, 51; Apoc. et quae populi traditionibus mythicis et superstitionis nituntur, veluti Ezech. XXXVIII et XXXIX. 4. Alia denique singulari quodam scriptorum hebraeorum artificio post eventum demum conficta sunt, v. g. Gen. XXV, 23; XXVII, 27, 29; XXXIX, XL, XLIX; Num. XXIV, 17 et seqq.; Deut. XXXIII; I Reg. XIII, 2; XIV, 15; Dan. VII-XII; Matth. XXIII, 35; vel 5. praedictiones nonnullae, propria earum significatione mutata aut pressius definita, ad rerum eventum inflexae et singulis rebus in facto positae post eventum demum accuratius adaptatae sunt, v. g. Dan. IX, 24, Ps. XVI, coll. Act. II, 29 et seq. Ps. XXII, 17-19, coll. Joan. XIX, 23 et seq. Isaïae LIII; Matth. XII, 40; XVI, 21; XVII, 9; XXII, XXIII, XX, 19; XXVI, 34, coll. Joan. XII, 36 et seq. Luc. XIII, 32; Joan. XXI,

(1) Op. cit. p. 1, c. 2, §. 50.

18. Postremo 6. quemadmodum Jesus ipse parum honorifice judicavit de hebraeorum vatibus (Matth. XI, 11; Luc. VII, 28); ita apostoli vaticinationem obscuram et imperfectam esse ipsi professi sunt (I. Cor. XIII, 9; II Petr. I, 19 conf. Act. I, 7). Omnino autem apparet, Jesum interpretandi rationem, quae in thalmudicis et rabbinorum sicut in Philonis et Josephi scriptis latissime regnat, sequutum, et eo ipso, quod nonnulla prophetarum oracula ejus fata resque ab eo gestas vere adumbrare videntur, ductum, V. T. effata de felicissima rerum conversione et de novae faustiorisque civitatis instauratore aliaque, providentia divina ita moderante, ad seipsum traduxisse, ut fidem faceret judaeis, et ideis ipsorum messianis suas de regno quodam spirituali per Messiam condendo (Matth. XI, 13; XXII, 32. et seq. Luc. XVII, 20 et seqq. Joan. VIII, 12; XVIII, 36.) prophetarum quidem dictis nonnullis (Is. II, 2-5; XI, 1 et seq. XLII, 1-4; Joel. III, 1; Zach. III, 7 et seqq. VI, 12-15; Mal. III, 1-4; IV, 1 et seq.) jam vere adumbrato, adnecteret. Quae cum ita sint, argumentum e vaticiniis deductum, etc.; ergo (1).

213. Resp. *C. maj. N. min.* Ad 1. prob. *N.* Mentitur Wegscheider dum talia affirmat; exemplo sint promissiones Abrahae factae (Gen. XIII, 63 et seq.) de possessione terrae Chanaan, rursum praedictio de futura gentis peregrinatione a se nascituae in Aegyptum, de illius servitute per quadringentos annos, deque ejus liberatione in quarta generatione (ibid. XV, 13 et seq.), praedictio nativitalis Isaac (ib. XVIII, 10) et quidem intra annum contra omnem expectationem, de benedictione omnium gentium in semine Abraham (ibid.), ut

(1) Haec eadem fere sunt, quas jam objecerat Voltaire, *Bible enfin expliquée par plusieurs aumôniers de S. M. L. R. D. P.* et *Questions sur*

l'Encyclop. art. Messie, tom. xxiv; ex quo patet, quam vero dixerimus, rationalismum non esse nisi atheismum seu theismum larvatum.

innumeras alias ex V. T. omittam claras, definitas, ejusmodi sunt cae omnes, quas edidit Moyses in conspectu Pharaonis circa futuras Aegypti plagas earumque cessationem (Exod. VIII; IX, X, XI, XII), ex N. T. autem omnes praedictiones Christi cum omnibus suis adjunctis circa ipsius passionem (Matth. XVI, 21; Marc. IX, 31; Luc. IX, 44 et XXIV, 7) ejusque post tres dies resurrectionem (ibid.), circa trinam Petri negationem illa ipsa nocte ante galli cantum (Matth. XXVI, 34; Marc. XIV, 27; Joan. XVI, 32). Impudenter igitur mentiuntur rationalistae, dum talia effutunt. Ad Prob. *ipsiusque J.-C. praesagium*, etc. *N.* Apertissimum siquidem est illud non *praesagium* sed vaticinium de proxima templi ac Solymorum eversione, si praesertim conferatur locus parallelus Luc. XXI. 9, et seqq. et Marc. XIII, 2, cum omnibus suis adjunctis temporis, personarum, etc. Sufficit, ut quis certior fiat de gratuita adversariorum assertione, legere citata loca eaque cum historia Jos. Flavii de bello judaico comparare (1).

214. Ad 2. *Tr.* Quia ejusmodi dona, quae a theologis dicuntur gratis data, absque sanctitate consistere possunt, et in ejusmodi casu nihil efficaciae suae amitterent vera vaticinia. Saepe diximus vaticinia suam probationem secum ferre (2).

215. Ad 3. Vel *N.* vel *D.* Si conditionata sint, conditione non posita, ut saepe factum est, *C.* si absoluta *subdist.* posita arbitraria interpretandi methodo proteslan-

(1) Perspicuum adeo et definitum est hoc vaticinium, ut christiani eo admoniti, recedente exercitu Romanorum, Jerosolyma relicta, Pellam in Galilaea se receperint, ut refert Eusebius, *Hist. eccl.* lib. III, c. 5, vers. Valesii; oppidum autem illud erat trans Jordanem. Quod ergo clarum et definitum fuit omnibus christianis aetate illa, erit obscurum

Wegscheider?

(2) Cons. S. Thom. loc. cit. art. 4, ubi ostendit, esse posse prophetiam sine morum probitate, cum ad proximorum utilitatem ac salutem, non autem propriam, sit a Deo infusa. Certe juxta verba Christi (Matth. VII, 22) dicturi aliquando nonnulli impii erunt: *Nonne in nomine tuo prophetavimus?*

tium, nempe juxta privatum uniuscujusque sensum, *Tr.* juxta sanæ exegesis regulas *N.* Observandum igitur est, non pauca vaticinia conditionata esse; porro cum conditio effectum suum non sit sortita, quid mirum si vaticiniis effectus non responderit? Talia sunt, quæ adimplenda adhuc supersunt, vel in dies adimplentur, talia quæ in Apocalypsi leguntur, quæ spectant ad plenam vocationem gentium; talia quæ sub cortice litteræ sensum spirituales præseferunt (licet adversarii nostri id non admittant), cujusmodi sunt ea, quæ de futuræ synagogæ felicitate, de sede David, de regno messiano, aliisque id genus non paucis pro lubitu intelligunt isti neoterici biblici protestantes et rationalistæ, ut inde arguant eventum prophetiæ non respondisse. Addatur gratis omnino asserere adversarios, citata ab ipsis vaticinia impleta non esse, atque insuper nec id asserere ipsos potuisse; etenim si omnia *V.* et *N. T.* vaticinia obscura sunt et indefinita, quomodo nunc affirmant, eventum iis non respondisse? Mendacem oportet esse memorem (1)!

216. Ad 4. *N.* Hæc enim non est nisi gratuita et impudens adversarii assertio contra omnes critices regulas et consensum et testimonium universæ gentis judæorum et christianorum. Observandum est, quod inter vatici-

(1) Hic o'ïier notetur, protestantes solitos esse scripturam per solam indicationem capitulum et versiculorum adducere. Et hoc duplici ex causa, 1. ut furum facilius imperitis et malæ fidem facilius legant; ut ostendant propriam peritiam in versandis scripturis. At primum ingenue scribere indignum est, alterum puerile, cum ope concordantiæ quisque possit eandem peritiam ostentare. Nunc ut speciem exhibeam malæ fidei et gratularum assertionum Wegscheider in adductis locis, observo capitulum xxxi isaïæ esse de eversione Solymanum, quod admissum imple-

tm est; cap. xxxiv de Dei ultione in omnes gentes, quæ pariter sub chaldaicis contigit; cap. lxxiii. de Christi triumpho in hostes suos et derelictione hebraicæ gentis, quod pariter suum exitum sortitum est; cap. lxxvi pariter esse de vocatione gentium et judæorum derelictione seu reprobatione, Dan. cap. ii. esse de visione Nabuchodonosor et de quatuor monarchiis. Eecur autem adimpletum non est hoc vaticinium? Sic dicatur de ceteris, cum non vacet singula percurrere. Interea *Crimine ab uno disce omnes.*

nia scriptorum Hebraeorum singulari artificio post eventum demum conficta recenseat auctor noster etiam illud quod legitur Matth. XXIII, 35. Quam bene haec colae-
rent (1)! Addo: saltem ista vaticinia post eventum con-
ficta deberent esse clara ac definita, cur igitur nulla esse
id genus oracula adversarius noster affirmavit? Menda-
ces sibi constare non possunt.

217. Ad 5. D. In sensu et sententia adversarii, C.
reipsa N. Profecto commoda via est ad declinandam viam
vaticiniorum, ut si quae sint luculenta et ineluctabi-
lia, gratis affirmare ea post eventum conficta esse, iis
autem, quae eludi minime possunt, affingere alium et
privatum sensum, contrarium illi, quem sacri scripto-
res aperuerunt, ac deinceps affirmare ea deflexa signi-
ficatione post eventum ad alia fuisse accommodata. Sed

(1) Praestat et hic novum sume-
re specimen innocentiae atque hone-
statis rationalistarum eorumque eru-
ditionis biblicae, quam in eis aliqui
aspiciunt. Inter vaticinia conficta
Wegscheider refert Gen. xxxix; at
hoc caput nullum exhibet vaticinium,
sed historicum totum est, de tentata
nempe Josephi castitate. Quo vero
fundamento in animum induxit suum
Wegscheider, totidem esse con-
ficta vaticinia, ea quae praedicunt
futuram superioritatem hebraici po-
puli super Idumaeos (ut Gen. xxv,
23-xxvii, 27; xxxix) plane ignoro.
Id ipsum dicitur de interpretatione
somniorum eunuchorum Pharaonis
a Joseph in carcere facta (Gen. xl)
et de Jacobi morituri benedictioni-
bus in filios (ib. xlii). Quare tan-
tae fraudis non indicavit tempus, au-
tores, adjuncta? Sed veniamus ad
Dan. vii et seqq. usque ad xii; Por-
phyrius longe ante rationalistas a
quodam Epiphano haec capita in Ju-
daca, aetate Antiochi, conficta aut-
umavit. At praeter Judaeorum tra-
ditionem, in quorum manibus volu-
men Danielis erat, desperatum Por-

phyrii perfugium prorsus evertit te-
stimonium Jos. Flavii, qui (*Archaeol.*
lib. xi, c. ult.) refert Alexandro M.
Jerosolimam adventanti a sacer-
dotibus volumen Danielis exhibi-
tum fuisse, ac locum illum ostensum
(est autem cap. viii), in quo regem
Persarum devictum iri a rege Grae-
corum praedicebatur. Διχθείσης δὲ
αὐτῷ τῆς Δανιήλου βίβλου ἐν ᾗ τίνα
τῶν Ἑλλήνων καταλύσειν τὴν Περσῶν
ἀρχὴν ἰδούλου, νομίσας αὐτὸς εἶναι
ὁ σημαίνόμενος, τότε μὲν ἡσθεὶς ἀπέ-
λυσε τὸ πλῆθος· τῇ δὲ ἐπιούσῃ προσ-
καλεσάμενος, ἐκέλευσεν αὐτοὺς αἰτεῖ-
σθαι δωρεάς αἱ αἰν αὐτοὶ θέλωσι. etc.
p. 581. tom. i, op. edit. Havercamp,
Amst. 1726. Jam vero Alexander
Antiochum praecessit annis plusquam
150; fieri proinde non potuit, ut li-
ber Danielis suppositus fuerit, vel assu-
ta recensita capita tempore Antiochi.
Sic corrui commentum Porphyrii, et
Wegscheider qui eadem recouquere au-
det. Consulatur praeterea *Die au-
thentie des Daniel*, etc. Seu *Authen-
tia Danielis demonstrata*, etc. per
Ernst Wilhelm Hengstenberg, Be-
rolini 1831, in-8.

neque hic sibi constat auctor noster. Nam Danielis caput IX supra inter conflictata post eventum retulit, nunc recenset inter ea, quae post eventum deflexa sunt a propria significatione. Addatur Psalmum XVI (in Vulg. XV) de Christi resurrectione in sensu recepto ab ipsa synagoga a Petro expositum esse, alioquin palam et pro concione non retulisset. Psalmum XXII (XXI) de Christi passione in citato versu accipiendum esse, tum res ipsa declarat, tum synagogae recepta expositio etc., et sic de ceteris ibidem commemoratis.

218. Ad 6. *Neg.* prorsus. Hoc enim novum est figmentum adversarii nostri. In locis enim citatis Christus solum dixit: *Non surrexit inter natos mulierum major Joanne Baptista*, vel ut est apud Luc. *Major inter natos mulierum propheta Joanne Baptista nemo est* (1). Utrum hoc dicendum sit, parum honorifice de prophetis loqui, ad quos saepe provocat Christus ipse (ut Luc. XXIV, 25, 27; Joan. VI, 45 et alibi passim), quisque intelligit. Ad conf. ita apostoli vaticinationem obscuram, etc., *N.* Nunquam apostoli hoc dixerunt, sed mentitus est bonus rationalista. I Cor. XIII, 9 Apostolus ait: *Ex parte enim cognoscimus et ex parte prophetamus* (2); II Petr. I, 19 contrarium docetur: *Habemus firmiorem propheticum sermonem, cui benefacitis attendentes tanquam lucernae lucenti in caliginoso loco*, adeo ut veluti praeferat prophetiam visioni sibi factae in monte sancto; Act. vero I, 7 legitur: *Non est vestrum nosse tempora vel momenta, quae Pater posuit in sua potestate*. Itaque si adversarius noster hic non abutitur scripturarum auctoritate ac bona lectoris fide, et perfrecta fronte imperitis imponit, quis hoc facere dicendus sit plane non video.

(1) Obcevat vero hic Maldonatus comparationem a Christo institui in sanctitate, non autem in prophetia.

(2) Prophetiae hic Apostolus praefert visionem beatificam, quae uti-

que clarior erit. Cons. Bernard. a Piconio in *Triplici expositione*. Non absolute propterea loquitur Paulus, sed relative.

219. Ad 7. *N.* Et hic practer falsitatem impietas etiam adversarii patet, quippe Christum ut seductorem traducit, quod abusus fuerit judaeorum simplicitate. Et tamen isti christiano adhuc nomine gloriantur, et impune theologiam in academiis tradunt! Cum igitur practer suam impudentem assertionem nullam affeet probationem, non est cur hic tempus teramus (1).

220. Inst. 1. Varius est prophetarum stylus pro diverso eorum ingenio et educatione. 2. Sine aliquo apparatu prophetare non valent, ut contigit Elisaeo (IV Reg. III, 15). 3. Institutae inveniuntur apud hebraeos prophetarum scholae, in quibus ars prophetandi tradebatur; hinc et grex prophetarum occurrens Sauli (I Reg. X); 4. hinc entusiastae quidam ex ipsis indecora patrabant, ut esset nude incedere (Is. XX). Ergo divinae revelationi prophetia adscribi non debet.

221. Resp. ad 1. Quia Deus probabiliter non semper verba singula, sed sensum ut plurimum prophetis tradebat, *C.* secus *subdist.* quia Deus verba dictans sese diversae prophetarum iudoli accommodabat, *C.* quia ex ipso non erant edita vaticinia *N.* *Nec enim homo*, in-

(1) In nota (o) scribit: *Sic Josephus, interpretandi genus Judaeis usitatum sequutus, Vespasianum oraculis messianis portendi (Bell. jud. lib. vi, § 4), Cyrillus jeros. sua ipse fata a prophetis praedicta fuisse opinatus est. Sozom. hist. lib. iv, 5; Ammon, Bibl. theol., ii, 86 et seq.; Eichorn Anführl. Unterr. 156 et seqq. Briefe über den Rationalismus, 221 et seqq.* Sed si Josephus incredibili assentatione contra omnium suae gentis sensum accommodavit oracula messiana Vespasiano, ergo et Christus hunc morem sequutus est? Mira rationalistarum dialectica! Falsum porro est Cyril-

lum Jeros. opinatum fuisse fata sua a prophetis praedicta; neque id tradit Sozomenus, sed relata ingentis crucis in aëris spatio apparitione ab omnibus conspecta per plures horas (et hic videant rationalistae an unquam signa defecerint in ecclesia catholica) subdit aliquos asseruisse haec in sacris libris olim praedicta fuisse per divinam quamdam prophetiam. En verba Sozom. loc. cit.: Ἐλίγετο δὲ παρὰ τῶν τὰ τοιαῦτα πιστημάτων κατὰ τινὰ προφητείαν θείαν παλαι ταῦτα προμνηύσθαι ἐν ταῖς ἱεραῖς βίβλοις. Talis est fides istorum virorum Ammon, Eichorn, etc., qui habentur ut rationalismi fundatores!

quit s. Thomas (1), *ex operatione divina immutatur circa prophetiam.*

222. Ad 2. *N.* Casus enim Elisaci, qui adducitur, unicus est et singularis. Ad sedandum enim animum suum psaltem requisivit, non ad excitandum spiritum prophetiae.

223. Ad 3. *D.* Ad pie educandos adolescentes, ex quibus Deus aliquos identidem èligebat ad futura praenuncianda, *C.* ad artem prophetandi addiscendam *N.* Et hic obiter notamus cum Bergier (2), non unam esse in scripturis nominis *prophetae* acceptionem; aliquando enim hac denominatione veniunt oratores, quo sensu Aaron dicitur *propheta Moysis*; interdum designantur aliqui addicti ad divinas laudes canendas, talis fuit *Saul inter prophetas*, vel cum *domi prophetabat*, psallente David; veniunt insuper doctores et interpretes legis, quo sensu nonnulli dicuntur filii, id est, discipuli prophetarum, qui nempe legis doctrinam addiscebant ab his doctioribus, quorum aliqui divino etiam lumine edocebantur.

(1) S. Thom. loc. cit. art. 3. ad 1. Conf. etiam Huet *Demost. evang.* prop. viii, ubi in sententia de divina inspiratione quoad singula verba ad rationem reddendam diversitatis styli, quae in singulis prophetis habetur, hac pulchra similitudine utitur: eodem modo ac idem ventus transiens per diversas organi fistulas diversum sonum emitit, sic licet idem spiritus sil, qui diversos inspirat, diversimode loquitur pro diversitate indolis, etc. Ceterum controversia de modo inspirationis, siue quoad solum sensum, siue quoad verba singula adhuc viget. Concilium Trid. litem dirimere noluit, sed solum declarat Deum utriusque foederis auctorem esse. Plures diversimode loquuntur. Ex theologis Lessius et Hamelius S. J. inter alias theses hanc statuerunt: *Ut aliquid sit*

scriptura sacra non est necessarium singula ejus verba esse inspirata, quam thesim Theologi Lovanienses et Duaceni annis 1587 et 1588 atro carbone notarunt. Haec tamen censura a reliquis catholicis, ab universitate Parisiensi et a Rom. Pontifice minime probata fuit. Cum Lessius et Hamelio consentiunt e Soc. Jesu Belarminus, Mariana, A Lapide, Bonfrerius alique, ex externis Melchior Canus, Contensonius, Calmet, estque sententia communissima. Conf. diss. Calmet *De inspiratione*, etc. ad 11 Petr. Holden longius progressus est

(2) *Traité*, etc. tom. vii, chap. 7, art. 1, § 1. Plura etiam de hoc argumento habet Jahn, *Introd. in libros V. et N. Foederis*, § 83. Sed ab hoc auctore valde cavendum, sacpe enim accedit ad biblicos protestantes.

Quae si accurate distinxissent increduli, prophetiam inter humanas artes minime connumerassent.

224. Ad 4. D. Ex praeconcepta adversariorum sententia, C. in se N. Etenim Isaias ad calamitatem aegyptiorum et aethiopum symbolice exprimendam deposito pallio nonnisi ultima veste indutus incessit. Orientales siquidem nudum dicunt, qui nonnisi hac ultima veste, quam *ehram* appellant, indutus est, atque ita hodieum in Oriente ruricolae et ad meocanum pseudoprophetae sepulcrum peregrinantes vestiti sine aliorum offensione incedunt (1).

DIFFICULTATES

Ex ethnicorum vaticiniis

225. Obj. 1. Nulla est religio, quae suas non habeat prophetias seu divinationes et oracula, 2. quae si cum biblicis conferantur, vix ullum inter ea deprehenditur discrimen. 3. Celeberrima sunt oracula Jovis Dodonaei in Chaonia Epiri regione, Jovis Ammonis in Lybia, Apol-

(1) Janssens, *Herm.* tom. 1, n. 319; et hic auctor in nonnullis a vera via deflectit, merito proinde castigatus ab Amando a S. Cruce dioec. Leodiensis presbytero, in suis *Animadvers. crit. in eundem*, Monaci 1820. Interim ex dielis patet quid reponendum sit scurrae Voltaire, dum ridet panem stercore humano vel bovino linitum ab Ezechiele comendendum (Ezech. iv, 12). At non advertit nunquam ejusmodi mandatum a Deo prophetae datum esse, sed ad exprimendam summam lignorum penuriam, ad quam in captivitate Judaei redigendi essent, jussit Deus coquere panem ex fimo exsiccatum sive hominis sive bovis; en verba textus:

וְהָיָה בִּגְלָלִי יֵצֵאת הָאֵדָם
תַּעֲרֹבָה coque illum sub cineribus

cum hominis excremento; eundem sensum referunt chaldaeus ac graeci interpretes LXX: 'Ἐν βαλβίταις κόπρου ἀνθρώπου καὶ ἀγροῦ φῶς αὐτὰ. Jam vero hodieum in Aegypto atque in Oriente pauperes incolae desertorum panes suos frequenter siccatis stercorebus boum, imo et hominum coquunt. Conf. Corneille Le Bruyn, *Voyages au Levant*, tom. 1, pag. 230; Tournefort, tom. III, p. 106, 122, 133, 136; Pietro della Valle, p. 1. let. 2; Gemelli Carreri, *Voyage autour du monde*, tom. II, p. 57; Calmet, hic; Lamy, *Apparatus ad Bibl. Guénée Lettres de quelques Juifs*, etc. tom. II, lett. IV, § 7, pag. 244, edit. de Lyon 1823.

linis in Delo, Delphis et alibi, Latonae in Aegypto, quod Sebeunticum oraculum vocabatur, aliaque permulta erudite collecta et declarata a Mussardo (1), a quibus ethnici expetebant et plerumque obtinebant prophetias, responsa scilicet de rebus ab humana cognitione prorsus remotis. 4. Nil mirum proinde si ea ut divinitus inspirata ethnici crediderunt. 5. Notissima sunt carmina Sibyllina ab ethnicis pariter et christianis admissa. 6. Negari saltem non potest, daemones potuisse praedicere, quae essent ipsi facturi. 7. Hinc dubium semper evadit argumentum ex prophetia deductum ad evincendam divinitatem supernaturalis revelationis; ergo.

226. Resp. ad 1. *D.* Veras vel fictas, *C.* veras *subdist.* quae tamen naturalem seientiam et conjecturam non excedant, *C.* quales nos propugnamus *N.* Nullum exemplum ex tota antiquitate proferri potest de editis oraculis saltem in confirmationem falsae religionis, quae notas praeserant a nobis superius expositas.

227. Ad 2. *N.* Peculiare enim intercedit discrimen, illudque multiplex inter ethnicorum oracula et vaticinia biblica. Licet enim demus (quod verius censemus ob aperta patrum testimonia) cum P. Balto S. J. adversus Van Dale et Fontenelle non *omnia* gentilitatis oracula sacerdotum fraudibus esse adscribenda, attamen jure affirmamus dari characteristicas notas, quae essentialiter oracula paganorum a biblicis distinguant. Ut enim cetera omittam, oracula et divinationes non erant 1. nisi *effata singularia*, nulla ratione inter se nexa, 2. eaque de eventibus *proxime instantibus*, ut *certis personis* vel *civitatibus* consuleretur, et 3. adeo *ambigua*, ut quidquid accideret, praedictum fuisse videretur (2). Sic de

(1) In sua *Historia Deorum fatidicorum, Fatum, Sybillarum, Phocadum apud priecos illustrium*, Coloniae Allobrog. edit. 1673.

(2) Omnia prorsus gentilitatis oracula fraudibus sacerdotum adscribenda esse Van-Dale, *De Orac. vet. ethnic.*, Diss. II, contendit, cui ad-

celeberrimis oraculis Apollinis scribit Cicero (1): *Sed jam ad te venio, sancte Apollo... tuis enim oraculis Chrysippus totum volumen implevit, partim falsis, ut ego opinor, partim casu veris, ut fit in omni oratione saepissime, partim flexilquis et obscuris, ut interpres egeat interprete, et sors ipsa referenda sit ad sortes, partim ambiguas et quae ad dialecticam deferenda sint.* E contrario vaticinia biblica 1. sunt permulta, quae omnia amice inter se conspirant; 2. ad finem communem, grandem et Deo dignum tendunt; partim de factis in sera posteritate eventuris agunt, atque 4. minime ambigua, sed determinata, certis adjunctis definita, et eatenus, quatenus opus est, clara sunt. Talia sunt vaticinia, quae seriem eventuum, qui ad hebraeos aliasque gentes spectant ab Abrahamo per XXII saecula miro consensu praenuntiarunt, et eo tendunt, ut divinam legationem prophetarum, et per hanc legationem, veritatem doctrinae de Deo unice, omniscio, provido, sanctissimo comprobarent, camque eustodirent hebraei usque ad adventum Messiae ex Davidis posteris ori-

stipulatus est Fontenelle, *Histoires des Oracles*, ch. 7, quibus nonnulli ex recentioribus subscribant atque inter ceteros Janssens, op. cit. Mosheimus vero mediam viam inivit, in *Notitia ad Cudworth*, asserens nihil certi affirmari posse pro alterutra sententia. At contra Van Dale ejusque sectatores strenue adeo dimicavit P. Baltus auctoritate omnium veterum ethnico- rum, si Plutarchum excepias, ss. Patrum, praesertim Justini, Tertulliani, Cypriani, Athanasii, Lactantii, Augustini, qui dicebat: *Loquacissima simulacra, pulsus daemonibus a christianis, veluti sine flatu organa siluisse*, quod veteres apologetae ethnicis passim exprobrabant, praesertim Tertullianus et Cyprianus; lum factis certissimis ac testibus immediatis, cujusmodi fuit s. Joan. Chrysostomus quoad silentium oracu-

li daphnitici in translatione reliquiarum s. Babylae, etc. ita ut Fontenelle coactus fuerit palmam dare adversario suo, festivo illo dicto: *Le diable a gagné sa cause, Diabolus nempe causam suam vicit.* Sano Bergier loc. cit. observat, neminem ausum fuisse P. Balti opus refellere. Hinc bene concludebat P. Bertier S. J.: *Feneratio, qua ecclesiae Patres prosequi debemus, non sinit nos dubitare, quin daemonum arte quaedam sint edita vaticinia.* In epistolis, quibus titulus: *Lettres édifiantes et curieuses etc.*, multa narrantur de his vaticiniis per idola emissis, ab ipsis oculatis testibus. Cons. Amandus a S. Cruce op. cit. *adversus Janssens*.

(1) *De Divin.* lib. II, c. 56, edit. Taur. 1831, op. tom. XIII.

turi, per quem eadem cognitio ad universas gentes erat propaganda. Nec generica sunt ista vaticinia, sed quamplurima cum suis adjunctis temporis, loci, personarum, absque ambiguitate, perspicua et clara. Plura jam exempla superius exhibuimus agendo adversus rationalistas, quibus addi possunt, speciminis gratia, quae habentur Gen. XII, 2-3; XV, 4-5; XVII, 4-8, etc.; tum Isaiæ XXI et Jer. L. et LI de futura per medos et persas Babylonis depopulatione, quibus si conferantur, quae refert Xenophon (1), videtur historicus nonnisi eorundem vaticiniorum commentaria edidisse, adeo omnia adjuncta enuntiata adamussim completa cernuntur! Plura alia non minus clara ac definita praetermitto, ut brevitati praestitutae inserviam, cum ejusmodi vaticiniis abundent utriusque foederis paginae.

228. Ad 3. Responsio patet ex dictis. Addo non solum internas notas biblicorum oraculorum ab oraculis ethnicorum essentialiter differre, ut ex nuper dictis evincitur, sed etiam externa adjuncta; 1. enim multa oracula ethnicorum seu divinationes arte fiebant; 2. oracula ethnicorum addicta erant certis locis, ut vates graecorum Dodonae, Delphis, Delo, etc. adeo ut per totum orbem tercentum ad minus recenserentur; pendebant insuper a certis anni tempestatibus vel a vapore cavernarum subterrancarum, Pythiae esu baecarum aut gestatione coronae laureae in furorem concitabantur, tripode in Boeotia potissimum; nota est insuper duplex origo oraculi Dodonaei ex sacerdotissa Thebana in sylva Dodonae ex murmure rivi, tum ex statua aenea, aeneo flagello, vasis aeneis; sacerdotes etiam in quibusdam quercubus oracula dabant, etc. 3. Non modo oracula gentilium, sed et praestigiatore donis ac muneribus conciliabantur, ut vaticinia edcrent; hinc harioli et aruspices erant in-

(1) *Cyrop.* lib. VII, c. 5.

strumenta principum ac magistratuum, per quos plebs ad ea, quae decreta erant, flecteretur. Hinc illud Demosthenis: *Pythia philippizat*. 4. Oracula et omnis generis hariolatores credulos habebant coevos suos; prout vero progressu temporis vanitas et fallacia detegebatur, fidem amittebant et in oblivionem abibant. Contra vero prophetae 1. nulli erant addicti loco, 2. ejuscunq̃ue erant conditionis, 3. absque ullo apparatu vaticinia dabant, 4. non solum non rogati, sed invitis regibus, principibus, populo; nedum vero aliquam aut laudem aut mercedem referrent, ludibria, odium, insectationes, minas, vineula, carceres, vitae pericula ac necem etiam subibant; unde s. Stephanus, (Act. vii, 52): *Quem, ait, prophetarum non sunt persecuti patres vestri?* 5. Plurimumque habuerunt coevos incredulos nec fidem nacti sunt, nisi postquam vivere desierunt, quum nempe fallere amplius non possent, quando scilicet vaticinia eorum posteriori aevo complerentur; id progressu temporum adeo manifestum fuit, ut multi etiam ethnici veritatem vaticiniorum biblicorum agnoverint (1).

229. Ad 4. *D.* Rudes, et absque sufficientibus motivis, *C.* doctiores et sapientes *N.* Recolantur superius dicta.

230. Ad 5. *D.* Quin edita sint in confirmationem erroris, *Tr.* secus *N.* Omnia obscura et incerta sunt, quae spectant ad deperdita sibyllina carmina; sola nobis remanent, quae recensuit Virgilius (Ecl. IV): *Ultima Cumaei*, etc., quae certe continent de Christo vaticinium, quidquid eum suis contendat Heyne (2). Diversa sunt ve-

(1) Ita quidem Jahn, op. cit., etsi protestantium biblicorum passim vestigia premat.

(2) In argumento hujus eclogae; ubi adstruit poetam phantasmata poetica ab aureae aetatis narrationibus petita cumulasse, in certo aliquo temporis sui eventu declarando, quem

paulo obscurius designavit, quoniam in vaticinium rem mutavit, atque vaticinantis verbis et phantasmalibus sensu sua exposuit. Deinde, exposita theoria vaticiniorum apud suos recepta, quod orta ea sint ex spe melioris aevi, concludit: « Quaseunque in hoc genere descriptiones no-

terum judicia circa illa. Nonnulli Patres censent Deum per Sibyllas vere edidisse vaticinia sicut olim per impium Balaam. Quae nunc prostant in bibliotheca Patrum, tum quae ex codicibus ambrosianis et vaticanis nuper evulgavit Cl. Maius, ex omnium criticorum iudicio spuria sunt (1).

vae felicitatis habemus, sive in Orientis, sive in graecis vel romanis poetis, eae omnes fore inter se similes sunt: bestiae ac forae cicures, serpentes innocui, fruges nullo cultu enatae, mare placidum, dii praesentes in terris, aliaque ejusmodi in omnibus commemorantur. Quibus verbis satis aperte alludit ad Is. xi, quem non secus ac profanos poetas auream illam aetatem descripsisse innuit. Sed quid expectes a profanis istis scriptoribus (noni religionis sensu destitutis, qui non nisi terrena sapiant! Quomodo autem adeo universalis sensus nationibus omnibus inhaesit absque aliquo originario principio, ex quo in omnes emanaverit?

(1) Cons. Gallandi, tom. 1, *Bibl. Patrum*, Proleg. c. xvi; ubi ostendit carminum Sibyllinarum auctorem esse christianum ex circumcisione, qui ea edidit anno 138. Quod attinet ad veteres Sibyllas earumque carmina, omnia involueris teguntur. D. Pierre Petit in erudita *Diss. de Sibyllis*, eas ad unam reducit, eamque opinatur vocatam fuisse Delphicam, Erythraeam, Cimmerianam, Cumanam, Samiam, Hellespontiacam, Lybicam, Persicam, Phrygiam, Tiburtinam, a diversis locis, in quibus commemorata est. Existimat ipsam fuisse graecam, eo quod oracula omnia graece scripta sint, Erythraeae Asiae urbis natam, Hierophilem nuncupatam, demum Cumis in Italia obisse. Alii Varronem secuti sunt, qui decem eas numerat. Ceterum inter has decem Cumana est celebrior. Tres ex ea libros Tarquinus magno pretio emit, quos lapideae capulae inclusos in Capitolio

reposuit. Hi libri consulebantur a romanis, quoties graviora impendebant reipublicae discrimina. Lxxvi vero annis ante Christum Capitolio sub Sylla conflagrato, Senatus romanus in Asiam et Graeciam misit ad colligenda quotquot sibyllina oracula reperiri potuissent. Hi legati mille versus propheticos existimatos Romam attulerunt, qui denuo in Capitolio reaedificato collocati sunt; et sic ratio redditur de carminibus Sibyllae Cumanae a Virgilio recensitis, cum teste Tacito, *Hist.* lib. v, c. 13 et Suetonio, lib. 11, c. 14. Oriente toto pervulgata opinio seu potius traditio fuerit de magno Rege ex Iudaea profecturo, qui rerum potiretur, quae inter sibyllina carmina relata est, cujus meminit Virgilius. Guillelmus Boveregius carmina sibyllina in tres classes distribuit; prima complectitur genuina annis 76 ante Christum combusta; altera subinde a Romanis collecta, quorum fragmenta apud Plutarchum, Varronem, Tullium, Virgilium occurrunt, quaequae Stylicon v. saeculo, teste Rutilio Numatiano, *Itinerarii* lib. 11, flammis tradidit; tertia decimum classis, quae tom. 1, *Bibl. Patrum* inserta sunt, quibus addi debent a Cl. Maio vulgata. Ex Patribus ea citantur Justinus, Athenagoras, Theophilus antiochenus, Lactantius alique. Celsus apud Origenem, lib. v, n. 61, et lib. vii, n. 56, christianos *Sibyllistas* vocat, quod istorum carminum auctoritate uterentur. Cons. Bovereg. *Codexean.* lib. 1, c. 14, tom. 11; in Georg. Bulli *Primit. et Apostol. trad. de J. C. divinitate asserta*, etc.

231. Ad 6. *D.* Si Deus id ipsis permisisset, *Tr.* secus *N.* Recolantur porro, quae diximus de miraculis, spectatis moralibus Dei attributis.

232. Ad 7. *N.* Ex hoc enim, quod nummi aliqui suppositi sunt ac spurii, non sequitur, omnes ut spurios amandandos; imo ex eo, quod aliqui supposititii sint, concludi potius debet genuinos existere.

233. I. Inst. 1. Constat ex indubiae fidei historicis quaedam auguria et vaticinia ethnicorum clara, ac de re longe post eventura edita, et adamussim adimpleta fuisse. 2. Tale fuit, teste Varrone (1), illud Vetii de duratione imperii romani per XII saecula ex XII vulturibus a Romulo visis. 3. Tale illud cujusdam Germani, qui, teste Flavio Josepho (2), nuntiaverat et regnum et diem obitus Agrippae ex hubone, quem suspexerat. 4. Tale illud Thami, qui ab ignota voce jussum acceperat praedicandi ad portum Palades mortem Pan, teste Plutarcho (3). 5. Nec mirum, eum non desint ex ipsis Ecclesiae patribus, qui prophetiam a causis naturalibus repellant. 6. Sic s. Gregorius M. (4): *Ipsa*, inquit, *aliquando animorum vis subtilitate sua aliquid praevidet*, quod exemplis confirmat; et 7. s. Augustinus (5): *Animae humanae*, scribit, *secundum quod a sensibus corporis abstrahitur, competit futura praevidere*. 8. Quod et in sonnambulis passim fieri cernimus; ergo.

234. Resp. ad 1. *N.* Haec enim non est nisi gratuita

c. 4, § 3 et seqq. *Collect. Patrum Apost. J. B. Cotelerii*, Antw. 1698; *Fabric. Bibl. Gr.* tom. 1, c. 29, pag. 227 et seqq. edit. Hamb. 1790. Sed potissimum ex Catholicis Gallandi loc. cit. et D. Prudentius Maran Maurinus, *Praef. ad Justin.* passim, edit. Parisiis 1742; quibus levissimi recentiores biblici protestantes et rationalistae refelluntur in illa

jejuna conjectura de Sibylla portendente actatem auream absque ulla ad Christum relatione.

(1) *Antiq. lib.* XVIII.

(2) *Archaeol. lib.* XVIII, c. 6, n. 7, coll. lib. XIX, c. 8, n. 2.

(3) *De orac. defectu.*

(4) *Dial. lib.* IV, c. 26.

(5) *De Genesi ad litt. lib.* XII, c. 13.

assertio, ut ex responsione ad singula facta quae afferuntur statim patebit.

235. Ad 2. *D.* Ita ut falsitatem augurii ostenderit eventus, *C.* secus *Tr.* Imperium enim romanum occidentale ultra XII saecula perduravit ab urbe condita; orientale vero ad IX. circiter alia saecula. Si vero de Urbe tantum sermo sit, rursum patet falsitas augurii, nondum enim Roma excidit.

236. Ad 3. *N.* Illic enim Josephum ut in nonnullis aliis factis fabulam sive commentum obtrusisse patet tum ex natura ipsius narrationis, tum ex Act. apost. XII, 23; ubi Herodis Agrippae mors alia omnino ratione describitur saltem quoad causam; percussus enim ab angelo perhibetur. Consulatur non solum *Prolusio Joan. Harduini de nummis Herodiadum*, Parisiis 1693, sed ipse Ant. Van Dale, qui eam Josephi narrationem omnino vellicat atque explodit (1).

237. Ad 4. *D.* Quatenus Deus adegerit daemones ad idololatriae cladem ex Christi morte denunciandam, *C.* alias *Tr.* Transmisimus porro omnia facta ista ex parte historica, quia ex criticis regulis valde nutant (2).

238. Ad 5. *D.* Prophetiam late sumptam, *C.* stricte sumptam *N.* De hac porro nos loquimur; et sic responsio patet ad ea quae 6, 7 et 8 objecta sunt, quare non opus est ut illa singulatim ad trutinam revocemus (3).

(1) In lib. *De Orig. et progressu idolol.* c. 7, p. 137.

(2) Cons. Huel, *Demonstr. evang.* prop. ix, c. 136; Serry, *Exercit.* 57, n. viii; Vossius, *De theolog. gent. et physis-Christ.* lib. viii, c. 3, ubi vindicat historiam hanc Plutarchi; sed exponit vel de daemonis clade illata per Christum, vel de morte ipsius Christi. Cons. opp. tom. v, Amstelod. 1700.

(3) Consul. S. Thom. 2. 2. q. 179. art. 1. ubi citata Patrum dicta explanat dicens: Quod prophetica

praecognitio potest esse de futuris dupliciter; uno modo secundum quod sunt in seipsis; alio modo, secundum quod sunt in suis causis. Praecognoscere autem futura, secundum quod sunt in seipsis, est proprium divini intellectus, cujus aeternitati sunt omnia praesentia, et ideo talis praecognitio futurorum non potest esse a natura, sed solum ex revelatione divina. Futura vero in suis causis possunt praecognosci naturali cognitione etiam ab homine. Sicut medicus praecognoscit sanitatem vel mor-

239. II. Inst. cum Rousseau. Ut ex prophetiis certum argumentum erui possit de divina revelatione, tria haec concurrant, necesse est; 1. ut nos testes simus prophetiae, cum editur, ne per vana signimenta decipiamur; 2. nec prophetiae tantum, sed et ejusdem adimplementi; 3. ut certi simus, quod eventus nec potuerit naturali via praevideri, nec fuerit fortuito casu cum prophetia conjunctus; atqui id vix ac ne vix quidem fieri potest; ergo.

240. Resp. *N. M. et m.* Prophetia enim est factum, et factum pariter est ejus adimplementum. Possumus igitur certi esse de ipsis non secus ac de ceteris factis jam praeteritis quibuscunque. Sed nec pauca aut minus illustria exempla suppetunt ex sacris litteris vaticiniorum, in quibus tres recensitae conditiones mirifice concurrunt, v. g. trina Petri negatio, resurrectio Christi, Jerosolymorum ac templi eversio, ut cetera omittam.

CAPUT IV.

DE EXISTENTIA DIVINAE AC SUPERNATURALIS REVELATIONIS

241. Si possibilis est supernaturalis divina revelatio, si necessaria, si certis characteribus ac notis discerni potest, prout adversus deistas ac rationalistas in superiori-

tem futuram in aliquibus causis, quarum ordinem ad tales effectus experimento praecognovit. Quo posito fundamento, quod in corpore articuli evolvi, ad objectas sibi s. Augustini et s. Gregorii M. auctoritates ita respondet: « Dicendum quod anima, quando abstrahitur a corporalibus, aptior redditur ad percipiendum influxum spiritualium substantiarum, et etiam ad percipiendum subtiles motus, qui ex impressionibus naturalium causarum in imaginatione humana relinquuntur, a quibus percipiendis anima impeditur, cum fuerit circa sensibilia occupata. Et ideo Gregorius dicit quod anima quando appropinquat ad mortem,

praecognoscit quaedam futura subtilitate suae naturae, prout scilicet percipit etiam modicas impressiones; aut etiam cognoscit fulura revelatione angelica, non autem propria virtute; quia, ut s. Augustinus dicit lib. 12, c. 13. Super Gen. ad lit.: Si hoc esset, tunc haberet, quando-
cunque vellet, in sua potestate futura praecognoscere, quod paleat esse factum. Haec quidem volumus per extensum referre, ut paleat a s. Doctore praecognoscere jam fuisse, quae postea magnetismi animalis patroni commenti sunt loquendo de somnambulismo a magnetismo excitato, de quo ipsi mira referunt.

bus capitibus nos evicisse confidimus, expendendum superest, utrum Deus homini defuerit, an vero eidem pro sua benignitate reipsa per supernam aliquam revelationem consuluerit. Negant deistae ac rationalistae; nos affirmamus. Agitur de quaestione *facti*, quae proinde monumentis dirimenda est. Moyses, Prophetae, Christus se tanquam divinitus missos ad divinam hominibus patefaciendam voluntatem perhibuerunt; si itaque ex indubiis monumentis constabit, ipsos praeter doctrinae utilitatem et sanctitatem miraculis et vaticiniis missionem suam confirmasse, evidens erit, et ipsos fuisse divinitus missos, ac divinam esse revelationem seu doctrinam, quam ipsi hominibus proposuerunt, seu divinam supernaturalem revelationem existere et factam esse. Illoc porro est, quod ostendere aggredimur.

242. Priusquam vero manus operi admoveamus, praemittimus: 1. nobis firmum certumque esse, tum Moysen, Prophetas, Christum extitisse, tum genuinos ac veraces libros esse utriusque foederis. Sacrarum litterarum professorem adeat, qui vult cognoscere, cur ita credamus. 2. Christum esse finem legis mosaicae, *finis enim legis Christus* (1), et centrum uniceae illius verae religionis, quae a mundi primordiis ad consummationem usque saeculorum sese extendit, quemque Moyses et prophetae venturum praedixerunt, ad ejus adventum et cessare omnis mosaicae legis apparatus atque oeconomia, et synagoga repudiari, et gentes ad unius Dei cognitionem ac ejus mediatoris fidem vocari debuerunt. De quibus ex professo agemus in *Tractatu de Incarnatione*. Quare si nos ostenderimus miraculis et prophetiis, veterumque

(1) Rom. x, 4. Τέλος γάρ νόμου Χριστός; subdit autem Apostolus: εἰς δικαιοσύνην παντὶ τῷ πιστεύοντι, ad justitiam omni credenti, ex quo patet, quam sit abjecta et ridicula Rosenmulleri versio seu potius para-

phrasis; ipse enim verba τέλος γάρ νόμου Χριστός vertit: Nam Christus sustulit legem mosaicam. Ejusmodi enim liberis versionibus facile est obtrudere quiddam lubet.

vaticiniorum , quae in suae divinae missionis confirmationem Christus protulit , adimplemento , Christum fuisse divinitus missum , ac si insuper divinam hanc Christi legationem confirmaverimus tum sanctitate et utilitate ipsius doctrinae , religionis a se institutae mirabili propagatione , martyrum constantia atque Ecclesiae conservatione , tria simul conficiemus atque obtinebimus ; nempe 1. adversus deistas et rationalistas directe existentiam divinae ac supernaturalis revelationis in novo foedere per Christum factae , et indirecte hanc ipsam fuisse factam per Moysen et prophetas in lege veteri ; 2. perfidiae judacos , 3. superstitionis mahumetanos arguamus atque paganos. Hanc igitur utpote breviorē ac faciliorem viam ad finem , quo contendimus , assequendum , sectari constituimus in propositionibus , quas subjicimus.

PROPOSITIO I.

Christus miraculis et vaticiniis , praesertim vero sua a mortuis resurrectione divinam sui missionem comprobavit , seu divina facta est ac supernaturalis in Novo Testamento per Christum revelatio

243. Divina ac supernaturalis illius missio dicenda est , quae veris miraculis ac vaticiniis certissimis comprobatur ; nullo autem magis , si miracula et vaticinia ad propriae missionis ostendendam veritatem edita sint , eum illis omnibus adjunctis temporis , loci et personarum , ubi nulla fraus , nullus dolus , hallucinatio nulla esse aut fingi possit. Atqui ita Christus luculentissime suam a Patre missionem comprobavit. Major patet ex superius disputatis.

244. Minorem per partes evincimus. Ac I. quidem Christi miracula 1. nec pauca fuerunt , nec suspecta , vel in occulto patrata ; etenim in vicis , in templo , in

urbibus populi frequentia celeberrimis, coram ingenti multitudine pleraque acciderunt (Matth. IV, 23; XI, 5, etc. Marc. I, 32; II, 3; Luc. VII, 12 et alibi passim). Non modo genere sed etiam opibus ac dignitate inclytos viros quandoque ea respexerunt (Matth. VIII, 5; Marc. V, 22 et 25; Joan. IV, 46 et alibi). In tota regione sic apud omnes celebrata erant, ut vel de iis quandoque publica actione quaesitum sit (Joan. IX, 13 et XI, 47 et seqq.); vel principum virorum invidiam, regis curiositatem excitaverint (Matth. XXVII, 18; Luc. XXIII, 8); adeo ut, si quid fraudis latusset, statim et a callidioribus detegi, et iis docentibus patefieri necesse fuisset (1).

245. 2. Prodigiorum multitudo commodam etiam occasionem veritatis explorandae suppeditabat, ac omne deceptionis periculum toties repetitis actibus eliminabat; unum enim, in quo praestigatoris opera deprehensa fuisset, reliqua suspecta reddidisset, praesertim cum Christus ad suam comprobendam missionem illa ederet, et ad ea adversarios suos provocaret (Joan. V, 36; X, 37—38; Matth. XI, 4 et alibi).

246. 3. Tandem, ejus generis erant eventa, quae sensuum testimonio probarentur, ita ut rudissimus quisque e vulgo idoneus eorum testis esset; morborum genera quaeque uno verbo depulsa, membrorum perditus usus innumeris hominibus redditus, mortui ad vitam revocati, ac ejusmodi prodigia quandoque etiam in absentium beneficium patrata; ergo.

247. II. Quod vero attinet ad prophetias, eae pariter nec paucae sunt, neque obscurae, sed apertae ac definitae, quaeque vel completae sunt vel in dies complentur. Nonnullas speciminis gratia recensebimus. Christus evangelium per universum orbem promulgatum iri, ac

(1) Cons. Spedalieri, op. cit. c. 3, art. 3, 4, 5, 6.

futurum ut mulieris, quae caput ejus unguento delibuerat (Matth. XXVI), pietas ubique celebraretur; gentesque omnes legibus evangelicis se subiecturum promisit (Matth. XXIV, 14; Marc. XIII, 10; Luc. XXIV, 47; Joan. XII, 32). Haec cum Marcus et a fortiori Matthaeus scriberent, vix fieri coeperant, exitum cum mundi excidio sunt habitura. Apostolis se adfuturum, tum ut doctrinam inauditis prodigiis confirment (Marc. XVI, 17; Joan. XIV, 12), tum ut constantiam ac fortitudinem praesferant, cum ab hebraeis atque ethnicis, coram regibus atque magistratibus velut impii atque sacrilegi, hostesque generis humani traducendi essent, disertis verbis spondet (Matth. X, 16; XVII, 19; XXIV, 9; Luc. XXI, 12; Joan. XV, 20; XVI, 2). Apostolorum acta ex parte promissi liberationem continent, verum post exarata tria evangelia maxima ex parte haec evenerunt (1).

248. Adversitatum fluctibus perpetuo jactatam ecclesiam usque ad mundi exitum ac Petri successorum regimini obtemperantem perseveranturam esse vaticinatur (Matth. XVI, 18; XXIV, 33; XXVIII, 20). Vaticinium quotidie comprobat eventus. Clarissimum insuper est Christi oraculum de Jerosolymorum excidio. Tres evangeliorum scriptores, qui stante adhuc secundo templo atque jerosolymitana urbe scripserunt, non uno in loco referunt (Matth. XXIII, 36; XXIV, 2; Marc. XIII, 2; Luc. XIII, 34; XXI, 6) cum omnibus suis adjunctis temporis (2), personarum (3), modi (4), signo-

(1) Vid. 1 Cor. II, 4-5; 1 Thess. I, 5.

(2) *Non praeteribit generatio haec*, etc. (Matth. XXIV, 34; Luc. XXI, 32), anno autem 37 a Christi morte urbs ierusalemque eversa sunt. Conf. Jos. Flav. *De bello jud.* lib. VII.

(3) *Multi venient in nomine meo*, etc. Matth. XXIV, 5; Marc. XIII, 6). Jos. Flav. *De bello judaico*, lib. II, memorat Judam galileum et Theu-

dam aegyptium quemdam aliosque veteratores, qui prodigiorum spe multitudinem in desertum pertractam in seditionem impulerunt. Post dirutam urbem novemdecim a Joan. Linsio in *Schediagmate de pseudo-messijs* numerantur.

(4) Bellis atque tumultibus infestum totum illud tempus futurum erat (Matth. XXIV, Luc. XXI). Tacitus (*Hist.* lib. I, c. 2) illud vocat *op-*

rum (1), eorumque omnium, quae praecedere urbis tem-
plique eversionem debebant, eamque subsequi (2) usque

*num casibus, atrox praeliis, dis-
scors seditionibus, ipsa etiam pace
saecrum.* Circa illud tempus in Ju-
daca bellis civilibus ac seditionibus
ultra ducenta hominum millia fuisse
absoluta, in agro alexandrino foedi-
orem judaeorum stragem editam
esse tradunt Josephus et Philo. Po-
ste, famo atque terraemotibus vasta-
tum iri orbem praesagivit Christus
(Matth. xxiv, Marc. xiii, Luc. xxi):
Erit fames valida, terraemotus; etc.;
Jam vero Tacitus, *Hist.* lib. i, c. 2;
Plinius, *Hist. nat.* lib. ii, c. 84,
in edit. Hard. c. 86, terraemotu Si-
ciliam, Campaniam, Calabriam, Pon-
tum, Macedoniam, Achajam con-
cussa subversaque fuisse tradunt. Fa-
me vexata Judaea est Act. xi, de
qua Jos. Flav. *Archaeol.* lib. xi, c.
12. Triplex in Italia fames com-
memoratur; prior sub Claudio univer-
sum orbem populata est, testibus Sue-
tonio et Dione in *Claudio*, et Taci-
to, *Annal.* lib. xiii, c. 43; altera
sub Nerone, qua Romae triginta ho-
minum millia perierunt, teste Sue-
tonio in *Nerone*; tertia memoratur
a Tacito, *Annal.* lib. xvi, c. 13,
atque anno 66 aerae vulgaris con-
tigit.

(1) *Terroris de caelo et signa
magna erunt* (Luc. xxi). En quid
relerat Tacitus, *Hist.* lib. V, c. 15:
« Visae per noctem concurrere acies,
rutilantia arma, et subito nubium
igne collucere templum, expansae re-
pente delubri fores, et audita major
humana vox excedere Deos; simul
ingens motus excedentium ».

(2) 1. Multa mala (Matth. xxiv,
Luc. xxi) a judaeorum odio perfo-
renda nunciat apostolis: *Persequen-
tur vos trahentes in Synagogas,* etc.
Revera Stephanum et utrumque Ja-
cobum interemerant; Petrum, Pau-
lum, Joannem in vincula conjece-
rant; ubique gentium plebis ac prin-
cipum animos in apostolos concitave-
rant. 2. Hostes moenibus castra ad-

moturi urbem obsidione circumdata-
ri esse dicuntur (Luc. xxi, 43):
*Circumdabunt te inimici tui val-
lo,* etc. Ante urbis excidium anno
xv Cestius Gallus legiones in urbem
adduxit. Bellum deinde nunquam in-
termisum, donec Titus muros in or-
bem exstruxit contra ipsos urbis mu-
ros, quod plane inusitatum est in ob-
sidionibus. 3. In montibus perugium
quaerere monentur (Matth. xxiv):
*Tunc, qui in Judaea sunt, fugiant
ad montes.* Tutum revora in mon-
tans regionibus perugium christia-
nos in oppido Pellae reperisse, tra-
dit Eusebius loc. cit. 4. Caedibus,
fame, peste, populum intra obses-
sam urbem absumptum iri docet Luc.
xxi; nutrientibus praesertim foedum
aliquid et miserabile imminere, Mat-
th. xxiv, *vae nutrientibus,* etc; cap-
tivorum post excisam urbem ingentem
multitudinem abductum iri, Luc.
xxi. Atqui, Josepho testo, *De bello
jud.* lib. vi et vii, intra paucos ob-
sidionis dies, sexaginta funerum mil-
lia elata sunt; passim projecta mor-
tuoarum corpora in cibum viventibus
cesserunt; a lactente puerulo nec man-
nam nec dentem impia mater absti-
nuit; toto tempore obsidionis unde-
cies centena hominum millia deside-
rata sunt, et nonaginta millia abdu-
cta. 5. Imminentis excidii signum,
Cum videritis abominationem, etc.
(Matth. xxiv). Primum Claudius
idolum inferri jussit, postmodum jam
obsessa urbe Zelotes in interiori tem-
pli adyto velut in arce constituti foe-
da omnia patrarunt. 6. Ne lapis qui-
dem super lapidem post templi ever-
sionem mansurus esse dicitur (Matth.
xxiv), urbs a gentibus conculecan-
da, usque dum impleantur tempora
nationum, captivi per orbem univer-
sum dispergendi judaci (Luc. xxi).
Et invito imperatore miles templo
flammas admovit, ut testatur Jos. *De
bello jud.* lib. vii. Hadrianus Aeli-
am, quae pristinum Jerosolymorum

ad mundi exitum. Quae quidem omnia adamussim partim adimpleta esse ex historicis illorum temporum, Josepho Flavio, Tacito, Plinio et Svetonio novimus; partim adimpleri nos ipsi cernimus oculis nostris; adhuc enim urbis templique ruinae permanent, non obstantibus Juliani imperatoris conatibus (1), ac miseranda adhuc perdurat judaeorum dispersio.

249. III. Utramque praetera minoris propositi argumenti partem per resurrectionem Christi, quae simul et praeclarum vaticinium et miraculum stupendum fuit, imo et aliorum vaticiniorum et miraculorum veluti sigillum, mirabiliter confirmamus. Christus enim se tertia die resurrecturum ex tumulo spopondit (Matth. XII, 40; XX, 19; Marc. IX, 30; X, 34; XIV, 28; Luc. XVIII, 33; Joan. II, 19). Vulgatum erat apud hebraeos hoc Christi oraculum Matth. XXVI, 61; XXVII, 40. Idcirco ad tumulum positae excubiae (Matth. XXVII, 63). Hoc vero vaticinium, antequam evangelium conscriberetur, effectum suum sortitum est.

250. Hoc porro resurrectionis factum comprobatur 1. ex apostolorum testimonio, qui non dubitarunt vitam exhibere in ejus confirmationem; 2. a plusquam quingentis fratribus (I Cor. XV, 6), quorum aliqui adhuc in vivis erant sub Trajano Imperatore; 3. ex omnibus apostolorum prodigiis, quae patrata sunt in confirmationem resurrectionis Christi (Act. III, 15-16); 4. ex iis omnibus, qui ex judaeorum atque ethnicorum castris ad Christi disciplinam accesserunt, qui propterea praeconceptionis opi-

nomen deinde recepit, ex altero montis latere aedificavit. Julianus templum excitare conatus voti compos fieri nequivit. Miserandae judaeorum dispersionis testes ipsi sumus. Ita sanguis interfecti Salvatoris in eorum, qui interfecerunt, caput recidit, prout ipsi sibi ominati fuerant. Haec fuscus prosecuti sumus, ut prava ra-

tionalistarum fides in propatulo poneretur, qui, ut vidimus, non satis definitam hanc Christi praedictionem effutire ausi sunt.

(1) Cons. Warburton, *Dissertation sur les tremblemens de terre et les éruptions de feu*, etc. Paris 1764, trad. de l'anglais.

niones exuere, avitam religionem ejurare tenebantur, et ac-
cumnis periculisque plenam vitam agere cogebantur, vi-
tamque ipsam plerumque profundere. 5. Saltem indirecte
ex agendi ratione judaeorum cum apostolis testantibus ve-
ritatem resurrectionis Christi, et cum excubiis ad tumu-
lum positis, in ipsas enim nec animadverterunt nec eas
puniverunt, quod tamen facere debuissent, si ex ipsa-
rum socordia Christi corpus ab apostolis raptum fuisset.
6. Ex eorum tacita confessione; etenim longe lateque fa-
mam Christi resurrectionis manasse, atque revera sepul-
chrum vacuum repertum fuisse, assentiuntur judaei apud
Origenem, lib. I. *Contra Celsum*, et Agobardum, *De*
judaicis superstitionibus, tum in impurissimo libello
וְיֵשׁ תּוֹלְדוֹת sive *Generationum Jesu* (1). Cum vacuum
illud sepulchrum vesanas eorum mentes mire torquent,
hinc alii Christum noctu sublatum a discipulis, alii per
urbem raptatum avibusque dilacerandum projectum, alii
judaeis ipsis, ne magicam viam discipulis inderet, oc-
cultatum fuisse, demum absurdissima quaeque commini-
scuntur. Verum Christum et e cruce depositum, et in
horto quodam sepulchro illatum, et custodes tumulo ap-
positos, et nihilominus sepulchrum vacuum repertum es-
se nobis concedunt.

231. His coronidis loco addimus: 1. judaeos Christi
miracula fateri, tum in locis citatis, tum in tractatu *San-
hedrin*, licet ea vel magicae arti vel aliis causis adscri-
bant, imo nec dissentire nec abnuere Jos. Flavium (2).

(1) Qui reperitur ultimo loco in
collectione edita a Christoph. Wa-
gensilio sub titulo *Tela ignea Sa-
tanæ*, Altdorffii Noric. 1681. Haec
ipsa miracula Christi Jesu fatentur
hebraei in tractatu *Avoda Zara* in
Gemara Hicrovol. fol. 40, atque in
eodem tractatu in *Gemara Babyl.* fol.
27. 2, in tract. *Sabbath.* fol. 13, 4,
Midrauc Hakeleth, fol. 73, 1. Cons.

De Rossi, *Della vano aspettazione
degli Ebrei*, c. viii, §. 7.

(2) *Archaeologia*, lib. xviii, c. 3,
n. 3, edit. Havercamp. Valde agita-
tum esse ab eruditissimis hoc testimonium
non ignoramus. Pluribus enim suscep-
tum est; eorum argumenta retulit
Andr. Bosius in *Exercitatione histo-
rico-critica in periocham Josephi
de Jesu Christo*. E contra Natalis

2. Nec ab ipsis ethnicis ea unquam in dubium revocata fuisse, adeo ut apologetae eorum veritatis vindicias nunquam suscipere debuerint. 3. Acerbissimos christiani nominis hostes, Celsus, Porphyrium, Hieroclem atque Julianum illa ut certa supponere, licet magicæ arti ea et ipsi adscribant, ut videre est apud Huetium in *Demonstratione evangelica* (1).

DIFFICULTATES

Adversus Christi miracula et vaticinia

252. I. Obj. adversus miracula. 1. Nullum potest argumentum ex Christi miraculis erui, si ea suspecto nitantur testimonio; tale autem esse testimonium apostolorum, plura demonstrant. 2. Etenim apostolis, qui ea referunt, utile fuit mendacium; 3. praesertim cum possent exinde ingentem sibi gloriam comparare vel saltem sperare. 4. Falsum praeterea est, omnes apostolos morte violenta occubuisse, hinc frustra eorum constantia in medium profertur ad veritatem miraculorum confirmandam. 5. Dato etiam, quod omnes revera caesi fuerint, nulla

Alex. Huetius, Valesius, Pagius, Caveus aliique primi subsellii critici eam acerrime tuerentur. Animadvertendum porro est, nec ante Eusebium a quopiam unquam prolatum hunc locum, nec post Eusebium usque ad Tanaquilum (seu potius Fabrum) saeculo XVI in dubium revocatum, sed et a Photio in recensione antiquitatum omitti; nimis videtur disertum testimonium Josephi de Christo, luculenter nimis vetera prophetarum oracula Christo accommodare, alieno loco insertam hanc clausulam videri. Contra vero, hac sublata, Josephi fidem, historiaeque integritatem desiderari, cum nullibi Jesu mentio facta sit, praesertim cum loquens de Jacobo, eum fratrem

Christi vocet. Quare Wagenseilius in *Pera librorum juvenilibus*, pag. 189, Ittigius in *Proleg. ad Joseph.*, Le Moyne in *Variis sacris*, pag. 931, Fabricius *Bibl. graec.*, lib. VI, eam non intrusam sed interpolatam fuisse rati sunt. Quidquid sit, aut testimonium Josephi recipitur, aut rejicitur. Si recipitur, ut omnia suadent, nobis favet. Si rejicitur rursum nobis favet, cum alia tam alti silentii ratio assignari non possit, quam ipsum noluisse christianis suppetias ferre, nec aliquid habuisse, quo praeclara Christi gesta potuisset obscurare. Cons. *Diss. Havercamp.* sub finem II vol. opp. Jos. Flav.

(1) *Prop.* IV.

tamen quaestio de Christi gestis habita est ; superstitionis , impietatis , veneficii damnati sunt. 6. Denique *notum est* , inquit Freret , *ex Luca* , *quia ubique sectae huic contradicuntur* ; ergo.

253. Resp. ad 1. *C. M. N. m.* nempe suspectum esse testimonium apostolorum. Addo falso supponere adversarios soli apostolico testimonio inniti Christi miracula. Nos contrarium ostendimus (1).

254. Ad 2. *N.* Siquidem utile non fuisset in hac vita patriam , parentes , amicos , familiares deserere ; nullo otio aut securitate , nec certa sede frui ; non solum maledictis , verum etiam verberibus proscindi , saepius ege-
re , ac famem , vincula , squalloremque carcerum pati , ac mortem crudelissimam obire. Haec prius in deliciis habenda et inter humanas jucunditates essent recensenda. Neque id utile ipsis post mortem esse poterat in altera vita , cum mendacium in re gravissima aeternis suppliciis imputandum esse et scirent et profiterentur.

255. Ad 3. *D.* Si fucum facere sperare potuissent , et propria improbitate in doli suspicionem se nunquam venturos , potuissent sibi blandiri , *Tr.* vel *C.* secus *N.* Jam vero agebatur de factis publicis quae statim examinari potuissent , quaeque propterea ipsi supponere nullo modo poterant , quin uti mendaces ab omnibus haberentur.

256. Ad 4. *D.* Non omnes reipsa mortem pertulerunt , *Tr.* vel *C.* si sermo sit de Joanne ; non omnes ejus opotendae discrimini sese objecerunt , *N.* Ceterum

(1) Cons. Eusebius , *Demonstr. evang.* ; et ex recentioribus Domini- que De Colonia S. J. *La Religion chrétienne autorisée par le témoignage des anciens auteurs payens* , Lyon 1718, Houlleville, *La Religion chrétienne prouvée par les faits* ; Addison , *De la Religion chrétienne* , avec les notes du seigneur de Correvon , Lausanne 1757 ; Bullet ,

Histoire de l'établissement du Christianisme tirée des seuls auteurs juifs et payens , Paris 1764 ; Duvoisin , *Démonstration evang.* Paris 1802 , Mayer , *Specimen defensionis et expositionis historiae Jesu Christi et Apostolorum ex graecis et romanis scriptoribus profanis* , germanice , 1805.

Clem. Alex. (1) testatur, *omnes pro ecclesiis, quas fundarunt, passos esse*. Id ipsum confirmat vetus auctor (2), et aeque constans christianorum sententia est.

257. Ad 5. *D.* Nulla quaestio de Christi gestis habita est, quia de publicis notissimis factis agebatur, de quibus nunquam quaesitum tormentis est, *C.* quia de his non agebatur *N.* Ad illud, quod subditur, *superstitionis*, etc. *damnati sunt*; *D.* quae tamen religio superstitionis, impietatis, magiae, blasphemiae tum a judaeis tum ab ethnicis odiosis appellationibus insimulabatur, ea Christi prodigiis factisque innititur, *C.* secus *N.* In eo tota quaestio versabatur, in eo institerunt apostoli. Cur judaei atque ethnici ab hoc quaestionis statu elapsi sunt?

258. Ad 6. *D.* Quoad doctrinam, *C.* quoad facta *N.* Haec enim judaei agnoverunt, ut ostendimus. Ceterum plurimi ex judaeis fidem susceperunt.

259. I. Inst. 1. Si vera essent Christi miracula, quae in evangelica historia recensentur, judaeorum priores amplexi christianam religionem essent; atqui nonnisi plebei, qui patulas fabellis aures gerunt, iis crediderunt; 2. qui propterea Christi fidem suscipientes nullum examen veritatis factorum instituerunt. 3. Ceterum veteres omnes historiae fabulis scatent, hinc et evangelica, quae et ipsa mythicam suam originem redolet; 4. satis enim id liquet ex eo, quod doctiores ethnici ipsam impugnaverint; 5. quod nec christiani quidem omnes evangelicae historiae assensi sint. 6. Quae quidem duobus praesidiis mirifice confirmantur; ut enim observat Freret, ethnicorum, qui calumum in christianos exercuerunt, opera deperdita sunt; fragmenta tantum ab apologetis servata, quae non magnam christianis molestiam exhiberent, ergo evangelicam historiam ad trutinam revoca-

(1) Stromat. lib. IV, c. 9. Ὅτι μὲν
μύμνηται οἱ Ἀπόστολοι ὑπὲρ τῶν
ἐκκλησιῶν, ἃς ἀπηξάν, ἱπαδοῦν.

(2) Epist. sub nom. S. Ignatii ad
Philipp. c. IX, Οἱ (τῶν κυρίων) καὶ
συνήπαδοι.

runt, et utpote fabulis refertam refellerunt. Alterum est, quod haeretici apostolici *emendatores apostolorum* se gerebant; ergo docebant contraria.

260. Resp. I. ad 1. *D. M.* Si ira, odio, invidia, cupiditatibus impulsus, et praeconceptionis opinionibus excaecatus, a veritate oculos minime avertissent, ut innumeri quotidie ex incredulis averiunt, *C.* quasi falsa essent, quae de Christo referuntur praeclara gesta *N.* Recolantur superius dicta (1). *Neg.* etiam *min.* Jaïrus enim, Nicodemus, Zachaeus, Lazarus, Joseph arimathacensis, multi ex principibus viris et ex sacerdotali ordine (Joan. XII, 42; Act. VI, 7), Crispus archisynagogus, Sosthenes synagogae princeps, Apollo vir facundus (Act. XVIII, 8, 17, 24), Paulus ipse, non erant de plebe viri. Resp. II. *D. min.* Et viri plebei non satis idonei testes esse poterant veritatis miraculorum, *N.* secus *Tr.* Dummodo bonis oculis et auribus essent instructi, acque idonei testes esse poterant ac divites et nobiles doctique homines.

261. Ad 2. *N.* Nunquam enim absque accuratissimo examine quisquam voluptatum atque cupiditatum illecebris obdurescit ac certo fortunarum ac vitae discrimini se objicit, imo et istud subit, ut debuerunt facere ii omnes, qui Christi religionem amplexati sunt.

262. Ad 3. *Tr.* et *N. cons.* quoad historiam evangelicam, ob peculiare rationes a nobis allatas. Agitur enim in ea de factis publicis, quae sub omnium oculis evenerunt, et quae referuntur ab auctoribus fide dignis ac testibus de visu, ut Matthaeus et Joannes sunt, vel ex depositione eorum, qui iis interfuerunt, ut Marcus et Lucas. Addo nunc veterem factam esse historiam evangelicam; verum eo tempore, de quo disputamus, recentem fuisse, aetatemque, in qua conscripta fuit, lit-

(1) Vid. Cl. Bern. de Rossi, *La rana aspettazione degli Ebrei*, etc. c. 8, § 38.

teris floruisse; mythicam proinde originem nullo modo redolet, ut dictitant increduli rationalistae; sed omnes praesertim veracitatis et ingenuitatis notas intrinsecas atque extrinsecas (1).

263. Ad 4. D. Doctiores ethnici libidine ac luxu corrupti, sapientiae fama tumidi, honorum divitiarumque cupidi, aures apostolis non praebuerunt, novam doctrinam contemnentes, C. impugnaverunt, *subid.* doctrinam, C. facta N. Ceterum ex ethnicis plures docti christianam religionem secuti sunt, ut Sergius Paulus (Act. XIII, 12), Dionysius Areopagita (Act. XVIII, 34), Clemens romanus, Hermas, Ignatius, etc. Fasti ecclesiastici saeculi II nomina exhibent plurimum, qui genere, opibus, doctrina claruerunt (2).

264. Ad 5. D. Id est haeretici evangelicae historiae assensi non sunt, in quaestione *juris*, C. *facti* N. Nempe ea ratione primi haeretici se gesserunt ac se gerunt haeretici protestantes aetatis nostrae, praesertim biblici ac rationalistae, qui propria sensa ecclesiae auctoritati praeferebant in absurda omnia lapsi sunt, ut suo loco expendemus (3).

(1) Cons. Houtteville, *La Religion*, etc. tom. IV, liv. 3, Diss. 1; Cellerier, *Essai d'une introduction critique au Nouveau Testament*, Genève, 1823, part. 1, sect. 1. *De l'époque où les livres du Nouveau Testament ont été écrits et de leur authenticité*, pag. 2 et seqq. Wegscheider op. cit. p. 1, c. 9, § 42, n. a. de mythis post Seidenstücker, Meyer, Bauer, Kaiser, etc. haec habet: « Accedit quod primae religionis christianae origines in ea tempora incidunt, in quibus hominum animi *επιστρωμνισμός* et miraculorum opinione imbuti essent ita, ut eventus praesertim extraordinarii, sed cum naturae legibus facile conciliandi (ut ipsi autumant), causas habere extra rerum naturam constitu-

tas immediatas comminiscerentur, eorumque errorem in ipsa rerum narratione proderent (ut ipse affirmat et non probat) variis autem de Jesu narrationes mythicas jam inde a medio saec. 1 circumlatas fuisse, evangeliorum apocryphorum (quos tamen ecclesia constanter rejecit) argumentum satis declarat ». Posset tamen et hoc negari: aliud enim est, nonnulla facta esse falsa et conficta, aliud esse mythica in sensu adversariorum. Cons. *Codex apocryphus N. T. Fabricii*.

(2) Cons. S. Hieron. *De viris illustribus*, seu *De scriptoribus ecclesiasticis*, in praefat.

(3) Haec ad rem nostram praclare scribit Tertull. lib. *De praeser.* c. 37: « Unde autem extranei et ini-

265. Ad 6. N. Ad 1. prob. *Ethnicorum qui calumnia*, etc. Resp. 1. Dato etiam, quod adversarii supponunt, negamus alterum ex altero sequi; ex ignotis enim ducunt argumentum. Resp. 2. Juliani imperatoris opera ferme integra supersunt (1); ex his porro liquet, quod semper doctrinae, non autem historiae evangelicae detraxerint ethnici. Ad 2. prob. *Haeretici apostolici*, etc. D. Quoad theoretica systemata, C. quoad res gestas, prout sensuum, hominumque testimonio comprobantur N.

266. II. Inst. rationalistae: 1. « Scriptores sacri ea enarrant, in quibus partim fides testium desideratur (2); vel 2. res vere factas et judicium suum de iis in narrando confundentes; vel 3. traditionem sequentes, mythos tradunt; 4. partim eventus narrant a veris naturae legibus pro se nihil abhorrentes; 5. aperte denique profitentur, discrimine haud facto inter miracula vera et falsa, 6. tum doctrinae veritatem non pendere ex miraculorum auctoritate (Matth. XII, 27; XXIV, 24; Marc. XIII, 22; Luc. IX, 49; XI, 19; Gal. I, 8; II Thess. II, 9; addatur Matth. XI, 11; Luc. XVI, 27 et seq. Joan. XIV, 10 et seqq. XX, 29), ac de illa prius constare debere, quam de miraculo judicari plene ac tuto possit, 7. tum Jesu Christi apostolorumque facta mirabilia, quae ad sanandos hominum morbos potissimum pertinuerunt, Jesu ipso teste, a popularibus similiter effecta (Luc. XI, 19; Joan. XIV, 12); 8. ne spectatorum quidem

mici apostolis haeretici, nisi ex diversitate doctrinae, quam unusquisque de suo arbitrio adversus apostolos aut prolulit aut recipit »?

(1) Edita a Petavio, anno 1613, ac rursum ab Ex. Spanhemio, Lips. 1696, praeter aliam collectionem, quae edita est Parisiis 1630.

(2) Ita Gurlitt, *Or. de usu libror. sacr. ad humanitatem et om-*

nem doctrinam liberalem excolendam vario et multiplici, Hamb. 1803, pag. 30; Krummacher, *Ueber den Geist und die Form der evang. Geschichte*, seu *De spiritu ac forma hist. evang.*, Lips. 1805, pag. 86 et seq. *Briefe über den Rationalismus*, seu *Epistolae de rationalismo*, pag. 338 et seq. 355 et seq.

excitasse fidem , adeo ut potius incredulitatem eorum fovendo (Matth. XVI, 1 ; XXI, 28 ; Marc. VIII, 2 ; Joan. VI, 2 et seqq. VII, 5 ; XI, 46 et seqq.) ; 9. a qua ne apostoli quidem plane immunes fuere , quippe quibus ipsius Jesu miracula certam fiduciam facere haud valuerint (Luc. XXIV, 21 et seqq.), vel ad Jesum crucifigendum judaeos adducerent (Act. II, 22 et seqq.). 10. Neque ullo modo cogitari potest narrationes de istis miraculis post complura saecula ad certam persuasionem induendam majorem vim habere posse quam illa miracula apud eos , qui ea oculis cernebant , habuisse historia testatur. 11. Jesum ipsum fidem miraculis suis , quibus majora a cultoribus suis expectanda promisit (Joan. XIV, 12) excitandam strenue repudiasse , (Matth. XII, 39, et seqq. XVI, 1-4 ; Marc. VIII, 12 ; Luc. XI, 29 ; Joan. II, 18, 19 ; IV, 48 ; VI, 39 ; XIV, 12 ; add. Marc. V, 48 ; Luc. VIII, 56) quod quidem aliis effatis haud bene convenit. 12. Accedit quod persuasio de veritate miraculorum tanquam eventorum *supernaturalium* gravissima verae virtuti detrimenta avertit , ipsamque legis moralis sanctitatem infringit. 13. Sola igitur biblica miraculorum notio admittenda est , qua providentia divina ita eventa illa instituit , ut ad fines optimos consequendos conducerent. 14. Ipso Christo praeceunte (Matth. XII, 38 et seqq. ; XVI, 1-4 ; Joan. IV, 48 ; VII, 17 ; VIII, 31 ; XIV, 11), non tam inter argumenta , quam inter incitamenta multitudinis incultioris ad veritatem cognoscendum recte referuntur (1) . »

267. Resp. ad 1. IV. Nam vel ipsi , quae referunt , factis interfuerunt , vel ab iis , qui immediate ea viderant , acceperunt ; *asseculo omnia a principio diligenter* , ait s. Lucas , quare nunquam in dubium revocata.

(1) Ita Wegscheider op. cit. part. 1, c. 2 § 49.

268. Ad 2. *N.* Sed facta, prout contigerunt, miro animi candore referunt, ut cuique ea legenti patebit.

269. Ad 3. *N.* Non enim juxta perversa rationalistarum placita, sed ex mente sacrorum scriptorum et totius antiquitatis sensu, scripturam exponere debemus. Nam novum et recens est hoc inventum, ex eo potissimum ortum, quod tumidi isti sapientes libros sacros ad profanos exegerint non sine impietatis gravissimae culpa (1).

270. Ad 4. *N.* Cum vero in nota exemplum ducant

(1) Hanc recte dixeris ideam fixam (iansaniam) neotericorum protestantium biblicorum et rationalistarum, qui ubique vident mythos. En quomodo disserant: « Mythos sacros intelligimus narrationes in antiquissimis monumentis instituti alicujus religiosi traditas, in quibus, ut est caput rudiorum ingeniorum, naturae quaedam supra humanae naturae fastigium positae sic inducuntur agentes, ut modo legibus naturae contrario nonnulla moliantur et efficiant. Ejusmodi mythos in religionibus paganorum (aeque atque in monumentis judaeae et christianae religionis) antiquissimis reipsa reperiri, ab iis negari nequit, qui progressus disciplinarum historicarum, philologicarum et philosophicarum non ignorant, nec mentis quadam imbecillitate ducti easdem res iisdem nominibus appellare dubitant (id est, dummodo sint impii et increduli; ceterum Petavius, Huetius, Bossuet, Muratorius alique innumeri doctissimi viri, licet illas omnes disciplinas probe calluerint, nil tale deprehenderunt; hoc reservatum erat solis rationalistis). Quum vero menti humanae necessario haec lex sit proposita, ut omnia, quae in orbe terrarum sensibus subjiciuntur, referat ad novam causarum, et temporis successus et in spatio agentium, omnes ejusmodi mythi ad normam artis criticae atque historicae exigantur necesse est. Quo facto homines pii religionisque sensu imbuti, quo-

minus in ipsis rebus mythicae traditis divinam providentiam, naturalibus tamen praesidiis ac causis utentem, venerunt et tacito quodam sensu agnoscant, minime prohibetur (praeclaram veniam!). Absque illo autem examine fieri non posset, ut in antiquissimis libris superstitionis narrationes a veris rerum eventibus dignoscerentur (nego suppositum in libris sacris). Ac nisi ejusmodi mythos in scriptura sacra reperiri statuimus, et veritatem ipsam divinam in iis latentem ab externa narrationum forma et involuero probe discernimus (nego iterum suppositum), librorum scripturae sacrae auctoritas contra adversariorum calumnias et opprobria haud satis defendi potest (non est quod hoc vereantur delicati rationalistae, semper enim defensa est absque ejusmodi deliramentis). In explicandis mythis biblicis hoc potissimum considerandum est, librorum sacrorum auctoribus observatam esse opinionem theocraticae ejusdem immediatae, vel potestatis divinae, sive a Deo ipso sive per angelos administratae, et si qua iuciderant mala majora sive physica sive moralia, ea, in libris *N. T.* praesertim, ex opinione illius aetatis vulgari ad Salanam ejusque socios tantquam horum malorum primos architectos et antistes refferri. Ita auctores loc. superius citi. In postremis his verbis tot fere sunt mendacia, quot verba.

ex Matt. IX, 24, ubi perhibetur excitatio a mortuis filiae Jāiri, et Joan. IX, 6, 7, ubi caecus natus sanatur, patet impudentia istorum veteratorum, dum affirmant, quod nonnullis miraculorum narrationibus certa insunt documenta, quae naturalem effectum producit (1). Excitant ipsi defunctum qualemcumque, vel luto visum caeco nato restituant!

271. Ad 5. *N.* Haec enim est gratuita assertio.

272. Ad 6. *D.* A falsis miraculis veritas seu potius divinitas doctrinae non pendet, *C.* a veris *N.* Saepe enim, ut videmus, Christus ad ista adversarios provocat. Matth. XII, 27 argumento ad hominem utitur ad impactam sibi calumniam repellendam, quod in Beelzebub eiecisset daemonia; ibid. XXIV, 24. praedicat praestigias futuras pseudoprophetarum, ut ex Paulo vidimus, qui utitur phrasi (II Thess. II, 9) *ἐκαστε ψεύδουε*. Hinc responsio patet ad locum parallelum Marc. XIII, 22. Luc. autem IX, 49, sermo est de aliquo ejiciente daemonia in nomine Christi, in quo nulla est repugnantia, nihil inconveniens. Textus Luc. XI, 19 est parallelus Matth. XII, 27, de quo supra. Cetera loca citata vel non sunt ad rem, cum sermo non sit de miraculis, ut Gal. I, 8, vel sunt contra ipsos, ut II. Thess. II, 9; atque hinc patet rursum recta rationalistarum fides.

273. Ad 7. *N.* Nec illud evincunt loca citata ab adversariis, Luc. enim XI, 19, sermo est de argumento ad hominem, de quo supra ad 6. Joan. XIV, 12, nil tale habetur, quod ipsi fingunt; en verba: *Alioquin propter opera ipsa credite. Amen, amen dico vobis, qui credit in me, opera, quae ego facio, et ipse faciet, et majora horum faciet, quia ego ad Patrem vado.* Addo alteram ideam fixam esse neotericorum biblicorum protestantium, perinde esse daemonia ejicere ac

(1) *Briefe über den Rationalismus, seu Epistolae de Rationalismo*, p. 215.

morbos depellere. Coronidis gratia, atque ad detegenda plenius mendacia adversariorum, addo, Joan. III, 2, Nicodemum de Christo dixisse: *Rabbi, scimus, quia a Deo venisti magister; nemo enim potest haec signa facere, quae tu facis*, et Joan. XV, 24, Christum ipsum dixisse: *Si opera non fecissem, quae nemo alius fecit, peccatum non haberent*, ergo rursus falsitatis arguuntur et malae fidei.

274. Ad 8. *D.* in pluribus, *N.* Omnes enim qui crediderunt in eum, miraculis ad credendum sunt adducti; recolantur nuper dicta ex Nicodemo; in omnibus *Subd.* Quia aliud est convinci aliud converti, *C.* quasi unum sit *N.* Causas jam adsignavimus, quare veritati plures obstiterint ac propriae convictioni.

275. Ad 9. *D.* Circa peculiare factum resurrectionis, de quo postea, *Tr. vel C.* circa alia *N.* Addo s. Lucam XXIV, 21, loqui de solis duobus discipulis Emmaus castellum petentibus.

276. Ad 10. Responsio patet ex dictis in solut. ad 8; eadem enim ratio suffragatur praesentibus ac prioribus illis, qui increduli fuerunt tempore Christi, perversa nempe cordis dispositio.

277. Ad 11. *N.* Hoc enim est novum mendacium. Nam Christus, ut supra vidimus, provocat semper ad miracula sua, ut suam ostendat missionem; quomodo igitur *strenue repudiavit miracula ad fidem excitandam*? Ex locis adductis adversarii aliud non evincunt, nisi Jesum pro lubito incredulorum signa facere noluisse, cum tot fecisset, et eos remisisse ad maximum ex miraculis a se faciendum in sua resurrectione; alia ad rem non faciunt, ut cuique loca illa percurrenti constabit.

278. Ad 12. *N.* Cum autem contenti sint adversarii gratuita assertionem, vel ad summum alterius rationalistae sive increduli, Kantii nempe auctoritate, hinc satis

nobis est , eam negare. Poteritne Deus contrarius esse verae virtuti ac sanctitati , dum tot per servos suos prodigia patravit ?

279. Ad 13. *D.* Prout intelligitur ab ecclesia et a tota antiquitate , *C.* prout intelligitur a neotericis biblicis protestantibus et rationalistis , qui totam revelationem subvertunt *N.*

280. Ad 14. *N.* Hoc pariter putidum mendacium est. Christus enim non solum ad incitamentum sua proposuit miracula , sed ad *validissimum argumentum*. *Si opera non fecissem* , inquit (Joan. XV , 24) , *quae nemo alius fecit , peccatum non haberent* , et ibid. X , 38 : *Si mihi non vultis credere , operibus credite* , et alibi passim ; ac proinde saepe adeo ea vocavit *signa* vel *opera* antonomastice , nec soli multitudini imperitorum , sed doctoribus ipsis inter judaeos proposuit , ut patet ex verbis Nicodemi , quae adduximus , ex sanatione manus aridae coram pharisaeis et scribis , Matth. XII , 10 ; Marc. III , 1 ; Luc. VI , 6 (1).

281. II. Obj. Vaticinia , quae Christo tribuuntur , potuerunt naturali lumine cognosci , vel saltem e naturali rerum sibi succedentium serie erui , vel fortuito casu compleri ; ergo.

282. Resp. *Neg. antec.* cum agatur de rebus , quae a libera hominum voluntate pendebant , et quidem de eventibus enunciatis ac definitis in suis adjunctis etiam minutissimis , ut ostendimus , imo et hominibus maxime obsistentibus , ut ex irritis Juliani conatibus patet.

283. Inst. Saltem non omnem sunt effectum sortita Christi vaticinia , plures enim in paganismo adhuc versantur nationes.

(1) Ea , quomodo impudentibus mendaciis et gratuitis assertionibus magni isti nominis viri contortis ac violentis interpretationibus magnifico autem levissimae eruditionis appa-

tu , juventuti illudant. Fastidium revera creat istorum commenta persequi ; sed interea religionis fundamenta subruunt. Liceat repetere : Ea protestantismi fructus !

284. Resp. *D.* Quia lex evangelica per gradus quosdam debebat patefieri et admitti, *C.* secus, *subdist.* quae tamen in dies effectum sortiuntur, et in mundi exitu perfecte complebuntur, *C.* alias *N.*

DIFFICULTATES

Contra Christi resurrectionem

285. I. Obj. 1. Apostolorum testimonium ad adstruendam Christi resurrectionem insufficiens per se est; 2. ad dicti enim erant Christi scholae ac magisterio; 3. nec haberi possunt nisi ut testes singulares, cum nonnisi singuli ad provincias singulas se contulerint. 4. Ceteri qui de Christi resurrectione scripserunt vel testati sunt, ut Marcus, Lucas, Paulus, cum nonnisi per traditionem cognoverunt; ergo.

286. Resp. ad 1. *N.* Ipsorum enim probitas nunquam in suspicionem venit; adeo constantes in hoc ferendo testimonio fuerunt, ut non solum incommoda et ludibria et probra quaeque pertulerint, sed et sanguinem ac vitam ipsam profundere non dubitaverint. *Neg.* praeterea suppositum, solos nempe apostolos testes fuisse resurrectionis; plusquam quingentos numeravit Paulus; recollantur probationes.

287. Ad 2. *D.* Qui proinde mentiri non poterant ex suis principiis, *C.* secus *N.* Notandum praeterea est, mendacium ipsis emolumenti nihil asferre potuisse, et ipsos detrimenta maxima fuisse ex eo laturos; neque, non supposita rei veritate, unquam vel spem potuisse animo concipere se fucum facturos.

288. Ad 3. *D.* Cum per orbem diffusi sunt, *Tr.* ante dispersionem et quidem in oculis totius synagogae et eorum omnium, qui Christum morti addixerant *N.* Nec illud praetereundum est, quod miraculorum virtute prae-

diti ingentibus prodigiis fidem sibi apud populos, quibus praedicabant, conciliarunt.

289. Ad 4. Resp. 1. *N.* Paulus enim testatur (I Cor. XV, 8) Christum ita sibi post resurrectionem apparuisse (1), ut ipsum viderit. Marcus ex omnium veterum scriptorum consensu interpret ac discipulus fuit s. Petri (2); Lucas comes individuus s. Pauli; ab iis propterea, ceterisque apostolis et discipulis, quibuscum conversati sunt, certiores facti fuerunt de Christi resurrectione, quam scripto tradiderunt. Resp. 2. *D.* Per traditionem, id est, per testimonium immediatum apostolorum, ceterorumque Christi discipulorum, *C.* per traditionem proprie dictam et in sensu adversariorum *N.* (3).

290. II. Obj. Non desunt indicia interna, quae dubiam saltem Christi resurrectionem evincant; 1. discipuli nesciebant, Christum resurrecturum esse (Joan. XX, 9); 2. dubitarunt de vera Christi resurrectione (Matth. XXVIII, 17; Marc. XVI, 11); 3. mulieribus affirmantibus se Christum vidisse nullam fidem adhibuerunt, imo

(1) Ἐώρατος δι πάντων, ὡς κεινὸν τοῖς ἀποστόλοις, ὡς καὶ καὶ αὐτοῖς.

(2) Alique hinc patet impudentia Wegscheideri (op. cit. p. III, c. 2, § 131, n. c.) dum scribere non erubuit: Marcus c. XVI, Luc. c. XXIV, Auctor capituli XXI Evang. Joan. (nempe cum suis una cum novis templatariis, de quibus suo loco, rejicit ut spurium cap. XII Evangelii s. Joan.) et Paulus apost. I Cor. XV, 5 et seqq. Jesum tanquam genium coelestem suis apparuisse narrantes, traditionem secuti videntur mythicam, quippe qui ipsi nunquam cum Jesu post ejus in vitam reditum convenissent. Perinde ac si aliquot saecula fluxissent a Christi resurrectione, ut debuerint traditionem mythicam amplecti. Stulti! vero φάσκετε εἶναι σοφοί, ἡμάρτανες πάντες.

(3) Quid si admitteretur sententia

nunc post Basnagium (In Annal. Polit. Eccl. ad an. 66. §. xv. seq.) inter protestantes biblicos passim recepta, Marcum evangelii scriptorem eundem esse cum Joanne Marco, de quo sermo est in Act. Apost. XII, 12, XIII, 13, XV, 37, cum Célérier (Introduct. au N. T. Sect. III), Rosenmüller Kuinoel, Schmidt, Eichhorn, Bertholdt, etc. ? Tunc potuisset sane in hac hypothesis (quam tamen nos parum probabilem habemus, imo ut falsam rejicimus) esse testis oculatus plurimum Christi gestorum ac ipsius resurrectionis, eo magis quod juxta s. Epiphanium (haeresi 51, quae est Alogorum in ed. Petavii), pseudo-Dorotheum et pseudo-Hippolytum aliosque Marcus fuisset unus ex septuaginta discipulis et unus ex illis qui a Christo discesserunt (Joan. VI, 67).

nec decem Apostolis Thomas; 4. plures occurrunt in historia Christi redivivi contradictiones; ergo (1).

291. Resp. *Neg. antec.* Ad 1. autem prob. *D.* Juxta intelligentiam scripturarum V. T. *Tr. vel C.* absolute *N.* Loco enim citato Joan. ait: *Nondum enim sciebant scripturam.* Conf. Matth. XXVII, 63.

292. Ad 2. *D.* Quidam et ad tempus, *C.* omnes et semper *N.*

293. Ad 3. *Neg. cons.* Haec enim agendi ratio Apostolorum evincit, ipsos neque stupidos neque nimium credulos fuisse. *Plus enim nobis Thomae infidelitas ad fidem*, inquit S. Greg. M., *quam fides credentium discipulorum profuit* (2).

294. Ad 4. *D.* Apparentes, *C.* verae et reales *N.* Si enim accurate tempora, diversitas apparitionum et personarum distinguantur, omnes evanescunt (3). Consulantur interpretes.

295. III. Obj. Multa sunt, quae suadent vel nonnisi apparentem fuisse Christi resurrectionem vel phantasiae jocum in apostolorum Christo addictorum mentibus. 1. Nam ipsi apostoli existimabant *se spiritum videre* (Luc.

(1) Non possumus admittere, quod Resenmüller, in *Schol. ad Matth.* XXVIII, invenit ad conciliandas diversas narrationes evangelistarum, dum inquit: « Quisque evangelista eodem prorsus modo rem narravit, quo ipse primum de ea certior factus fuerat. Quum autem nullus apostolorum mulieres, primas resurrectionis nuncias, omnes vidisset, aliae potius mulieres alios apostolos per disitis urbis Jerosolymae regiones adissent, et quae ipsae viderant, his exposuissent, hinc factum est, ut unus has, alter alias *παραστάς* resciret, et in litteras referret ». Haec enim olent principia Plessing, Eichhorn, Herder, Griesbach, aliorumque recentiorum liblicorum circa fontes ab ipsis excogitatos, unde evangelistae

suas narrationes hauserunt, quos suo loco refellemus.

(2) *Homil. 20 in Evang.*

(3) Has apparentes contradictiones jamdiu veteres ecclesiae patres conciliaverant. Consulatur inter ceteros Hesychius jerosolymit. qui, ut invetissime ostendit Combefisius *Ord. Praed. tom. II Auctarii*, p. 775, est verus auctor orationis *De resurrectione Christi*, haecenus Gregorio Nysseno tribuiae, quare mirum est adhuc passim protestantes, qui critici sagacissimi haberi volunt, eam citare sub nomine Gregorii Nysseni; ita quidem Kuinoel in *Comment. hist. in cap. XVI Marci*, nec non Bellemus, Griesbachius aliique non pauci cum ipso.

XXIV, 37). 2. Discipuli cunctes in Emmaus eum non cognoverunt nisi in fractione panis (ib. 31). 3. Januis clausis in coenaculum introivit (Joan. XX, 19). 4. Maria Magdalene non potuit ipsum tangere (ib. 17). 5. Id confirmant subitae illae ac subsecivae apparitiones, quae in evangelio referuntur, et quidem sub diversa forma, modo hortulani, modo peregrini, etc. ergo.

296. Resp. ad 1. *Neg. antec.* ad 1. prob. *D.* Ob timorem conceptum ex subita apparitione intra januas clausas, *C.* postquam confirmati sunt *N.* Ceterum Christus ibidem se et videndum et palpandum eis praebuit, unde factum est, ut omne dubium deposuerint.

297. Ad 2. *D.* Non cognoverunt ob immutatam formam vel corporis glorificati vel personae peregrini, quam gerebat, *C.* postea non cognoverunt *N.* Conf. Matth. XVII, 2.

298. Ad 3. *D.* Ad ostendendas dotes glorificati corporis, *C.* quasi verum non habuerit corpus *N.* Nam Thomae (ib. 27) et cicatrices ostendit et se palpandum praebuit.

299. Ad 4. *D.* Quia Christus tangi noluit, *C.* quia non potuit, *N.* Conf. Matth. XXVIII, 9.

300. Ad 5. *D.* Et id genus apparitionum arguit peculiarem aliquam oeconomiam ex parte Christi redivivi, *C.* arguit falsitatem vel dubium saltem verae resurrectionis *N.* Conf. Act. X, 41.

301. IV. Obj. 1. Apostoli potuerunt decipi circa veram Christi resurrectionem; fortasse enim necdum mortuus fuerat, cum e cruce depositus fuit a *duobus discipulis* (Joan. XIX, 38, 39). Et sane 2. Pilatus mirabatur, si jam obiisset (Marc. XV, 44). 3. Hinc, diligenter compositus a Josepho Arimathaeensi et Nicodemo, convaluit ac veluti redivivus apostolis apparuit. 4. Nec obstat custodia sepulchro apposita, quod vacuum fortasse signarunt sacerdotes et pharisaei, putantes ibi ripsa de-

*

positum Christi cadaver, quod factum non fuerat, nisi per simulationem; ergo.

302. Resp. ad 1. *N.* Ad prob. *Neg.* suppositum; res enim in publico acta est coram acerbissimis Christi hostibus. Eum centurio confodit (Joan. XIX, 34) (1).

303. Ad 2. *D.* Ita tamen ut non donaverit corpus Jesu, nisi certior factus a centurione de ipsius morte, *C.* secus *N.*

304. Ad 3. *D.* Id est, *sicut mos est judaeis sepelire*, ut dicitur Joan. XIX, 40, *C.* ad eum componendum, quasi mortuus non esset *N.* Addo omnia adjuncta omnem possibilitatem excludere suppositi adversariorum.

305. Ad 4. *N.* Sacerdotes enim ac pharisaei, qui tanta anxietate et sollicitudine excubias a Pilato petierunt, ut omnem fraudi aditum praecluderent, tales omnino non erant, qui antequam diligenter introspicerent, sigillum apponere vellent (2).

306. Inst. 1. Cur igitur apostoli non petierunt a Pi-

(1) Ἰὼάννης ἰδὼς τὸν στρατιωτῶν λόγγον οὗτον τὴν πλαιοῦσαν ἐνέψι, καὶ εὐθύς ἐξήλαθεν αἷμα καὶ ὕδωρ. Atque ex his patet, non solum impium, sed et ridiculum se praeberet *G. Paulusius* dum (ad hunc locum) Jesum a milite illo non lethaliter vulneratum autumat, sed vitae residuae explorandae causa *leviter* tantummodo punctum esse, *πλαιοῦσαν* omnino latius significare, nec accuratius partem lateris a Joan. loc. cit. indicari. Hoc enim est vim inferre textui. Pleura apud anatomicos dicitur membrana pectus intus et utrinque circumcingens (hinc *dolor lateris acutus pleuritidis et morbus lateralis*); communiter loquendi usu, quem Joannes sequitur, intelliguntur *partes sub pectore sitae*, id est pulmones, cor cum pericardio, vasa magna reliqua; ita Grunerus uterque, pater et filius, medici jenenses, de quibus postea. Accedit per ictum et incisum lateri vulnus illico profluxisse sanguinem et aquam, quae emanare non potue-

runt, nisi ex pericardio aqua pleno in iis, qui post anxietatem summam mortui sunt, et ex corde cum aëre aortae copulato. Addatur verbum *ὑδρῆταιν*, quo usus est Joannes, vere significare *pungere, perfodere, aperire*, etc.

(2) *G. Paulusius* ex recentioribus biblicis protestantibus rationalistis, *Comm.* III, ad Matth. XVII, 50, pag. 310 et seqq., plura congescit, quibus efficeret Jesum Christum non vere mortuum, sed animi deliquium passum esse. Sic *A. Henneberg, Philos. hist. und krit. commentar über die Geschichte des Begräbnisses, der Auferstehung und Himmelfahrt Jesu*, seu *Philos. hist. et critic. comm. super hist. sepulchrae, resurrectionis et ascensionis Jesu*, Lips. 1826, pag. 187 et seqq. et plures alii ex ipsis in hanc sententiam venerunt apud Kuinoel in *Comm. sup. Matth.* in hunc locum. Ast quaeenam tam absurda sunt, quae impii ejusmodi homines non admiserint?

lato acta juridica resurrectionis Christi, ut illa universo orbi exhibentes fidem facerent veritatis ejusmodi resurrectionis? 2. Cur synedrio id persuasum non fuit, quamquam et militum accederet testimonium? 3. Cur demum Christus non se denuo redivivum genti universae exhibuit ad confirmandam propriam missionem, praesertim quum saepius miraculum resurrectionis veluti tesseram divinae suae missionis proposuerit?

307. Resp. Ad 1. Quia apostoli omnia a Deo, nihil ab hominibus sperabant. Miracula quae patrabant ad testificandam Christi resurrectionem, longe melius hanc veritatem confirmabant, quam quaevis acta juridica, quorum authenticitatem in dubium homines revocare potuissent.

308. Ad 2. Dico, synedrium adeo certum persuasumque fuisse, ut 1. pecunia milites corruperit, 2. ut milites ob socordiam minime puniverit, 3. ut apostolos (Act. IV), testantes Christi resurrectionem, veluti sepulchrorum violatores neque accusaverit neque multaverit, sed ipsis tantum vetuerit, ne Christi religionem praedicarent, et inducerent super se sanguinem Christi occisi, 4. ut multa turba sacerdotum (Act. VI, 7) Christi fidem amplexa sit.

309. Ad 3. Resp. quia noluit; quare noluerit, penes ipsum est; ceterum ad judaeos certos reddendos de Christi resurrectione sufficiens erat testimonium apostolorum et publica miracula, quae coram multitudine ipsi in ejus confirmationem patrarunt. Conf. Act. II, 2 et seqq. III, 6 et seqq. V, 12-15, et alibi passim.

310. V. Obj. 1. Nil constat ex libris sacris, inquiunt rationalistae, de corpore Christi in vitam restituti glorificato (Luc. XXIV, 15, 30, 39 et seqq. Joan. XX, 25). 2. Quamvis omnes fere consentiant in confirmanda narratione de Jesu reditu ad vitam, 3. qui a Deo, naturae cursum rerumque, ex quibus victrix Jesu causa pen-

deret, seriem sapientissime moderante, recte deducitur (1). Plurimum quidem supernaturalistae dant vaticiniis de Jesu reditu in vitam ab ipso editis (Matth. XVI, 21; XVII, 9; XX, 17-19; XXVI, 32); 4. verum enim vero, quum Jesus in ultimis colloquiis, quae ab Joanne referuntur (XIII-XVII), ne minimum quidem sperandae resurrectionis suae indicium prodatur; 5. imo potius contrariam sententiam diserte pronunciet (XVII, 4, 11; add. Matth. XXVI, 29; Luc. XXIII, 43, 46; Joan. XIX, 27); 6. quumque ejus discipulis post Jesu mortem summa desperatione afflictis nuncius de ejus in vitam reditu adeo inopinatus acciderit (Marc. XVI, 8, 11; Luc. XXIV, 11, 22, 37 et seqq. Joan. XX, 9), ut Thomas nisi cicatricibus vulnerum contactis se crediturum esse negaverit (Joan. XX, 25); 7. quum in proximis post resurrectionem colloquiis Jesus ipse, discipulis istam desperationem et animi demissionem exprobens, nusquam se iis, quid sibi eventurum esset perhibeat, sed potius veterum prophetarum oracula nunc eventum habere dicat (Luc. XXIV, 27, 44); hinc 8. credibile est, ea quae Jesus universe et infinite de inimicorum suorum propulsatione et institutorum suorum felici progressu (Joan. XII, 23), vel etiam de amicis ipsum olim revisuris (Joan. XIV, 19-21; XVI, 16-22) dixerat, postea ex eventu ab ejus discipulis pressius accepta et explicata fuisse, ita ut narratores harum rerum ea, quae serius intellexissent, cum iis, quae antea accidissent, miscerent atque confunderent. 9. Fieri etiam potuit, ut Jesus ipse *tertio die* se in vitam rediturum hoc sensu dixerit, quo apud prophetam (Osae VI, 2 et 3), salus proxime exortura *tridui* vo-

(1) Ita Wegsch. l. cit. § 131. Historiam praeterea resurrectionis Christi apud eundem in dubium vocarunt Reimarus in Lessing *Beyträge aus den Schätzen der Wolfenb. Biblioth.* 5 fragm., seu *Collat. et*

thesaurus Biblioth. Wolf. fragm. 5, Wolfenb. 1777; Wünsch, in 1 *Historia*, 1788, p. 241 et seqq.; Balrdt, *Ausführung des Plans und Zwecks Jesu*, B. IX et X, seu *Executio intentionis et finis Jesu*, vol. IX et X.

cabulo designatur, praesertim quum similes dicendi formulae ei haud inusitatae fuerint (Conf. Luc. XIII, 32; Joan. II, 19; Marc. XIV, 58). Quod Christi effatum Joannes aperte ex eventu interpretatus est (Ev. II, 22). Addatur Cic. (Epist. ad Q. Fr. I, 4): *Saepe triduo summa cum gloria dicebar esse rediturus* (1). 10. Qua sententia probata non impedimur, quominus vel in allegoricis istis Jesu dictis eventu comprobatis, quemadmodum in singulis V. T. institutis atque oraculis veluti *σκία τῶν μελλόντων*, id est, *umbra futurorum* (Col. II, 17) divinam providentiam pia mente cognoscamus (2); 11. ideoque narrationem Jesu ad vitam revocari habeamus ut mythum poëticum vel ad summum historico-poëticum (3); ergo.

311. Resp. ad 1. N. Hi enim ipsi evangelistae in locis propositis commemorant Christum vel subito evanuisse (Luc. cap. cit. 31), vel intrasse ad discipulos januis clausis (Joan. XX., 19-26), vel elevatum et sublatum in coelum (Luc. cap. cit. 51); quae, nisi praesecerant dotes corporis gloriosi ab apostolo recensitas (I Cor. XV, 43 et seqq.), quid praesecerant non video. Vere isti circulatorum, qui soli docti apud suos audiunt, posuerunt in mendacio spem suam, juxta illud (Is. XXVIII, 15): *Posuimus mendacium spem nostram, et mendacio protecti sumus.*

(1) Sic G. Paulusius, *Comment.* 11, 564 et seqq. apud Wegsch. p. 1, c. 11, § 50, N. 2; De Wette, *Bibl. Dogm.* 2. A. 199; Bretschneider, *Handbuch d. dogm.*, seu *Manuale dogm. Theol.* 1, 174 et seqq. apud eundem. Quid intactum reliquit principium dissolvens protestantismi?

(2) Emmanuel Küster, *Charakteristik des New-testamentl. Wunder-Erzählungen*, seu *Character narrationum miraculor. N. T.*, Lips. 1801, pag. 304; Schuderoff, *Neueste Jahrb. für Religions-Kirchen- und Schulwesen*, B. 11, H. 5. seu

Neueste Jahrb. für Religions-Kirchen- und Schulwesen, B. 11, H. 5. seu *Novissimi annales circa res relig. eccles. et schol.* Vol. 11, fol. 8, pag. 549. et seqq. 1827.

(3) Semler, *Beantwortung der Fragmente eines Ungenannten*, 11 A. seu *Respons. ad Fragm. anonymi cujusdam*. Edit. 2 1780; Eberhard, *Geist des Urchristenthums*, seu *Spiritus primitivi christianismi*, 111. H. 1828, pag. 129. Mythum historico-poëticum e rebus in facto positus, quae pro visionibus et revelationibus habitae fuerint, effectum, praefert Kaiser, *Bibl. Theol.* 1, 258 et seqq.

312. Ad 2. *D.* Id est omnes absolute, *C.* non omnes *N.* Proferant ipsi aliquam exceptionem si possunt. En novum mendacium!

313. Ad 3. *D.* Supposita veritate resurrectionis, *C.* hac sublata *N.* Deus enim nos apertissime decepisset.

314. Ad 4. *D.* Expresse, *Tr.* equivalenter *N.* Quid enim sibi volunt, et ad quid nisi ad ejus resurrectionem spectant illa Christi verba: *Modicum et jam non videbitis me, et iterum modicum et videbitis me* (Joan. XVI, 16)? Rursum: *Et vos igitur nunc quidem tristitiam habetis; iterum autem videbo vos, et gaudebit eor vestrum* (ib. 22). Accedit, quod etsi in hoc peculiari sermone verba non fecerit de resurrectione (quod tamen ex dictis falsum est), non propterea falsas esse toties repetitas et apertas praedictiones de sua post triduum resurrectione inferri posset.

315. Ad 5. *N.* Neque enim secum pugnare potest divina sapientia, ut blasphemi ipsi circulatorum obtundunt. Joannes vero (cap. XVII, 4, 11) nec verbum habet quod hoc innuat; siquidem voces illae: *Et jam non sum in mundo, et hi in mundo sunt, et ego ad te venio*, juxta omnes interpretes, non exclusis Rosenmüller et Kuinoel, respiciunt tempus, quod subsequi debebat ejus in coelum ascensum, et patet ex ipso contextu. Quod et de reliquis citatis textibus dicendum est, quemadmodum eos consulentibus patebit; si tamen ad rem faciunt.

316. Ad 6. *D.* Et hoc argueret quamquam infidelitatem ex parte apostolorum ac Thomae praesertim, *C.* falsitatem praedictionum Christi resurrectionis *N.* Alterum enim ex altero non sequitur.

317. Ad 7. *N.* Hoc enim est putidum mendacium; Angelas enim (Matth. XXVIII, 6) mulieres sic affatus est: *Non est hic, surrexit enim*, sicut dixit, et (Marc. XVI, 7) *Ite, dicite discipulis ejus, et Petro, quia praecedat vos in Galilaeam; ibi eum videbitis*, sicut

DIXIT VOBIS ; item (Luc. XXIV , 6) *Non est hic , sed surrexit ; recordamini qualiter LOCUTUS SIT VOBIS , cum adhuc in Galilaea esset , dicens : quia oportet filium hominis tradi in manus hominum peccatorum , et crucifigi , et tertia die resurgere , et RECORDATI SUNT VERBORUM EJS ;* et (v. 44) Christus ipse sic omnes discipulos alloquitur : *Haec sunt verba , quae LOCUTUS SUM AD VOS , cum adhuc essem vobiscum , quoniam necesse est impleri omnia , quae scripta sunt in lege Moysis et prophetis et psalmis de me.* Itaque utrumque conjunxit Christus et praedictiones suas et V. T. vaticinia. Quis porro fidat hominibus adeo impudenter mentientibus (1) ?

318. Ad 8. *Neg.* Imo est prorsus incredibile ; tum quia auctores sacri , velint nolint rationalistae , fuerunt divinitus inspirati , ut nos opportune ostendemus ; tum quia hoc est novum commentum toti antiquitati inauditum et nonnisi ab his larvatis christianis excogitatum ; tum denique , quia ratio ipsa docet , longe facilius deceptos istos neotericos esse et decipi , quam Christi discipulos , qui toties Christum apertissime ac absque ambagibus suam resurrectionem praenuntiantem audierunt.

319. Ad 9. *Neg.* omnino ob rationes superius allatas , praeter violentam scripturarum contorsionem , quae admitti deberet. Licet enim Christus (Luc. XIII , 32) *tertiam diem* de proxima sua passione usurpaverit (reliqui enim citati textus non pertinent ad ejus resurrectionem) , aeque ac Cicero , loquens de omine quod proximum suum ab exilio reditum praenuntiabat , ex contextu patet illum loquendi modum ibi indefinite accipi de proximo eventu. At Christus saepe indicavit *tres dies , tres noctes* , etc. loquendo de sua resurrectione , adducto praeterea exem-

(1) Cons. F. V. Reinhard , Diss. *De Christo suam , dum viveret , resurrectionem praedicente* , Helmst. 1798. Ex his colligitur frustra G.

Paulusium in suis commentariis septem integras paginas insumpsisse ad evincendum Christum nunquam suam praedixisse futuram resurrectionem.

plo Jonae, ut ex allatis testimoniis palam fit; alioquin nihil amplius determinati haberi posset.

320. Ad 10. *Neg.* suppositum. Haec enim sententia probari non potest, nisi a neotericis rationalistis totam religionem christianam evertentibus. Negamus dicta Christi esse allegorica, quod ipsi nunquam ostendent; et multo minus concedimus ea conferri posse eum illa generali futurorum obscuritate, de qua loquitur Apostolus loc. cit., cum elara adeo Christi effata de sua futura resurrectione sint et aperta, ut quisque debeat sibi vim inferre, si ad alium sensum ea velit detorquere, ac in meridiana luce caecutire. Quod spectat ad divinam providentiam, quam istiusmodi homines obtrudunt, jam superius respondimus eam non posse admitti, negata rei veritate, quia in errorem ineluctabiliter indueremur.

321. Ad 11. *N.* Haec est enim mera blasphemia. Certe Apostolus aliter sentiebat, cum (I Cor. XV, 14 et 15) diceret: *Si Christus non resurrexit, inanis est ergo praedicatio nostra, inanis est et fides vestra, invenimur autem falsi testes, quoniam testimonium diximus adversus Deum, quod suscitaverit Christum, quem non suscitavit* (1). Non igitur resurrectio Christi, sed istorum rationalistarum systemata dicenda sunt *mythi poëtici*, in quibus vere evanuerunt in cogitationibus suis talia effutientes.

322. Inst. Ex dictis 1. Christus praenuntiavit se resurre-

(1) Ex hoc vero Pauli textu rursum deprehendimus quam falso Wegscheider, Op. cit. p. 3, c. 2, §. 131, n. (e), scribat: « Neque tamen totam religionis christianae veritatem ex hoc solo facto (resurrectionis) pendere contendimus. Haud enim ignoramus, quod quis veram religionis doctrinam proposuerit, id minime probari posse re quadam in facto posita, quam pauci tantum testes cognoverunt, miraculique speciem olim

pro aevi incultiori ingenio induerunt; sed solo illius argumento cum sanae rationis principis bene conveniente veritatem ostendi. Accedit quod Jesus ipse post reditum in vitam doctrinam suam nusquam huic rei quasi fundamento superstruxisse traditur. Mitto mendacia et fabulas in his verbis congestas; illud solum animadverto, quod si haec admitterentur, mentitus apertissime fuisset Apostolus loc. cit.

et eorum post tres dies, tum mansurum in corde terrae tribus diebus et tribus noctibus (Matth. XII, 40). Atqui nonnisi per integrum diem juxta evangelistas fuit Christus in corde terrae. 2. Forsan ut contendit G. Paulusius, vehementi syncope oppressus, atque ab imperitis pro mortuo habitus, in sepulchro conditus, ad se rediit, et eo facilius cum ad eum in vitam revocandum valde contulerint tum aeris in sepulchro temperies, tum exhalationes opobalsamicae; citius proinde prodiiit, nempe ante tempus constitutum.

323. Resp. ad 1. D. Diebus incompletis pro completis computatis juxta lebraeorum loquendi usum, C. completis N. Hebraei enim qui noctem diei initium computabant, duas noctes cum partibus primi ac tertii diei tres dies atque tres noctes vocabant, tempus incompletum pro completo habebant, ut in omnibus fere linguis pars diei, mensis, anni, dies, mensis, annus per synecdochen dici solet. Conf. Gen. XLII, 17 et 18; Deut. XIV, 28; coll. XXVI, 12 (1).

(1) Ita respondet vel ipse Kuinoel in comm. ad hunc locum.

Sane velus synagoga semper spectavit, fictione quadam juris, temporis partem velat tempus integrum. *Ghemara* Hierosolym. tract. *Sabbat* fol. 12. et post eam doctores omnes, uti Maïmonides tract. *Mikvaot* cap. 8 in suo commentario in *Mischna*, R. Obadiah Bartencra ibid. Maïmonides, *Tad-ahazaka* tract. *Schaar-Abot hattummot* et cap. 1. aliique passim, affirmant in praxi praevalere opinionem Rabbi Eliezer ben-Azaria (*Mischna* tract. *mikvaot* cap. 8. §. 3. Talmud tract. *Sabbat* fol. 86.) qui cum omnibus doctoribus mischni tenet terminum alicujus temporis et initium alterius summi pro tempore completo. Huc pariter referuntur quae *ghemaristae* tradunt de computatione עונה quae vox interdum usur-

patur ad significandum diem et noctem, seu integrum diem naturalem, quem graeci vocant *σήμερον* noctem et diem יום וְלַיְלָה, interdum vero diem aut noctem, aut etiam partem diei et partem noctis perinde ac si esset integer. Hinc in tract. *Avodah zara* Babyl. legitur: « Al quantum est spatium עונה? Dicit R. Jochanan vel dies vel nox » Sic etiam Jeros. *Schabbat* fol. 12. 1. R. Achiba statuit diem pro עונה, et noctem pro עונה. Al traditio est R. Eliezerum ben Azariae dixisse יום וְלַיְלָה עונה וְשֵׁשׁ קָצַת עונה ככולה dies et nox hodie, et pars hodie est sicut totum »; et paulo ante « R. Ismael computavit partem עונה pro toto ». Ex quibus abunde liquet ju-

324. Ad 2. *Neg.* Nec enim praeferre debemus nugaces et impias excogitationes apertis evangelistarum testimoniis, sed attendere ad scripturarum auctoritatem et ad confessionem infensissimorum Christi hostium, judaeorum nempe, ut superius vidimus. Nam neque ipsi judaei in haec deliramenta venerunt, ad quae devenit G. Paulusius a suis ipsis confutatus (1). Ceterum Grunerus, Jenensis medicus, ostendit frigida illa in saxis excavata sepulchra atque exhalationes opobalsamicas, relate ad nervos male incitatos et cerebrum affectum, idonea potius esse ad mortem afferendam, ut exemplis evincit, quam ad vitam restituendam (2).

xta judaeorum consuetudinem idem significare tribus diebus et tribus noctibus ac vel tres integros dies vel partem trium dierum. Cf. Lightfoot *Horae hebr.* Lips. 1684. ad cap. XII. v. 40. Matth.

Quapropter quod Matth. XII, 40. dicitur *tribus diebus et tribus noctibus* alibi significatur per verba *tertia die* uti Matth. XVI, 21; XVII, 22; XX, 19. Marc. IX, 30; X, 34. Luc. IX, 22. XXIV, 7. et 46. Ex his intelligitur sollicitudo extraordinaria principum sacerdotum, et pharisaeorum, qui postridie a Christi morte (XXVII, 62.), quamvis duplex solemnitas concurreret, sabbati et paschatis, se contulerunt ad Pilatum, ac deinceps sigillo sepulchri lapidem communierunt. Nam nisi ipsi intellexissent praenunciatam resurrectionem potuisse contingere sub initium diei tertiae, seu post mediam sabbati noctem, abunde eis tempus suppeditasset ad illa omnia praestanda die insequenti, seu ut nos dicimus, die dominica, quin praepropere festinarent illa omnia persequi die sabbati et solemnii, quod a lege vetitum erat.

(1) Vid. Flattus (Mollerus), *Kritik der Commentare von Dr. Paulus*,

seu *Criticae observ. super Comm. Paulusii*; Storrius, *Was Jesus seine Wunder für einen Beweis seiner Sendung erklärt?* seu *Deditte Jesus miracula sua tanquam argumentum suae missionis?* Scotti opuscul. tom. 1, pag. 297. et seqq.

(2) In duobus libellis tum a patre tum a filio conscriptis, *De Jesu Christi morte vera, non simulata*, H. 1803. At in eo labuntur, dum ostendere contendunt, Jesum vixisse quidem adhuc, quum cruci affixus hasta foderetur, vitam aliquam, sed praedehilem proximeque casuram, vulnere vero in pectus illato e vita subito excessisse; cum Joannes (XIX, 30) jam antea scripserit: *Et inclinato capite tradidit spiritum*. Consuli possunt de hoc gravissimo argumento resurrectionis inter alios: *Les temoins de la résurrection de J. C.*, examinés et jugés selon les règles du Barreau, par Sherlok, trad. de l'anglais; Houtteville, op. cit. tom. IV; Bergier. *Dict. Theol.* art. *Resurr. de J. C.*; *La Religion chrétienne démontrée par la résurr. de J. C.*, par Dittion, trad. de l'anglais; *observations de Gilbert West sur l'histoire et sur les preuves de la résurr. de J. C.*

PROPOSITIO II.

*Doctrinae evangelicae excellentia et sanctitas dicinam
ac supernaturalem Christi missionem
invictissime confirmat*

325. Divina sanc ac supernaturalis illius missio dicenda est, qui Dei nomine doctrinam sive theoreticam sive practicam proponit, quae Deo digna sit, digna homine, digna societate, quae dogmata omni humana sapientia superiora contineat, quae officia omnia legis naturalis complectatur, cui absque ullo vel minimo errore nec quidpiam desit nec supersit, quae simul motiva efficacissima ad ea adimplenda praebeat, quae sic vitia eliminat, ut ipsorum et originem delegat et adjumenta exhibeat ad ea radicitus convellenda, quamque nemo unquam ex philosophis vel excogitavit vel excogitare potuit. Atqui talis est doctrina, quam Christus Dei nomine proposuit; ergo. Sic porro breviter per partes minorem evincimus:

326. 1. Christus Deum exhibet non solum ut ens summum ac perfectissimum, sed insuper ut patrem amantissimum; homines vero tanquam unius parentis filios, qui unicam familiam constituent, fraterno charitatis vinculo colligatos; qui principibus pareant, non ex metu tantum, sed ex conscientia, tanquam Deo ipsi, cujus vices in terris principes gerunt, quibusque et tributa solvere et honorem impertiri tenentur.

327. 2. Dogmata omnia ab ipso tradita eo spectant, ut et sublimiorem de Deo ideam excitent et penitentiorem humanae conditionis ingerant cognitionem. Dogma siquidem peccati originalis, quo tota infecta exhibetur humana natura, relationem dicit ad aliud dogma, Incarnationis nempe et Redemptionis. Hoc pariter supponit dogma Trini-

talis personarum subsistentium in eadem natura divina. Ex quibus et origo humani generis, ejusdemque a primæva dignitate lapsus, necnon divina bonitas atque justitia in hominem mirifice elucet, ac basin constituunt firmissimam atque validissima incitamenta suppeditant ad homines in officiis continendos promovendosque.

328. 3. Haec vero officia sic Christus complexus est, ut semel Deo supremo ac ultimo hominis fine constituto, hunc instruat ad ipsum super omnia diligendum, ac proximum, quo nomine omnes omnino homines, sive amicos sive inimicos, sive concives sive extraneos, comprehendit, propter Deum diligendum sicut se ipsum. Amor proinde seu charitas est in evangelica doctrina ad instar universalis, ut ita dicam, fluidi, quod omnia et singula societatis membra atque integrum corpus permeat atque pervadit, ei vitam ac motum communicat, illudque nectit et anbit, ut unum quid cum Deo ac cum societate universa quodammodo efficiat. Ex quo fecundissimo principio officia singularia fluunt, quae ipse persequitur et evolvit tum in admirabili illo sermone, quem in monte habuit ad discipulos suos (Matth. V-VII), tum in tot illis sapientia vere coelesti refertis sententiis, quibus ad sanctitatem cujusvis conditionis homines informat.

329. 4. Illis autem officiis motiva subjecit efficacissima, quibus homines permoventur, tum ad ea executioni mandanda, tum ad se retrahendos a transgressionem. Cum enim plerique rudes ac pene barbari homines non satis amore alliciantur ad propria munia obeunda, Christus et praemia amplissima atque aeterna, poenasque item acerbissimas atque aeternas pro meritis uniuscujusque proposuit; tum denique Semetipsum ut absolutissimum virtutum omnium exemplar ad imitandum prae-buit, in tot praesertim, quibus undique premimur, angustiis atque

adversitatibus leniter ferendis, quibus nihil efficacius excogitari potest (1).

330. 5. Ad vitia omnia convellenda ipsorum fontem et originem detegit, quae sita est in hominis inordinato sui ipsius amore et ad res sensibiles nimia propensione, quo

(1) Character personalis Christi Jesu est novum argumentum divinae ipsius missionis, quod nos quidem proposuimus distincta propositione, nisi nos absterruisset conceptus timor nimiae prolivitatibus in institutionibus fugiendae. Remittimus propterea audiores nostros ad demonstrationem evangelicam Cl. Duvoisin, *Démonstration Évangélique*, par M. J. B. Duvoisin, Evêque de Nantes, Paris 1826, ch. 3, *Caractère de Jésus-Christ*; nec non ad opus D. Aymé, *Les Fondemens de la foi*, Paris, 1775, tom. 1, 11 partie, p. 411. et seqq. Si Deus dederit, de hoc ipso argumento alibi agemus. Hic satis sit in medium afferre vulgatissimum quidem, et sane pulcherrimum locum, in quo J. J. Rousseau Christi divinitatem ex ejus personali ehaectere confessus est: « Quelle douceur, quelle pureté dans ses moeurs, *exclamat*, quelle grâce touchante dans ses instructions! Quelle élévation dans ses maximes! Quelle profonde sagesse dans ses discours! Quelle présence d'esprit, quelle finesse et quelle justice dans ses réponses! Quel empire sur ses passions! Où est l'homme, où est le sage, qui sait agir, souffrir et mourir sans faiblesse et sans ostentation? Quand Platon peint son juste imaginaire, couvert de tout l'opprobre du erimo, et digne de tous les prix de la vertu, il peint trait pour trait Jésus-Christ; la ressemblance est si frappante que tous les Pères l'ont sentie, et qu'il n'est pas possible de s'y tromper. Quels préjugés, quel aveuglement ne faut-il point avoir pour oser comparer le fils de Sophronisque au fils de Marie? Quelle distance de l'un à l'autre? Socrate mourant sans douleur,

sans ignominie, soutint aisément jusqu'au bout son personnage, et si cette facile mort n'eût honoré sa vie, on douterait si Socrate, avec tout son esprit, fût autre chose qu'un sophiste. Il inventa, dit-on, la morale. D'autres avant lui l'avaient mise en pratique; il ne fit que mettre en leçons leurs exemples... Mais où Jésus-Christ avait-il pris chez les siens cette morale élevée et pure dont lui seul a donné les leçons et l'exemple? Du sein du plus furieux fanatisme la plus haute sagesse se fit entendre, et la simplicité des plus héroïques vertus honora le plus vil de tous les peuples. La mort de Socrate philosopant tranquillement avec ses amis est la plus douce qu'on puisse désirer; celle de Jésus expirant dans les tourmens, injurié, raillé, maudit de tout un peuple est la plus horrible qu'on puisse eraindre. Socrate, prenant la coupe empoisonnée, bénit celui qui la lui présente et qui pleure; Jésus, au milieu d'un supplice affreux, prie pour ses bourreaux aeharnés. Oui, si la vie et la mort de Socrate sont d'un sage, la vie et la mort de Jésus sont d'un Dieu. Disons-nous que l'histoire de l'évangile est inventée à plaisir? Mon ami, ce n'est pas ainsi qu'on invente.... Au fond, c'est reculer la difficulté sans la détruire; il serait plus inconcevable que plusieurs hommes d'accord eussent fabriqué ce livre qu'il ne l'est qu'un seul en ait fourni le sujet. Jamais des auteurs juifs n'eussent trouvé ni ce ton, ni cette morale; et l'évangile a des caractères de vérités si grands, si frappans, si parfaitement inimitables, que l'inventeur en serait plus étonnant que le Lotos ». (*Essai* e, liv. IV, tom. III).

fit ut et ceteris se praeferat quisque, et a sensibus suis se nimis abripi patiat. Quare ad φιλανθρίαν, tot malorum scaturiginem, penitus compescendam, opposuit Christus odium perpetuamque abnegationem sui et crucis amorem; ad refræandam porro illam ad sensibilia propensionem, a terrenis avocatur hominem, atque incitat ad coelestia desideria his verbis (Matth. VI, 19 et seqq.): *Nolite thesaurizare vobis thesauros in terra, ubi aerugo et linea demolitur, et ubi fures effodiunt et furantur. Thesaurizate autem vobis thesauros in coelo, ubi neque aerugo neque linea demolitur, et ubi fures non effodiunt nec furantur; ubi enim est thesaurus tuus, ibi est et cor tuum.*

331. Ne tamen desponderent animum uberrimas validasque gratias promisit, quibus homines adjuti nihil tam arduum atque difficile sit, quo contendere non possint; sacrificium item jure atque perpetuum instituit, et sacramenta, quibus ipsi confirmati corroborentur atque ad arctissimam cum Deo communicationem eleventur, sanctissimo praesertim eucharistiae sacramento, in quo semetipsum in cibum et potum praebet ad eos alendos et nutriendos ad aeternam vitam.

332. Quae quidem omnia, sic leviter adumbrata, coronidis gratia placet duobus aliquantum prolixis testimoniis S. Augustini exponere, quibus sive partem theoreticam sive practicam religionis christianae non minus vere quam eleganter ipse complexus est. Sic vero scribit in libro *De vera religione* (cap. III et seqq.): *Si Plato ipse viveret et me interrogantem non aspernaretur, vel potius, si quis ejus discipulus eo ipso tempore, quo vivebat, eum interrogaret, cum sibi ab illo persuaderetur, non corporeis oculis, sed pura mente veritatem videri; cui quaecunque anima inhaesisset, eam beatam fieri atque perfectam; ad quam percipiendam nihil magis impedire quam vitam libidinibus deditam*

et falsas imagines rerum sensibilium quae nobis ab hoc sensibili mundo per corpus impressae varias opiniones erroneasque generarent; quamobrem sanandum esse animum ad intuendam incommutabilem rerum formam, et eodem modo semper se habentem, atque undique sui similem pulchritudinem nec distentam locis nec tempore variatam, sed unum atque idem omni ex parte servantem, quam non crederent esse homines cum ipsa vere summeque sit; cetera nasci, occidere, fluere, labi et tamen, in quantum sunt, ab illo aeterno Deo per ejus veritatem fabricata constare; in quibus animae tantum rationali et intellectuali datum est, ut ejus veritalis contemplatione perfruatur atque officiatur orneturque ex ea aeternamque vitam possit mereri; sed dum nascentium atque transeuntium rerum amore ac dolore sauciatur dedita consuetudini hujus vitae atque sensibus corporis inanibus evanescit imaginibus, irridet eos qui dicunt esse aliquid quod nec istis videatur oculis, nec ullo phantasmate cogitur, sed mente sola et intelligentia cerni queat. Cum haec ergo a magistro sibi persuaderentur, si ex eo quaereret ille discipulus, utrum si quisquam existeret vir magnus atque divinus, qui talia populis persuaderet credenda saltem, si percipere non valerent, aut si qui possent percipere, non pravis opinionibus multitudinis implicati, vulgaribus obruerentur erroribus, eum divinis honoribus dignum judicaret; responderet, credo, ille, non posse hoc ab homine fieri, nisi quem forte ipsa Dei virtus atque sapientia ab ipsa rerum natura excerptum, nec hominum magisteriis, sed interna illuminatione ab incunabulis illustratum tanta honestaret gratia, tanta firmitate roboraret, tanta denique majestate subveheret, ut omnia contemnendo quae pravi homines cupiunt, et omnia perpetiundo quae horrescunt, et omnia faciendo quae mirantur, ge-

mus humanum ad tam salubrem fidem summo amore atque auctoritate converteret. De honoribus vero ejus frustra se consuli, cum facile possit existimari, quanti honores debeantur sapientiae Dei, qua gestante et gubernante ille pro vera salute generis humani magnum aliquid proprium et quod supra homines esset, mereretur.

333. *Quae si facta sunt, si litteris monumentisque celebrantur, si ab una regione terrarum, in qua sola unus colebatur Deus, et ubi talem nasci oportebat, per totum orbem terrarum missi electi viri virtutibus atque sermonibus divini amoris incendia concitarunt, si confirmata saluberrima disciplina, illuminatas terras posteris reliquerunt, et, ne de praeteritis loquar, quae potest quisque non credere, si hodie per gentes populosque praedicatur: In principio erat verbum, . . . et sine ipso factum est nihil, etc., si ad hoc percipiendum, perfruendum, ut anima sanetur et tantae lucis hauriendae mentis acies convalescat, dicitur avaris: Nolite vobis condere thesauros in terra, etc.; dicitur luxuriosis: Qui seminat in carne, de carne metet corruptionem, qui seminat in spiritu, de spiritu metet vitam aeternam; dicitur superbis: Qui se exaltat humiliabitur, et qui se humiliat exaltabitur; dicitur iracundis: Accepisti alapam, para alteram maxillam; dicitur discordiosis: Diligite inimicos vestros; dicitur superstitiosis: Regnum Dei intra vos est; dicitur curiosis: Nolite quaerere quae videntur, sed quae non videntur. Quae enim videntur temporalia sunt, quae autem non videntur, aeterna sunt. Postremo dicitur omnibus: Nolite diligere mundum, neque ea quae in mundo sunt; quoniam omne quod in mundo est, concupiscentia carnis est et concupiscentia oculorum et ambitio saeculi.*

334. *Si haec per totum orbem jam populis leguntur et cum veneratione libentissime audiuntur, si post tantum sanguinem, tantos ignes, tot cruces marty-*

rum, tanto fertilius et uberius usque ad barbaras nationes Ecclesiae pullularunt; si tot juvenum et virginum millia contemnentium nuptias casque viventium jam nemo miratur; quod cum fecisset Plato, usque adeo perversam temporum suorum timuit opinionem, ut perhibeatur sacrificasse naturae, ut tanquam peccatum illud aboleretur; si haec sic accipiuntur, ut quomodo antea talia disputare, sic nunc contra disputare monstruosum sit; si tali pollicitationi atque sponsioni per omnes terrarum partes quas homines incolunt, sacra christiana traduntur; si haec quotidie leguntur in Ecclesiis et a sacerdotibus exponuntur; si tundunt pectora qui conantur haec implere; si tam innumerales aggrediuntur hanc viam, ut desertis divitiis et honoribus hujus mundi et omni hominum genere, uni Deo summo totam vitam dicare volentium solitudinem compleatur; si denique per urbes atque oppida, viros et agros etiam villasque privatas, in tantum persuadetur et appetitur a terrenis aversio et in unum Deum verumque conversio, ut quotidie per universum orbem humanum genus una pene voce respondeat, sursum corda se habere ad Dominum; quid adhuc oscillamus crapulam hesternam et in mortuis pecudibus divina eloquia perscrutamur? . . . Qui bonum et appetendum fatentur, cognoscant Deum et cedant Deo per quem populis jam omnibus haec credenda persuasa sunt.

335. Alter vero ejusdem s. Doctoris locus desumptus est ex lib. I. *De moribus Ecclesiae* (1), in quo ita religionem ipsam alloquitur: *Tu pueriliter pueros, fortiter juvenes, quiete senes, prout cujusque non corporis tan-*

(1) Cap. XIX, n. 63. Cons. Tableau synoptique contenant l'exposition de la doctrine renfermée dans

les saintes écritures, par Mr. l'abbé Frère, in *Annales* cit. art. 46, 30 Avril, art. *Doctrine chrétienne*.

tum, sed et animi aetas est, exerceas et doces; tu foeminas viris suis, non ad explendam libidinem, sed ad propagandam prolem, et ad rei familiaris societatem, casta et fidei obedientia subjicis; tu viros conjugibus, non ad illudendum imbecilliozem sexum, sed sinceri amoris legibus praeficis; tu parentibus filios libera quadam servitute subjungis; parentes filiis pia dominatione praeponis; tu fratribus fratres religionis vinculo firmiore quam sanguinis noctis; tu omnem generis propinquitatem et affinitatis necessitatem, servatis naturae voluntatisque nexibus, mutua charitate constringis; tu dominis servos, non tam conditionis necessitate, quam officii delectatione doces adhaerere; tu dominos servis summi Dei, communis domini, consideratione placabiles et ad consulendum quam ad coercendum propensiores facis; tu cives civibus, tu gentes gentibus, ac prorsus homines hominibus primum parentum recordatione, non societate tantum, sed quadam etiam fraternitate conjungis; doces Reges prospicere populis, omnes populos se subdere Regibus... ostendens, quemadmodum et non omnibus omnia, et omnibus charitas et nulli debeatur injuria.

336. Jam vero religionis systema, in omnibus suis partibus prorsus absolutissimum, quod in admirationem sui rapuit vel ipsos religionis infensissimos hostes (1),

(1) Auctor *Epistolarum persicarum* aperte fatetur moralia evangelii praecepta infinite praestare iis quae a sapientissimis totius antiquitatis philosophis tradita fuerant, atque perfectum esse philosophum qui sit vere Christianus. J.-J. Rousseau: « Scripturarum majestate, inquit, factor in admirationem me trahi. Evangelii sanctitatem intimo quodam animi sensu percipio; videte philosophorum libros cum omni sua pompa, quam exigui illi sint, si cum hoc conferantur. Fieri potest, ut

liber sublimis adeo simul et simplex opus humanum sit? » Sed praestat proprio idiomate ejus sensa referre, quae talem eloquentiae vim praefecerunt, ut ea latine exprimi admodum difficile sit: « Je vous avoue, inquit, que la majesté des écritures m'étonne, la sainteté de l'Évangile parle à mon cœur. Voyez les livres des philosophes, avec toute leur pompe qu'ils sont petits près de celui-là! Se peut-il qu'un livre à la fois si sublime et si simple soit l'ouvrage des hommes? » (*Emile*, loc. cit. §).

quod ita connexum est, ut et dogmata a se invicem pendcant, et officiorum omnium præcipuum fundamentum constituent; quod omnem virtutem, imo et virtutum omnium perfectionem et apicem insinuet; quod vitium nullum levemque defectum non eliminet; quod et motiva efficacissima complectatur et validissima media suppeditet ad ea vel fugienda vel prosequenda; quod constituto ultimo fine cetera omnia ad eum finem dirigat, Dei nempe gloriam et hominis bonum ac beatitatem; quod demum simplicitate sua sublimissima omnibus ita accommodatum sit, ut omnes omnino conditiones, status, varietatem vicissitudinum ac multitudinem attingat, non potest non esse a Deo ipso, vel ab eo qui sit edoctus a Deo: atqui tale est systema evangelicæ doctrinæ, ut ex dictis evicimus; ergo doctrinæ evangelicæ excellentia et sanctitas divinam ac supernaturalem Christi missionem invictissime confirmat.

Iterum vero in *Epist. in ex montibus data*, evangelicæ moralis pulchritudinem, sanctitatem, veritatem, profunditatem ita extollit præ doctrina philosophorum, ut hanc sæpe erroribus contaminatam dicat, illam vero unam esse confirmet, quæ sit *semper tuta, semper vera, semper unica, sibi semper constans*. Inde vero concludit adeo certam hanc esse atque infallibilem divinæ revelationis notam, ut alio nullo opus sit vel criteriæ vel argumento. Quæ quidem postrema verba caute accipienda sunt; iis quippe abutuntur rationalistæ, qui cum omnia supernaturalia rejiciant miracula, vaticinia, etc., hinc huic interno criterio, ut vocant, unice insistant, cetera respuentes, prout præciterunt Döderlein, in *Christ. Religions-unterricht*, seu

Christianæ relig. doctrina, 1, 193 et seqq. 2; Ziegler, 2 *Vernunft- und schriftmässige Erörterung*, dass der Beweis für die Wahrheit und Göttlichkeit der chr. Relig. mehr aus der innern Vortrefflichkeit der Lehre, als aus Wundern und Weissagungen zu führen i 1., seu Dilucidatio ex ratione et scriptura quod demonstratio veritatis et divinitatis religionis christianæ potius ex interna doctrinæ præstantia quam ex miraculis et prophetiis sit deducenda 2, in Henke Mag. 1, 20 et seqq. et *Summa theol. christ.* 37; Jo. Schultze, *De uno planissimo plenissimoque argumento pro divinitate disciplinæ ac personæ Jesu* (ex Joan. vii, 17), Tur. 1828, p. 11; Locke, *The reasonableness of christianity as delivered in the scriptures*, London 1696.

DIFFICULTATES

337. I. Objic. cum D. de Pradt. Religio christiana opponitur civilis societatis bono, ut patet 1. ex ipsa ejus perfectione. Christianus est homo perfectus, est ens privilegiatum ac proinde rarissimum. Quod autem verum est in morali, multo magis verificatur respectu religionis, quae ad id tendit ut hominem religiosum sibi met vim reddat, ut merita ipsi eatenus tantum concedat, quatenus ea non a propria virtute repetit, sed ab iis adjumentis quae illi religio ipsa suppeditat. Ejusmodi religio hominem ultra humanitatem evehit; ita vero est ardua, ut humanam infirmitatem opprimat; vult praeterea ut humanis omnibus nuncius remittatur, quae res locum habere nequit nisi in monachismo seu in separatione a mundo. 2. Id patet ex nimia auctoritate seu imperio sacerdotum in homines, quos tot subjiciunt observantiis cultus, ut ipsos obruant. Haec porro duo opponuntur civili progressui tum industriae tum libertatis; quod cuique patet dummodo protestantismum seu christianismum dimidiatum conferat cum catholicismo seu integro christianismo. Apud protestantes enim industria viget, mores efflorescunt, contra apud catholicos omnia languent. 3. Patet ex influxu longe validiori, quem exercet civilis cultura ad populorum mores corrigendos prae religione, quae potius detrimentum exteriori suo cultu morum integritati affert. 4. Denique id patet ex doctrina catholica circa focnus, quod valde promovet mercaturam, sine quo hac nostra aetate societas existere fere nequit, et quod tamen prorsus eliminatur a religione catholica; ergo (1).

(1) *Oeuvres politiques* de M. de Pradt, ancien Evêque de Malines, *Du Jéruitisme ancien et moderne*,

3. édît. Paris 1828. ch. vi et seqq.; qui tamen protestatur se in cit. capp. spectare religionem christianam ex-



338. Resp. *Neg. antec.* Imo religio et societas amice inter se conspirant ; religio enim christiana est validissimum fundamentum civilis societatis, quo sublato societas pessumdetur necesse est. Experientia omnium saeculorum evincit nunquam magis societatem civilem floruisse, quam cum totam suam vim religio christiana exercere potuit (1).

tra *theologiam*, ac discussione pure humana. En ejus verba, quibus orditur cap. vi, inscriptum : De la modification de l'action du Christianisme par la civilisation : Nous voici hors de la théologie ; nous rentrons dans une discussion purement humaine ; il s'agit de savoir pourquoi un culte éminemment réprimant ne réprime pas autant que d'autres, qui le sont moins. Ici il n'y a plus que de la moralité, de la logique examinant la conformité des principes avec les conséquences, et de la géométrie calculant les diverses proportions des lignes relativement à leurs effets. La justice exige qu'on ne nous transporte pas sur un terrain qui n'est pas celui dont nous avons fait choix ; ici nous ne sommes pas en chaire, seulement nous avons le compas à la main ». Quid sibi vult hoc praeambulo, nisi sub obtentu considerandae religionis christianae (nempe catholicae ut ipse postea exponit), inducere religionem christianam, sub respectu politico spectatam, adversantem societatis bono atque inremento ? Si justitia exigit, ut ipse ait, ne eum trahamus extra quaestionis statum, veritas pariter exigit, ne religio christiana seu catholica deformetur juxta praeconcepas pseudopolitici istius idem. Deinde prolatis, quae a nobis adducta sunt, concludit : « Si l'on veut me contester ces bases et les taxer d'exagération, je demande, 1. si elles s'écartent en aucun point de la ligne rigoureuse de l'enseignement chrétien ; 2. si ce n'est pas ainsi qu'à son début le christianisme a agi, et si ce n'est pas ain-

si qu'il nous est représenté tous les jours ; 3. si le ministère ecclésiastique ne renferme pas toutes les attributions que je viens de montrer ; 4. si l'un des premiers dogmes du Christianisme, puisqu'il est rempli de mystères, n'est pas l'abnégation de la raison aux pieds de la foi ; 5. si le prêtre n'est pas le juge de cette foi ». Ex iis, quae dicuntur in solutione difficultatum, patebit partim inexacta et exaggerata, partim falsa esse, quae velut totidem axiomata vellet auctor sibi concedi, ut inde pessimas inferat conclusiones, quasi fieri unquam posset, ut religio divinitus revelata possit esse contraria publico ac politico societatis bono, vel adversari temporali unicuiqueque privati felicitati.

(1) Apposite Cl. de Saint-Victor in suo « Tableau historique et pittoresque de Paris, Paris, 1822, écrit : Sans la religion tout pouvoir politique ne serait qu'une force aveugle et matérielle, puisque, séparé de la raison divine, il serait dépourvu de toute conscience, et par conséquent de toute justice. On peut même dire que, dans cet état complet de violence et d'abrutissement, il lui serait impossible d'exercer la moindre action sur des intelligences, et de conserver quelques moments d'existence ; d'où il résulte que plus la loi divine à laquelle il est tenu d'obéir, et qui fait sa véritable force, est respectée, plus il a de raison, de conscience et d'équité... C'est dans la religion chrétienne que cette loi a reçu son dernier développement ; c'est donc dans les sociétés chrétiennes

339. Ad 1. *D.* Quae perfectio tamen pari gradu omnibus a religione non praescribitur, *C.* eodem gradu *N.* Confundit hic auctor duo quae confundenda non sunt, perfectionem essentialem, quae sita est in mandatorum observatione, quaeque pro potiori parte exigitur ab ipsa religione naturali, et perfectionem, ut ita dicam, accidentalem et accessoriam, qualis in consiliis evangelicis insinuat. Jam vero prima optime componitur cum omnibus officiis societatis, ut patet; altera vero, quae non est nisi paucorum, etsi cultores suos a societate quadantenus videatur segregare, eidem tamen societati illos proficuos sub alio respectu efficit, quandoquidem ejus bonum haud parum promovent studiorum cultura, juventutis institutione, nosocomiorum cura, precibus, exemplo, aliisque id genus innumeris, quae nonnisi societatis oscores dissimulare possunt ac parvipendere (1). At-

nes que l'opposition morale a le plus de force. C'est dans cette société que le pouvoir politique, soumis à des préceptes qui ne l'obligent pas moins que le dernier de ceux qui lui obéissent, est contraint, quelques efforts qu'il fasse pour en sortir, de rentrer à chaque instant dans les limites de l'ordre et de la justice, de pratiquer les vertus qui en dérivent, enfin de se montrer intelligent pour commander à des intelligences ».

(1) « Fateor, inquit Leibnitzius, mini semper religiosos ordines, piaque confraternitates, ac societates, aliaque hujusmodi laudabilia instituta mire probata fuisse; sunt enim quasi coelestis quaedam militia in terris, si modo, remotis depravationibus et alausibus, secundum instituta fundatorum regantur, et a Summo Pontifice in usum universalis Ecclesiae temperentur. Quid enim praeclarior esse potest, quam lucem veritatis per maria et ignes et gladios ad remotas gentes ferre, solamque ani-

marum salutem negotiari, interdicere sibi varias illecebras atque ipsam jucunditatem colloquii convictusque, ut contemplationi abstrusarum veritatum ac divinae meditationi vacetur; dedicare sese educationi juvenutis ad spem doctrinae et virtutis; miseris, desperatis, perditis, captivis, damnatis, aegrotis in squallore, in vinculis, in remotis terris auxilium ferre atque adesse, ac ne postis quidem metu ab effusae charitatis officio deterreri? Quicumque haec ignorant aut spernunt, hi nihil nisi plebeium et vulgare de virtute sapiunt, et hominum obligationem erga Deum sollemnium qualicunque oblatione et frigida illa consuetudine vivendi, quae vulgo sine zelo, sine spiritu in animis regnat, inepte meliuntur ». Ita quidem auctor protestans *Systematis theologici*, Paris 1819, p. 88; quae si conferantur cum iis, quae scribit Dominus de Pradt, nunc episcopus, nunc pseudopoliticus, patebit cum habere, unde erubescat.

que hinc cetera ruunt, quae ex falso principio deducit adversarius noster.

340. Ad 2. *D.* Si ejusmodi auctoritas et imperium sacerdotum cum recta rerum administratione consistere non possent, *C.* si potius eam promovent *N.* Haec enim non est nisi putida adversarii calumnia. Influxus enim sacerdotalis non afficit nisi rectam morum institutionem, ex qua omnia bona in societatem profluunt, hominesque sub tali influxu sinceri, veraces, justi magis efficiuntur in contractibus, in publica rerum administratione, in propriis officiis rite persolvendis ceterisque omnibus, in quibus societas optime consistit. Quod si abusus aliquis irreperet, ejusmodi abusum religio non approbat. Cultus vero exterior non est nisi medium, quo non solum Deus honoratur, sed etiam promovetur cultus interior, et homines inter se arctiori vinculo constringuntur; quo sublato, ipsa religio in interitum vergit, ut patet ex protestantismo, qui cum nonnisi terrena promovent, in deismum et rationalismum declinavit. Quidquid porro deistae dicant de honestate protestantium, a veris rerum aestimatoribus compertum est, quam corrupti ac foedati mores generatim apud eos sint. Utinam non ita esset, neque enim christianus gaudere potest de fratrum errantium corruptela! Quod addit de industria et commercio apud populos septentrionales, ut plurimum id non pendet nisi ex indole ac genio populorum et a temporum circumstantiis. Certe catholici in Anglia, Hibernia, Germania, Gallia, nec minus industrii sunt quam protestantes, nec minus seduli; ex hac porro observatione os obstruitur maligno detractori in sua comparatione inter populos septentrionales et meridionales, quam fusc frustra prosequitur. Olim soli fere itali commercium promoverunt; nonnullae etiamnum sunt Italiae partes, in quibus commercium et industria non minus vigent, quam apud septentrionales; sic lusitani catholici saeculi XVI

id fuerint quod modo angli. Itaque totum pendet ex accidentalibus et externis adjunctis, nullo vero modo a religione, ut ipse autumat.

341. Ad 3. D. Ita tamen, ut haec ipsa cultura a religione catholica repetenda sit, *Tr. secus N.* Valde ingratos se religioni catholicae exhibent ejus detractores, dum civili culturae morum emendationem tribuunt, quae nonnisi a catholica religione inducta est. Medio aevo, quinam nisi religio catholica ejusque ministri, praesertim vero Romani Pontifices, sedulo adlaborarunt, ut populi ab illa barbarie, quae Europam pene universam dominabatur, eriperentur? Quis magis studia et artes omnes promovit quam catholica religio (1)? Nunc vero haec

(1) Ille juvat in mediam afferre, quae auctor certo adversariis non suspectus, albas Grégoire, de hoc argumento scripsit: « Chez certains hommes la haine contre la Papauté est effervescente à tel point qu'ils voudraient exterminer l'Italie, parce qu'elle reconnaît le Pape, et à peine ils pardonnent au Tibre d'arroser la ville de Rome. Ces insensés rendent le christianisme responsable des torts de quelques-uns de ses ministres. Avec cette manière de raisonner on proscrire l'air, parce qu'il y a des faux monnoyeurs, le désintéressement, la sobriété, parce qu'il y a des avarés et des débauchés. Toutes les vertus seraient complices de ceux qui les outragent. En ouvrant les yeux sur le mal, doit-on les fermer sur le bien? Le Christianisme et ses Pontifes furent, pour ainsi dire, le ciment qui dans le moyen âge empêcha la dissolution de l'Europe. Le clergé ne put la sauver entièrement de la barbarie, mais du moins il y conserva, et seul il y conserva quelques restes de l'ancienne civilisation; le ministre de l'évangile est le lien, qui met en contact les diverses classes de la société; placé entre le riche et le pauvre, il ap-

puise les prières de celui qui a besoin, et amollit le cœur de celui qui peut donner. Le clergé est un corps modérateur entre ceux qui commandent et ceux qui obéissent. A cette époque où des potentats sans frein tourmentaient les peuples, commandaient les Papes s'interposaient pour réprimer les abus d'autorité, ralliaient les intérêts, les volontés, et prévenaient ou éteignaient les troubles. Robert Ward, dans ses savantes recherches sur les lois, attribue le maintien de l'état social à l'ascendant qu'exerçaient les Papes, et aux conciles qui rapprochaient les peuples par l'entremise de leurs Evêques, et même les princes réclamaient l'intervention pontificale. L'histoire de Jersey et Guernesey en fournit un exemple. Par un usage anciennement établi, lorsqu'il y avait guerre entre l'Angleterre et la France, les habitants des deux pays ne devaient ni s'insulter, ni se battre, aussi loin que peut s'étendre en mer la vue des îles. A la sollicitation d'Edouard IV, Sixte IV la dixième année de son règne lança une bulle qui excommuniait *ipso facto* les infractions. Un historien protestant, Jean de Muller, croit que sans les Papes nous

dissimulantes religionis hostes impudenter affirmant *civilisationem*, ut vocant, non vero religionem mores corrigere. Addatur, ejusmodi *civilisationem* non mores proprie corrigere, sed vitia mutare, luxum promovere, qui est societatis perniciēs, et quamdam externam mollitiem fovere ac probitatis speciem, non vero probitatem ipsam ac bonos mores et virtutes, quae nonnisi a sola religione promoveri possunt et conservari (1).

342. Ad 4. D. Immoderatum et injustum foenus, C. moderatum et justis titulis eohonestatum N. Recentia porro sunt responsa, quae ad diversa quaesita circa luerum ex mutuo dedit sacra congregatio romana (et circa foenus ecclesiae tolerat varias opiniones, ut constat ex editis libris), ex quibus patet, adversarium falsum supponere, dum absolute pronunciat, quodcunque honestum lucrum ex contractu, qui passim *mutui* vocatur, sed reipsa non est, ab ecclesia catholica damnari (2); interest autem ecclesiae non minus quam societatis ea foenora damnari, quae repugnant justitiae et charitati, ex quibus exitium enascitur tot familiarum eorum ingluvie et rapacitate, quos urget *auri sacra fames*.

343. I. Inst. cum eodem auctore aliisque incredulis, qui cum praecesserunt: 1. Christianismus hominis mentem deprimit, ejus rationem confundit, vincula injicit ejus pedibus. Quo igitur abit ejus libertas? 2. Christianus est veluti captivus sui cultus, qui non tendit nisi ad

serions aussi étrangers aux connaissances des anciens que le sont aux arts et aux sciences des Grecs les Turcs qui occupent leur territoire. Tandis que de preux chevaliers se glorifiaient de ne pas savoir écrire, attendre leur qualité de nobles, tandis qu'en Angleterre les barons demandoient à Richard II qu'aucun vassal ne put envoyer son enfant à l'école, et qu'ils le forçaient à révoquer les actes d'affranchissement, de

toute part s'élevaient des écoles monastiques; elles conservaient le feu sacré et de là s'échappaient des rayons de lumière. (Histoire des Sectes).

(1) Cons. Card. Gerdil, *Discours de la nature et des effets du luxe*, Edit. Rom. opp. tom. VIII; Roberti, *Diologo filosofico*, et *Discorso cristiano sul lusso*.

(2) Cons. *Decisiones S. Congregat. Rom. et universalis Inquisit. de Usura*.

lioninem a terra evellendum, quam exhibet ceu lacrymarum vallem. 3. Verus christianorum pater est Pater caelestis, quem ut adent, opus est relinquere patrem matremque terrenam, ac dicere fratribus suis: *Non novi vos*. 4. Non est nisi unum verum regnum, illud nempe quod non est hujus mundi; divitiae ad illud non modo non aperiunt aditum, sed occludunt, lacrimae sternunt viam, aegritudines praeparant, simplicitas perducit. 5. Omnis humana doctrina evanescit vel confunditur ab ejusmodi placitis. 6. Nullo non tempore vigilantia in seipsum christiano injungitur, adversarius circa ipsum exultat eumque obsedit, mors semper praesto est ad eum invadendum; oculus divinitatis ubique eum persequitur, penetrat omnes ejus cordis latebras; manus occulta in libro recenset omnia quae praestituto die ei objicientur; supremus iudex nunquam a tribunali abscedit; 7. simplex mentis evagatio potest ipsum ad irreparabilem jacturam perducere; quilibet illicitae satisfactionis impetus animum ejus permeans potest insanabile vulnus asferre; 8. humanae vitae laus, quam mundus dignitati paternae ut plurimum tribuit, in caelibatum ac virginitatem transfertur; 9. oblectationes vero, quae plerisque ad bene vivendum sunt necessariae, non sunt nisi iis infirmitatibus tributae, quibus humana natura abundat (1). 10. Ex quibus concluditur, christianam doctrinam hominem abjectum elicere ac ineptum ad officia societatis, ad bella praesertim; e contrario formidabilem huic ipsi reddere ministrum hujusmodi religionis; ergo.

344. Resp. 1. *Neg. cons.* cum pariter omnia hic exposita partim falsa, partim exaggerata, partim denique sint quae ab ipsa naturali lege profisciscantur, et in quocunque religionis systemate admitti debeant.

345. Resp. 2. singillatim, et ad 1. quidem: Falsum

(1) Op. cit. ch. vi.

est, religionem christianam mentem deprimere, rationemque confundere, vel illi vincula injicere. Innumeri docti et sapientes viri, qui quovis saeculo in ecclesiae sinu floruerunt, mendacii arguunt D. de Pradt; nusquam scientiae et liberales artes majus incrementum habuerunt quam in religione christiana atque catholica. Romana urbs uti religionis centrum est, sic centrum fuit omni tempore bonarum artium; ad eam confluant undique viri septentrionales ad eas addiscendas, inde in Europam saeculis elapsis omnis cultura diffusa est et promanavit (1).

346. Ad 2. Falsum est, christianum esse veluti captivum sui cultus, qui non tendat nisi ad hominem a terra divellendum; quod si aliquo modo christianus captivus est sui cultus, ut auctoris phrasi utamur, seu suae religionis, eo sensu est, quatenus fides exigit rationis submissionem, et haec submitio a ratione ipsa praescribitur. Verum amor est veluti christiani cultus anima; amor autem captivum hominem non efficit, sed liberum ea libertate, qua donavit nos Deus. Evangelium autem nunquam moderatum bonorum usum proscripit, sed abusum tantummodo ac profusionem, vetatque animi perversitatem, in eo positam, ut fruamur utendis, utamur vero fruendis. Calamitates vero, quae undique nos circumstant, et gemitus, quibus mundus resonat, satis evincunt, an jure terra ista vallis lacrymarum vocanda sit potius quam felicitatis sedes.

347. Ad 3. Falsum est, verum patrem non esse, nisi

(1) Cobbett (Ep. 1) ad eliminandam calumniam toties a protestantibus ac deistis et incredulis impactam ecclesiae catholicae, quod foreat illum, quem vocant *obscurantium* et ignorantiam, prout denuo praestat Dominus de Pradt (nam isti non faciunt nisi se invicem exscribere), instituta comparatione ex dictionarius

historicis virorum illustrium tum doctrina, tum artibus praestantium, quos saeculo xvii et xviii dederunt Anglia, Italia et Gallia, invenit Angliam etsi radiis reformationis collustratam dedisse 132, Italiam superstitionem 164, Galliam suis leucbris involutam 676.

caelestem, quem ut adeamus, opus nobis sit relinquere patrem matremque terrenam, etc., si id accipiat ad exclusionem terrenorum parentum; dum enim Christus prohibet nobis vocare patrem super terram, eo quod nobis unus sit Pater in caelis (Matth. XXIII, 9), non excludit obsequia, quibus terrestres parentes prosequi debemus, cum potius hac de causa acriter objurget scribas et pharisaeos, qui sub falso religionis obtentu haec negligebant (Matth. XV, 3 et seqq.); sed vult, Deum per excellentiam et Patrem dici et haberi, et comparative, cum plura certe debeamus Deo, quam parentibus; adeo ut in conflictu inter Dei offensam et offensionem parentum, Deum ipsis praeferamus; atque hinc patet, quo sensu teneamur patrem et matrem relinquere, fratresque ignorare, cum nempe istorum amor cum amore Dei consistere non potest, quod et ipsa recta ratio dicat. Haec porro nosse debuisset D. de Pradt, utpote episcopus, qui toties pensum officii divini persolvens legit verba s. Gregorii Magni: *Eos, qui nobis carnis cognatione conjuncti sunt, et proximos novimus, diligamus, et quos adversarios in via Dei patimur, odiendo et fugiendo nesciamus* (1).

348. Ad 4. *D.* Non est nisi unum regnum aeternum, quod omnes appetere debeant, *C.* ad exclusionem terreni *N.* Sed falsa praeterea sunt, quae addit de divitiis, perinde ac si a consecutione illius regni excluderent. Ex doctrina siquidem Christi, non divitiae, sed abusus divitiarum, ut nuper exposuimus, excludunt a regno caelorum. Quot divites, reges, imperatores in album sanctorum retulit ecclesia? Difficile sane est, illarum illecebris non tangi, attamen divinae gratiae auxilio omnia possible fiunt, ut ipsemet Christus docuit. Apposite s. Ambrosius: *Discant divites non in facultatibus crimem*

(1) Homil. 37, in Evang. de Com. unius Martyris.

haerere, sed in iis, qui uti nesciant facultatibus. Nam divitiae, ut impedimenta improbis, ita bonis sunt adjumenta virtutis (1). Sic non omnes fletus et aegritudines, neque omnis simplicitas nos in illud intro-mittunt, sed quae propter justitiam tolerantur atque ab ea procedunt.

349. Ad 5. Falsum est omnem humanam doctrinam evanescere atque confundi ab ejusmodi placitis, dummodo rite intelligantur, atque ad sensum absonum non detorqueantur, prout faciunt adversarii nostri. Tot sancti et docti viri, quot ecclesia recenset, id suis operibus ostenderunt.

350. Ad 6. Quae addit de vigilantia, daemonis insidiis, Dei omniscientia, de ratione operum nostrorum reddenda, verissima sunt; ast quivis, qui atheus non sit, haec ipsa admittere debet, utpote quae hominem cautum et sollicitum reddunt, ne cupiditatibus suis se abripi sinat, sed virtutem sectetur et a vitio declinet. His sublati, actum est de virtutibus et vitiis vel appetendis vel declinandis.

351. Ad 7. *D.* Si eisdem plene consentiat, *C.* si rejiciat, *N.* Itaque haec exaggerata sunt et doctrinae catholicae contraria; quod si homo illis consensum praebeat, cui dubium esse potest, reum coram Deo cum fieri? quid aliud recta ratio docet?

352. Ad 8. *D.* Id est caelibatus ac virginitas, utpote majus bonum, praefertur statui conjugali ut minus bono, *C.* praefertur, aliquid detrahendo laudi dignitatis paternae *N.* Haec non sunt nisi obsoletae calumniae, quas auctor noster veritus non est mutuari a protestantibus et incredulis. Honorabiles vero nuptias catholicis esse, patet ex eo, quod *magnum sacramentum* sint juxta Apostoli (2) doctrinam. Quod vero virginitas praeferenda

(1) Lib. VIII in Luc. circa finem.

(2) Ephes. v, 32.

sit (in se spectata) conjugali statui, ipso rationis lumine agnoverunt ethnici ipsi (1); ceterum Apostolus nuptiis satis aperte caelibatum praefert, et ex eo, imo a Christo id didicit ecclesia.

353. Ad 9. *D.* Id est permittuntur oblectationes utpote bonae et honestae, *C.* ut minus bonae et illicitae, *N.* Inter ceteras virtutes religio recenset etiam *εὐτραπέλειαν* (2).

354. Ad 10. Negamus omnes consecutiones male deductas ex falsis principiis, ac 1. quidem, christianam doctrinam hominem sibi vilem efficere et ineptum ad societatis officia. Religio enim moderatur excessus et damnat; al promovet et incitat ad bona omnia ac virtutes quaslibet sive publicas sive privatas pro uniuscujusque statu et conditione. Praestantissimos viros semper aluit, qui una simul conjunxerunt pietatis officia et officia boni civis et magistratus, qui artes ita coluerunt, ut excellentissimi audiverint communi omnium suffragio. Apostolus otium damnat, omnibus inculcans, *quoniam si quis non vult operari, nec manducet* (II Thess. III, 10), et ad proprii munii officia incumbere rursum omnibus inculcat, dicens: *Si quis suorum et maxime domesticorum curam non habet, fidem negavit et est infideli deterior* (I Tim. V, 8). 2. Pariter negatur consequentia quod homines nempe ineptos efficiat ad bella (3);

(1) Cons. Morin *Dissert. sur le célibat*, ejus epitomen dedit Zaccaria S. J. in op. *Storia del celibato sacro*; et qui adversariis suspectus esse non potest, Frid. Krenzer, « Religions de l'antiquité, considérées principalement dans leurs formes symboliques et mythologiques, ouvrage traduit de l'allemand, refondu en partie, complété et développé », par J. D. Guignaut, 1825; ex quo patet, eandem inhaesisse ideam Indis circa caelibatum sacerdotum vel a remotissima antiquitate. Cons. praeterea Comes J. de Mai-

stro, *Du Pape*, cap. III, § 1, ubi documentis antiquis et recentioribus ostendit ideam generalem diffusam inter nationes omnes circa caelibatum religiosum.

(2) V. S. Thom. 2. 2. q. 168, ar. 3. Cons. *Traité des jure et des divertissemens*, par M. Jean Bapt. Thiers, vol. 1 in-8, Paris 1686.

(3) Quam urgeat Gibbon velut obiectum christianis a Celso apud Origenem, quam quidem difficultatem more suo Gibbon depravat; nam Celso (apud Orig. lib. VIII, n. 75) solum hortatur christianos, ut *armis*

evangelica enim doctrina christianos milites in officio continet eos removendo ab illo aestu inconsulto, quo sanguis non effunditur, sed projicitur, hostesque ut fratres agnoscere jubet (Conf. Luc. III, 14). Ceterum et hic experientia contrarium evincit; Constantinus, Theodosius, Carolus M., Ludovicus IX, Henricus I imperator, Stephanus Hungariae rex, Princeps Condacius, Eugenius Sabaudus alique innumeri non minus pietate quam militari gloria insignes fuerunt. 3. Denique negatur sequela, quod scilicet religio christiana formidabilem constituat suum ministrum, cum non aliam ipsi tribuat potestatem, quam quae in aedificationem est, ad salutem nempe animarum procurandam, qui ad imitationem capitis sui mitis esse debet et humilis corde. Quod si severitatis exempla interdum dare tenetur, id in bonum tendit, et ea nonnisi provocatus et compulsus elicit, ut historias mente minus praejudicata perlustranti patebit, posthabitis calumniis, quibus veteres et novi religionis hostes eam diffamare frustra conati sunt (1).

355. II. Inst. 1. Religionis efficacia nulla est ad corrigendos mores. 2. Quod vel quale vitium eradicavit apud italos, ac praesertim Romae? 3. Quid contulit ad

pro rege capiant, et si ita postulat, sub illo militent, et cum illo ducant exercitum; minime vero, ut scribit Gibbon, quasi objiceret Celsus, quid de imperio esset, si omnes christiani fierent, etc. Sed bonam lidem in referendis auctoritatibus penes incredulos, cum pugnant adversus religionem, nunquam inveni. Interea circa privatum sensum Origenis et Tertulliani relate ad militiam videatur Hugo Grotius lib. VIII, c. 2, sect. 9. *De jure belli et pacis*, et maurinus editor opp. Orig. ad lib. VIII *Cont. Cels.* ad § 73, n.e.

(1) Nunquam e juvenum mentibus excidero debet mortuum comitis de Maistre, qui loquens de ejusmodi

auctoribus haec praeclare scripsit: « Jeunesse inconsidérée, quand tu portes les mains sur quelque livre de ces hommes pervers, souviens-toi que la première qualité qui leur manque c'est toujours la probité (*Soirées de Saint-Petersbourg*, tom. 1, pag. 188). In hoc vero censu primum perfecto locum obtinet abbas de Pradt, qui nonnisi somniis, calumniis, falsitatibus ac perpetuis paralogismis catholicam religionem ac praesertim Romanam Sedem oppugnare nititur, tum in opere citato, tum in altero cui titulum fecit: *Concordat de l'Amérique avec Rome*, Paris 1828; in quibus veritas non est, multa vel ab ipso Bayle depromere.

morem emendationem Hispaniarum ? Nonne ejusmodi regiones postremum in societate locum occupant ? Dum e contra in regionibus septentrionalibus quidquid morali habitudinis habetur , id uni culturae civili (civilizationem vocant) exclusive acceptum referri debet (1) ; ergo.

356. Resp. ad 1. *N.* Ino religionis efficacia illa est , quae potissimum confert ad mores corrigendos. Si veteres legislatores ad unum omnes religione usi sunt ad animos effratos emolliendos atque in officio continendos , alia profecto ipsi insedit opinio ac adversario nostro. Quod si tantum potuit religionis umbra , ut ita dicam , quid non poterit veritas ipsa ? Tolle religionis habenas , in pristinam barbariem illico relabentur populi. Ipsa civilis cultura , ut supra notavimus , quam summo opere extollit Dominus de Pradt , ab religionis virtute repeti praecipue debet. Sed ut propius ad evangelicam efficacitatem veniamus , si jura belli mitiora , si mitior et cultior ubique politia , si ubique fere aut abrogata servitus , aut humanioribus circumscripta legibus (2) , si in connubiis publica quaedam servatur honestas et sanctitas , si theatrorum licentia minus expudorata quam olim , si gladiatorum eruore non amplius amphitheatra madent , nemo , qui in historiis hospes non sit ; ignorat ab evangelio id omne provenisse (3). Norunt eruditi omnes , quanta esset et quam publica et effusa istorum omnium depravatio , antequam evangelii splendor elucesceret , ita ut vere affirmare nobis liceat , 1. etiamnum evangelio plurimum

(1) Ibid. ch. viii.

(2) Cons. Comes de Maistre , *Du Pape* , liv. II , ch. v , ut patet cujus conditionis fuerint innumeri prope servi apud omnes gentes , ac praesertim in republica romana et in imperio , antequam religio christiana poluerit mitiorem reddere ipsorum infelicissimam sortem , ac demum solvere eorum vincula.

(3) Immortalis semper erit in sa-

stis religionis christianae S. Thelemachus martyr , qui non dubitavit ex ultimis orientis plagis Romam petere , in amphitheatrum prostrare ac sanguinem effundere , ut ejusmodi truculenta spectacula impediret , procul re ipsa factum est jussu Honorii imperatoris post necem sancto viro illatum. Consul. Bolland. *Acta sanctorum* , die 1. Januarii.

debere eas ipsas gentes, quae evangelium aut corrupe-
runt deinceps aut abjecerunt; 2. majorem minoremve in
iis esse corruptionem, prout magis minusve ab evange-
lii regula recesserunt aut recedunt (1).

357. Ad 2. Omnia recensita vitia religionis virtus in
Italia ac etiam Romae eradicavit. Cum enim Roma cen-
trum religionis christianae sit, ipsius actio ad omnes re-
giones promanavit (2). Quod si vitia non ubique cessa-
runt, id non ex hujus actionis defectu, sed ex defectu
eorum, qui in suis flagitiis obfirmati, illius actionem re-
ligiosam nullam aut pene nullam reddiderunt, seu ipsius
influxum impederunt est repetendum. Si aegrotus prae-
scripta a medico pharmaca negligit, sibi imputet, si va-
letudinem minime recuperat.

358. Ad 3. Ad emendationem moralem Hispaniarum
in sensu ab auctore intento certe nihil contulit, cum
ejusmodi emendatio moralis nil aliud sit, nisi turpis et
cogitandi et agendi licentia; si vero sermo sit de emen-
datione morali proprie dicta, omnia sunt repetenda ab
efficacia religionis, adeo ut regio illa quovis tempore
veros sanctitatis heroes ediderit et omnium virtutum exi-
mios cultores. Quod si et illic et alibi pensum solum

(1) Merito Feller in *Catech. phi-
los.* Liège 1788, tom. III, cap. 4,
§ 1, p. 274, affirmat, « qu'un do-
mi-siècle de paganisme présente infi-
niment plus d'excess énormes qu'on ne
trouverait dans toutes les monarchies
chrétiennes depuis que le Christianis-
me règne sur la terre. *Cons. eru-
ditissimus P. Baltus in opere* Juge-
ment des SS. Pères sur la morale de
la philosophie payenne, Strasbourg
1719, ch. 13 et seqq. ut quisque
intelligat quam depravati mores es-
sent sive publici sive privati in om-
ni societatis ordine, quamdiu religio
pagana viguit.

(2) Eloquentissime, ut solet, s. Leo
M. romanae urbis conditionem ac vi-
gentem omnium vitiorum ac super-

stitionum colluviem, cum ad eam
s. Petrus se contulit, exponit: « Illic,
inquit, conculcandae philosophiae
opinionēs, hic dissolvendae erant ter-
renae sapientiae vanitates, hic con-
futandi daemonum cultus, hic om-
nium sacrilegiorum impietas destru-
enda, ubi diligentissima superstitione
habeatur collectum, quicquid us-
quam fuerat vanis erroribus institu-
tum... Silvam istam frementium be-
stiarum, et turbulentissimae profun-
ditatis oceanum constantior, quam
cum supra mare gradereris, ingre-
deris » (Serm. de ss. Apost. Petro et
Paulo). Quis porro haec omnia a ro-
mana urbe eradicavit nisi sola catho-
lica religio?

est humanae infirmitati, rursum dicimus, id non defectui religionis, sed defectui eorum, qui eidem se subdixerunt, adscribendum esse. Quod vero subditur de extremo humanae societatis loco, omnino parvipendimus, cum id semper intelligendum sit in perverso auctoris pseudopolitici sensu.

359. Ad 4. Resp. Nostrum non est odiosam hic instituere comparationem; sed interea certum est, 1. septentrionales et ipsos *homines* esse, ideoque et omnibus infirmitatibus oboxios; 2. non ab externa tantum quadam probitatis specie de morum integritate esse judicandum; 3. qui eas regiones perlustrarunt, ea referre, quae cum supposita probitate nulla ratione cohaerent; 4. Romam atque in Italiam ut plurimam corruptionem ab ejusmodi peregrinatoribus inferri (1). Utinam plerique omnes ex his heterodoxis nunquam regiones nostras inviserent!

(1) Ut specimen habeatur probitalis et culturae civilis septentrionalium protestantium, juvat in medium afferre fragmenta statisticae medicae, quae D. Caspar, Medic. Doctor Berolinensis divulgavit anno 1825. Ex his patet numerum eorum, qui in se manus inferunt, singulis annis augeri. Ab anno 1818 ad annum 1822 numerantur in sola monarchia borussiana 3860 suicidia, id est 7 pro singulis 100,000; Berolini ab anno 1822 ad 1823 1 ex singulis centenis. Rarissima autem sunt haec exempla in Italia; nec latet ratio, quia ea nondum attigit gradus culturae protestantium septentrionalium. Legi praeterea poterunt *Lettres sur la Suisse*, par M. Raoul-Rochette, Paris 1826, in quibus praeclearissime ostenditur praestantia provinciarum catholicarum super protestantes seu reformatas tum in honestate, tum in relationibus politicis; in personali vigore ac robore, in heroismo et indole militari, pace interna, et indole pacifica, spiritu tolerantiae, fidelitate, etc., adeo ut vere dici possit hoc opus et comparationem et for-

maleum refutationem continere practicam omnium calumniarum, quae in cultum catholicum et catholicorum indolem passim intentantur, et praestantiae, quam quidam de industria dare affectant protestantibus super catholicos. Ad italos speciatim quid attinet, consuli possunt *Lettres sur l'Italie*, par M. Pierre de Joux, quae anno 1829 Parisiis duobus voluminibus prodierunt. Merito propterea dicebat Cl. Marchio Maffijus apud Roberti (*La probità nat.* p. 2), duo se collegisse ex longis suis peregrinationibus, tum nempe plures facere patriam suam, tum magis venerari suam religionem. Post haec supervacaneum censeo in medium afferre quae de Parisiorum corruptione, ex tempore quo illie invaluit incredulitas, produnt publicae ephemerides, ex quibus patet, supputatione facta, ex 22,000, qui singulis annis nascuntur, 7000 spurios esse, id est tertiam fere partem; vix spatio 8 annorum numerantur 2103 suicidia, etc. Quid igitur nobis obtrudit dominus de Pradt prae italorum humanitate

360. II. Obj. 1. Nil novi Christus intulit in mundum, quod non acceperit vel a lege mosaica vel a veteribus Graeciae sapientibus. Ex religionibus ethnicorum mutuatus est mysteria sua, seu dogmata ac ritus; ab indis mysterium Trinitatis, Incarnationis, lapsus hominis, angelorum rebellionis, baptismi, etc.; a sinensibus praeceptum humilitatis christianae, condonationis offensarum, ac dilectionis inimicorum, alia ex Aegypto, alia ex Perside (1). 2. Quare religio christiana de suo non adjecit, nisi intolerantiam religiosam, 3. ex qua tot haeretici flammis consumpti, 4. terrificam Inquisitionis tribunalia, 5. nox s. Bartholomaei, 6. ex qua denique tot religionis bella, quae exitium Europae intulerunt. 7. Hinc imperatores et reges exauctorati a Romanis Pontificibus, 8. omniumque malorum colluvies, quibus ipsi causam dederunt; ergo.

361. Resp. ad 1. Vel *N.* vel *D.* Si sermo sit de lege mosaica, multa acceperit explicando et ad perfectionem adducendo, quae nonnisi involuta et imperfecta in ea lege esse poterant, quae umbra erat, figura, typus ac veluti praeparatio quaedam ad Evangelium, *C.* nihil addidit de suo judaeis prorsus incompertum, et multa non vetuit, quae Moses ad duritiam cordis illis permiserat *N.* Addimus, quod sicut mosaicae ita etiam christianae religionis divinitas ex ipsa ejus doctrina jure probatur. Non aliud enim inter ipsas discrimen est, quam quod auro-ram inter ac meridiem (2). Quod attinet ad Graeciae sa-

civilem septentrionalium culturam? Legatur praeterea egregium opus *L'action du clergé sur le peuple*; ul nihil dicam de anglis, genevensibus, etc., cum res notissima sit quibus moribus protestantes illic universim utantur.

(1) Ita auctor operis *Résumé de l'histoire des traditions morales et religieuses chez divers peuples*, par M. de S***, Paris 1825, tum Felix Bodin in opere *Coup d'oeil sur*

l'histoire de la civilisation, Paris 1825, qui plura a Gibbon mutuatus est; alique innumeri prope diabolarii scriptores, qui eadem semper ad ravim usque recantant, perpetuo sese excusando, nulla habita ratione responsionum, quae his falsitatibus et calumniis datae sunt a catholicis scriptoribus non solum, sed ab ipsis ingenuis protestantibus.

(2) Hanc eandem difficultatem jam proposuerat judaeus Orobius in ami-

pientes, prorsus *N.* Eos enim Christus nunquam audivit. Totum insuper christianae religionis systema ita unum est sibi quae cohaerens, ut tale nunquam ediderint philosophi, qui distracta principia et sparsa tradebant velut disiecta corporis membra, nullo nexu conjuncta, erroribusque permixta, ut suo loco vidimus. *Ex religionibus ethnicorum*, etc. *Neg.* pariter, eadem ratione. Quae vero mysteria vel dogmata proferunt adversarii, quae tamen toto caelo distant a mysteriis et dogmatibus religionis christianae (1), evincunt nonnulla rudera, ut ita dicam, et fragmenta antiquarum traditionum apud omnes gentes conservata esse plus minusve erroribus foedata, *C. secus N.* (2). Ista enim somnia sunt incredulorum nostrorum, qui dum negant in evangelio mysteria tradita esse vel dogmata, haec postea inveniunt apud barbaras gentes atque indidem profluxisse affirmant. Sed incohaerentia ipsorum propria est.

362. Ad 2. *N.* Haec intolerantia enim ex ipsa rei natura oritur. Veritas et error simul cohaerere non possunt. Sed de tolerantia suo loco.

363. Ad 3. Vel *N.* vel *D.* Ab intolerantia civili, *Tr.* ab intolerantia religiosa *N.* Intolerantia enim religiosa optime consistere potest cum tolerantia civili. Tot hebraei in ditione ipsa pontificia commorantes id apertissime evincunt. Quod attinet vero ad intolerantiam civilem, quae extranea omnino est a religione, hoc pendet ab ingenio principum, a civilibus legibus, ab adjunctis, quae mo-

ea collatione cum Limborchio in tertio scripto, quaesito 11, n. 1.

(1) Cons. Origenes, *Cont. Celz.* lib. vi. et s. August. *De civ. Dei*, lib. viii, x, xii et xiii.

(*) Cons. *Lettere americane* del conte Carli-Rubi, nec non *Annales de philosophie chrétienne* etc. tom. viii, anno v, n. 43. 31 Janv. Paris 1834, art. « Voyages et traditions »

croyances, superstitions et restes des traditions primitives observées, par M. Dumont d'Urville dans son voyage autour du monde à bord de l'Atolable dans la nouvelle Zélande et les îles de Jonga ». Cons. praeteron Kreuzer, op. cit. et in *Biblioth. univers. Genev.* tom. xxx, an. x, art. *Mythologie*.

do eam excludunt, modo patiuntur. Ceterum hic adnotasse juvabit, nullos esse magis intolerantes quam sectarios, qui perpetuo vel aperta vi, cum possunt, vel clandestinum ac per insidias catholicos ubique fere, quoad potuerit, insectati sunt atque insectantur. Si conferantur cum catholicis, qui ab haereticis aut sectariis interfecti sunt, victimae, ut ipsi vocant, haereticorum penitus evanescent (1).

364. Ad 4. D. Quoad errorum inquisitionem, C. quoad inflictionem poenarum N. Tribunalia enim inquisitionis ad fidem intemeratam servandam in errores inquirunt, ne ceteri inficiantur; sed, processu confecto, reos ad civilia tribunalia dimittunt; haec porro iis legibus ipsos subijciunt, quae in eos constitutae sunt. Nil proinde commune habet ecclesia cum ejusmodi poenis. Principes vero laici ideo illas poenas in haereticos tulerunt, quia experientia edocti sunt, neminem fidei vel religioni bellum movisse, qui simul machinatus non sit adversus regnum (2). Sed et hic observandum est, tribunalia inqui-

(1) Dominus Prodhomme, in sua *Historia delictorum inter rebelles motus*, jam ab anno 1796 recenset supra ducentena millia victimarum lunc temporis interemptarum; inter quas, quotquot haberi potuerunt sacerdotes et religiosi, truculenter macelati sunt. Cons. praeterea *Historia Jacobinismi* Abbatis Barruel, ex qua patebit, quinam fuerint effectus civilis culturae absque cultu, quam adeo extollit Abbas de Pradt. Quod attinet ad haereticos, omissis innumeris documentis, ex quibus patet, quam immaniter in catholicos saevierint fere quovis loco et quoad potuerunt, satis sil in medium adducere quae in sola Anglia sub Elisabetha adversus catholicos patrarunt. Styrope, auctor protestans, refert Elisabetham singulis regni sui annis super 500 catholicos interemisse, nec lamen contentam fuisse; regnavit au-

tem annis xlv. Romae anno 1584. prodiit opus Joan. Bapt. Cavalleri, qui lineari pictura expressit supplicia ad cruciandos catholicos adhibita. Cum haec picturarum tabularum collectio in lucem prodiit, Elisabetha vix 21 aetatis annum attingebat. Quid factum non est sub Henrico viii, ejus patre, et deinceps a sequentibus regibus! Attamen de his ne unus quidem ex incredulis hiscit.

(2) Cons. Bergier, *Dict. de Theol. art. Inquisition*; Ab. Vayrai, *Etat présent de l'Espagne*, Amsterdam 1719; Feller, *Dict. hist.*, art. *Limborch*, *Isabelle*; De Maisre, *Lettres à un gentilhomme russe sur l'inquisition espagnole*, praesertim p. 89 et seqq. Elisabetha instituit inquisitionem adversus catholicos sub nomine *Commissionis* longe terribiliorem tribunali Hispaniarum. Cobbett, Ep. xi, *A history of the protestant*

sitionis apud haereticos longe severiora esse. Percurrantur, quae Elisabetha regina in catholicos anglos molita est, quae principes protestantes etiamnum moliantur adversus eos, qui Romam appellant, et pudore suffundi debent, qui haec obijcere non desinunt. Sed ista dissimulantur, quia haereticorum et sectariorum sunt, illa amplificantur, quia catholicorum.

365. Ad 5. *D.* Si a religione caedes illa nocturna s. Bartholomaei fuerit vel imperata vel permissa, *C.* si a politicis rationibus *N.* Notandum porro est hic, 1. exaggeratam illam caedem a plerisque esse; 2. calvinistas non nisi apud catholicos vel parochos vel episcopos effugium invenisse ab illo populari furore; 3. ortam illam esse ob perpetuos haereticorum tumultus adversus tranquillitatem regni, nullo vero modo ob ipsorum errores. Attamen nunquam desinunt, his dissimulatis, illam sive haeretici sive increduli nobis ingerere, cum religio catholica ab ea semper abhorrerit (1).

reformation, etc.: Inquisitio Hispaniarum, inquit, *tot caedes non paravit a sua institutione ad hanc usque diem, quot singulis annis regni sui ferox ista regina protestans commisit*; quae proinde merito, in *Biblioth. univ.* tom. xxvii, Tiberius facminus vocata est. Quid actum non est in Dania atque Suevia adversus catholicos! Quo furore in Hibernia arminianos protestantes anglicani persecuti non sunt? Atque eadem ratione protestantes et increduli, quoties clavum gubernii obtinuerunt, plus minus eadem ratione ubique locorum se se gesserunt. Attamen sola commemoratur Inquisitio hispanica vel lusitana, quae tamen non fuerunt nisi institutiones peculiares politicae potius quam religiosae. Sed de moderatione hispanicae Inquisitionis praestat audire auctorem minimo suspectum atque Inquisitionis inimicum, qui, cum officio legati gallici ibi fun-

ctus esset, haec scripsit: « L'inquisition pourrait être citée, de nos jours (sub Carolo II. Hisp. Rege), comme un modèle d'équité... plus de neuf ans de séjour et d'observations m'ont prouvé qu'avec quelque circonspection dans ses propos et sa conduite relativement à la religion, on peut facilement lui échapper, et vivre aussi tranquillement en Espagne qu'en aucun autre pays de l'Europe (Tableau de l'Espagne, tom. 1, p. 388). *Vid. Frayassinou*, Conférence sur la religion vengée du reproche de fanatisme.

(1) Apposite observat Cobbet, Ep. x, caedem s. Bartholomaei non aliam originem habuisse, nisi vindictam, quam Guisaei ducis filius sumit a De Coligny ejusque aseculis, quorum opera proditorie interfectus fuerat ejus pater Franciscus Lotharingiae dux Guisae, et traditae anglis civitates Dieppe et Le Harre sub Elisabetha,

366. Ad 6. N. Apposite de ejusmodi bellis J. J. Rousseau ad archiepiscopum parisiensem scribebat : *Si superiora bella quae religionis dicuntur , expendas ,*

ejus insinuelu calvinistae tot aelus perduellionis in Galliis moliebantur. Adeo verum est, religionem alienam omnino esse ab ejusmodi tumultibus. Attamen vix lezas auctorem incredulum vel haereticum, qui eam caedem religioni catholicae non objiciat. Mirum quot paralogismos superstruant ! Interea simplices capiuntur. Cons. *Tableaux historique et pittoresque de Paris*, par J. B. de Saint-Victor, tom. III. p. 1, p. 179 et seqq., ubi ex martyrologio Calvini, anni 1582, ostendit non inveniri nisi 776 victimas hujus caelidis adeo magnificentae, et totum factum istud in suo lumine collocat. Recte in rem nostram scribit Cl. Manzoni : « Ripoteremo dunque quel principio, che ad una dottrina si deve chieder conto delle sue conseguenze legittime, e non di quelle, che le passioni ne possono dedurre, ed applicandolo alla religione, osserveremo, che anche in questo essa è al dissopra di tutte le teorie umane per quei caratteri inimitabili, che la distinguono. Essa esclude ogni conseguenza dannosa e la esclude con quella stessa autorità, che rende sacri i suoi principj, il che essa sola può fare; se andando di ragionamento in ragionamento si arriva ad una ingiustizia, si può essere certi di aver mal ragionato, e l'uomo senceo trova nella religione stessa l'avviso, che egli è uscito di strada, perchè dove apparisce il male, ivi si trova una proibizione ed una minaccia. Non è quindi ragionevole dare la colpa allo verità rivelate, che gli uomini si sieno odiati e distrutti, ma deve dirsi invece : la disposizione degli uomini ad odiarsi ed a nocersi a vicenda è tale pur troppo, che essi ne hanno preso pretesto sino delle verità di una religione, che dà a loro la regola di amarsi, come una regola senza eccezione... la religione cattolica non

ha mai agito, nè potera agire come causa diretta e naturale di dissensione : ma tutto è arme nella mano di un furioso ; queste non sono scoppiate fra uomini dapprima concordi ed umani, ma sempre in tempi feroci o brutali, in tempi in cui tutte le passioni ostili erano accese... ; ogni volta che si trova nella storia un esempio d' influenza benigna della religione, non si può a meno di non riconoscere una causa che produce il suo effetto proprio. Uno di questi esempj è la tregua di Dio, è una voce di concordia e di pietà, che sola s'innalza fra i gridi della provocazione e della vendetta ; è la voce del vangelo o suonò per la bocca dei Vescovi e dei Preti. Ma per spiegare le vessazioni commesse col pretesto della religione, bisogna supporre uno stato d'ignoranza o di mala fede, un inasprimento degli animi, dei moti di aversione preesistenti, dei fini nascosti, e un grado di passione, che alteri l'intelletto al punto di farlo acconsentire a ciò che è proscritto da quella legge, che si propone per norma. S. Ambrogio sporza e vende i vasi sacri per riscattare gli schiavi illirici per la più parte ariani; s. Martino di Tours va a Treveri per intercedere presso l'imperatore in favore dei priscillianisti, e considera come scomunicato Ilicio e gli altri Vescovi, che l'avevano mosso a servire contro di quelli ; s. Agostino supplica il preconsole dell'Africa per i douatisti, dai quali ognuno sa, che travaglio avesse la chiesa : Noi preghiamo voi, dice' egli, perchè non sieno uccisi ; noi preghiamo Dio, perchè si ravveggano. Ecco i veri cattolici ; e la storia ecclesiastica abbonda di questi esempj » (Sulla morale cattolica, pag. 99 et seqq. edit. Rom. 1826).

ne unum quidem invenies, cujus origo et causa non fuerit in aula principum, quorum intererat, illa bella geri. Machinationes bellorum in secretioribus adytis struebantur; dein procercs commovebant Dei nomine populum et classicum canebant (1).

367. Ad 7. D. Quia illi imperatores et reges jus et initum foedus, prout illius temporis adjuncta poscebant, pessime violarunt, C. alias N. Jam vero Pontifices qui restaurarunt imperium in occidente, sub peculiari conditione et clausula imperatores constituerunt, ut defensores se praeberent ecclesiae romanae; cum igitur ex defensoribus facti fuerint acerrimi hostes et impugnatores, hinc utpote pacti violatores exauctorati sunt, quae quidem ratio aequae militat pro temporibus quibus jus electorale introductum fuit. Non a potentia propterea sibi attributa a Romanis Pontificibus, sed ab ipsa rei natura repetenda est ejusmodi exauctoratio. Nec praetereundum est Pontifices interdum ex recepta communi sententia suorum temporum egisse (2). Opportuna praeterea est animadversio recentis auctoris: *De iis ecclesiae praesulibus longe aliud iudicium feras, si qua vixerunt aetate considerentur. Etenim plura sunt, quae publicam animadversionem merito concitarent aetate hac nostra, quae tamen alio sub caelo atque in diverso rerum ordine videri possint consentanea communi societatis bono; extremis porro malis extrema remedia identidem admoveere prudentiae est, nec tam facile reprobanda sunt illa, quibus homines meliores fiunt; ferrea autem saecula ferreo quodammodo regimine contineri debuisse nemo inficiabitur, qui paulisper humani generis historiam perscrutehur* (3).

(1) Cons. *Paradoxes intéressans*, p. 875-486; Fraysinous, *Conférence etc. des guerres de religion*.

(2) Cons. Muzzarelli, in opusc. s. Gregorio VII; cons. etiam ipse

protestans Leibnitzius opp. tom. IV, p. 3; Caesarini Zursteneri, Tract. *De jure suprematus*, integrum caput XXXI.

(3) Ita auctor op. *Des guerres sa-*

368. Ad 8. *N.* Quae enim dissidia interdum exorta sunt ex duarum potestatum conflictu, aliis externis causis impellentibus quam religioni adscribi debent, et religioni falso sunt imputata ad invidiam ipsi creandam in iis rebus, in quibus religionis velamen atque praelectum subdolo consilio vafri homines atque ambitiosi quaerebant. At in aestimandis exponendisque factis ratio critica docet, atque sapientes monent rei praelectum a vera rei causa efficiente et impellente probe distinguendum esse ac discernendum. Saepe enim exterius v. g. belli aut facinoris praelectum omnibus patet, vora autem et intimior causa plerosque latet. Quanquam, si ea quae obijciuntur vera essent, quid tandem evincerent? Hoc unum, christianam videlicet societatem ex hominibus coalescere, qui optima quacunque re interdum abutuntur. Haec igitur et similia ab humana vel infirmitate vel pravitate proficiscuntur, minime vero a religione ipsa christiana, a qua interdicuntur omnino et reprobandur. Maligni praeterea est, omnia mala prosecui et exaggerare, et iunura bona alicujus institutionis, quae in immensum defectus illos ipsi extraneos superant, silentio praeterire (1).

crées par rapport à l'utilité publique, Consul. etiam comes J. de Maistre in op. *Du pape*, lib. II, cap. 7.

(1) Vel ipse Montesquieu, qui certe suspectus nemini esse debet, hoc ipsum jam adverterat, scribens: « C'est mal raisonner contre la religion, que de faire dans un grand ouvrage l'énumération des maux qu'elle a produits, si l'on ne fait celle des biens qu'elle a faits; si je voulais raconter tous les maux qu'ont causés la monarchie, les lois civiles, le gouvernement républicain, je dirais des choses effroyables (Esprit des lois, liv. XXIV, ch. 2). Sans sortir de notre France, *inquit Bergier*, je soutiens que la seule institution des hôpitaux pour les enfans trouvés, et les soins qu'inspire aux parens l'idée du

baptême, conserve toutes les années plus de six mille français... la cruauté des Chinois laisse périr toutes les années, plus de trentemille enfans de compte fait, et les philosophes nous vantent les mœurs chinoises. La barbarie des Romains laissait mourir de faim et de maladie tous les ans un plus grand nombre d'esclaves, et les philosophes n'en disent rien (Traité hist. et dogm. de la vraie religion; 2 tom. I, p. 487). Multiplicari possent in infinitum, ut ita dicam, monumenta ex quibus colligi possent ingentia beneficia, quae in societatem contulit religio christiana, quae tamen increduli dissimulant, ac interea microscopio latebras omnes inquirunt, ut inveniant quao reprehendant, et miseris paralogis-

PROPOSITIO III.

Admirabilis christianae religionis propagatio in omnibus suis adjunctis spectata ineluctabile pariter suppedilat divinae ac supernaturalis Christi missionis argumentum

369. Christi vaticinium de futura suae religionis per universum orbem propagatione superius dedimus; jam vero ejus adimplementum nulli humanae seu naturali causae, sed uni divinae virtuti adscribendum esse sic ostendere aggredimur.

370. Certum est, christianam religionem vix trium saeculorum spatio per universum orbem ubique fuisse diffusam et propagatam; atqui hujus celerrimae diffusionis causa, omnibus adjunctis perpensis, nulla humana vel naturalis adsignari potest; ergo tam subita atque tam lata christianae religionis propagatio a divina ac supernaturali aliqua virtute repeti debet, seu quod idem est, ejusmodi propagatio ineluctabile suppedilat divinae ac supernaturalis Christi missionis argumentum.

371. Major, quae res facti est, ex indubiis monumentis constat. Jam enim ab ipsis ecclesiae primordiis scribebat Apostolus ad Romanos (XV, 19), quod repleverit evangelium Christi ab Jerusalem per circuitum usque ad Illyricum, et quod romanorum fides annuntiaretur in universo mundo. Plinius junior Asiae proconsul sub finem saeculi I sic ad Trajanum scribit (1): *Visa est mihi res digna consultatione propter periclitantium numerum; multi enim omnis aetatis, omnis ordinis, utriusque sexus etiam vocantur in periculum et vocabuntur; non civitates tantum, sed vicos etiam atque*

misreligioni adscribunt ea, quae religio proscrit ac damna.

(1) Lib. x, Ep. 97.

agros christianae superstitionis contagio pervagata est; prope jam desolata templa deorum, et solemnia diu intermissa. Et Seneca (1): *Quum interim usque eo consuetudo convahuit sceleratissimae gentis, ut per omnes jam terras recepta sit; victi victoribus leges dederunt.* Hinc merito Tertullianus (2) sic romanos alloqui poterat saeculo III: *Hesterni sumus, et vestra omnia implevimus, urbes, insulas, castra ipsa, palatium, senatum, forum; sola vobis reliquimus templa* (3).

372. Ad minorem quod attinet, sic eam ostendimus: Agitur enim de propagatione religionis novae, quae dogmata proponebat humanae rationi impervia, atque receptis notionibus contraria, cujusmodi sunt mysteria Trinitatis ac Dei hominis facti et turpiter cruci affixi, ex invisa judaica natione orti, carnis resurrectionis, etc.; agitur de religione, quae austera praecepta imponebat, qualia sunt abnegatio sui, animi demissio, inanis gloriae contemptus; quae bellum omnibus cupiditatibus ac flagitiis indicebat; quae cultores suos communi ceterorum infamiae et privatae execrationi objiciebat (utpote qui traducerentur veluti homines contemptissimae inertiae, per flagitia invisi, humani generis odio convicti, soutes et novissima exempla meriti (4), ut recipu-

(1) Apud s. August. *De civ. Dei*, lib. vi, c. xi, n. 36, et inter fragmenta ex libris Senecae, I. iv, opp. edit. Taur. 1829, ex recensione Buhkopf, qui in nota ad hunc locum, relatis versibus Rutilii:

*Atque utinam numquam Judaea
subacta fuisset
Pompeii bellicis imperioque Titi!
Latinae excisae pestis contagia ser-
punt,
Victoresque suos natio victa pre-
mit,*

addit: *ubi etiam judaei nominantur,
certum christianos maxime intelli-*

gi, sicut et in Seneca ipso.

(2) Apolog. c. 37.

(3) Plura vide apud Cl. Ansaldi, ordinis Praed. Dissert. *Multitudo maxima eorum, qui prioribus ecclesiae saeculis christianam religionem professi sunt, ostensa et cunctata*; item Mamachium, ejusd. ord. tom. 1, *Orig. et antiquit. christianorum*, edit. rom. 1759, pag. 343 et seqq., ubi non solum testimoniiis ethnicorum ostendit ingentem fuisse christianorum numerum a Nerone ad Traiani aetatem, sed praeterea argumenta solvit, quibus Vilinga conatus est eorum numerum extenuare.

(4) Vide Tacit. *Annal.* tom. iv, 3

blicae eversores, ita ut quidquid demum infortunii aut calamitatis contigisset iisdem continuo tribueretur (1)), ac denique certissimo mortis periculo et perpetuis privationibus eos exponebat (2); agitur de propagatione ejusmodi religionis inter gentes flagitiosissimas et in omne vitiorum genus effusas, quin philosophorum superbia, principum ira, immanitas sacerdotum, qui omni qua poterant industria ejus propagationi sese objicebant; iugruens sibi malum avertere possent; agitur demum de talis religionis propagatione tot inter difficultates peracta per duodecim viros piscatore, ineptos, rudes, judaeos (3). Cum itaque ex una parte omnis generis obstacula validissime huic propagationi obsisterent, ex altera vero religio subsidiis omnibus naturalibus ad ea superanda idoneis, penitus esset destituta, impossibilis erat hujus religionis propagatio, nisi invisibilis ac supernaturalis virtus ei adstisset; nam ubi vis motrix est minima ac pene nulla, et oppositio seu resistentia est maxima, effectus obtineri nequit, nisi occulta aliqua virtus praesto sit, quae certe in casu nostro esse non potuit nisi supernaturalis atque divina.

373. Jam vero haec propagatio vel contigit propter miracula, vel sine miraculis; si primum, divina jam est religio, quae obsignata fuit certissima veritatis ac divinitatis nota, cujusmodi miracula esse ostendimus; si alterum dicitur, propagatio hujus religionis est omnium primum maximumque miraculum. Sic impios ac infideles sui temporis premebat s. Augustinus (4).

cum notis Valeriani.

(1) Vid. Tertull. *Apolog.* c. iv.

(2) Gibbon ipse graphice describit miserandam Christianorum conditionem tribus illis prioribus saeculis in *Historia de casu imperii romani*, c. xv.

(3) Eloquentissime, ut solet, hoc argumentum evolvit S. Joan. Chry-

nost. Orat. v *Contra gentiles*, Hom. *Quod Christus est Deus*. Illud etiam eleganter illustrat Segneri noster in nunquam satis commendato opere *L'incredulo senza scusa*, p. 2, c. 9.

(4) *De civ. Dei*, lib. xii. Feliciter hoc Augustini argumentum Dantes expressit in suo *Paradiso*, Cant. xiv, his versibus, 106 et seqq.:

DIFFICULTATES

374. Obijcitur primo cum Gibbon (1) aliisque incredulis:
Ex conjunctione ac veluti concursu plurium causarum

*Se il mondo si rivolse al Cristianesimo,
Diss'io, senza miracoli: quest'uno
E' tal, che gli altri non sono il
centesimo.*

Perbelle autem illud evolvit Card. Pallavicinus in opere *Arte della perfezione cristiana*, lib. 1, c. xvi, his verbis: « Per conoscere che la conversione del mondo fatta senza miracoli sarebbe stato maggior miracolo, facciassi ragione, che i misteri di nostra fede come superano nell'esistenza il poter della creata natura, così superano nella credenza l'intender della creata natura; onde ciò che la natura fa, e ciò che ella sa non basta a renderli prudentemente credibili. Solo il miracolo, siccome testimonianza di Dio, che non può nè cader, nè trarre in errore, li costituisce meritevoli di credenza. Ora il miracolo può essere di due maniere; o esteriore ed aperto al senso, com'è illuminar ciechi, risuscitar defunti, e ciò intende s. Agostino col nome universal di miracoli nella prima parte del suo disgiunto; o interiore, movendo l'intelletto, e la volontà a ciò che lor sarebbe impossibile per natura, e questo è quel più stupendo miracolo, il qual afferma s. Agostino, che sarebbe accaduto se il mondo senza miracoli della prima sorte si fosse convertito a Cristo. E dirittamente l'afferma; poichè tra le suddette due qualità di miracoli maggior miracolo è quello per cui Dio si mostra signore assoluto d'una maggior natura; ma superiore a tutte le corporali nature è l'intellettuale; adunque maggior miracolo, che il ridurre un occhio accecato a condizion di vista, e un

corpo defunto a condizion di vita, è il sospingere l'intelletto in atti eccedenti l'operar suo naturale. Or questo sarebbe avvenuto se innumerali nomi sapientissimi, senza argomento di miracolo esteriore, avessero prestata fede a misteri tanto più alti di ciò, che detta il conoscimento natio. È maggiormente perchè opponevasi a questa fede l'appetito inferiore, che molto può nella credenza... poichè tal fede obbligava i credenti a condannar se stessi per delinquenti e rei di eterno supplizio; se non abbandonavano quei piaceri, ove il comun senso e la corrotta natura violentemente ci tira. Eppur gli articoli di questa fede s'infissero lor sì profondamente nel cuore, che d'altra materia non vergaron le carte, non cibaron i pensieri, non innamoraron gli affetti; sì che per sostenimento di essa alcuni tali sapientissimi uomini sofferser la morte, come san Giustino, sant'Ireneo, e san Cipriano; altri rinunziaron gli onori e le dignità, come san Paolino; altri si ritirarono a vita austera negli eremi, come san Girolamo e Arsenio; altri dieder ripudio a tutti i diletti del senso, in cui per addietro stavano profondamente sommersi, e ad ogni letteratura profana in cui trionfavano, come sant'Agostino. Ma più comprendendo in una parola che in molte, basti dir che a questa fede si convertì senza forza e di pura voglia tutto l'imperio romano, in cui stava raccolto il fior dell'ingegno, e della sapienza terrena, e che era prima così nell'intelletto, come nella volontà occupato da opinioni, ed affezioni direttamente contrarie.

(1) Gibbon, loc. cit.

naturalium ratio sufficiens habetur propagationis religionis christianae. Eo contulit 1. tot populorum conjunctio sub una imperii romani auctoritate, quo factum est, ut fama longe lateque propagaretur novae istius religionis; 2. indoles philosophiae et dispositionis in plerisque philosophorum sectis illius aetatis, quae in mysticismum declinaverat, et in amorem solitudinis ac meditationis, quaeque rerum externarum contemptum ingerebat ac scepticismum circa paganam religionem (1); 3. bella et depopulationes provinciarum per barbaros, sub Gallieno imperatore praesertim, teste ipso Sozomeno (2), cui adstipulantur Theodoretus et Philostorgius; quibus factum est, ut inter barbaros numerus christianorum augetur. Ex causis vero internis contulerunt, 4. ipsa christianorum disciplina et vivendi ratio; ex quo enim evangelium praedicari coepit, frequentissimae fuerunt oblationes, primitiae, sportulae, agapae, convivia, mensae communes (3).

In-

(1) Haec difficultas jam proposita fuerat a Montesquieu, *Esprit des lois*, liv. xxiii, ch. 21; et a Deslandes, *Hist. crit. philosophiae*, lib. vii, c. 34. Eclecticismus, aiunt ipsi, opera Polamonis sub Augusto inductus fuerat. Quo argumento uti sunt Patres, ut facilius evincerent philosophiam, eo quod religio seu philosophia christiana selecta et praestantiora dogmata omnium sectarum in se contineret. Addunt praeterea, ea aetate qua religio christiana praedicari coepit, a pluribus philosophorum sectis inductam nescioquam aversionem ab imperio romano, quin imo et ab omnibus jam eversae rei publicae negotiis ἀπαθίας, exinde perfectionis veluti ideam tum fere apud omnes contemplationi, meditationi ac solitudini affixam, quae semitam dogmatibus ac disciplinae christianorum aperiret, prout innuunt Justinus et Clemens Alex., dum passim tradunt per philosophiam Verbum jam populus praeparasse, praesertim vero Eu-

seb. *Hist. eccl.* lib. iii. c. 37; et Si quidem plerique, inquit, ex illis temporis discipulis, quorum animos ardentioris philosophiae desiderio Verbum incenderat, Servatoris nostri praeceptum jam ante impleverant (Συτηρεῖν πρῶτον ἀπικλήρου καὶ ἐκκλησίας) divisit inter egentes facultatibus suis. Ibi notat Wilhelmus Lowt Eusebium hic eos fortasse respicere, qui severioris vitae institutio et rerum mundanarum contemptu acti jam fuerant; quare praeceptum Christi de divisione bonorum pauperibus faciendam jam antea, scilicet antequam religioni divinae nomen darent, adimpleverant. Sed res incerta ex Eusebio.

(2) *Hist. eccles.*, lib. ii, cap. 6.

(3) Hanc difficultatem urget Thomas Hobbes in satyra, quam *Historiam ecclesiasticam* inscripsit, illis versibus:

Traxit, et ut dixi, multos acquatio vitae

ducta deinceps sunt xenodochia aliaque his similia instituta, quae plures ad sectam christianam traxerunt, teste Juliano imperatore (1). 5. Facilitas, qua christiani inter suos admittebant omne perditorum mortalium genus, spemque praebebant criminum veniae facile impetrandae. Quare Julianus sic christianam religionem irridens: *Quisquis mulierum corruptor, inquit, quisquis homicida, quisquis piaculo et execrando scelere sese obstrinxit, fidenter adito; etenim simul atque hac aqua ablutus fuerit, illico ego cum purum reddam; quod si iisdem sese flagitiis rursus contaminaverit, efficiam, ut tonso capite et pectore percusso expiatur* (2). 6. Fama miraculorum, quorum potestatem edendorum sibi attribuebant christiani, quaque summopere depraedicabant, plures decepit. Sive igitur spectemus humanarum causarum concursum, sive ipsius religionis christianae indolem, patet naturali omnino ratione eam propagari potuisse.

375. Resp. *Neg. antecedens* sive collective sive distributive sumptum, cum et impares effectui isti explicando sint causae, quae ex rerum humanarum concursu potentur; calumniosae vero, quae ex indole et disciplina christianae religionis. Ae primo quidem impares sunt ejusmodi causae quae, licet collective sumantur, solum evincunt, res humanas divina providentia disponente concurrisse ad *facilius notitiam* evangelii propagandam, non autem movisse homines ad *credendum* et ad *amplectendam religionem* ea animi persuasione, ut pro ipsa parati essent ad bona, parentes, patriam, vitamque ipsam amittendam. Calumniosae vero sunt, quas ipsi ex indole

Mentaeque communis, quae erat una fides;

Doctis, indoctis, fidis simul et simulatis

Hoc paupertatis dulce levamen erat.

Tom. I.

Sic etiam Felix Bodinus, op. cit.

(1) In *Epist.* XLIX. ad Arsacium Pontificem Galatiae, tum in fragmentis orationum circa finem, editionis Petavii.

(2) Apud Gibbon, loc. cit.

religionis derivant, ut ex dicendis patebit. Sed jam singillatim eas disjiciamus.

376. Ad 1. *D.* Juvit ad *notitiam* evangelii disseminandam, *C.* ad movendos animos, ut ipsam amplecterentur *N.* Addatur plurimum ejusmodi imperii romani amplitudinem conferre potuisse ad ipsam religionem christianam facilius convellendam ex tacita ipsius Gibbon confessione (1).

377. Ad 2. *D.* *Poterat haec indoles*, etc. disponere *aliquot* cosque rarissimos ad amplectendam christianam religionem quoad *aliquas veritates morales*, et quidem in pari casu, *Tr.* omnes indiscriminatim, spectatis praesertim rerum adiunctis quae in probationibus recensuimus, et quoad omnes veritates *N.* Addimus philosophos, si fortasse aliquos excipias platonicos, teste s. Augustino (2), infensissimos prae ceteris adversarios fuisse, quos ecclesia nacta sit; stoici siquidem et epicurei, qui primis illis ecclesiae saeculis in imperio romano principem inter ipsos locum obtinebant, summopere abhorrebant a christianorum institutis.

378. Ad 3. Eadem esto distinctio ac in resp. ad 1. nam eadem ratio militat. Addatur inter captivos plures sacerdotes ethnicos fuisse: quare ipsi idem non praestiterunt? Itaque omnes causae recensitae ab adversariis valent quidem in ratione *medii*, quo usa est divina providentia, non autem in ratione *causae* proprie dictae.

379. Ad 4. *D.* Et haec commendant sanctitatem ebriastianae religionis et primorum christianorum, *C.* explicant causam propagationis vel *N.* vel *subdist.* Quoad aliquos, si insuper non debuissent sese exponere irae suorum, mortis evidenti periculo et in infinitas propemodum ac-

(1) Cons. Versio italica edita Mediolani cum specimine confutationis Spedalieri et anonymi c. III (tom. 1, pag. 143, edit. Pisan.) Conf. Spedalieri

contra Gibbon, fere tota sectione VI, par. 1, ac praesertim c. III, pag. 262, edit. Placentinae.

(2) De Ferit. relig. c. VII.

rumnas se conjicere, *Tr.* omnes vel etiam plerosque in dictis rerum adjunctis *N.* (1). Addatur xenodochia, ptochia, gerontotrophia, etc. nonnisi sero instituta in ecclesia fuisse, postquam nempe pacem et securitatem ipsa adepta est.

380. Ad 5. *D.* Quatenus nempe christiana religio vel tota vel magna ex parte coaluerit ex scelestorum hominum faece atque colluvie, *N.* secus *subdist.* Et hos, quos admittebat religio in sinum suum, hac lege admittebat, ut veterem hominem exuti novum induerent juxta severa evangelii praecepta, *C.* quacunq[ue] ratione *N.* Nec praetermittendum est eo inagis alienos homines esse ab amplectenda christiana religione, quo magis moribus perditum sunt atque corde corrupti; quod si plures ejusmodi conditionis homines ad christiana castra transierunt, in eo mirifice elucet virtus divinae gratiae, qua adeo perculti sunt, ut christianam fidem professi mira statim morum sanctimonia fulserint, teste Plinio (2) ac ipso Julia-

(1) Sportulae, etc. non dabantur nisi egenis, viduis, pupillis, etc. En verba Tertulliani, *Apolog.* c. xxxix: « Haec quasi deposita pietatis sunt; nam inde non epulis, nec potaculis, nec ingratis voratrimis dispensantur, sed egenis alendis humanisque, et pueris ac puellis, re ac parentibus destitutis, jamque domesticis senibus, item naufragis, et si qui in metallis, et si qui in insulis, vel in custodiis, dumtaxat ex causa Dei sectae, alumni confessionis suae sunt ». Haec ferme repetit s. Cyprianus, *Epist.* 38, edit. Pamelii, quae est ad Calcedonium et Herculanium collegas, et ad Rogatianum et Numidium presbyteros: « Cumque ego vos pro me vicarios miserim, ut expungeretis necessitates fratrum nostrorum sumptibus, si qui etiam vellent artes suas exercere, additamento, quantum satis esset, desideria eorum juvaretis, simul etiam et aetates

eorum, et conditiones et merita discerneretis etc. » — Ex quibus deducunt eruditi, matriculam necessitatum continuisse nomina egentium, aetatem, etc. aliquando nomina expuncta, aliquando addita quae opus essent ad alendam familiam, cum suis artibus quod esset satis sibi comparare non poterant. Hoc studium nunquam defuit in ecclesia catholica. Innumera occurrunt exempla omnium saeculorum. Ethnicorum pauperes interdum alebantur ab ecclesia.

(2) Lib. x, *epist.* xcvi, scribit: « Affirmabant autem (christiani conquisiti) hanc fuisse summam vel culpa suae vel erroris, quod essent soliti statim die ante lucem convenire, carmenque Christo quasi Deo dicere secum invicem; seque sacramento non in scelus obstringere, sed ne furta, no[n] latrocinia, ne adulteria committerent, ne fidem fallerent, ne depositum abnegarent ». Addatur Ter-

*

no imperatore, qui ad Arsacium Galatiae Pontificem scribens, ut per ipsum ethnicos ad bene vivendum inflammaret, exemplum proposuerit *Christianorum benignitatem in peregrinos, curam ab illis adhibitam in mortuis sepeliendis et sanctimoniam vitae* (1).

381. Ad 6. *D.* Una cum veritate miraculorum praeteritorum, quae Christus et apostoli patrarunt, atque praesentium, quae passim nempe a christianis peragebantur, *C.* fama tantum absque eorum veritate *N.* Postremum enim hoc supponere tum absurdum tum ridiculum foret. Addo minus etiam talem conjecturam valere, quod eandem potestatem sibi tribuerint ethnici (2).

382. II. Obj. Nemo ab initio religionem christianam amplexus est, nisi populus; est autem pervulgatum illud Senecae adagium: *Argumentum pessimi turba est*; ergo.

383. Resp. 1. *N. M.* Plures enim nos recensuimus ex judaeis et ethnicis, qui christianam religionem professi sunt, doctrina, nobilitate, opibus florentes. Illis addimus Polycarpum, Ignatium, Irenaeum, Justinum, Clementem, Ammonium, Origenem, Aristidem, Apollinarem, Athenagoram, Quadratum, Apollonium, etc., ut posteriores omitamus; addimus Glabriorem, qui sub Traja-

tullianus qui provocabat ethnicos, ut profiterentur aliquem in carceribus detentum, vel extremo supplicio affectum aut conquisitam alia de causa praeter illam fidei.—Cons. Mamachi. *De orig.*, tom. 1; Flury, *Moeurs des Israélites et des Chrétiens*, p. 2; Bossuet, *Discours sur l'hist. univ.*, p. 2, ch. 19; Spedalieri, op. cit., ael. IV, c. 1; et ex antiquis s. Augustinus, *De moribus ecclesiae catholicae*.

(1) Ep. XLIX, edil. Spanhem. En ipsius verba: *Τί οὖν ἡμεῖς οἴομεθα ταῦτα ἀρεῖν, οὐδέ ἀποβλέπομεν, ὃ μάλιστα τὴν ἀδιότητα συνύψισεν ἡ περὶ τοὺς ξένους φιλαν-*

θρωπία καὶ ἡ περὶ τὰς ταφὰς τῶν νεκρῶν προμεθρία καὶ ἡ πεπλασμένη σιμυότης κατὰ τὸν βίον. Integra fere me epistola non continet nisi christianorum elogium.

(2) Cons. Spedalieri, *contra Gibbon*, ael. III, c. 2, 3, 8. *Origenes contra Celsum*, lib. 1, affirmat, tot fuisse peritenta a Christi sectatoribus patrata, quae non tam trahebant ad Christum quam coactos etiam et invitos rapiebant, ὅτι πολλοὶ ὡσπερὶ ἀκόντιες προσεληλυθασί χριστιανισμόν. Notae sunt provocaciones publicae Tertulliani, Cypriani aliorumque Patrum.

no magistratum gesserat, Flavium Clementem virum consularem Domitiani consobrinum, ejusque uxorem Flaviam Domitillam Augusti sanguine natam; addimus eos quos Tertullianus recenset ex palatio, foro, senatu; quos *omnis ordinis* recenset Plinius. Nonne adversarii nostri obji- ciunt plures philosophos ex indole philosophiae, quam pro- fitebantur, ad christianam religionem venisse (1)?

384. Resp. 2. *D. M.* Et humilis plurimorum fidelium conditio est antiqui vaticinii adimplementum de iis, qui in futurum Messiam credituri sub initio erant, *C.* aliquid roboris detrahit argumento nostro *N. Conf. Is. LXI, 1* cum *Luc. IV, 17* et seqq.

385. Ad Prob. *Argumentum pessimi turba est, D.* Cum agitur de speculativis quibusdam veritatibus, circa quas turba indifferenter se habere potest, *Tr.* cum agitur de deserenda religione, quam cum lacte suxerat, atque de nova amplectenda, invisa, cupiditatibus inimica, cum famae, parentum, bonorum omnium vitaeque ipsius discrimine *N.* In negotio enim religionis sive verae sive fictae, multo illi tenacius adhaeret turba, populus,

(1) Apposite Hieronymus, *Praefat. in Catal. Script. Eccl.*: *Discant igitur*, inquit, *Celsus, Porphyrius et Julianus, rabidi adversus Christum canes, discant eorum sectatores* (qui putant ecclesiam nullos philosophos et eloquentes, nullos habuisse doctores), *quanti et quales viri eam fundaverint, extruxerint; et desinant fidem nostram rusticae tantum simplicitatis arguere.* Nonne jam publica exstebat in urbe Alexandriae schola a primis ecclesiae sacculis instituta, in qua viri doctissimi Ammonius, Pantaeus, Clemens Alex., Origenes, etc. floruerunt, et ad quam vel ipsi ethnici turmatim confluebant? En quid de ejusmodi schola scribat Eusebius, *Hist. Eccl. lib. v, c. 10*, ubi loquens de Pantaeo: *Ἐξ ἀρχαίου ἱδρύου*, inquit,

ἐδιδασκαλείου τῶν ἱερῶν λόγων παρ' αὐτοῖς συνιστάτος, ὃ καὶ εἰς ἡμᾶς παραινεῖται, καὶ πρὸς τὸν ἐν λόγῳ καὶ τῇ περὶ τὰ θεῖα σπουδῇ δυνατόν συγκροτῆσθαι παρακλησάμεν, id est, *« Jam inde a praeclaris temporibus, sacrarum litterarum schola in ea civitate fuerat; quae quidem nostra adhuc aetate perseverat, et ab hominibus tum eloquentia tum divinarum litterarum studio instructissimis oblineri dicitur ».* Porro, sub Severo (inquit anonymus chronographus) floruit Pantaenus, quem acutus est in schola (alexandrina) Clemens Stromateus, hunc Origenes. Cf. *Cave, Hist. vol. 11, p. 37*, ad annum Christi 181; ergo jam inde a saeculo 11 celeberrima illa schola florebat.

plebs, quam sapientes et nobiles; hinc si turba religionem christianam amplexa est, ad id praestandum non nisi aut argumentorum evidentiam, aut divinae gratiae omnipotentem virtutem, aut utramque simul fortiter suaviterque ipsam impulisse dicendum est.

386. III. Obj. Christiana religio acceptum referre debet incrementum suum magna saltem ex parte persecutionibus imperatorum christianorum; ergo.

387. Resp. *N. A.* Nam religio christiana jam longe lateque per universum orbem propagata erat, eamque profitebatur major forsitan incolarum romani imperii pars, ante Constantini conversionem (1). Imperatores christiani collabentem jam undique idololatricam superstitionem vel

(1) Cons. Spedalieri in *Analisi dell' esame critico di Fretet*, cap. vii, art. 3. et seqq. Elsi Constantius imperator arianus sub poena capitali prohibuerit exercitium idololatriae, nulla supersunt monumenta, ex quibus constat, illas leges fuisse executioni mandatas; imo s. Augustinus aperte scribit: *Quis unquam detectus non negavit, vel saltem timore poenae tantum scelus se nunquam patiatum promissit?* Ipse Gibbon faletur irritos conatus illos fuisse. Julianus imperator idololatriam propugnavit post Constantii obitum, et rursum juxta Fretet religio pagana dominari quodammodo coepit. Sed hic duo sunt notanda Fretet mendacia; 1. quod negaverit Julianum christianos fuisse persecutum; hoc enim falsum est; nam dupliciter saevit in christianos, indirecte per discordiae inter Praefatos semina quae ipse jecerat; directe per vim, exilia, bonorum direptionem, cruciatus, mortem. In martyrologio romano plura occurrunt nomina eorum, qui sub Juliano passi sunt. S. Gregorius Nav. ejus crudelitates palam ipsi exprobravit. Fictos saepe praetextus quaerebat eadem ratione, ac postea faetum est sub Elisabetha anglorum regina, aliisque passim. Alterum mendacium

Freret est, quod denuo sub Juliano religio pagana amissam recuperare coeperit dignitatem. Julianus in epistola ad Artemonem conqueritur, *quod nemo inveniretur qui redire vellet ad derelictum numinum cultum*, ac rursum scribens ad Libanium sophistam, conqueritur, quod sermones habiti ad incolae Berrae, ut ipsos inducerent ad deum amplectendam religionem majorum, nullos pepererint fructus. Quod si nonnulli rursum ad idololatriam redierunt, ut referunt ss. Gregorius, Basilus, etc., ii ipsi fuerunt qui christianam religionem professi erant sub Constantino, arianam sub Constantio, et paganam sub Juliano, eadem ratione qua in Anglia Kranmer et Paulet, Caecilii alique fuerunt semi-catholici sub Henrico viii, protestantes sub Eduardo vi, catholici sub Maria, denique rursum protestantes et calvinistae sub Elisabetha, Paulet sub quinque Regibus quater mutavit religionem. Ceterum Jovianus successor Juliani paganos persecutus non est, Valentinianus eos protexit, Valens pereperit ethnicis, saevit in catholicos. Sub Theodosio, Arcadio et Honorio vix reliquiae inveniri poterant paganismi in toto imperio romano. Nam a saeculo v labente jam vix fit mentio de paganis.

proprio fato permiserunt, vel nullo ferme negotio funditus sustulerunt.

388. IV. Obj. Paganismus, mahumetanismus, protestantismus brevi longe lateque propagati sunt: ergo celeritas propagationis christianae nihil habet supernaturalis aut divini; in insito siquidem humani cordis novitatis amore et exemplo principum habetur ratio sufficiens propagationis cujuscunque religionis, ideoque et christianae (1).

389. Resp. *D. cons.* Celeritas *per se*, etc. *C. cum omnibus suis* adjunctis *N.* In hoc enim praecise totum consistit propositi argumenti robur, non autem in materiali, ut ita dicam, propagatione in se spectata. Hinc *Neg.* paritatem. Quid mirum si pagana superstitio tam late propagata sit, innixa cupiditatibus ac vitiatæ propensionibus naturae, et simul freta auctoritate, potentia ac legibus principum? Si tamen paganismus una religio dicendus est, et non potius unum nomen. Sic nihil mirum est, si islamismus, utpote secta cupiditatibus blandiens ac praconceptis magna ex parte opinionibus conflata, inter arma et caedes, tam celeriter creverit; praesertim cum ob diuturnas simultates et bella, ad internecionem pene usque pertracta, inter romanos et persas, utriusque imperii vires consumptae essent. Quod demum attinet ad protestantismum, nemo est qui ignoret, animos jam a longo tempore diversis concurrentibus causis ad illam veluti praeparatos atque dispositos. Agebatur praeterea de reformatione, quae ad majorem in moribus ac disciplina licentiam homines alliciebat, quae furtis, expoliationi bonorum ecclesiasticorum, quibus et principes et privati non pauci inhiabant, aditum aperiebat, quamque poli-

(1) Sic etiam post alios multos incredulos Wegscheider hae de causa rejicit argumentum pro divinitate religionis christianae desumptum ex ejus propagatione dum ait: « Neque

servatio, quod eadem et islamiticae religioni conligit, inter documenta veritatis atque originis divinae referri potest » (op. cit. p. 1, c. 2, §. 51, not. 1). Ita etiam Felix Bodinus loc. cit.

lica rationum momenta promovebant (1). Addo ingens esse discrimen inter introductionem novae religionis, veteri receptaeque omni ex parte contrariae, et corruptionem alicujus religionis sub falsis praetextibus, qualis reformatio lutherana fuit. Sed praeterea distinguendum est inter lutheranismum proprie dictum et protestantismum; primus enim saltem valde propagatus non est, sed brevibus limitibus circumscriptus et cito in plures sectas divisus; alter vero, cum non sit nisi negativus, nil aliud significat, nisi *magnam defectionem*, non autem *diffusionem* proprie dictam.

390. Ad Prob. de insito humani cordis novitatis amore, *N.* Etenim nihil magis obstat propagationi religionis, quam ejusdem novitas; haec profecto perpetua fuit ethnicorum exceptio adversus religionem christianam, ac maximum obstaculum, quod ipsa superare debuerit. Exemplum principum, si quid probaret, evinceret, idololatrias primis ecclesiae saeculis a religione christiana summo opere abhorreere debuisse (2).

PROPOSITIO IV.

Conservatio Christianae Religionis in omnibus suis adjunctis spectata non minus certum divinae ac supernaturalis Christi missionis suppediat argumentum

391. Christus Dominus non solum religionis suae propagationem sed et conservationem vaticinatus est usque ad consummationem saeculi (Matth. XXVIII, 20), ac

(1) Cons. Bossuet, *Hist. des variations*, liv. 1; Bernini, *Storia di tutte l'eretiche*, tom. IV, edit. Rom. 1709; Zaccaria, *Antifebronio*, tom. 1. lib. 1; Cobbet, epist. 1. Certe vel ipse Hume, qui nihil credebatur et neminem reverebatur, aperte fatebatur, « Que le véritable fondement de

la réforme fut l'envie de voler l'argenterie et tous les ornemens des autels (Histoire d'Elisabeth, trad. de l'anglais, ch. 30, an. 1568).

(2) Cons. Spedalieri, op. cit. *Analisi dell'esame critico di Freret*, tom. 1, c. 7, art. 8, p. 250.

portas inferi nunquam praevalituras adversus ecclesiam, quam aedificaturus erat super Petrum (ibid. XVI, 18). Si adimplementum suum sortitum est vaticinium, patet non minus certum a nobis desumi argumentum ad divinam Christi missionem evincendam ab ipsius religionis conservatione quam ab ejusdem propagatione. Ad tollendam vero omnem aequivocationem, praemitimus, nos hic non aliam communionem sub christianae religionis nomine designare praeter catholicam, in cujus solius conservatione divinae virtutis efficacia elucet, ut jam ostendimus.

392. Religionis christianae conservatio non minus certum argumentum suppeditat divinae ac supernaturalis originis suae quam ipsius propagatio, si eadem adjuncta concurrant tum ex parte difficultatum, tum ex parte eorundem defectuum naturalium causarum in iis superandis ad ipsius conservationem, quae concurrerint adversus ejus propagationem. Atqui ita est, etc.

393. Et sane, praecipuum impedimentum seu obstaculum, quod oppositum est christianae religionis propagationi, praeter dogmatum arduitatem, est bellum quod indixit omnibus cupiditatibus; jam vero hoc ipsum ejus conservationi semper obstitit; quo factum est, ut pugnare perpetuo debuerit adversus duplicem, ut ita dicam, hostium aciem, externam nempe atque internam. Externi ecclesiae catholicae seu religionis christianae hostes tribus prioribus saeculis fuerunt ethnici, qui in ipsam omnem saevitiem exercuerunt, quae postea recrudit sub apostata Juliano, qui crudelitati astutiam adjunxit; quibus addendi sunt subsequentibus saeculis persarum et islamitarum conatus. Interni praeterea hostes, qui ecclesiam catholicam omni molimine oppugnare aggressi sunt, innumerae prope fuerunt haereticorum sectae, quae vel ab ipsis christianae religionis incunabulis et quovis deinceps saeculo exortae sunt usque ad protestantismum ejusque

propagines , anabaptistas , socinianos , quaequeros , unitarios , biblicos , rationalistas. Quibus sese adiecerunt schismaticorum turbae novatianorum , donatistarum , graecorum , ruthenorum , anglicanorum , quarum aliquae numerosissimae quandoque fuerunt , ac imperatorum , regum ac principum favore ac potentia fretae formidabiles fuerunt vel etiam sunt. Ad internos quoque ecclesiae catholicae hostes spectant tot vel aperti vel occulti apostatae , tot perduelles filii , qui maestissimae matri nec minus atrox nec minus diuturnum bellum intenterunt , ut jansenistae , deistae , atlici , pseudo-politici , tot occultae sectae , quae facile numerari profecto non possunt (1).

394. Hi porro sive seorsim , sive conjunctis viribus , eam oppugnarunt tum aperta vi , dirissimis scilicet in eam ejusque ministros excitatis persecutionibus , tum calamo ac publicis typis undique argumenta conquirentes non solum ex scriptura vel ecclesiasticis monumentis , sed et ex historia , antiquitate , chronologia , physica , matheſi , astronomia , therapeutica , geologia , sculptura , pictura , poësi , etc. , adco ut vix humanae scientiae vel artium liberalium pars aliqua sit , qua abusi non fuerint et ex qua identidem arma non desumpserint , ut ecclesiae extremam perniciem inferrent.

395. Hae praeterea sectae omnes , eujuseumque demum denominationis , licet inter se oppositae , semper colligatae fuerunt , quamdiu actum est de impugnanda catholica religione , et intimo insuper nexu conjunctae cum internis hostibus fuerunt et sunt ad finem hunc obtinendum , adeo ut destructio religionis catholicae sit velut unum omnium velut objectum attributionis , quod sibi proposuerint atque

(1) In Gallia , Anglia , Hispania , Germania , Italia innumerae prope insurrexerunt occultae societates , quae diversa nomina subinde sumpserunt , Fratrum , Illuminatorum , Muratoriorum , Carbonariorum , etc. quae om-

nes eo tendebant , prout tendunt ad christiani nominis excidium. Non parant viribus , pecuniae , calumniis , hypocrisi , dummodo finem suum obtineant.

proponant. Adversus hanc unam ethnici, adversus hanc haeretici, schismatici, increduli omnes et pessimi quique; in hanc dieteria congerunt, in hanc calumnias struunt, hanc unam ex politicis principiis invisam vel saltem suspectam principibus viris reddere conantur. Adversus hanc foedera et societates ineunt, quibus sese singuli jurejurando obstringunt, ut nullis parcant sumptibus, nullis incommodis, itineribus, nullis mediis ad finem assequendum (1).

396. E contra christiana religio seu ecclesia catholica, ab humilibus exorta principiis, passim sibi relicta, saepe filios suos, qui auxilium illi ferre potuissent, indifferentes, saepe etiam adversos experta est, qui latens bellum in praecipuam ejus sedem ac in sua veluti castra inferebant, interdicendo communicationem omnem ac dependentiam ab ea, quae omni humano ut plurimum est destituta praesidio (2).

397. Attamen vix paganismus vel sectae externis praesidiis caruerunt, vel levem aliquam adversitatem passae sunt, cum citius vel serius evanuerunt, nec nisi nomina sua in infami ecclesiae hostium albo reliquerunt; aliae

(1) In sola Gallia ab anno 1817 ad annum 1824, omissis 600,000 voluminibus bibliothecae saeculi XVIII, jam numerabantur 2,741,400 volumina impressa operum Voltaire, Rousseau, Helvetii, Diderot, etc.; anno 1827 numerabantur 5,000,000.

(2) Satis est hic speciminis gratia commemorare, febronianos omnes, eosque, qui congressus, seu potius conjurationis vulgo *D'Ems* nuncupatae, placita sectantur, atque etiamnum in praxim deducere satagunt, aliosque ejusdem furfuris homines. Dignum plane est quod legatur opus *Memorie storiche di Monsignor Bartolomeo Pacca, ora Cardinale di santa chiesa, sul di lui soggiorno in Germania dall'anno 1786 al 1794*, Roma 1839, in quo veridicae quamplures volutae congestae habentur. Et tamen qui haec praestant catho-

lici sunt. Quid fiet a protestantibus! Perpendatur edictum Magni ducis Hassiae relate ad exercitium religionis catholicae in suis provinciis editum 30 Januarii anno 1830, Darmstadt, nec non Ducis Badensis, etc. Si sermo sit de genevensibus, legatur Dominus Nachon, qui in sua *Lettre sur la tolérance de Genève*, Lyon et Paris 1823, per documentorum seriem ab anno 1553 usque ad annum 1823 ostendit, ipsos nunquam destitisse a systemate persecutionis adversus catholicos; facile esset hanc documentorum seriem protrahere usque ad hunc annum, ul patet, quomodo ipsi sibi eohaerant, ac quomodo verba cum operibus consentiant. Bergier provocat reformatos, ul vel unum locum indicent, quem quandoque obtinuerint, et in quo catholicos persecuti non sint.

nullis etiam regum conatibus potuerunt sustentari; aliae in tot sunt frustula divisae ac ita a primordiis suis diversae, ut vitam seu existentiam vix aliquam habeant, si excipiatur politica et externa, quae solo odio communi, supra (393-395) exposito, alitur ac sustentatur, steriles omnino sunt ac infœcundae.

398. Ecclesia vero catholica, licet internum atque externum permanens bellum sustinere debuerit ac debeat, licet experimentis omnibus gladii, calumniae, barbarici, scientiae, picturae, sculpturae, typographiae, confoederationum fuerit subjecta, licet per vicissitudines saeculorum modo prosperas modo adversas transire debuerit, quotidie cernit ex inimicis suis cadere a latere suo mille et decem millia a dextris suis, et novis insurgentibus veteres deficere; semper sibi constans, semper victrix, ex sua virtute fortis, semper una, semper foecunda ac majestate plena ad instar regalis fluvii, qui quo magis ab origine abscedit, aquis eo copiosioribus redundat, dum gentes ad fidem conversae ad eam undique confluent, dum sinum aperit ad colligendas dispersiones Israelis, id est, eorum omnium, qui sincere atque ex corde veritatem inquirunt ex diversis sectis, vel qui ex filiis suis ad meliorem frugem se recipiunt, pristinos errores et fallacias ejurando. Veluti civitas super montem posita in signum semper est populorum, qui oculos in eam attollunt, et ipsa laetabunda et gaudens miro semper ac novo charitatis affectu ad se venientes vel revertentes complectitur, et fructum ac consolationem percipit tot lacrymarum, quas pro eis fudit. Velut sol fulgens in medio nebulae usque ad extremum terrae micantes semper radios suos emittit et nuntios pacis ad eos, qui in tenebris et in umbra mortis sedent, ut lumine fulgoris sui perciti ad eam se recipiant et videant ac vivant.

399. Jam vero diversis imo plane contrariis his effectibus causa tribuenda est. Illic agitur de factis, quae in

dubium revocari nequeunt ; sectae ac superstitiones omnes licet omnibus humanis praesidiis suffultae , computrescunt et pereunt ; christiana religio seu catholica ecclesia , omni saepe humana ope destituta , imo adversitatibus omnibus pressa , semper viget , semper virescit et proficit. Profecto nisi desipere velimus , nil aliud superest , nisi ut dicamus , illas utpote humana opera perire , ut homines ipsi humanis omnibus vicissitudinibus subjacent ac demum intereunt ; haec vero utpote divinae originis divina adsistentia ac vita vivit , donec expletis saeculis ac mundi cursu canticum incipiat aeternitatis.

400. Hujus Dei adsistentiae erga ecclesiam suam perenne pignus atque argumentum sunt dona supernaturalia atque charismata , quibus semper abundant non pauci ex filiis ejus ; prophetiae et miracula , quae nunquam in ecclesia esse desierunt ; virtutes omnes , quae heroicitatis , uti dicitur , gradum attingunt. Non ignoramus incredulos , protestantes , biblicos , rationalistas falsa scientia tumentes haec spernere atque irridere , nec mirum , quum vaticinia ipsa ac miracula biblica rejiciant ; haec tamen irrisio , hic contemptus facta testatissima ac juridica non destruunt. Ecclesia quovis saeculo examine severiori instituto , tum de virtutibus in gradu heroico , tum de miraculis aliisque donis supernaturalibus , plures refert in Beatorum ac Sanctorum album. Istorum gesta et acta ab ecclesia probata sincero animo ipsi legant et expendant cum suis documentis , et tunc , omnibus vanis subtilitatibus et paralogismis praetermissis , non minus de eorum veritate certiores fient , quam de peculiari Dei providentia erga ecclesiam suam , seu erga religionem a se institutam (1).

401. Ut igitur gravissimum hoc argumentum ad scho-

(1) Cons. *Discours sur la divinité de la religion chrétienne , que l'église qui forme des saints est la seule église de J.-C.* par le cardinal Gerbil , opp. edit. roman. tom. 11.

lasticam methodum exigamus, ita concludimus: Conservatio religionis christianae non minus certum suppeditat divinae ac supernaturalis Christi missionis argumentum quam ejus propagatio, si, omnibus adjunctis perpensis, nulli naturali causae adscribi possit; atqui talis est christianae religionis conservatio ex dictis et demonstratis; ergo.

DIFFICULTATES

402. I. Obj. 1. Religio catholica systemati auctoritatis unitatem atque perpetuitatem suam refert acceptam, 2. non secus ac islamismus et judaismus. 3. Quod si sectae, quae ab ecclesia catholica exortae sunt, omnes perierunt, ratio est, quia proscriptae fuerunt a mundo exculto, et a potestate temporali persecutionem passae sunt. 4. Protestantismus et jansenismus steterunt; ille quia invenit praesidium in potestate temporali, hic quia ea aetate exortus est, cum non amplius haereses destruebantur ferro et igne (1). 5. Naturali igitur causae tum christianae religionis conservatio, tum sectarum destructio adscribi debet. 6. Nec obstant miracula aliaque dona, quae supernaturalia dicuntur, tum quia haec nullam fidem merentur, tum quia fanaticum promovent et indigna sunt ratione bene exculta; ergo.

403. Resp. ad 1. D. Quod tamen systema ab ipso christianae religionis auctore Christo originem ducit, C. et praeterea soli systemati huic religionis conservatio adscribi debet N. Utique principium auctoritatis est fundamentum christianae religionis, aiente Christo: *Qui ecclesiam non audierit, sit tibi sicut ethnicus et publicanus* (Matth. XVIII, 17); *Qui vos audit, me audit* (Luc. X, 16), quod et alia ejusmodi testimonia apertissime evincunt, et nos suo loco ostendemus; at absurdum est, uni huic

(1) Ita Sismondi, *Revue encyclopedique*, Paris, Mars, 1826, art. *Des opinions religieuses*, p. 622.

systemati ecclesiae conservationem adscribere, nulla habita ratione specialis divinae erga eam providentiae et adsistentiae. Alioquin omnes antiquae sectae quae, excepto uno alterove puncto sive fidei articulo, in quo errarunt, systema auctoritatis integrum retinuerunt, cujusmodi v. g. fuerunt ariani, quique universum fere orbem obtinuerant, debuissent conservari, quod tamen factum non est; contra protestantismus ex opposito principio statim destrui debuisset, quum omnem auctoritatem rejiciat. Itaque perpensis tum principio auctoritatis tum ceteris omnibus, quae in probationibus attulimus, conservatio extrinseca ecclesiae non nisi divinae adsistentiae tribui debet vel potest.

404. Ad 2. *Neg.* paritat. Ac primo quidem quod spectat ad islamismum, ipse quemadmodum sola armorum vi propagatus, sic eadem virtute conservatus est; porro ejus felicitas crescit aut imminuitur eodem gradu, quo ejus externa crescit aut minuitur potestas. Nulla enim intrinseca virtute consistit et conservatus est, perinde ac imperium sinense, quod a tot saeculis perdurat. Accedit quod neque intrinseca neque extrinseca illa experimenta islamismus passus est, quibus perpetuo subjecta fuit ecclesia catholica, ut ex dictis patet. Judaismus vero est in alio providentiae ordine constitutus, atque ex prophetarum et Apostoli vaticiniis sic debet perseverare usque dum compleantur tempora nationum (Rom. XI, 25); ipsiusque conservatio est publicum ac perpetuum testimonium tum judaeorum perfidiae tum divinitatis religionis christianae. Sed de hoc argumento in Tractatu de Incarnatione.

405. Ad 3. *D.* Quia scilicet a Deo non erant, *C.* secus *N.* Alioquin si a Deo fuissent, illis omnibus non obstantibus, conservatae fuissent, ut conservata est ecclesia catholica, quae longe acerbiora bella in se sustinuit, quam sustinuerint sectae illae.

406. Ad 4. *D.* Quoad nomen, *C.* quoad rem vel *N.*

vel *subdist.* Subsistentia civili, *C.* religiosa *N.* Adeo enim protestantismus, ut suo loco ostendemus, deflexit ab origine sua, ut protestantismus hodiernus idem cum antiquo dici nullo modo possit. Praeterea addendum, ejus existentiam esse potius politicam et civilem quam religiosam, quatenus nempe nationes et principatum politicum constituit. Quod si, fatente Sismondi, ideo protestantismus non periit, quia confugit ad praesidium potestatis temporalis, ergo hoc sublato certissime, ut ceterae sectae omnes, ita et ipse in interitum ibit. Addatur protestantismum seu protestantismi naturam esse negativam, ac potius incredulitatem denotare, quam professionem alicujus positivae doctrinae; hinc perdurat ut perdurat defectio aliqua generalis sive apostasia, donec homines resipiscant a tali defectione. De jansenismo non supersunt nisi exiguae quaedam reliquiae, quae occultis artibus venenum suum propinare pergunt.

407. Ad 5. *Neg. cons.* Etenim si ab homine fuisset ecclesia catholica seu christiana religio, millies periisset, concurrentibus causis omnibus superius recensitis; sed ideo subsistit et floret, quia fundata est super firmam petram, adversus quam portae inferi non praevalerunt, licet perpetuum sit contradictionis signum.

408. Ad 6. *N.* Ad 1. Prob. *Quia nullam fidem merentur*, *D.* Apud incredulos, qui lucem in meridie negant nec dignantur fundamenta expendere, *Tr.* apud cordatos viros, qui sincere quaerunt veritatem *N.* Tria hic considerata sunt: 1. Nos non loqui, ut superius innuimus, nisi de miraculis aliisque donis supernaturalibus a sede apostolica examinatis et probatis; reliquis enim non aliam fidem praebemus, quam illam, quae tribui debet monumentis, quibus innituntur, quaeque passim circumferuntur (1). 2. Non posse iis omnibus fidem

(1) Atque hinc patet illorum paralogismus, qui, ut fidem detrahant

detrectari, quin fundamenta subvertantur omnis morales certitudinis; quum plura miracula referantur a testibus de visu vel de auditu immediate et quidem omni fide dignis, quaeque negari nec potuerunt ab ipsis protestantibus (1). 3. Licet fides nostra his non fundetur, attamen negari non potest illa tum testimonium esse divinae adstantiae erga ecclesiam in cuius gratiam patrantur, tum fidem nostram plurimum iucunditatis ac soliditatis hinc percipere, dum in communione fidei invenimur cum iis virtute et sanctitate eximia pollentibus, quique a Deo ejusmodi donis exornantur; quod nullae sectae habere possunt, et peculiare est unius ecclesiae catholicae.

Ad 2. prob. *Fanatissimum promoveant*, etc. vel *N.* cum hic fanaticismus non promoveatur in ecclesia catholica, licet his donis instructa; vel *D.* Ex parte quorundam privatorum, *Tr.* ecclesiae ipsius *N.* Si aliqui pano, vino, etc. abutuntur, num ideo mala dici debent ac rejici panis, vinum, aliaque alimenta? Plures pecunias falsas

voris miraculis, ex obscuris ac incertae fidei auctoribus, ex legendis antiquatis corrogant miracula ac narrationes prodigiosas, supposititias et ad ingenium confictas, ut inde invidiam creent catholicis, eosque ut credulos traducant in miraculis admittendis, quasi non extiterint et non extent inter catholicos primi subscilii critici, qui bene discriminare valeant veras a fictis narrationibus. Haec tamen est passim recepta apud incredulos et protestantes cum catholicis agendi ratio.

(1) Cons. *Vie de s. François Xavier*, par le P. Boubours, liv. iv, circa finem. Sic enim scribit Philippus Baldeus in *Hist. Indica*: « Si Xaverius fuisset nostrae religionis (protestanticae), etiam apud nos ut alter Paulus cum veritate esset aestimandus, et colendus velut alter Paulus. Quanquam autem religionis fuerit a nostra diversae, aio, bonos omnes ejus zelo, vigilantia cura et mo-

rum sanctitate excitari debere ad cavendam in faciendo Dei opere negligentiam ». Richardus Hakluyt praeco anglicanus, qui quidem calvinianus fuit, de eodem Xaverio: « Historiae modernae Indiae, inquit, plenas sunt praestantium virtutum et operum vim omnem naturae excedentium, quae vir illo sanctus patravit. *Tavernier calvinianus*: Equidem in Sinas non penetravit; vero tamen est simile, doctrinam christianam quam in insulam Nippon induxit, inde maris in vicinas regiones, et propagatam fuisse studio et cura sancti hujus viri, quem recte sanctum Paulum et verum Indiarum Apostolum nominare possis ». Vel ipse denique Joan. Laur. Mosheimius, qui nulli ferme peperit ex sanctissimis viris qui ecclesiam catholicam illustrarunt, in *Instit. hist. christ.* tom. II, p. 8, ipsum non vulgaris ingenii fortissimique animi virum appellat.

supposuerunt , quin tamen pecuniae e commercio sublatae sint.

409. Inst. Si religio christiana divina virtute subsistit , cur igitur principum potestate innititur , cur tot tribunalia instituit , cur concilia celebrat , aliaque innumera praesidia quaerit ad se tutandam ?

410. Resp. Quia virtus et providentia divina humana media non excludit ad finem suum obtinendum. Deus promisit nobis panem quotidianum , quem tamen non desides et otiosi expectare sed quotidie ab ipso petere debemus. Ceterum de principum protectione , de tribunali-bus satis diximus , ne eadem recoquere debeamus. Haec tamen hisque similia media inutilia forent , si Deus causam suam minime defenderet , ut patet ex defectione se-clarum , etsi plures fuerint omnibus his mediis abunde instructae.

PROPOSITIO V.

*Christianorum martyrum testimonium , omnibus ejus
adjunctis perpensis , validissimum etiam est divi-
nae ac supernaturalis Christi missionis argumentum*

411. Christus non solum religionis suae propagatio-nem et incrementum ejusdemque perpetuam conservatio-nem vaticinatus est , sed praedixit praeterea imminentes , futuras ac continuas persecutiones , nec non discipulo-rum suorum constantiam , fortitudinem atque victoriam : *Si mundus vos odit , inquit , scilote quia me prio-rem vobis odio habuit* (Joan. XV , 18) ; *Absque syna-goga facient vos ; sed venit hora , ut omnis qui in-terficiet vos , arbitretur obsequium se praestare Deo* (Joan. XVI , 2) ; *In mundo pressuram habebitis , sed confidite , ego vici mundum* (Ibid. 33) ; *Eritis mihi testes in Jerusalem et in omni Judaea et Samaria et*

usque ad ultimum terrae (Act. I, 8); *Vos autem testes estis horum* (Luc. XXIV, 48); *Ecee ego mitto vos sicut oves in medio luporum . . . caveite autem ab hominibus. Tradent enim vos in conciliis, et in synagogis suis flagellabunt vos, et ad praesides et ad reges ducemini propter me in testimonium illis et gentibus. Cum autem tradent vos, nolite cogitare quomodo aut quid loquamini; dabitur enim vobis in illa hora quid loquamini; non enim vos estis qui loquimini, sed spiritus Patris vestri qui loquitur in vobis* (Matth. X, 16 et seqq.); *Ne ergo timueritis eos* (Ibid. 26).

412. Haec autem attulimus non solum ut pateat persecutionum praedictio, sed insuper tum divina adstantia quae martyribus promittitur, tum constantia et victoria secutura, nec non martyrii objectum, quod non praecise consistit in asserendis iis quae intra mentem sunt posita, sed aliquid externum quod nempe sub sensibus cadat, cujusmodi sunt facta quae habentur vel de visu vel de auditu; de iis enim tantum aliquis potest testimonium ferre. Ex qua animadversione palam fit, solam religionem christianam, imo solam ecclesiam catholicam potuisse ac posse martyres habere. Ut enim in altera hujus lucubrationis parte ostendemus, sola ecclesia catholica a Christo instituta et fundata potuit esse testis ocularis et auricularis, ob nunquam interruptam testimonii successionem, de iis quae Christus et gessit et docuit, et apostoli tradiderunt.

413. Animadvertimus insuper, prout in superioribus propositionibus observatum est, vim hujus argumenti non in solo martyrio divisim sumpto positam esse, seu in sola poena vel morte, sed in causa et in complexione adjunctorum quae martyrium comitantur ac muniunt, quae sex praecipue recensentur: 1. Maryrum multitudo ac varia conditio; 2. tormentorum saevitia atque diuturnitas; 3. animi robur, constantia, fortitudo, quandoque et lac-

titia ; 4. spontanea multorum oblatio ; 5. frequentia et publica miracula ; 6. effectus. Quae omnia nonnisi in christianorum martyrium concurrunt.

414. Ac 1. quidem multitudo christianorum martyrum colligitur ex legibus indirectis ac directis , quae in imperio romano vigeant , per quas ad arbitrium praesidium poterant vexari christiani. Tales fuerunt leges , quarum meminit Cicero (1) , quibus peregrina quaecunque vetita erat religio , quas quidem leges nec Caesares ipsos potuisse convellere , utpote unanimi consensu confirmatas , tradunt Origenes et Tertullianus (2). Tales praeterea fuere latae adversus atheos atque maleficos , in quorum censum christiani passim veniebant (3). Talis fuit lex neroniana , cujus meminit Suetonius (4) , qui commemorans ea , quae censet laudabiliter a Nerone constituta , haec habet : *Afflicti suppliciis christiani , genus huma-*

(1) Cic. *De nat. deor.* lib. III, c. 19 ; atque in sua republica colaciter ad leges romanas hanc legem esse voluit : « Separatum nemo habebat deos : neve novos , sed nec advenas , nisi publice adscitos , colunt » . Saepae etiam Livius harum legum meminit praesertim lib. IX, n. 30 ; lib. XXV, n. 1 ; lib. XXXIV, n. 16. Cons. *Lettres de quelques Juifs à M. de Voltaire* , par M. l'abbé Guénée , édit. Lyon , 1822 , tom. 1 , lett. 3.

(2) Orig. lib. 1. *Contra Celsum* ; Tertul. *Apologiae* loc. cit.

(3) Ut patet ex apologiis nostrorum , qui semper egebantur ab utraque athenis et maleficii criminatione nostros purgare. Hoc vero maxime attendendum est , cum ex eo ratio reddatur , quare lenta quoadque , sed continua , simul modo in una , modo in alia provincia exarserit persecutio usque ad Constantinum , et cur videamus plures pertulisse martyrium etiam sub iis imperatoribus qui favebant rebus christianorum , vel saltem eos non per-

sequebantur , v. g. sub Commodo , Alexandro , Severo , utroque Philippo , etc.

(4) De qua lege etiam aliqua scribunt Tertull. in *Apol.* c. 14 ; Sulpicius Sev. *Sacrae Historiae* , lib. II , ubi memorat *leges datas a Nerone* , atque *edicta proposita* ; et Orosius , lib. VII , c. 5. Huc referuntur pariter rescripta Trajani et Hadriani , quibus prohibebatur quidem , ne christiani *inquirentur* , sed tamen *punirentur* , si accusati iudice constaret de ipsorum professione , in eaque persisterent. En verba Trajani : « Conquirendi non sunt (christiani) : si delerantur et arguantur , puniendi sunt , ita tamen ut qui negaverit se christianum esse , idque re ipsa manifestum fecerit , id est supplicando diis nostris , quamvis suspectus in praeteritum fuerit , veniam ex poenitentia impetret » (*Epist.* 98 inter Plinianas , lib. X). Quo factum est ut amplissimus aditus malignis , invidis , etc. aperiretur sacriendi in christianos.

num superstitionis novae ac maleficae, quae nunquam abrogata est. Tales denique leges subsequentium imperatorum, quae tot tamque variae erant, ut Domitius jurisconsultus septimum de his confecerit librum *Officii proconsulis* (1), et Ulpianus unum ex titulis codicis legum imperialium. Colligitur insuper ingens martyrum multitudo ex apologiis Quadrati, Aristidis, Justini, Tertulliani, Atheuagorae, quae vix legi possunt, quin animus commoveatur ob immanitatem cui passim christiani subiciebantur; colligitur etiam ex iis, quae Serenius Gracianus, Tiberianus et Plinius scribunt ad imperatores: *Non est justum christianos nullius criminis reos absque judicio puniri* (2); tum ex irregularibus quaestionibus, clamoribus ac tumultibus repentinis, quos compescere identidem vel ipsi imperatores debuerunt; ex cryptis, hypogeis, aliisque subterraneis locis, in quibus delitescere cogeantur christiani, ut sibi perfugium quaererent (3); denique evincitur ex scriptoribus ethnicis et christianis: certe ex Tacito (4) fuit *multitudo ingens* eorum qui sub Nerone crudeli martyrio necati sunt; *plurimos sub Domitiano christianos fecisse martyrium* patet ex Brutio apud Eusebium (5), quod confirmatur a Xypholino Dionis continuatore, seu potius epitomatore. Cum vero Plinius sub Trajano quosdam christianos e vita sustulisset, *ipsa tamen multitudo perturbatus*, quid de cetero ageret consuluit Trajanum tunc imperatorem, ut scribit Tertullianus (6), atque ut de reliquis imperatoribus

(1) Apud Lactantium, *Instit.* lib. v, cap. xi.

(2) Plin. *epist.* cit.; et tamen erant humaniores proconsules et sub humanioribus imperatoribus Trajano, Hadriano, etc. vid. tum *Apol.* 1, s. Justini n. 68, 69, tum Euseb. *Hist. eccl.* lib. iv, c. 8. Cons. Alexii Symmachi Maxochii *Disquisitiones in acta martyrii s. Justinii philosophi et sociorum*; atque ejusdem *Com-*

ment. in vel. marmor. s. Neapolit. eccl. kalendar. vol. ii, p. 476 et seqq. Quid factum puteinus de aliis sub severioribus imperatoribus Septimio, Decio, Valeriano, Diocletiano?

(3) De quibus consulendi Boldetti, Fabretti, Bosius, Arringhii; etc.

(4) Tacit. *Annal.* lib. xv, n. 44.

(5) *Hist. eccl.* lib. iii, c. 18.

(6) *Apologet.*, cap. ii.

taceam, *innumeram fuisse multitudinem eorum* qui sub Diocletiano passi sunt, saepe testatur Eusebius (1); nec mirum, siquidem, ut refert Lactantius (2), *verebatur universa terra, et praeter Gallias ab oriente usque ad occasum tres acerbissimae bestiae saeviebant.*

415. 2. Quod spectat ad supplicia, erant illa exquisitissima. Nero christianos pice ac resina perfusos tanquam faces noctu ad illuminandum inservire jussit, teste Tacito (3). Praesides per provincias invenerunt tauros aeneos candentes, ferreas laminas, faces, sarmenta, pectines ferreos, equuleos, forcipes, rotarum varia genera, torcularia, nervos, cruces, compedes, ungulas, plum-bata, uncas, lebetes, sartagines, craticulas, aliaque innumera, de quibus fuse docteque egit Gallonius (4). Cuique enim pro arbitrio et sine lege saevire ac torquere fas erat, et ille gratia praestabat, qui ceteros crudelitate vinceret. Edicta enim generalia erant, quibus praecipiebatur, ut christiani a suo instituto *tormentis* retraherentur ac vincerentur (5); ex altera vero parte proponebantur apostatis deliciae, voluptates, honores, praedia, dignitates, imperatoris gratia ac favor, publica officia.

416. 3. Christiani tamen innumeri, cujuscunque conditionis, aetatis ac sexus, delicati, nobiles, servi, senes ac decrepiti et infirmi, fragiles foeminae, pavidus pue-

(1) *Hist. eccl.* lib. viii, c. 4, et lib. i *De vita Constantini*, c. 13, ubi comparat persecutionem Diocletiani et Maximiani bello civili.

(2) *De mort. persee.* c. 16, et rursum lib. v. *Div. Instit.* c. 9 et 11. Cons. praeterea erudita praefatio D. Ruinart ad *Acta martyrum sincera*, praesertim § 3, ubi Dodwel-lum refellit qui (*Dissert. xi Cyprionica*) contendit paucos martyres existisse. Hunc sequuti sunt Gibbon aliique vel increduli vel protestantes, qui cum animadverterint magnam gloriam, quae ecclesiae catho-

licae obvenit ex tot martyrum fortitudine, moliantur illorum numerum extenuare; ad irrito conatu.

(3) *Annal.* lib. xv, n. 44, edit. taurinensis.

(4) *De 22. martyrum cruciatibus*, Anl. Gallonii, Congregal. Oratorii presbyteri, Romae 1594, in 4, qui triennio prius jam ediderat eundem tractatum lingua italica, *Trattato degli istrumenti di martirio*, etc.

(5) Cons. Lacl. *De morte persee.* c. 13 et seqq., nec non Euseb. *De martyribus Palaestinae.*

ri atque puellae in toto qua patet terrarum orbe, data optione, supplicia potius eligeant ac saevos quosque cruciatus ea fortitudine et alacritate, ut retineri aliquando vix possent, quominus ipsi se sponte ad immania quaeque offerrent, *quippe certatim gloriosa in certamina ruebatur*, scribit Sulpicius (1), *multoque avidius tunc martyria gloriosis mortibus quaecebantur, quam nunc episcopatus pravis ambitionibus appetuntur*; et dum latrones, subdit Lactantius (2), *et robusti corporis viri ejusmodi lacerationes perferre nequeunt, exclamant, et gemitus edunt victi dolore, pueri et mulierculae tortores suos tacite vincunt, et exprimere illis gemitum nec ignis potest*.

417. 4. Splendidissima identidem ac publica accedebant miracula, quae martyrium christianorum comitabantur, cujusmodi sunt ferarum mansuetudo, luces quibus carceres effulgebant, fontes subito erumpentes, etc. quibus stupore afficiebantur ethnici ipsi, quaeque leguntur passim in sinceris martyrum actis, in Eusebio (3), Lactantio (4), aliisque probatissimis auctoribus (5).

418. 5. Fructus ejusmodi passionum fuit mirabile religionis christianae incrementum, cujus rei testem damus Tertullianum, qui ita praesides alloquitur (6); *Cruciate, torquete, dammate, allerite nos.... plures effici-mur, quoties melimur a vobis; semen est sanguis chri-*

(1) *Sae. hist.* lib. 11. Epictetus apud Arianum lib. 14, c. 7, eos proponebat in exemplum fortitudinis. M. Aurelius eos *vitalis prodigos* vocabat. Cons. Noghiera S. J. *Riflessioni sui caratteri divini del Cristianesimo*, rifl. xx et xxi.

(2) *Div. Inst.*, lib. v, c. 15. Vid. acta s. Laurentii, s. Vincentii, s. Agnetis, Felicitatis atque Perpetuae, Symphoriani, etc. apud Ruinart. Legi non possunt absque commotione ac pietatis sensu genuina martyrum acta; tanta in eis elucet simplicitas

et candor, ut rapiant legentium animos. Quis sane non afficiatur intimo devotionis affectu, qui legat epistolam s. Ignatii M. ad Romanos, ejusque martyrii acta, acta s. Polycarpi, s. Pionii, etc.

(3) *Hist. eccl.* praesertim lib. v. et seqq. et lib. 11, *De martyribus Palaestinae*.

(4) *De mort. persec.*, edit. Bazarzi.

(5) Apud Ruinart, op. cit.

(6) *Apolog.*

stianorum.... nec quidquam proficit exquisitior quasque crudelitas vestra, illecebra est magis sectae. Idem testantur Arnobius et Lactantius (1), nec non Theodoretus, qui praeclara hac utitur comparatione (2): *Sicut lignatoribus silvam cadentibus multo plures pullulant propagines ab radicibus, quam sint rami qui inciduntur; ita tunc quoque, piis compluribus interfectis, multo plures quotidie ad doctrinam evangelicam accedebant.* Quod probe intellexit apostata Julianus, *qui cadentibus videns augeri res eorum* (christianorum), *vita-vit, quae approbare non poterat*, ut scribit ejus encomiator Libanius (3).

419. Quibus sic leviter delibatis, ita concludimus. Facta, quae testata sunt a viginti, triginta, etc. testibus fide dignis, tanquam de visu vel de auditu ab iis, qui immediate ea ipsa perspexerunt, qui interposito jurejurando veritatem confirmant, qui, ne veritatem testatam prodant, patiuntur bonorum jacturam, exilia, adversaque omnia, in quavis legislatione extra omnem dubitationis aleam posita habentur, quin imo summum certitudinis gradum attingunt. Atqui non centum vel biscentum, sed myriades, sed innumeri propemodum ex christianis sunt, qui vel ab initio ipsius religionis ac deinceps nunquam interrupta serie per trecentum plus minus annos in quavis mundi plaga testati sunt facta, quibus christianæ religio nititur, nec solum interposito jurejurando, non solum omni bonorum jactura, sed sanguine ipso effuso inter acerbissimos diuturnosque cruciatus, quos immanissimi

(1) Arnob. *Contra gentes*, lib. II, n. 3, Bibliotheca PP. Galland; Lact. *Div. Instit.* lib. V, c. 23.

(2) Ἄλλ' ὥσπερ τῶν θρυτόμων τὰ ἐνδρα τιμνόντων, πολλὰ πλείους τῶν τιμνομένων ἐκ τῶν ῥιζῶν παραφυάδες βλαστάνουσιν· οὕτω δὲ τηλικαύτη τῶν εὐσεβῶν ἀναιρεμένων, πολλαπλάσιοι τῇ τῶν εὐαγγελίων διδασκαλίᾳ προ-

σέσαν, καὶ αἷμα τῶν ἐκτρηθέντων ἀρδεΐα τοῖς νεοφύτοις ἐγίνετο. Serm. 12, *De legib. tom.* IV, edid. Sirmondi.

(3) *Parentalia in Julianum*, n. 39. Τοῦτ' οὐ αἰτιώμενος καὶ ταῖς σφαγαῖς ὁρῶν ὑψημένα τάκτιναι, ἔφραγεν ἃ κατεμίμνητο. In *Bibl. Fabricii*, vol. II, edid. Hamburg. 1715.

tyranni excogitare potuerunt. Ergo christianorum martyrum testimonium pro christianae religionis veritate tale est, ut non modo quaecunque juridicam probationem, sed et legum et naturae ipsius limites excedat (1).

420. Rursum : Spectata infirma communi hominum conditione, moraliter saltem impossibile est, ut tanta fortitudo, tanta animi quies, pax et alacritas in dirissimis diuturnisque ferendis suppliciis, qualis in martyribus christianis apparuit cujusque aetatis, sexus ac conditionis, per tot saecula, humanae ac naturali alicui causae tribui possit; impossibile est, ut homines ceteri non deterrentur ab eo amplectendo instituto, in quo certissimae ac cruentissimae morti se exponerent, nisi peculiari divino aliquo afflatu commoverentur. Quod si vehementissimae huic praesumptioni accedant miracula publica ac testatissima, nulli amplius dubitationi locus esse potest de divina ac supernaturali ejusmodi fortitudinis et constantiae causa; seu quod idem est: Christianorum martyrum testimonium, omnibus ejus adjunctis perpensis, validissimum pariter est divinae Christi missionis argumentum.

DIFFICULTATES

421. I. Obj. Christianorum martyrium nihil evincit, si vel 1. ex stupiditate, vel 2. ex furore mentis et animi (fanatismum vocant), vel 3. ex inanis gloriae cupidine, vel 4. ex spe emolumenti, vel 5. ex inani expectatione honorum futurorum repeti possit ac debeat. 6. Quis enim ignorat cafros, nigritas, japoses aliosque barbaros vel se praecipites e rupibus dare, vel ante idolorum plaustra se sternere in viis, ut ab iis conterantur,

(1) Optime Sulpicius Sev. lib. 11, *Sac. hist.* relata serie decem acerbissimarum persecutionum concludebat: « Nullis unquam magis bellis mundus exhaustus est; neque majore

re unquam triumpho vicimus, quam cum decem annorum stragibus (postremae nempe persecutionis) visi non potuimus »

vel indorum viduas se in ignem immittere, ut sese martiris vita functis jungant, tum ne se infamia polluant? Praeterea 7. si non poena sed causa martyrem facit, ut fert receptum religionis axioma, profecto dum concluditur veritas christianae religionis quia martyres habuit, supponitur id quod est in quaestione (1); ergo.

422. Resp. ad 1. *Tr. maj.*; *neg. min.* quoad singula membra; nam christianorum martyrium repeti non potest primo a *stupiditate*, cum plures litteris ac scientiis floruerint ex iis qui vitam pro Christo ultro dederunt. Ea enim aetate persecutio contigit, qua imperium romanum optime adhuc erat excultum. Nemo adeo bardus et stupidus est, ut data optione inter delicias et supplicia, inter libertatem et carceres, vitam et mortem, nesciat se determinare ad ea, ad quae illicitur a natura ipsa; demum ipsa sanctorum martyrum acta evincunt, nonnisi causa probe cognita atque ex intima veritatis persuasionem eos sanguinem fudisse.

423. Ad 2. Neque ex *animi furore* seu *fanatismo*. Qui enim agitur aestu fanatismi, caeco impetu ruit; ast quies animique tranquillitas, quam in cruciatibus acerbissimis martyres nostri praescerebant, responsa sapientissima, preces quas pro persecutoribus in ipso martyrii actu fundebant,

(1) Ita auctor libri *Examen de la religion*, chap. 6, nec non levissimus ac nugacissimus auctor libri; *Promenades dans Rome*, D. de Stendhal, Paris 1829, tom. II, p. 13 et seqq., qui ut moris est ejusmodi peregrinatorum qui eruditionem ostentant, quidquid confert ad depressionem religionis catholicae ac Romanorum Pontificum, congestis sparsimque per totum librum disseminavit. Obsolete fabulas ab heterodoxis ipsis repudiatas de Joana papissa ejusque partu recantat. Alenim prae-ter Bayle Leibnitius eruditam scripsit dissertationem, cui titulum fecit. *Flores sparsi in tumultum Jo-*

annae papissae, atque impressa fuit in *Biblioth. hist. gottingensis*, qua ad nihilum redegit omnia supposita fundamenta hujus fabulae; attamen D. de Stendhal serio quaerit eam confirmare eruditionis peregrinae apparatu, et solitas protestantium naenias obtrudit, sive ad rem faciendam sive non, dummodo contemptum ipse inspiret catholicae religionis; haec enim loca sunt communia omnibus ecclesiae hostibus, quas ipse continue recoquit. Difficile esset omnia mendacia et falsitates enumerare, quibus ejus opus scatet, atque in pluribus quae refert factis supinam ignorantiam ostendit.

amor quo complectebantur inimicos suos, legata quandoque facta de bonis suis in favorem carnificum qui eos trucidabant, non arguunt certe caecum animi impetum atque furorem. Fanatismus praeterea seu caecus animi furor nec omnes invadit, nec diuturnus est; at in casu nostro abripere debuisset doctos et indoctos, nobiles atque plebeios, senes, juvenes, puellas ipsas, ad universam terram sese extendere debuisset ac per tria continentia saecula. Cui haec suadere increduli poterunt?

424. Ad 3. Neque ex *inani gloriae cupidine*, quam bene norant a religione nostra proscribi, per quam omnem martyrii fructum amisissent; plures in speluncis ac silvis vel fame perierunt, vel a feris devorati sunt a nemine cogniti nisi a solo Deo. Infamia publica notati erant; plures conglobatim occisi vel combusti erant, adco ut certi essent sua nomina ad posteritatem perventura minime esse. Denique magis a gloriae cupidine quam a gladio vel igne sibi timebant (1).

425. Ad 4. Neque a *spe emolument*i, quae absurda fuisset, dum potius omnium bonorum jacturam pati deberent, ac nonnisi uno gradu a morte durissima dividerentur. Divites ac nobiles hac spe moveri non potuissent; innumeris, si resipuissent, opes, honores, commoda, officia publica offerebantur.

426. Ad 5. Neque demum ex *inani futurorum bono-*

(1) Quot vero sunt ignoti martyres, de quibus cecinit Prudentius in *Peristeph.* hymn. 11:

*Reliquias memini me didiciasse hominum,
Quorum solus habet comperta rotabula Christus,
Utpote quos propriae junxit amicitiae;*

quique, ut de justis V. T. scribebat Apostolus (Hebr. 11, 37 et seqq.),

« circumierunt in molis, in pelli-
bus caprinis, egentes, angustati,
afflicti... in solitudinibus errantes, in
montibus, et speluncis, et in ca-
vernis terrae ». Innumeri prope sunt
qui profecto nullo poterant gloriae
stimulo moveri ad talia perferenda.
Cons. P. Ansaldi, Ordin. praedie. in
opere, « De causis inopiae veterum
monumentorum pro copia martyrum
dignoscenda adversus Dodwellum, »
Mediol. 1740.

rum expectatione, nisi certum ac persuasum ipsis fuisset divinam esse illam fidem, quam proprio sanguine obsignabant; neque ignorabant hæc apostoli dicta: *Si Christus non resurrexit, vana est fides vestra, inanis prædicationis nostra; si mortui non resurgent, miserabiliores sumus omnibus hominibus; manducemus et bibamus eras enim moriemur.*

427. Ad 6. seu 1. confirmat. *D.* Qui se ipsos interimant juxta propriæ superstitionis impulsus, *Tr.* qui ab aliis mortem sustineant ad testificandam propriæ religionis veritatem *N.* Patet proinde ingens discrimen, quod intercedit inter infelices illas superstitionis propriæ victimas, et christianos martyres qui minime in se manus intulerunt, sed ab aliis mortem sibi illatam sustinuerunt ad facta testificanda, quorum vel spectatores vel testes de auditu fuerunt, ut in probationibus adnotatum est. Itaque in illis caecus furor, in his veritatis testificatio agnoscenda est (1).

(1) Atque hinc in irritum recidunt, quæ citatus Stendhal loc. cit. scribit: « Notre sympathie nous donne l'idée d'une douleur, qui réellement n'a jamais été sentie, la plupart des martyrs étaient plus ou moins dans l'état d'extase. De 1820 à 1823 six cents femmes du Bengale se sont brûlées sur la tombe des maris qu'elles n'aimaient point. Voilà un sacrifice vraiment senti, une douleur réellement atroce. Il est bien plus aisé de braver la mort pour les intérêts d'une théorie métaphysique, soutenue par des gens d'esprit, qui de leurs discours tirent leur subsistance; ils persuadent aisément aux âmes poétiques qu'elles vont acquérir un bonheur éternel au prix d'une douleur de quelques heures... il paraît que ces moments de passion profonde, d'insensibilité et d'extase se sont souvent reproduits dans ces épidémies d'enthousiasme dont on trouve tant de traces dans l'histoire, toute impar-

faite qu'elle est jusqu'ici. M. le D. Bertrand a fait un ouvrage estimé sur cet état d'extase, dont le magnétisme reproduit à volonté l'insensibilité parfaite (*Recit. de M. Cloquet*, en avril 1829). At 1. unde didicist majorem martyrum partem extra se raptos fuisse, cum id non legatur nisi de uno vel altero? Certe auctor noster acta martyrum neque a limine se salutasse ostendit, dum talia obtrudit. 2. Quo fundamento aserit christianos martyres ob theorias metaphysicas subiisse martyrrium, et non potius, ut ostendimus, ad testificanda facta quæ sub sensibus cadunt? 3. Qua fronte audeat præferre viduas indicas in ignem se conjicientes martyribus christianis, qui ab aliis illata tormenta et immanissimos cruciatus perferebant, dum illæ vero fanatismo abreptæ, seu potius ad effugiendum publicum ludibrium et ignominiam id præstant, ut refert Bartoli in *Asia*, nec ipse

428. Ad 7. seu 2. confirmat. *Neg.* ex duplici ratione. Ac 1. quidem nulla datur circulatio, ut ajunt, seu petitio principii, dum per effectum assurgitur ad causam, vel a causa proceditur ad effectum; quando ex.gr. dicitur: *Homo vivit, ergo respirat*, vel e converso: *Homo respirat, ergo vivit*, ut dialectica docet. Jam vero in casu nostro ab effectu, multitudine nempe, fortitudine ceterisque adjunctis martyrum christianorum inferimus veram ac divinam esse religionem christianam, in qua et pro qua illi occubuerunt. 2. Quia jam constituta veritate et divinitate christianae religionis argumentis tum intrinsecis tum extrinsecis petitis ex miraculis, vaticiniis, doctrinae Christi sanctitate aliisque superius allatis, magis magisque eadem veritas confirmatur et robo-

diffitetur paulo infra dicens: « Ces jeunes femmes de l'Inde se brûlent par honneur, comme en Europe on se bat en duel? 4. Quomodo persuadere poterit sibi vel aliis, christianos martyres omnis et aetatis et sexus et conditionis totidem fuisse animas poëticas, qui absque fundamento voluerint omnibus atrocitatibus subijci ob inanem spem? Nonne plures doctissimi viri et philosophi martyrio coronati sunt? Imo illi ipsi, qui juxta Stendhal ceteros exhortabantur, nonne illi erant qui potissimum ad necem querebantur, episcopi nempe et presbyteri? 5. Si persuadebantur fortiter exigui temporis tormenta sustinere ad aeternam vitam sibi comparandam, ergo non erant extra se positi ac quodammodo insensibiles, ut *plerosque* fuisse asseruit auctor noster; mentita nempe jam his est iniquitas sibi. 6. Si epidemia enthusiasmi ita afflicbat martyres, ut eos velut extra se raperet in stalum extasis et insensibilitatis, qui factum est, ut tot vi tormentorum devicti deficerent, atque spectatores christiani saepe adeo cum tanto suo periculo debuerint vacillantes ad constantiam hortari? 7. Extasis, quam magne-

tismus excitat, et de qua frequenter adeo medicina loquitur, est status morbosus: nec de alia loquitur Alex. Bertrand, cujus operis compendium exhibet *Biblioth. univ. Genev.* tom. xxxvi, p. 63, 215. Jam vero numquid status morbosus potuit esse communis in universo terrarum orbe omnibus et juvenibus et senibus, viris, foeminis, etc. et quidem per tria saecula, et renovatus quoties recrudit in catholicos persecutio, et quidem privative christianorum seu catholicorum? Tales sunt magni sapientes christianae et catholicae religionis impugnatores! Quod spectat ad extases, quas interdum unus vel alter martyr est passus, istae non alundo quam a Deo servis suis opitulante peti possunt, ut patet ex ipsis actis ss. Felicitatis et Perpetuae, quae adversarius noster commemorat. Quae enim in illis recensentur de 4. Perpetua nihil habent commune cum extasibus magnetismi; si tamen verum est quod magnetismi patroni praedicant, cum certum sit ex allatis documentis, ubi agebamus de miraculis, saepius magnetismum suum effectum non sortiri, ac plura illi tribui, quae falsa sunt?

ratur ex ceteris motivis credibilitatis, cujusmodi sunt religionis christianae propagatio, conservatio et martyres in suis adjunctis considerata, quae sunt totidem vaticiniorum Christi adimplementa; falsum propterea est a nobis supponi quod est in quaestione.

429. II. Obj. 1. Religiones omnes, aegyptia, pagana, islamitica, atque in sinu ipso christiane religionis montanistae, donatistae, anabaptistae, protestantes suos proferunt martyres. Hinc prodierunt martyrologia anabaptistarum, quorum meminit Bayle (1), martyrologium anglicanorum, quod edidit Fox (2), protestantium, quod inter ceteros confecit Geddesius (3). 2. Freret contendit, primo ipso ecclesiae saeculo disputatum esse de vi argumenti quod a martyribus ducitur (4). 3. Validior quaeque animi commotio, ait auctor *Fabulae Sanctorum*, aut sectae augendae cupido tenebras offundit, ne ea expendantur quorum causa pugnatur; eo vel magis quod primis ecclesiae saeculis non defuere pastores, eloquentia non minus quam fanaticismo valentes, qui simpliciorum imaginandi vim inflammarent. 4. Procedente tempore ita deferbuisse martyrii studia, ut jam christiana religio divinitatem suam hoc argumento tueri non possit; ergo.

430. Resp. ad 1. D. Proferunt eos quos martyres vocant, C. qui martyres sint cum omnibus illis adjunctis quae martyres nostros comitari ostendimus N. Haec enim solius religionis christianae seu catholicae propria sunt. Qui enim ab adversariis nostris martyres vocantur

(1) In Dict. crit. art. *Anabaptistes*, remarque F.

(2) *Acta et monumenta ecclesiae*, vol. 3. in fol., quae recusa sunt sub titulo *Martyrologium* an. 1684.

(3) Michaelis Geddesii martyrologium eorum qui in Hispania ob professionem religionis protestantium supremo supplicio affecti sunt, ex an-

glico latine convertit et vulgavit Mosheimius, praemissa epistola amarulenta, 1732, in fine suarum dissertationum ad Hist. eccl. pertinentium, vol. 1. Altonaviae et Flensburgii 1733, edit. 2.

(4) Spedalieri, *Annal. dell'eresia crit.* etc. p. 110 et seqq.

non sunt 1. nisi pauci; 2. nulla plerumque inter se fidei seu religionis communione colligati, qui pro *sua* potius *sententia*, quam pro religione pugnent, vel saltem qui non ad testificanda aliqua facta, sed ad asserenda tantum quae in opinionibus speculativis seu in contemplatione posita sunt, ad adstruenda nempe propria placita; 3. plerique absque optione justo supplicio graviorum criminum rei damnati sunt, cujusmodi fuere donatistae (1), anabaptistae (2), protestantes sub Carolo V (3), vel in

(1) S. Augustinus, auctor coae-vus, qui Donatistas bene noverat, *Epist.* 88, alias 68, quae totius cleri hippoensis nomine data est ad Januarium episcopum donatistam, descripta mira Circumcellionum feritate, ita concludit n. 8: « Vivunt ut latrones, moriuntur ut Circumcelliones, honorantur ut martyres. *Et lib.* 1, contra epist. Parmeniani, c. 8: Si quisquis ab imperatore vel a iudiciis ab eo missis poenas luit, continuo martyr est, omnes carceres martyribus pleni sunt, *et c.* x, *illorum mores describens* ait: Inobedientes atque impii nec Deo reddunt christianum amorem, nec regibus humanum timorem; *ac rursus. lib.* 11, cont. Epist. Parm. c. 3. Isti, *inquit*, cur non se respiciunt, quorum catervae gregum furiosorum huc atque illuc armatae ferro ac fustibus volitant, et tam crebris, ubi potuerint, stragibus, nequaquam tamen tanta immanitate satiantur, ubi perusta cadaverum eorum cum foetibus quae cum illis passim commixtae contra ordinem rerum divinarum et humanarum diebus ac noctibus evagantur, tanta fervet ebrietas ut inde insaniam quotidianam non solum alios insectandi, sed etiam seipsum praecipitandi concepiant; et alibi passim. Cons. praeterea s. Optatus Milevitanus, *De schismate Donat.* lib. 111, c. 6. Tales porro sunt martyres, quos cum nostris conferunt increduli!

(2) De anabaptistis satis est in medium afferre, quae de ipsis scripsit Bayle, art. cit. « Ils enseignèrent que la puissance des princes était une usurpation, et que les hommes sous l'évangile doivent jouir d'une pleine liberté. *Ac de Munzero, praecipua sectae auctore* ait: Munzer devint si téméraire qu'il exhorta hautement les peuples à résister aux magistrats, et à contraindre les souverains à se défaire de l'autorité. Un tel Evangile plut si fort aux paysans d'Allemagne, qui trouvaient un peu trop rude le joug de leurs maîtres, qu'ils se soulevèrent en mille lieux, et qu'ils commirent une infinité de violences. On leva des troupes contre eux, on les battit aisément, on en fit mourir un très-grand nombre ». Jam vero seditio, rebelles, conspiratores contra legitimam potestatem, digni profecto sunt qui martyrii laurea ab incredulis donentur. Sed ad penitus cognoscendos furores ejusmodi sectorum legatur *Histoire des Anabaptistes*, Paris 1793, nec non *Histoire de l'hérésie de Wicleff*, de Jean Huss et de Jérôme de Prague, Lyon 1682, item Gerardi Crossii *Historia Quackeriana*, lib. 111, Amstel. 1693.

(3) De quibus scribit post Grotium, *Annal. de rebus Belgicis*, pag. 112, edit. fol., Paulus Sarpi in *Hist. Conc. Tridentini*, lib. 111, atque ex ipso Gibbon, op. cit. cap. 16; ubi, quum innumeris mendacijs subtilique

Galliis vel alibi mulctati; et inter incredulos Caesar Vanini ob patrata flagitia, vitiatæ præsertim juventutis (1), ceterique passim, quos increduli vel protestantes ut martyres venditant. Tantum abest, ut supernaturalia cetera

astu extenuare numerum christianorum martyrum tentaverit, refert ex auctoritate Grotii, sub Carolo v, 100 milia, vel saltem 50 protestantium milia, ex testimonio Sarpii, carnificis manu interemptos. Ast notum est in immensum ejusmodi numerum autum esse, ut patet ex ipsa Grotii et Sarpii supputatione; deinde in bello occubuisse Belgas illos qui jugum excusserant imperatoris et mulctatos tanquam perduelles. Quod spectat ad calvinianos qui in Galliis subinde poenas dederunt, certum est eos ubique suis doctrinis inhaerentes civis motus excitasse adversus legitimam auctoritatem. Dixi *suis doctrinis inhaerentes*; siquidem Franciscus I. ut refert Brantôme, affirmabat: « Le calvinisme et toute autre nouvelle secte tendent à la destruction des royaumes, monarchies et dominations ». Calvinus saepe elamat adversus auctoritatem eruentem regum, eorumque ferocem licentiam, vellet ipsos variis subditorum ordinibus subicere, eos nonnisi populorum tutores appellat, eisque obicit turpem ignaviam velut perfidiam. Nota sunt *Principia Paris*; *Indicia contra tyrannos* Huberti Languet, qui magis notus est sub numine *Junii Bruti*, qui hoc opus conscripsit, teste ipso protestante d'Aubigné, ut animos adderet reformatis ad conjurationem Ambacii. Agnoscitur liber *excecrabilis*, inquit Grotius, Boucher et Ministri Bureau du Rozior, in quo auctor conatur ostendere, ut loquitur quidam protestans: « Qu'il est loisible de tuer leurs rois et roines ne voulant obéir à la religion prétendue réformée et porter le parti protestant. Demum ceteris omisitis, ex confessione ministri Jurieu: Le cardinal de Richelieu, ôtant aux prétendus réformés leurs places de su-

reté, agit plutôt par une sagesse politique que par un zèle de religion. Il voyait que c'était un état dans un état et que ces villes étaient des retraites de rebelles et de mécontents ». Sane vix est aliqua rebellio quæ in Europa a trecentis circiter annis excitata est, quæ ab ipsis non prodierit. Neque ejusmodi spiritus in ipsis immutatus est, siquidem paucis alihinc annis celebris protestans scripsit: *Si la réforme a fait la révolution, c'est son plus bel ouvrage*. Cons. *Memorial catholique*, II. année, tom. IV, Juillet 1825, p. 21. et seqq. Cons. præterea *Histoire du fanatisme*, par Mors. de Brueys, Utrecht 1757, 2 vol. in 8. Idque, ut notatum est, ex ipsa reformationis seu protestantismi natura ac doctrina per applicationem principii fundamentalis independentiæ religionis ad statum politicum. Quare non est quod obtrudant, ut nunc faciunt nonnulli scriptores protestantes, catholicorum in aliquibus provinciis rebelles motus, cum hi contra catholicum principium seu doctrinam exorti sint, et fructus spectari debeant ipsius protestantismi qui et in catholicos nonnullos influxit. Sane ubique fere qui tales motus machinantur, religionis catholicæ hostes infensi sunt et religionis catholicæ sacerdotes persequuntur.

(1) De Julio Cesare Vanini atheismi pseudo-martyro consulendus Barthol. Gramondus testis ocularis, in *Historia Galliae*, lib. III, qui refert eum furore percitum fuisse, cum cognovit nihil sibi profuisse simulatam catholicæ religionis professionem ad promeritas poenas evadendas. Tales sunt plus minus omnes heroes; quos sive increduli sive protestantes in fastis suis recensent. Sibi eos habeant.

dona in iis eluceant, quae martyres christianos summopere exornarunt! Ad confirmat. *Hinc prodierunt martyrologia*, etc. *D.* quae in censu martyrum et sanctorum recensent facinorosos quosque ac perduelles, atque ob propria crimina mulctatos, *C.* martyres proprie dictos *N.* Quid enim testati essent ejusmodi pseudomartyres nisi propria placita privatasque sententias? Recolantur, quae superius adnotata sunt circa veri martyris characteres (1).

431. Ad 2. *D.* Quatenus nempe, ut supra dictum est, non poena sed causa martyrem facit, *C.* alias *N.* Etenim inter validissima christianae religionis et ecclesiae divinitus institutae argumenta *verum martyrium* primos ecclesiae patres attulisse Clemens romanus, Justinus, Irenaeus, Cyprianus, Hieronymus, Lactantius alii-que passim testes luculentissimi sunt (2), satis sit hic

(1) De martyrologio foxiano, quod aequè in martyrologium Geddesii quadrat, dicit auctor opusculi *A sure way to find out the true religion*, D. Baddeley, edit. American. Boston 1831: c. hic liber sanctorum et martyrum mendacis scatel, nam raro integra est aliqua historia in hoc immenso volumine, quae aliqua ratione falsificata vel subversa non sit... Percurram tamen primos sex menses kalendarii foxiani, et verum protestantium istorum sanctorum et martyrum characterem exhibebo. Speciminis gratia ne longiores simus haec pauca exempla bonae fidei Foxii ex citato auctore afferimus: 2. die Januar. *Joannes Wicleff martyr*. Ast iste Wicleff minime occisus, neque in carcerem ob haeresim conjectus est, sed in suo lectulo Lnterworth in Leicestershire diem obiit supremum. 5. Januar. *Wilhelmus Swinward martyr*, anno 1400. Quamvis ipse Fox dicat eum anno 1401 post duodecim menses, non magno affectum infortunio fuisse; neque ipse scit quid de illo factum fuerit. 7. die Jan. *Roger Acton mar-*

tyr. Hic in vitam Henrici V conspiravit, atque in aperta seditione caplus et ob proditorem suspensus est, non jam, ut refert Fox 7. Januar. 1401, sed 10. Febr. 1414. 8. Jan. *Joannes Brown martyr*. Ex ipsis perduellionibus fuit, et ob eandem causam laqueo interijt; et sic dicatur de caeteris ejusdem farinae hominibus vel conspiratoribus vel latronibus, etc. quos in album sanctorum et martyrum refert Fox. Cons. op. cit. pag. 54 et seqq. Ipse Pearsonius exprobrat Joanni Fox falsas citationes, prava ratiocina, etc. Cons. Feller, *Dictionnaire historique*, art. *Jean Fox*. Sed prae ceteris circa kalendarium foxianum legi debet opus P. Personii S. J. de conversionibus anglorum, cui titulum fecit: *The third part of a treatise entitled conversions of England*, etc. anno 1604, sine loco, tom. II, p. 3, c. 1 et seqq., ubi inter cetera ostendit plures in vivis adhuc fuisse, quos Fox in suum retulerat martyrologium!

(2) S. Clem. *Epist.* 1 ad Cor.; 1. Just. *Apol.* II, n. 10 et 12; 3. Iren. *Cont. haereses*, lib. IV, c. 33, n. 9;

s. Hieronymi verba proferre: *Cum quis viderit, inquit, tanta perseverantia stare martyres atque torqueri, subito tacita cogitatio quod, nisi verum esset evangelium, nunquam sanguine defenderetur.*

432. Ad 3. D. In perbrevis quodam mentis aestu, Tr. ad longum tempus primoque illo aestu defervescente N. Hi enim animi furores et commotiones, ut experientia constat, in primis non omnes ubique pervadunt, deinde brevi dissipantur ac maturae deliberationi locum cedunt. Jam vero christianorum martyria per universum terrarum orbem ab omni ordinum classe et per plura saecula celebrata sunt: *Steterunt torti torquentibus fortiores*, inquit s. Cyprianus (1), *et pulsantes ac laniantes ungulas pulsata et laniata membra vicerunt.* Quod vero additur de viris eloquentia pollentibus, nil aliud evincit nisi mentitum esse iniquitatem sibi, dum affirmarunt increduli, nonnisi rudes et plebeios ab initio christianae religionis amplexatos evangelium fuisse. Quaecunque enim vis eloquentiae sit, nunquam efficit ut homines passim bonorum directionem, exilia, exquisita tormenta ad longum tempus perferant.

433. Ad 4. D. Cum desiere persecutiones, C. quoties istae recruderunt N. Ecclesiae enim catholicae nunquam defuere martyria, ut patet ex martyribus qui tum sub imperatoribus ac principibus arianis, iconoclastis, etc. passi sunt, tum hac ipsa nostra aetate, quia nunquam ipsi defuerunt persecutores. Praetermissis enim vetustioribus temporibus, japonenses aemulati sunt pristinos martyres, sive numerum species, sive conditionem, sive tormentorum atrocitatem (2). In Anglia et Hibernia ad plura pariter hominum millia, praesertim sacerdotio aut nobi-

s. Cypr. Epist. LVIII; Lact. Div. Institut. lib. v, c. 13; s. Hier. Ad Hebraeos. q. II.

(1) Epist. ad Mart. et Conf.

(2) Cons. Bartoli, Storia del Giappone; Crasset, Histoire de l'Eglise du Japon; Segneri, L'incredulo senza scusa, part. 2, c. 16.

litate praestantium, ad haec fere tempora pro catholica fide omnia vexationum genera sustinuerunt (1). In Gallia sub finem elapsi saeculi, ut superius notavimus, plures catholicorum myriades occubuerunt, in quibus religiosi, moniales, sacerdotes, episcopi heroicam plane fortitudinem ostenderunt (2). Hinc ea ratione qua quoties ecclesiae hostes eam aggressi sunt, toties victi fuere, et ecclesia semper novos celebravit triumphos, sic quoties eam aggredientur, toties vincentur (3).

434. III. Obj. Martyres christiani, non pro religione, sed ob alias omnino causas occubuerunt; etenim vel ob impacta crimina *incendii*, *atheismi*, *superstitionisve maleficae* nocati sunt; vel tanquam rei de oedipodeis incestibus, thiesteisque coenis et infanticidiis, occasione carpoeratianorum, sub Hadriano mulcati sunt, vel denique ut perduelles ab imperatorum legibus; ergo.

435. Resp. D. antec. Interdum ob alias causas fucatis coloribus apparentes, Tr. reales N. Etenim 1. Justinus sic imperatores alloquebatur: *Rogamus ut qui convictus fuerit puniatur ut improbus, non autem ut christianus* (4); et Tertullianus (5) pariter: *Nemo illis christianus, nisi hoc tantum*, et ita passim reliqui apologetae et martyrum acta loquuntur. 2. Per *Atheismum*

(1) Cons. Bartoli, *L'Inghilterra*. Recolantur praeterea quae superius notata sunt de haereticorum sortitis. Lingard, *Storia dell' Inghilterra* tradotta dal sig. Gregori.

(2) Barruel, *Histoire du Clergé de France pendant la révolution*.

(3) Pulchra similitudine utitur Segneri, *L'incredulo senza scusa* part. II, c. 10, ad exponendum duplicem effectum quem persecutiones in ecclesia producant, his verbis: « Si fe chiaro, come i nemici di quella (chiesa), con tante scosse non le avevano arretrato finalmente altro danno di quello, che si arrechi ad un incensiere con agitarlo incessante-

mente per l'aria, che fu l'avvivarsi ad un'ora di dentro l'ardore della carità, di fuori la fragranza del buon esempio ».

(4) Apol. I, n. 7. En ejus verba: « Ὅσον πάντων τῶν καταγγελλομένων ὑμῖν, ταῖς πράξεις κρίνισθαι αἰτιούμεν, ἵνα ὁ ἐλιγχνεῖς ὡς ἀδίκος κολασθῇται, ἀλλὰ μὴ ὡς χριστιανός ».

(5) Tert. in Apol. c. 44. Cons. Ansaldi, Diss. cit. *De causis inopiae monument.* adversus Dodwell, p. 4; Euseb. *Hist. eccl.* lib. III; Noghera, *Riflessioni sui caratteri divini del cristianesimo*, Riflessione 20.

et superstitionem maleficam christianam professionem designabant juxta praeconceptas ethnicorum opiniones, ut notum est. 3. Tacitus (1) ipse scribit incendium fuisse praetextum, quo usus est Nero ad christianos insectandos. 4. Impacta christianis crimina incestus, etc., vel erant apertae calumniae ab ipsis ethnicis excogitatae ad invidiam conflandam christianae confessioni, vel si ex occasione carpocratianorum aliorumque haereticorum exortae sunt, nonnisi ad brevissimum tempus praevaluerunt, ut enim tradit Eusebius (2), semper ecclesiam catholicam, quam *κρατούσαν* seu *praevalentem* vocabant, ipsi ethnici a quibuscumque sectis discreverunt et agnoverunt. 5. Dummodo christiani fidem ejuras-

(1) *Annal.* lib. xv, n. 44.

(2) *Hist. eccles.* lib. iv, c. 7. Cum relulisset gnosticos (sapientes seu illuminatos, prout se vocant non paucarum nostrorum temporum sectarum), a Carpocrate prodixisse, docuit debere unumquemque flagitia obscenissima perpetrare ad sibi conciliandos mundi rectores, indeque prodixisse tot ethnicorum in christianos calumniis de incestibus cum matribus et sororibus, et consecrandis dapibus, praeclarum hoc exhibet testimonium de ecclesia catholica; Ἡ τῆς καθολοῦ καὶ μόνης ἐκκλησίας λαμπρότης, τὸ σεμνὸν καὶ εὐκρινὲς καὶ ἐλευθέριον τὸ τε σὺφρον καὶ καθαρὸν τῆς ἐνδοῦ πολιτείας τε καὶ φιλοσοφίας εἰς ἅπαν γένος Ἑλλήνων τε καὶ βαρβάρων ἀποστήλβουσα συναπίσθη γούν ἅμα τῷ χρόνῳ καὶ ἡ κατὰ παντὸς τοῦ δόγματος διαβολὴ ἔμνη δι' μόνῃ ἄρα παρὰ πᾶσι κρατούσα καὶ ἀνεμολογοῦμένη τὰ μάλιστα διακρίπτειν ἐκείνῳ καὶ συμφροσύνη διότις τε καὶ φιλοσόφους δόγμασιν, ἡ καὶ ἡμᾶς διδάσκαλία, id est, *Catholica ecclesia*, quae sola vera est, et semperque sui similis et constans, novis quotidie incrementis augebatur, gravitate, sinceritate ac libertate, modestia denique ac sanctitate vitae cujusdam, philoso-

phiaeque divinae omnium oculos, non graecorum modo, verum etiam barbarorum perstringens; simul etiam extincta est temporis lapsu calumnia illa quae universae religioni nostrae afflicta fuerat (puto Sismondi hic dicturum non esse ferro et igne ecclesiae catholicae), mansitque tandem disciplina nostra sola omnium constanti superior et victrix, ac praeter reliquis sectis modestia, gravitate, divinaeque sapientiae praeceptis excellere ab omnibus iudicata. Deinceps hinc factum refert, ut ecclesia catholica dicta fuerit a gentilibus *ἡ κρατοῦσα δόξα*, et catholici *κρατοῦντες*. Et sane hoc nomine Damascius in *Isidori Vita*, p. 1058 donat ecclesiam catholicam, ac rursum pag. 1072 idem apud Suidam disersens de Ammonio; sic etiam ante ipsum Porphyrium, in libro *De oraculorum philosophia*, apud Euseb. *De praev. evang.* c. 10, et Theodoretus, lib. *De curatione graecanicarum superstitionis*, id ipsum observat, imo ipso Julianus in *Misopogone*, p. 99. τῶν κρατούντων, de iis qui tunc praevalabant loquitur. Cons. Valesius in notis ad citatum Eusebii locum. Miror quomodo eruditi protestantes ista non viderint.

sent, tanquam absoluti et immunes ab his omnibus criminibus habebantur. 6. Ideo perduelles declarabantur, quia respondebant: *Obedire oportet Deo magis, quam hominibus* (Act. V, 29). 7. Addo, quod si ob impacta ejusmodi crimina saltem ut apparentes praetextus, christiani interficiebantur, ergo infero, non temporalis quae-stus, non inanis gloriae cupidine, non sectae augendae causa, non animi furore, ut deistae contendunt, martyres mortem obibant, cum nonnisi infamia eos sequeretur, sed unius veritatis gratia sobrii prudentesque sanguinem dabant.

436. Inst. Plures quovis tempore apostatae fuerunt; ergo.

437. Resp. *Tr. antec. N. vel D. cons.* Et istorum apostasia propriam arguit imbecillitatem, divitiarum, honorum, voluptatum, etc. amorem, *C.* arguit infirmitatem argumentorum christianae religionis, quam deseruerunt *N.* Imo istorum ignavia ceterorum fortitudinem exultat tanquam vere divinam. A cruciatibus enim vinci hominis est, cruciatus vincere christiani. Contra propriam vero conscientiam et persuasionem atque ex ignavia eos cecidisse, duo sunt quae ineluctabiliter evincunt, 1. quod plures resumptis viribus novo se certamini committerent, et qui in prima pugna victi sunt, in altera fuere victores; 2. quod, vix pace ecclesiae reddita, illico turmatim lapsi non solum precibus, sed et lacrymis et gemitibus episcopos obsiderent, ut pacem et veniam patrati criminis consequerentur, ac durissimis publicae ac diuturnae poenitentiae laboribus se subjicerent ad ejusmodi pacem obtinendam (1).

(1) Cons. Morinus, *De poenitentia*; Petavius, *De poenitentia*; Machius, *De orig. christ.* et s. Cyprianus passim in suis epistolis. Novatiani schisma originem cepit ex ac-

cusatione quam ipse intulerat ecclesiae romanae, quod pacem lapsis poenitentia funcilis concederet, atque rursum ad communionem suam eos admitteret.

eorum quae hactenus proposita sunt summa atque
conclusio.

438. Jam praestat institutae disputationis adversus incredulos summam colligere, tum ut inde pateat argumentorum nexus et vis quibus nostra doctrina constituitur, tum ut consecutionum series deducatur ex iis quae confirmare studuimus, tum denique ut ex parallelismo impugnationis incredulorum planum fiat quam levibus nitantur momentis, qui fidem adhibere religioni detrectant.

439. Ad primum quidem quod attinet, ex dictis patet possibilem divinam ac supernaturalem aliquam revelationem esse, sive ex parte hominis, sive ex parte rei revelatae (1). Dari insuper certissimas notas quibus divina ac supernaturalis haec revelatio probe secernatur a quacunque hominum fraude, cujusmodi esse ostendimus, tum ex se, tum ex omnium gentium consensu, *extrinsecas* miracula et vaticinia eventu comprobata, *intrinsecam* sanctitatem doctrinae, quae tanquam revelata perhibetur, quae nempe promoveat gloriam Dei et utilitatem hominum (2). Hanc porro revelationem etiam ex ea tantum parte quae complectitur officia hominum erga Deum, erga seipsos et erga societatem, quae nempe absolute captum hominis non excedunt, non solum utilem, sed plane necessariam, saltem morali necessitate, esse ex triplici capite collegimus, quae totidem facta sunt ab omnibus historicis monumentis testata; ac 1. quidem ex eo quod nulla gens unquam fuerit vel sit, quae, divina hac supernaturalique revelatione destituta, vel di-

(1) Cap. I, Prop. I.

(2) Cap. III.

gnum Deo cultum exhibuerit, vel plus minus in gravissimos errores non impegerit contra sanae ethices principia; 2. ex eo quod nulli unquam philosophi vel sapientes idonei fuerint vel sint, ex triplici intrinseco ipsis inherente defectu, ad homines retrahendos a gravissimis ac perniciosissimis recensitis erroribus, eosque in officio continendos; 3. demum ex eo quod humana ratio, nullis aliunde suffulta praesidiis, motiva sufficientia non praebeat ad homines in officio continendos atque a vitiis retrahendos, etiam in iis quae naturali rationis lumine cognosci possunt (1).

440. His constitutis investigavimus, utrum divina bonitas homines in tanta necessitate positos sibi ipsis omnino permiserit, an vero proposita revelatione iisdem consuluerit; atque ostendimus Deum reipsa hominibus non defuisse, sed per Christum potissime gentes omnes ad verum Dei cultum atque ad sanam ethicen revocasse. Divinam porro ac supernaturalem Christi missionem seu revelationis factum extra omnem dubitationis aleam posuimus argumentis intrinsecis et extrinsecis, vaticiniis scilicet et miraculis a Christo patralis; ac praesertim gloriosa ipsius a mortuis resurrectione, quae omnium maximum et miraculum et vaticinium fuit et ceterorum omnium velut confirmatio atque sigillum. Et haec quidem quod attinet ad argumenta extrinseca; ad interna retulimus sanctitatem evangelicae doctrinae, quae in summo gradu gloriam Dei promovet, atque omnium et singulorum hominum utilitatem per integrum systema ita conexum, sive ex parte propositae doctrinae, sive ex parte motivorum atque sanctionis, ut nihil in ipso desiderari possit, nihil ipsi addi. Subsidiariis denique, si ita loqui fas est, argumentis, petitis tum ex admirabili religionis christianae propagatione, tum ex ejusdem non

(1) Cap. II.

minus prodigiosa conservatione , tum ex martyrum testimonio , quae omnibus adjunctis perpensis non competunt neque competere poterunt unquam nisi uni divinae ac supernaturali revelationi , seu uni religioni christianae , talem certitudinis gradum adjecimus , ut nihil certius a prudenti et cordato quolibet desiderari possit. Quae quidem posteriora tria argumenta , quatenus in se continent atque includunt vaticiniorum Christi adimplementum , ad extrinseca superius recensita vocari facile possunt (1).

441. II. Cum vero Christus finis legis sit , ad quem et lex mosaica et prophetae referuntur , et quibus Christus adversus judaeos suam divinam comprobavit missionem (2) , cum insuper veritas non nisi una sit , neque opponi possit veritati nisi error , jure inde inferimus.

442. 1. Divina igitur pariter est missio Mosis et prophetarum in veteri lege , ideoque et doctrina ab ipsis Dei nomine hominibus proposita.

443. 2. Si Christus finis fuit legis , atque in ipso lex et prophetae suum adimplementum habuerunt , ergo jamdiu abrogata est lex mosaica , quae non fuit nisi praeparatio quaedam ad Christum ; vana proinde spe judaei eum praestolantur futurum , qui jamdiu venit ; et quod consequens est , praesens judaeorum conditio ineluctabile argumentum est propriae eorum perfidiae , adimplementi veterum vaticiniorum , divinitatisque christianae religionis.

444. 3. Ergo pagani , islamitae , deistae , increduli denique omnes extra veritatis semitam versantur.

445. 4. Cum argumenta , quae deducuntur ex christianae religionis propagatione , conservatione et martyrio , nonnisi in ecclesia catholica verificentur , et tamen objectum sint Christi praedictionum , merito pariter inferitur , tum heterodoxos ea urgere non posse adversus incredulos , quin noceant propriae causae (3) ; tum solam

(1) Cap. iv.

(2) Cons. Joan. v, 46. Luc. xxiv, 44.

(3) Nullum est fore argumentum quod heretici urgere valeant ad

ecclesiam catholicam integrum christianismum constitucere, sectas vero non esse nisi christianismi fragmenta, reliquias sive segmenta, nec ipsis ullo modo competere posse divinos religionis a Christo institutae characteres (1); tum denique iisdem argumentis quibus quispiam christianus fit, catholicum fieri.

446. III. *Analysi instituta argumentorum quibus increduli ac rationalistae divinam ac supernaturalem revelationem impugnant, omni furore, jocos, calumniis ac falsae eruditionis apparatu sepositis, illa huc reducuntur: Homo sibi sufficit, ut sufficiunt sibi reliqua animantia omnia. Revelatio multis deceptionibus patet. Dantur revelationes falsae, ergo omnes falsae sunt. Plura falsa sunt miracula et vaticinia, ergo omnia. Plures abusi sunt religione, ergo nulla est admittenda religio. Ethnicismus, islamismus, protestantismus cito ex naturalibus causis et propagati et conservati sunt, ergo et christianismus. Plures fanatico furore abrepti in quavis secta mortem obierunt, ergo omnes christiani martyres tales sunt censendi. Magni abusus, magna crimina in religione christiana fuerunt, et adhuc sunt; ergo tota christiana religio non est nisi magna seductio atque deceptio (2).*

christianismi defensionem, quod non pugnet adversus illos pro ecclesiae catholicae veritate. Nullum enim est quod faveat christianismo partiali. Quare vel ipse Grotius qui praeclarum opus edidit *De veritate religionis christianae*, cum sibi proponit argumentum sive difficultatem petitam ex multiplici sectarum, haeret, nec amplius Grotius videtur. Id ipsum contigit Abbadie; id ipsum ceteris omnibus. Cons. Gerdil, *Dissert.* II. *« Saggio dell'uso che si può fare a favore della religione cattolica degli argomenti de' protestanti in prova della rivelazione contro gl' increduli, »* Opp. edit. Rom. tom. XI.

(1) Satis est ad ejusmodi divinos

characteres eliminandos inquirere in cujuslibet sectae originem, epocham, motiva, doctrinam, progressus, ut luce meridiana clarius pateat, ex humanis cupiditatibus ortas eas esse, ac omnes humani operis vicissitudines fuisse expertas; totum in iis humile et abjectum.

(2) Ita incredulorum facile principes Boulanger, Bollingbrocke, Freret, Rousseau, Voltaire, etc., qui tantopere desudasse dicuntur ut christianismum relexerent, perpenderent, atque ad analysin revocarent; ita qui eos exscripserunt, vel in compendium redegerunt atque, utpote obscuriores obsoletique, jacent; ita demum, licet aliam viam inve-

447. Quis porro non videat ejusmodi argumenta talia esse, ut probationes christianae religionis non solum non infirmant, sed ne attingant quidem? Si tota christiana religio non est nisi factum quoddam, plane patet nihil unquam proficere posse ejusdem adversarios, nisi monumenta destruant quibus illa fulcitur; cum vero haec monumenta summo certitudinis gradu innitantur, infirmari non possunt, quin ipsius certitudinis subruantur fundamenta.

448. Rursum facta christianae religionis ita inter se firmo nexu colligantur, ut, ejus veritate ac divinitate posita, omnia explicantur, et illa sublata, sic omnia in suspenso mancant velut totidem effectus sine causa.

449. Cum autem haec agendi ratio contraria sit ipsi humanae naturae, vim sibi inferant necesse est qui eam sectantur, neque unquam quiescere possint. Poterunt quidem increduli sibi ad tempus illudere, ferventibus praesertim cupiditatibus; ratio tamen jus suum semper sibi vindicat. Unde fit, ut, quieto tandem animo christianae religionis motiva perpendentes, increduli non pauci demum resipiscant, vel saltem in mortis discrimine constituti plerique in sinum ejus confugiant. Pauci enim omnino sunt qui ita obdurescunt, ut velint ad extremum usque vitae spiritum in incredulitate persistere, iique vel stolidi vel corruptissimi, qui nunquam aut fere nunquam finem cogitant, ad quem conditi sunt; ac ne turbentur a falsa illa qua frui videntur pace, a quocunque religionis examine refugiunt pejus quam a cane et angue (1).

rini, rationalistae, qui quam primum obsolescent et ipsi. Haec est enim conditio omnium religionis christianae impugnatorum et hostium, sive principes ii fuerint, sive scriptores: *Ecce inimici tui, Domine, ecce inimici tui peribunt*; eorum nomina in pulvere scripta sunt, licet aetate qua vixerunt, magnum de se

excitaverint fragorem.

(1) Facile posset catalogus et quidem prolixus exarari eorum incredulorum, qui duobus abhinc saeculis, vel examine accurate instituto ad catholicam fidem redierunt, vel saltem quos poenitentia propriae incredulitatis in articulo mortis, ac se cum ecclesia reconciliarunt, vel omni ra-

450. Expendant igitur religionis christianae fundamenta , et motiva conferant si placet cum suis argumentis , omnibus anticipatis judiciis exclusis , ut res tam gravis postulat , lucem a Deo enixis precibus humili ac sincero animo petant , et procul dubio ad eam religionem revertentur a qua aberrantes recesserunt.

tionne conati sunt id efficere , licet hinc amicorum artibus et fraude , justo illinc Dei judicio , obstacula non levia repererint quominus id exequerentur. D. Emery in quodam opusculo de hoc argumento edito hæc habet ; « On ferait une longue liste des esprits forts qui ont rendu hommage à la religion au moment de la mort. Nous ne citerons que quelques-uns de ceux dont le nom est le plus connu ; Boulanger , Toussaint , Boulainvilliers , le marquis d'Argens , Montesquieu , Maupertuis , Buffon , Dumarsais , Fontenelle , Damilavil-

le , Thomas , Bouguer , de Langle , Tressan , Mercier , Palissot , Poulavie , Larcher. Diderot voulait se confesser , on lui en ôta les moyens : *Sans moi* , disait Condorcet , parlant de d'Alcembert , *sans moi il faisait le plongeon*. Il paraît qu'on se précautionna également contre la faiblesse de Voltaire , qui mourut au rapport de Tronchin dans les convulsions de la rage , en poussant le cri sinistre : *Je suis abandonné de Dieu et des hommes*. J. J. Rousseau selon toutes les vraisemblances termina lui-même sa vie.



DE VERA RELIGIONE,

PARS ALTERA

ADVERSUS HETERODOXOS

1. Heterodoxorum nomine veniunt sectae omnes, quaecumque demum communionis ac denominationis sint, quae sive in pluribus, sive in paucioribus fidei articulis, ab ecclesiae catholicae doctrina quovis tempore recesserunt, vel ab ea in dies recedunt. Longum propterea esset, imo vix possibile tot sectarum errores singillatim persequi. Revocari propterea disputatio nostra debet ad aliquod generale principium, a quo tota controversia sponte sua quodammodo defluat. Constituta porro atque in tuto posita divinae revelationis existentia adversus incredulos, inquirendum superest, num Deus qui suam aperiens doctrinam ac voluntatem hominibus mirifice prospexit, hanc suam revelationem privatis hominibus seu spiritui privato uniuscujusque dimiserit, an vero alicui coetui seu societati a se institutae, publicae, infallibili atque perpetuae conservandam atque interpretandam tradiderit et consignaverit. In hac vero posteriori hypothesisi remanet discutiendum, quatenam societas legitimos titulos praeseferat, quibus jure meritoque sibi vindicet divinam hanc auctoritatem. In his maximi momenti quaestionibus expendendis tota versabitur altera haec tractatus nostri pars. Ex duplici hac disquisitione, controversiae peculiare omnes enucleantur ac dissolvuntur, cum ubi semel de illis constiterit, non agatur amplius nisi de audiendo ejusmodi infallibili magisterio a Christo ipso instituto. Omnem proinde diligentiam impendemus ad ar-

gumentum istud solide evolvendum, quod ut obtineamus, continenti propositionum serie, quae se invicem excipiant, rem totam complectemur.

PROPOSITIO I.

Validissimae rationes ostendunt, de via ordinaria divinam revelationem ab auctoritate divinitus instituta atque infallibili custodiri, atque proponi debere

2. Ut patet ex ipsa propositionis enunciatione, sermo hic non est de ipsa actuali revelatione, seu actuali veritatum manifestatione, sed de *revelatione jam facta, litterisque consignata, vel viva voce transmissa*, seu de collectione ipsa ac corpore, ut ita dicam, jam factae revelationis.

3. Hisce positis, sic 1. ex ipsa natura rei, de qua agitur, evincitur propositio. Nisi enim a publica, externa ac infallibili auctoritate, divina revelatio proponeretur, infallibiliter nobis constare non posset de identitate divinae revelationis; fluctuare semper deberemus incerti, utrum id vere revelaverit Deus, nec ne; an quidpiam eidem additum, quidpiam ab ea detractum fuerit, eo vel maxime quod autographa omnia cito perierint (1). Cum vero fides non minus divina et infallibilis esse debeat in suo objecto et motivo quam in medio per quod proponitur, patet revelationem nonnisi ab infallibili atque divina auctoritate proponi posse.

4. Id ipsum pariter evincitur ex necessitate determinationis sensus legitimi ejusdem revelationis. Etenim, cum

(1) De autographis V. T. nihil omnino scimus; quoad autographa autem N. T. Cellérier in suo: *Essai d'une introduction critique au Nouveau Testament*, Genève 1823, sect. III, censet ipsa, utpote exarata in

cortice papyri, quae usatissima tunc erat, cum scripta illa edita sunt, cito periisse, adeo ut aetate Tertulliani, Clementis Alex., Origenis nulla amplius vestigia superfuissent.

revelatio in hominis gratiam ac bonum data sit, necessario verbis ac signis patefieri ac exprimi debuit. Jam vero verba diversas plerumque habent significationes, diversos, quandoque etiam contrarios, exprimunt conceptus (1), aequivoca propterea sunt seu aequivocationi subjecta; nisi itaque ab infallibili auctoritate divinitus ad hoc instituta, revelatio proponeretur, nutantes ac dubii semper essemus circa verum objectum ac germanum sensum ac intelligentiam ejusdem revelationis; praesertim cum agitur de mysteriis humanae rationi imperviis, in quibus hallucinatio facillima est. Quod ex perpetuo experimento nimis luctuoso ex parte illorum omnium qui viam auctoritatis deserentes sibi ipsis duces esse voluerunt, mirifice confirmatur. Eo enim devenerunt ut, licet sacros revelationis codices assidue versent, in desperationem acti, nesciant quid tenere debeant, tot diversarum interpretationum numero, varietate ac contrarietate huc illuc distracti (2).

(1) Pluribus exemplis ostendi id facile posset; cum vero id neque a protestantibus ipsis nunc in dubium revocetur, non est cur in re non necessaria opus impendamus. Certe ad sensum determinandum verborum sacrae scripturae, ipsi perpetuo accedunt vel ad *num loquendi*, quem vocant, vel in subsidium adsciscunt linguas affines, passim ad phrases profanorum scriptorum phrases exigunt scripturales, et tamen perpetuo haerent, ac fluctuant incerti, et quod ab uno scriptore affirmatur ut certum, ab alio ut falsum rejicitur. Levis istorum commentatorum sive exegetarum, seu potius philologorum lectio sufficit, ut quisque intelligat in quanta ipsi versentur fluctuatione. Istorum opera ut plurimum non sunt nisi contextus auctorum heterodoxorum vel affirmantium vel negantium, hunc vel illum nativum sensum esse verbi quod expendunt. Praeter *Criticus sacros* videri possunt

Kuinoel, Rosenmüller, Eichorn, etc.

(2) Sane ecclesia genevensis (ut alia exempla missa faciam) in suo *Statuto*; sub die 3 Maii an. 1817, prohibuit, ne quispiam in scholis agat de quaestionibus apud ipsam controversis, circa duas J. C. naturas, peccatum originale, gratiam et praedestinationem. Vid. *Precis des débats theologiques de Genève*, par J. J. Chenevière, 1824, p. 22. Nempe eadem ratione ac exercitus, imperator seu dux, cum se viderit ad extrema redactum, monet ut sibi quique prospiciat; ita ecclesiae reformatione tot dubiis ac tot perplexitatibus pressae et contradictionibus absque ullo termino, quibus ipsarum doctrinae sciant, eo demum dovenerunt ut dicerent membris suis: En Biblia, lisez, expendite, audite vobis religionem, sibi quisque prospiciat. Vid. *The catholic miscellany*, mensis Julii 1826.

5. Ex perpetuitate demum ipsius divinae revelationis eadem veritas patet. Divina enim revelatio non pro solis praesentibus, sed pro omnibus omnino hominibus cujuscumque aetatis facta est; quare, nisi perpetua quaedam semperque vivens divinitus instituta auctoritas esset ad eandem inviolate servandam, et custodiendam a privatorum hominum novitatibus, interpolationibus, praeposteris interpretationibus, prout experientia passim fieri videmus (1), nunquam nobis constare posset de ejusdem veritate atque integritate; hinc necessario lites ac controversiae perpetuae quae nunquam dirimi possent. Abhorret autem ab idea sapientis legislatoris permittere ejusque hominis arbitrio codicem, et sensum propriae legislationis. Quod ut aliquo exemplo magis delectetur, fingamus animo, quempiam viatorem duas obire civitates, quae aeque gloriantur optimis sibi datis legibus atque statutis, et ambae ut sapientissimum habeant legislatorem, utrique civitati communem; sciscitante autem ab iis viatore, quemnam sapientissimus hic legislator constituerit magistratum, vel quod tribunal ad codicem suum incolumem servandum, vel quem interpretem ad lites quae suboriri solent dirimendas, altera indicet constitutos a legislatore iudices et magistratus, altera autem contendant non alium a legislatore constitutum iudicem ac interpretem quam codicem ipsum, cui fidem adhibebit viator, et quam ex his duabus civitatibus verum dicere arbitrabitur? Illam profecto, quae magistratus ac iudices constitutos affirmat, cum hoc longe magis congruat sapientiae ac prudentiae optimi legislatoris, qualem fuisse ambae profitentur, cum rei natura id exigit; eum enim lites excitantur, ut plurimum circa sensum codicis versantur; absurdum autem est affirmare, ad litem dirimendam constitutum esse codicem ipsum, circa ejus sensum lis moveri solet.

(1) Non pauca exempla ejusmodi novitatum, interpolationum, etc. inferius dabimus.

6. Validissimae igitur rationes ostendunt, quod nisi extraordinario aliquo medio a Deo ipso provideatur, de via ordinaria necesse sit, aliquam constitutam divinitus auctoritatem esse, eamque infallibilem atque perpetuam, quae divinam revelationem custodiat, proponat, verumque illius sensum aperiat.

DIFFICULTATES

7. Obj. Ante Christi adventum nulla instituta fuit infallibilis ejusmodi auctoritas, ad divinam revelationem proponendam; ergo.

8. Resp. *D. A.* Quia Deus extraordinaria quadam ratione et providentia supplebat ejusmodi defectui, *C. secus N.* Vel enim sermo est de tempore patriarcharum, vel de eo quod subsecutum est sub Moyse, respectu hebraeorum vel ethnicorum. Certum autem est Deum, in prima illa epocha per immediatas apparitiones saepius repetitas, revelationis jam factae integritati ac germano sensui prospexisse. Quod vero spectat ad aetatem posteriorem, praeterquam quod constituta jam fuit synagoga ac sacerdotium Aaronicum, quod depositarium fuit et quidem publicum atque perenne mosaicae legis, certum pariter est ipsum Deum suae revelationi consuluisse, per prophetarum seriem nunquam fere interruptam, usque ad Christum, ac singulari providentia populum suum rexisse, ut incolume servaretur revelationis depositum (1). His ad-

(1) Josephus Flavius exhibet catalogum omnium summorum sacerdotum, qui, non interrupta serie, ab Aaron usque ad Ananum, seu Annam et Caipham, sub quibus mortuus est Christus, sibi invicem suc-

cesserunt, et ab his usque ad Joan. Giscala, qui omnium Pontificum judaeorum postremus fuit; sub ipso enim a Romanis excisum est templum flammisque consumptum; qui omnes fuerunt octoginta novem. Sic dividit:

Ab Aarone ad Salomonem qui primum templum crexit,
a Salomone usque ad captivitatem Babylo-

13, spatio annorum 612;
18, — — 466;

dimus fidei articulos, ad salutem obtinendam explicite credendos, paucissimos fuisse, unitatem nempe Dei creatoris et remuneratoris, expectationemque futuri liberalioris (1), qui proinde facillima ratione ad seram usque posteritatem transmitti poterant. Nondum enim completa revelatio data fuerat. Quod si aliqui ex propria culpa illos oblitterarunt, penes ipsos sit; quamquam si absque personali culpa aliqui posteriorem praesertim articulum ignoraverunt, dummodo legem naturalem observaverint, dubitandum non est, Deum pro sua bonitate aliquo modo iis providisse, et si aliqui adhuc ejusmodi sint, iis providere, infundendo nempe iis habitum fidei, spei et charitatis supernaturalis, sine quo nemo finem suum, supernaturalem scilicet beatitudinem, consequi potest, secus ac rationalistae sentiunt, et qui ipsorum vestigia premere non erubuit Franc. Brenner canonicus bambergensis, in libro cui titulus: *De dogmate* (2).

cam, a captivitate Babyl. usque ad Antiochum Eupatorem, ab Antiocho, qui Oniam in cognomento Menelaum sacerdotio spoliavit, usque ad Herodem II, omnes Asaroni, quorum ultimus fuit Aristobulus, creatus Pontifex ab Herode, a quo postea vita privatus est; post hunc usque ad Titum succedere alii

15, — — 412

15, — — 113

28, — — 107.

89

Vid. *Antiquitatum*, lib. xv, cap. 10. Jam vero Salvador, *Histoire des Instit. de Moïse*, etc. liv. II, *Des fonctions législatives*, chap. 1, *De la magistrature sacerdotale*, p. 128 et seqq. observat scopum institutionis leviticæ esse vigilantiam ad legis conservationem. Ejusmodi officium pariter spectabat ad publicum totius gentis synedrium. Iis addatur series prophetarum usque ad Malachiam. Joseph. lib. I, *contra Appionem*, c. 2, n. 3, refert libros quos nos deuterocanonicos dicimus, diligenter in catalogo digestos scripturarum

Tom. I.

fuisse, etsi non habeant parvam auctoritatem ac praecedentes (scilicet protocanonici) ex defectu successione non satis clare prophetarum. Ex quibus patet nunquam divinae revelationis depositum in V. T. fuisse privatorum arbitrio commissum.

(1) Apostolus, Heb. xi, 6, his verbis veluti compendio quodam complexus est, quæ fide necessaria ad salutem tenenda essent: « Credere enim oportet accedentem ad Deum quia est, et inquirentibus ac remunerator sit ».

(2) Landsbutii, 1834.

15

9. Ceterum nunquam Deus ita suam revelationem privatorum hominum arbitrio atque interpretationi dimisit, ut fas unicuique fuerit eam aliquo modo vel tenerare vel exponere.

10. I. Inst. 1. Ethnici non potuerunt revelationem habere, nisi per privatam familiarum traditionem, ideoque absque ejusmodi publica atque infallibili auctoritate; 2. atque ex ipsis judaeis nonnisi pauci viderunt prophetas, eosque immediate audierunt, quin dicendum sit eos omnes fide divina caruisse; ergo.

11. Resp. ad 1. D. Qui proinde eandem revelationem vel obliterarunt vel innumeris prope commentis ac fabulis temerarunt, C. integram custodierunt *subdist.* Nonnulli privati qui primaevam revelationem, extraordinaria ratione propositam, traditione conservarunt, Tr. nationes integrae N. Quo propiora fuerunt tempora primaevae revelationi, eo magis pura conservata est, etiam apud gentes divina revelatio; ast processu temporis adeo obliterata est vel foedata, ut nonnisi vestigia superfuerint veluli navis tabulae per naufragium diffractae, quas ingenti labore eruditi hinc inde collegerunt (1). Quae quidem vestigia duo ostendunt, nempe tum revelationem quamdam olim datam hominibus fuisse, tum corruptam hominum eorundem incuria ac negligentia. Hinc nisi Deus,

(1) Praesertim Eusebius Caesariensis in duobus praeclaris operibus de *praeparatione ac de demonstratione evangelica*. Ex recentioribus vero plures viatores universalis ejusmodi traditionis rudera, ut ita dicam, atque fragmenta, penes diversos populos barbaros atque silvestres collegerunt. Inter quos dignus est qui legatur Comes Carli Rubi in suis *Lettres Americaines*, duobus voluminibus; nec non *Croyances, superstitions, et restes des traditions primitives observees par M. Dumont d'Urville, dans son voyage autour du monde à bord de l'Astrolabe, dans la Nouvelle Zelande, et les*

iles de Tonga, etc., Annales de philosophie chrétienne, recueil périodique, 5. année, tom. viii, n. 43, 31 Janvier, Paris 1834; Neue theologische Zeitschrift, von D. Joseph Pletz, id est, Novae ephemerides theol., Viennae, 1833, fasc. 11, p. 189-210, fasc. 111, p. 305-329, fasc. IV. 26-50. Ex quibus patet apud universas gentes obtinuisse ideam existentiae Dei, semidecorum seu angelorum, pugnae inter duos primos fratres Cain et Abel, Trinitatis occupatae in hominis creatione, foeminae aedificatae ex viri costa, lapsus protoparcentum, etc.

per peculiarem populum quem sibi delegit ejusdem revelationis custodem ac depositarium, ei prospexisset, actum penitus de ea esset, prout etiam nunc temporis absque catholica ecclesia vix rudera, ut ita dicam, magni illius aedificii, quod per revelationem conditum est, superessent atque caementa (1). Quod si nonnulli, itique paucissimi inter ethnicos, intemeratam servarunt acceptam revelationem, id acceptum referri debet tum paucitati articulorum qui credendi propositi erant, tum peculiari etiam divinae gratiae subsidio, quo factum est ut eorum memoria prorsus non deleteretur. Addendum praeterea est, actum tunc temporis minime fuisse de integro revelationis codice, prout nunc agitur, quem proinde neque interpretari, neque corrumpere potuissent, sed de memoriter retinendis paucis articulis, ut notavimus. Tantum porro abest, ut exinde possit aliquid contra nos erui, ut magis confirmetur quod demonstrandum assumpsimus. Etenim cum ageretur de illa partiali revelatione adeo aperta et facili, per traditionem ad posteros transmittenda, si ea tantum de sua perspicuitate atque integritate amisit inter gentes, non aliam ob causam nisi quia carebant ea auctoritate ac magisterio per quod integra et incolumis servaretur, quanto apertius patet ejusdem auctoritatis necessitas, ubi agitur de revelatione completa ac litteris consignata, ut nihil addam de parte illa quae per solam traditionem transmissa est?

12. Ad 2. N. *conseq.* Etenim prophetiae missi po-

(1) Sane cum unaquaeque secta haeticorum eorum qui a temporibus apostolicis ad nos usque exorti sunt qui vix numerari jam possunt, aliquam revelationis partem negaverit, cum unaquaeque praeterea aliquid de suo adjecerit, cum nullus sit fidei articulus qui plures non sit nactus adversarios atque impugnatores; absque ecclesiae catholicae firmitate tanta esset rerum omnium

perturbatio atque confusio, etiam post Christi adventum, qualis fuit apud omnes populos (si unam excipias ecclesiam judaicam seu synagogam) circa primitivas traditiones quae, si non penitus perierunt, ita tamen fuere corruptae, ut absque earum prototypo nihil certi in iis discernereamus. Hoc vero magis patebit ex inferius dicendis.

tissimum sunt ad homines in officio continendos, et ad sartam teetamque divinam jam datam revelationem apud illos servandam, et ad manifestandam peculiarem aliquam Dei voluntatem, non autem ad divinam primitivam revelationem ad salutem necessariam, proponendam. Quoties nempe opus fuit prophetas mitti ad judaeos praesertim revocandos ad legis observantiam, vel ad peculiarem Dei voluntatem ipsis aperiendam, independenter etiam a synagogae approbatione missi a Deo sunt, non vero ad novos fidei articulos proponendos, sed potius ad jam receptos magis ac magis confirmandos et enucleatius exponendos, contortasque interpretationes privatorum corrigendas, quaestionesque, si quae ortae essent, dirimendas (1), et ad ipsorum animos excitandos in spem proxime futuri liberatoris adventus. Ceterum et ex jugi prophetarum missione, ad integritatem ac puritatem factae revelationis conservandam, rursum colligitur necessitas illius auctoritatis quam adstruimus. Scripta vero prophetarum simul ac emittebantur, synagoga seu synedrium ea in reipublicae tabularium inferebat, ut intemerata ibi servarentur (2). Cum his praesidiis destitutae fuerint gentes caeterae, hoc ipso amiserunt vel foede corruerunt revelatas veritates, licet omnes a Noe ejusque filiis, ex quibus originem trahebant, eas acceperint; ex quo magis semper ac magis absoluta necessitas eruitur ejusdem custodis ac interpretis divinae revelationis.

(1) Hoc munus semper fuit prophetarum qui a Deo excitabantur, non solum ad futura enuntianda, verum etiam ad arguendos judaeos ob legis transgressionem, atque ad everrenda inania quorundam commenta, saepeque perversa ad effugendam legis observantiam, atque ad falsam spem concipiendam nescio cujus immunitatis a promeritis poenis ob ipsorum flagitia. Pena sunt prophetarum volumina ejusmodi acerbis

objurgationibus, praesertim apud Isaiam, Jeremiam, Ezechielem, etc. Quod si nonnulla dubia, vel quaestiones exortae essent, eas prophetae dirimebant (1 Mach. 14, 46; 14 Reg. xvii, 14 et alibi passim).

(2) Vid. *Histoire critique du Vieux Testament*, par le P. Richard Simon, Rotterdam 1685, tom. 1, liv. 1, ch. 4. Qui tamen plura habet quae probari nullatenus possunt a suo catholico.

13. II. Inst. Exceptis protoparentibus, qui immediate primitivam illam revelationem a Deo ipso acceperant, reliqui nonnisi per illos eam cognoverunt; jam vero protoparentes eorumque posteri auctoritatem illam publicam atque infallibilem minime constituebant; ergo.

14. Resp. *D. min.* Ita tamen ut Deus extraordinaria providentia, ut dictum est, illius integritati atque incolumitati prospexerit, *C. secus N.* Nam protoparentes et patriarchae alique quibus Deus se manifestavit ac recensitos articulos credendos proposuit, eos, ut patet, fide divina tenebant, reliquis autem certitudine morali summa constabat de factis illis; hinc ipsi eosdem articulos eadem fide credebant. Deus interea nunquam destitit extraordinaria sua providentia, prout temporis illius infantia exigebat, ab iis in memoriam revocandis, ut eorum fides viva servaretur usque ad plenitudinem temporis, in qua misit filium suum qui revelationem complevit, et ad suam perfectionem adduxit. Praeterea nunquam dimittenda est distinctio superius proposita (in resp. ad 1 inst.), aliud nempe esse transmittere oralem traditionem de nonnullis articulis, aliud vero cum agitur de corpore ipso totius completae revelationis, sive scriptis consignatae, sive per traditionem transmissae, licet et in primo casu opus fuerit peculiari Dei providentia ad eam integre custodiendam, nec Deus eam privatorum arbitrio ac interpretationi dimiserit.

PROPOSITIO II.

Sola ecclesia a Christo instituta instructa est hac infallibili auctoritate

15. Ecclesiae nomine hic non intelligimus coetum omnium fidelium qui legitimis pastoribus subsunt sub Romano Pontifice, eandemque cum ipsis fidem profitentur,

eademque sacramenta participant, sed potius episcopatum universum seu, ut ita dicam, in tota sua plenitudine, nempe corpus pastorum una cum Romano Pontifice.

16. Jam vero episcopatus in apostolis, qui primi episcopi fuerunt, eorumque capite ac principe Petro, divinam revelationem eandemque completam immediate a Christo et Spiritu Sancto accepit; Christus praetera apostolos misit per universum mundum ad divinam revelationem patefaciendam hominibus, ipsisque propriam adistentiam promisit usque ad mundi finem. Aperta sunt Christi verba apud Matth. cap. ult.: *Euntes docete omnes gentes docentes eos servare omnia quaecumque mandavi vobis, et ecce ego vobiscum sum* (docentibus et baptizantibus) *omnibus diebus, usque ad consummationem saeculi*; et apud Joan. XIV, 16, 17: *Ego rogabo Patrem et alium Paraclitum dabit vobis, ut maneat vobiscum in aeternum, Spiritum veritatis apud vos manebit et in vobis erit*. Act. XVI, 13, prosequitur Christus: *Cum autem venerit ille Spiritus veritatis, docebit vos omnem veritatem*; ac rursum, ibid. XX, 21: *Sicut misit me Pater et ego mitto vos*.

17. Quae quidem asserimus ut monumenta tantum historica, utpote relata ab auctoribus qui ea referunt quae ipsimet immediate a Christo ipso acceperunt, et omni fide digni sunt, non autem ut testes divinitus inspiratos eos hic sumimus. Uno verbo, adstruimus *factum* institutae ac fundatae a Christo societatis, quae depositaria ab ipso instituta est doctrinae suae, cuique ipse commisit magisterium omnium gentium per instructionem viva voce faciendam. Non enim dixit Christus apostolis: *Euntes scribite*, sed *Euntes docete*, neque ad tempus tantum, sed semper, quousque scilicet erunt vel gentes convertendae, vel gentes conversae in doctrina semel accepta conservandae. Hoc propterea magisterium jure ac perpetuum esse debet. Apostoli vel discipuli nonnisi data oc-

casione commentaria sua ediderunt. Quin et hoc sedulo animadvertendum est, evangelistas minime in animo habuisse codicem integrum et absolutum Christi doctrinae et legum posteritati tradere, sed commentarium historicum gestorum et dictorum Christi, et quidem neque integrum neque perfectum, adeo ut non possint haberi evangelia ut codex et norma saltem perfecta et adaequata credendorum et agendorum. Ex quo sequitur, Christum non aliam voluisse gentibus sive convertendis sive conversis relinquare sive constituere regulam proximam eorum quae et credere et agere deberent, nisi publicum, iuge ac vivens ecclesiae magisterium.

18. Hinc patet adeo connexum esse systema auctoritatis cum ipsa revelatione, ut necesse sit vel rejicere omnem revelationem quae praeter veritates ordinis naturalis imponat hominibus obligationem credendi veritates *supernaturales* et servandi praecepta *positiva*, vel si illa admittitur, debeat pariter admitti medium certum et tutum, et quidem jugiter perseverans quo veritates illas et praecepta cognoscere homines absque erroris periculo possint. Hoc autem non est nisi auctoritas a Deo ipso instituta, nempe ecclesia, a qua edocemur tum libros, quos sacram scripturam dicimus et veraces et divina inspiratione conscriptos fuisse, tum hunc et non alium esse sensum illarum sententiarum seu verborum quae in iisdem continentur.

19. Tria itaque habemus ex verbis Christi: 1. immediatam missionem apostolorum ad gentes edocendas in rebus fidei et morum; 2. jugem adistentiam Christi erga apostolos eorumque legitimos successores, usque ad consummationem saeculi in ejusmodi ministerio; 3. aeternum denique Spiritus Sancti cum iisdem magisterium.

20. Ergo apostoli sive ecclesia non solum habuit revelationem a Christo, sed habuit praeterea ab eodem

Christo et a Spiritu Sancto germanum sensum ejusdem revelationis.

21. Ergo non soli apostoli, sed insuper legitimi eorumdem successores, seu ecclesia omnium saeculorum utitur seu *gaudet* iisdem praerogativis, infallibilitatis nempe et auctoritatis ad proponendam, custodiendam ac interpretandam hanc eandem revelationem, utpote persona moralis jugiter vivens usque ad consummationem saeculi (1), necnon ad conservandam revelationem in sua primitiva puritate et integritate, cui soli promissa est vita aeterna, et ad regimen in sua unitate conservandum.

22. Ergo apostoli, seu ecclesia *jam constituta*, ac *supradictis Christi promissionibus munita*, antequam ullus liber sacrae scripturae esset litteris consignatus, adeoque jam ex solennibus Christi promissionibus inerrantiae dono perpetuo exornata (neque enim verba Christi vera sunt quia scripta, sed quia ex ore Christi processerunt), ecclesia, inquam *praescribit* (2) ipsi scripturae quam ipsamet approbavit ut divinam, verumque et legitimum oraculorum divinorum sensum assecuta est, tum viva voce ipsius Christi, tum opè divinae peculiaris adsistentiae;

(1) Hic sedulo observandum est in corpore morali quocumque individua singula a morte praecipi, sed ita ut ipsa societas eadem semper subsistens sit ac viva, ac proinde deficiente aliquo individuo ipsa nihil omnino de propria subsistentia amittat. Quare cum ecclesia in apostolorum collegio ad instar societatis ac moralis ejusdem corporis fuerit a Christo instituta, ac statim in immensum prope excreverit, institutione aliorum episcoporum per apostolos facta, ex quibus successiones per totum terrarum orbem coeperunt ad nos usque descendere, corpus episcopale sub suo capite Petro, ac postea Romanis Pontificibus, nunquam interrupta serie episcoporum sibi invicem succedentium, semper idem

viguit et est. Vivente adhuc s. Joanne apostolo, per universam terram fundatae erant singulares ecclesiae. Cum defecit ultimus episcoporum qui cum apostolis conversatus erat, longe plures alii fuerunt, et ita deinceps; desit enim successio episcoporum apostolicorum in s. Polycarpo, s. Joannis evangelistae discipulo, qui martyrium subit sub Marco Aurelio Antonino. His fere temporibus floruerunt Hegesippus et Irenaeus, qui mortui sunt imperante Commodus. Vid. Euseb. *Hist. eccles.* lib. 11, c. 23, edit. Valesii.

(2) Hanc vocem usurpamus eo sensu, quo eam perpetuo adhibuit Tertullianus in lib. *de praescriptionibus haeticorum*, nec non s. Irenaeus, alique patres.

ipsa divinas traditiones immediate a Deo accepit, ut eas fideliter custodiret usque ad mundi exitum.

23. Toties proinde objecta petitio principii, seu circulus vitiosus quo juxta protestantes ecclesia probatur per scripturam, scriptura vero per ecclesiam, non solum locum nullum habet, vel habere potest, sed prorsus ab ipsa natura rei et factis ipsis excluditur. Ecclesia enim adinstit et approbavit ipsas scripturas (nempe Novi Foederis), quas vidit continere ea ipsa, quae a Christo acceperat, et conformes doctrinae quam profitebatur. Nam scripturae non sunt nisi instrumenta, in quae relata novit acta propriae possessionis velut in publicas tabulas, quae totam vim habent ad probandum ex proprio ipsius testimonio, et in quibus scripto consignatae sunt praerogativae eidem a Christo collatae, et quibus ipsa jam utebatur, antequam haec scriberentur, probarentur atque evulgarentur. Nam ecclesia jam habebat suam missionem divinam, suum regimen, suam infallibilitatem et auctoritatem; Petrus jam erat instructus jure primatus, ac ceteri apostoli ipsi subiciebantur, antequam evangelia edita essent (1); cum autem eadem semper ac viva sit Ecclesia, sibi ipsi sufficit. Quod vero spectat ad scripturas Veteris Testamenti, de ipsarum divinitate certior facta est ab ipso Christo.

(1) Fere omnes eruditi viri consentiunt, intra viii ac x annum post Christi in caelum ascensionem s. Matthaeum evangelio conscribendo manum admovisse in gratiam hebraeorum qui christianae religioni nomen dederant, teste Eusebio, *Hist. eccles.* lib. iii, c. 24. Alii, inter quos Millius, in *Prolog. ad N. T.*, differunt ad subsequentes annos publicationem evangelii Matthaei, innixi potissimum auctoritati Irenaei qui lib. iii, *cont. haereses*. C. 1, scriptum tradit a Matthaeo evangelium, cum Petrus et Paulus evangelizarent Romae, et fundarent ecclesiam; quod contigit multo post. Sed quidquid de hoc sit,

quod aliis disentiendum relinquimus, certum est ex Act. Apost. i, 15, ii, 14 et seqq. ix, 33, s. Petrum jam exercere coepisse traditam sibi divinitus auctoritatem. (Matth. xvi, 18, coll. Joan. xxi, 15 et seqq.) Evangelium autem editum non fuit a Joanne nisi post Petri mortem Ephesum e Patmos insula, Domitiano extincto, reduce, teste s. Irenaeo, lib. iii, *cont. haereses*. cit. loc., ideoque anno 97 vel 98 aerae vulgaris, ut omnes consentiunt, si unum excipias Semlerum. *Praef. in Paraphrasin evangelii Joannis*, et in notis passim, aliosve ejusdem scholae rationalisticae alumnos.

24. Cum igitur ecclesia divina illa oracula quae recensuimus, semper intellexerit de infallibilitatis et auctoritatis praerogativis sibi concessis, jure suo utitur, cum auctoritative christianae religionis dogmata tanquam totidem fidei articulos vel infidelibus quos in sinum suum admisit vel admittit, credendos proposuit ac proponit, vel a novitatibus turbulentorum quorundam filiorum suorum quovis tempore strenue inlemeratos servavit ac servat, pervicacesque in proprio sensu persistentes anathemate percudit ac percellit, qui ipsam a propria possessione earumdem veritatum exturbare moliti sunt vel moliantur.

25. Idque magis evidens fit ex illis sententiis quibus Christus praecepit, ut haberentur tanquam ethnici et publicani quicunque ecclesiam audire detrectassent (Matth. XVIII, 17), cum declarat semetipsum audire qui ecclesiam audiret, semetipsum spernere qui ecclesiam spreverit (Luc. X, 16), ideoque rebelles ab auctoritate ecclesiae velut Deo ipsi rebelles condemnat. Quare cohaerenter ad hanc doctrinam quam semper hoc sensu ecclesia intellexit, apostolus Paulus Himaeneum et Alexandrum Satanac tradidit ut discerent non blasphemare, cum ex iis essent qui circa fidem navem fregerant (I Tim. I, 20). Hinc saepe adhortatur Timotheum et Titum ad vitandos omnes novatores et haereticos homines, utpote subversos et proprio judicio condemnatos (Ad Tit. III, 10, et II Tim. III, 5; IV, 15); ita se gessit Petrus in epistola praesertim secunda (II Petr. I et seqq.), s. Judas in epistola sua catholica, quae tota est de hoc argumento, s. Joannes, tum in epistolis suis, tum in Apocalypsi (II Joan. 7 et seqq. Apoc. II, 6, 14, 15). Cohaerenter ad hanc ipsam doctrinam et auctoritatem ecclesia jam a primo saeculo simonianos, ebionitas, cerinthianos, gnosticos aliosque novatores ac protestantes e sinu suo rejecit (1),

(1) Cfr. Euseb. *Hist. eccles.* lib. III, c. 18, tum c. 26, 27 et alibi passim,

et sequentibus saeculis ad nos usque, ut infra dicemus, nunquam ab instituta hac agendi ratione recessit.

26. Sola igitur ecclesia a Christo instituta, seu corpus pastorum, integrum tamen, id est cum capite suo, seu Romano Pontifice, de quo infra, instructa est infallibili auctoritate ad revelationem proponendam, interpretandam et inviolate conservandam.

DIFFICULTATES

27. Obj. Haec propositio nititur falso supposito; supponit enim *a*) Christum instituisse ecclesiam in modum unius corporis seu societatis per mutuam membrorum relationem et dependentiam saltem ab uno capite; *b*) divinam missionem praerogativam esse exclusivam istius corporis; *c*) illam oeconomiam fore perpetuam atque ordinariam; *d*) revelationem proponi a tali corpore; atqui haec falsa sunt; nam 1. apostoli seorsim singuli et independentes ab invicem revelationem proposuerunt, totidemque fundarunt independentes societates (1); 2. apostoli non solum episcopatum repraesentabant, cum acceperunt a Christo missionem, sed praeterea universitatem fi-

praesertim lib. iv, c. 22, ubi memoratis menandrianis, valentinianis, etc. haec verba refert Hegesippi: "Από τούτων ψευδοχριστοί, ψευδοπροφήται, ψευδοαπόστολοι οἵτινες ἐμίρισαν τὴν ἑκκλησίαν τῆς ἐκκλησίας φθοριμαίοις λόγοις κατὰ τοῦ θεοῦ καὶ κατὰ τοῦ χριστοῦ αὐτοῦ, id est, et Ex iis orti sunt pseudo-Christi, et pseudo-prophetae, pseudo-apostoli, qui adulterinam invenientes doctrinam adversus Deum et adversus Christum ejus, unitatem ecclesiae disciderunt; et immediate ante scripserat: Βασίλειδιανοί.... ἕκαστος ἰδίως, καὶ ἰδίως ἰδίαν δοξάν παραστήσαντι. Βασιλιάνι... qui seorsim singuli proprias opiniones induxerunt. Ex qui-

bus discimus spiritum privatum originem omnium haeresum fuisse. Quod et de eneralitis notat idem Eusebius, lib. iv, c. 29 scribens quod legem et prophetas admitterent, sed ἰδίως ἐκμνησκόντες τὸν ἰσὺν τὰ νοήματα γραφῶν, id est, *Proprio quodam sensu scripturas exponunt.*

(1) Ita Gibbon, *Hist. de lapsu rom. Imp.* cap. 15, n. v; juxta ipsum apostoli sibi non vindicarunt auctoritatem legislativam, episcopi et presbyteri ejusdem erant auctoritatis, ecclesiae ab initio erant totidem republicae quae postea formam foederativam inierunt, unde origo unitatis, etc.

delium, qui proinde hoc ipso propriam missionem a Christo ipso immediate habuerunt; 3. temporaria fuit illa oeconomia, siquidem verba quibus Christus futuram suam adistentiam promisit, respiciunt ea tempora tantum, in quibus apostolis erant necessaria signa et prodigia ad disseminandum evangelium, ut patet ex Marci cap. ult.; 4. demum revelatio semper a privatis hominibus et individuis proponitur, imo quandoque et a laicis; ergo.

28. Resp. *N. A.* Ad prob. *C. maj. et N. min.* sub hac generali observatione, quod apostoli seu ecclesia quae immediate a Christo tum revelationem accepit tum ipsam missionem, aliter semper intellexit et in praxim redegit Christi verba et institutionem, ut in probationibus ostendimus.

29. Sed jam singillatim resp. ad 1. *D.* Apostoli seorsim singuli tanquam totidem membra ejusdem corporis et cum debita subordinatione ad suum caput, Petrum scilicet, ut inferius ostendemus, revelationem proposuerunt, *C.* alio sensu *N.* Negamus pariter totidem ipsos societates independentes constituisse; cum enim Christus universum gregem suum Petri curae tradiderit (Joan. XXI, 17), hinc apostoli singuli acquiescebant, ut ita loquar, Petro; omnes illae partiales societates seu ecclesiae coalescebant in unam universalem sub regimine Petri, quae proinde jam ab ipsis apostolicis temporibus *Catholica* seu universalis nuncupata fuit (1);

(1) S. Ignatius, Epist. ad Smyrnacos cap. 8, sic ait: Ὅπου ἂν ᾖ ἡ ἐκκλησία, ἔκει τό πληθός ἱσταν. ὡςπερ ὅπου ἂν ᾖ ὁ χριστός Ἰησοῦς, ἔκει ἡ καθολικὴ ἐκκλησία, id est, « Ubi comparuerit Episcopus, ibi et multitudo sit; quemadmodum ubi fuerit Christus Jesus, ibi catholica est ecclesia », Sic in epist. ecclesiae smyrnensis de martyrio s. Polycarpi legitur; Καὶ οὕτως τὸν τῆς ἀρεθασίας στίφαρον ἀπολαβὼν, σὺν τοῖς

ἀποστόλοις καὶ πᾶσι δικαίοις ἀγαλλήμινοις, δοξάζει τὸν θεόν καὶ πατέρα, καὶ εὐλογεῖ τὸν κύριον ἡμῶν, καὶ κυβερνήτην τῶν σωματῶν ἡμῶν, καὶ ποιμένα τῆς κατὰ τὴν οἰκουμένην καθολικῆς ἐκκλησίας, id est, « Et hac ratione immortalitatis coronam adeptus (s. Polycarpus), usq. cum apostolis atque omnibus sanctis laetus glorificat Deum Patrem, et benedicit Dominum nostrum gubernatorem corporum nostrorum et catholicæ per

30. Ad 2. *D.* Apostoli sub aliquo respectu interdum universum fidelium cœtum repræsentabant, *C.* semper, ac præsertim in officiis proprii ministerii, ideoque et missionis ad evangelicam prædicationem *N.* Alioquin frustra Christus instituisset peculiarem ministrorum ordinem; frustra segregasset Spiritus Sanctus Paulam et Barnabam ad opus ministerii (Act. XIII, 2); frustra apostoli ordinassent episcopos quibus commendarent fidei depositum (I Tim. VI, 20) et frustra Spiritus Sanctus eisdem posuisset ad regendam ecclesiam Dei (Act. XX, 28); frustra denique Christus fidelibus id injunxisset, ut suos audirent ministros, iisdem obedirent (Luc. X, 16) iisque subessent, quæ omnia apostoli in omnibus fere epistolis fidelibus commendant (I Thess. V, 12; ad Tit. I; Hebr. XIII, 17, etc.) Et sane si omnes magistri, ubi discipuli? Si omnes pastores, ubi grex?

31. Ad 3. *N.* Nam Christi ecclesia semper indiget ejus præsidio et adsistentia. S. Marcus loc. cit. ne innuit quidem aliquando miracula et signa in ecclesia cessatura. Addatur Christum apostolis eorumque successoribus promississe *Spiritum veritatis* qui doceat eos semper *omnem veritatem*, quique esset mansurus cum ipsis *in æternum*; addatur præterea Christi promissionem apud s. Marc. cap. ult. hactenus in ejus ecclesia adimpleri (1).

32. Ad 4. *D.* Revelatio semper a privatis individuis proponitur ut *privatis* hominibus et nomine proprio, *N.* ut publicis ecclesiae ministris et legatis ac nomine ecclesiae *C.* Nec enim semper vel princeps vel respublica vel senatus in persona propria vel subditis vel exteris gon-

universum orbem ecclesiae, (apud Usserium). Et in actis s. Pionii, qui passus est sub Decio, legitur: « Tum Polemo, christianus, inquit, es? Respondit Pionius: sum profecto. Cajus, inquit Polemo, es ecclesiae? Respondit Pionius: Catholicæ; nulla enim

est alia apud Christum » (Cons. Valensius in notis ad cap. 10, lib. VII, Hist. eccles. Eusebii, et acta sanctorum apud Bollandum, mensis Febr. die 1).

(1) Ut patet ex dictis in 1 Parte hujus tract. n. 394 et seqq.

tibus propria exponunt mandata, aut voluntatem patefaciunt, sed per suos plerumque nuncios aut legatos; sic ecclesia per suos ministros gentibus Christi evangelium annunciat, revelationemque divinam proponit.

33. I. Inst. Ergo etiam haereticus posset ecclesiae nomine fidem annunciare, et gentes ipsi credere tenerentur. Atqui hoc est absurdum.

34. Resp. *D. M.* Posset haereticus ecclesiae nomine fidem annunciare mentiendo, *C.* vere et proprie *N.* Quod si infideles bona fide ipsum ecclesiae ministrum putarent, tenerentur quidem credere, sed in hac hypothesis non propter ipsum crederent, sed propter ecclesiam cujus nomine praedicat et cujus nomen usurpat, ac populi illi sic edocti jam pertinerent ad ecclesiam Christi, ut infantes ab haereticis baptizati, et adulti qui bonae fidei sunt, seu ignorantia invincibili laborant. *Ecclesia enim*, ut loquitur s. Augustinus, *etiam per ancillarum sinum liberos parit Christo* (1).

35. II. Inst. Nullum saltem infideles motivum extrinsecum et infallibile habent, quo induci possint ad actum fidei eliciendum, et ad credendum fide divina quae ipsis proponuntur; ergo.

36. Resp. *D. A.* Nisi Deus aliqua ratione suppleret, *Tr.* vel *C.* si Deus suppleat *N.* Jam vero Deus vel per donum miraculorum ecclesiae ministris concessum, vel per internam gratiam suam, vel per utrumque simul cum infidelibus evangelium annuntiatur, ipsos et illustrat et movet et persuadet et trahit adeo ut firmissime ac fide divina propositis fidei articulis assentiantur et credant, non minus ac si ab ecclesia ipsa ea credenda proponerentur.

(1) Hoc est argumentum septem librorum, quos s. Augustinus inscripsit *de baptismo adversus Donatistas*, in quibus ostendit fieri etiam

aliquando posse, ut aliquis habeat aliquid catholicum extra ecclesiam catholicam, praesertim lib. 1, cap. 10.

Brevi insuper iidem populi certiores fieri possunt de ecclesiae existentia ejusque praerogativis.

37. III. Inst. Possent tamen hac ratione illudi ac decipi; ergo.

38. Resp. D. A. Si mala fide agant, C. si animo sincero viam salutis quaerant N. Etenim Deus pro sua bonitate non patitur illos illudi ac decipi qui eum timent, et veritatem ex toto corde ac sincera mente inquirunt (1).

PROPOSITIO III.

Sola proinde ecclesia est custos et interpretres infallibilis divinae revelationis, sive viva voce per traditionem transmissae sive litteris consignatae

39. Haec propositio est veluti corollarium praecedentis; etenim si Christus non privatis hominibus, sed pastorum coetui, seu ecclesiae a se institutae munus religionis propagandae et conservandae demandavit, si eidem specialem ad id munus rite obeundum ac perpetuam ad-sistentiam promisit, si veritatis spiritum dedit in aeternum cum ipsa mansurum, si apostoli revelationis depositum delectis ad id successoribus custodiendum tradiderunt, ut patet ex illis apostoli verbis quibus sic Timotheum a se constitutum ecclesiae ephesinae episcopum hortatur: *Bonum depositum custodi per Spiritum Sanctum qui habitat in nobis* (II Tim. I, 14); *Tu as-*

(1) « Nam si sapientia et veritas, (praeclare inquit S. August. de moribus Ecclesiae, lib. 1, c. 17, n. 31, 32,) non totis animi viribus concupiscatur, inveniri nullo pacto potest. At si ita quaeratur, ut dignum est, subtrahere se se atque abscondere a suis dilectoribus non potest... Amore petitur, amore quaeritur, amore pulsatur, amore reve-

latur, amore denique in eo quod revelatum fuerit permanetur... O utinam possetis intelligere quae dicta sunt. Confestim abjiceretis omnes ineptias fabellarum, et vanissimas imagines corporum, totosque vos magna alacritate, sincero amore, firmissima fide sanctissimo ecclesiae catholicae gremio conderetis ».

seculus es meam doctrinam, institutionem, propositum, fidem.... tu vero permane in iis quae didicisti et credita sunt tibi, sciens a quo didiceris; quae audisti a me per multos testes, haec commenda fidelibus hominibus, qui idonei erunt et alios docere (II Tim. II, 2); ac rursus: *O Timothee, depositum custodi, devitans profanas vocum novitates, et oppositiones falsi nominis scientiae, quam quidam promittentes, circa fidem exciderunt* (I Tim. VI, 20 et 21). Eadem inculcat Tito episcopo cretensi alii suo discipulo. Ex his plane consequitur, solam hanc ecclesiam custodem et interpretem infallibilem atque perpetuam esse divinae sibi traditae revelationis, non autem privatos homines quibus semper obedientia injungitur, in rebus praesertim fidei ac morum, nisi velint ab ecclesia ipsa extorres fieri, et haberi in censu ethnicorum et publicanorum ac haereticorum.

40. Revelatio autem partim scriptis consignata fuit, partim viva voce transmissa, juxta illud apostoli: *Tenele traditiones quas didicistis, sive per sermonem, sive per epistolam nostram* (II Thess. II, 15). Hinc s. Joannes in evangelio cap. ult. declarat se multa omisisse ex iis quae Christus fecit, et in secunda ac tertia epistola profitetur se plura adhuc scribenda habere, sed velle magis *os ad os loqui* (II Joan. 12, et III Joan. 14). Volens propterea apostolus Paulus quosdam contentiosos compescere, eos provocat ad contrariam ecclesiae consuetudinem dicens: *nos talem consuetudinem non habemus, neque ecclesia Dei.*

41. Sola ideo ecclesia a Christo instituta est utriusque scripturae videlicet et traditionis depositaria, custos et infallibilis interpretes ab ipsa sua institutione, ac talis erit usque ad consummationem saeculi, quia ipsa semper suam retinet possessionem ac praescriptionem, et semper habet in semetipsa legitimos titulos juris sui.

42. Quapropter sequitur 1. illos omnes et solos libros scripturae canonicos et divinos esse ab omnibus admittendos, quos ecclesia Christi ut tales recognoscit et admittit. Istorum autem censum exhibet concilium Tridentinum, sess. IV.

43. 2. Omnes et solas traditiones ab omnibus Christi fidelibus divinas habendas esse, quas eadem Christi ecclesia ut tales admittit ac veneratur.

44. 3. Jure suo ecclesiam uti, cum non omnes promiscue scripturae versiones approbat et permittit, sed illas tantum quas ipsa authenticas et fideles recognoscit; et cum insuper versiones in linguas vernaculas nonnisi sub praescriptis a se conditionibus vulgari ac legi permittit (I Cor. XI, 16) (1).

45. 4. Haereticos nullum jus in scripturam ac traditionem habere, ac multo minus ad earum interpretationem, utpote refractarios et extra ecclesiam constitutos, ut infra ostendemus.

46. 5. Privatos fideles fructum quidem percipere posse ex scripturis, cum omnia ad ipsorum bonum ac utilitatem in ecclesia ordinata sint, vel eas juxta ecclesiae regulas exponere et interpretari, sed ea sub conditione, ut ipsorum interpretationes et expositiones intra *privatae*

(1) Ecclesiam itaque non absolute sacrarum scripturarum lectionem in lingua vernacula vetare filiis suis, ut calumniantur haeretici, et post ipsos Jansenistae, patet ex regula in *Indicis librorum prohibitorum*; sed cum depositaria et custos fidelis s. sacrarum eloquiorum, in primis vetat versiones quas ipsa non recognovit, cum in versione, ut notum est, posuit sensus corrumpi facili negotio, quemadmodum corruptus est in tot versionibus haeticorum, quarum catalogum exhibet Lelong in sua *Bibliotheca sacra*, duobus vol. fol. Parisiis 1793. Sed praeterea, ea ratione qua infantibus, qui lacte opus ha-

bent, ad nutritionem solidus eibus subtrahitur, ne eis noceat, vult ecclesia ut adnotationibus atque illustrationibus difficiliora loca explanentur. Praeclare Comes de Maistre: « La douce colombe, avalant d'abord et triturant à demi le grain qu'elle distribue ensuite à sa couvée, est l'image naturelle de l'Eglise expliquant aux fidèles cette parole écrite, qu'elle a mise à leur portée; lue sans notes et sans explications, l'Ecriture sainte est un poison ». Soirées de s. Pétersbourg, soirée xi, tom. II, pag. 344, édit. d'Anvers. S-d de hoc argumento ex professo in tract. *De locis theologicis*.

opinionis cancellos concludantur; et ecclesiae iudicio subiciantur, cum ipsius tantum sit authenticam et auctoritativam interpretationem dare.

DIFFICULTATES

47. I. Obj. 1. Scriptura est patrimonium commune; eam Deus in haereditatem legavit filiis suis; Evangelistae fidelium precibus morem gerentes evangelium scripserunt (1); 2. Apostoli epistolas suas ad varias fidelium societates miserunt; 3. Scripturae lectionem omnibus commendarunt; 4. Apostolus Paulus omnibus Thessalonicensis ecclesiae fidelibus injunxit: *Tenete traditiones*, etc.; ergo non coetus pastorum, sed fidelium coetus est custos divinae revelationis, ac proinde legitimus ejus interpret.

48. Resp. I. generatim *D. A.* Sub directione ecclesiae, quae a Christo ipso revelationem accepit et a Spiritu Sancto una cum ipsius intelligentia ac legitimo sensu, *C.* independenter ab ecclesiae auctoritate et directione *N.* Etenim certum est quod Christus *aperuit illis* (apostolis) *sensum, ut intelligerent scripturas* (Luc. XXIV, 45), utique Veteris Testamenti; quoad scripturas vero Novi Foederis certum pariter est ex dictis, ecclesiam iis praescrispsisse, easque ut genuinas ac divinas approbasce. Sic apostolorum princeps approbavit epistolas omnes s. Pauli, et simul corripuit praeposteras quorundam privatorum interpretationes (II Petri III, 15).

49. Resp. II. Singillatim, ad 1. *D.* Quatenus ad commune bonum et utilitatem a Deo data est sub ecclesiae directione, *C.* quatenus ad omnes et singulos jus pertinet auctoritative eam custodiendi et interpretandi *N.* Nam et sacramenta commune patrimonium ac haereditatem constituunt, nec tamen propterea fideles jus habent ea ad-

(1) Ita passim scriptores Historiae Ecclesiasticae testantur.

ministrandi. Ceterum quinam legislator codicem suum dimittit uniuscujusque custodiae atque interpretationi ? Si res ita se haberet, actum prorsus esset de tota ipsa legislatione.

50. Ad 2. *D.* Una cum pastoribus suis eorumque subordinatione ac dependentia, *C.* ad solos fideles exclusive *N.* Apostoli scilicet epistolas suas scribebant vel ad universam ecclesiam vel ad ecclesias particulares, quae constituebantur ex pastoribus et fidelibus, istis autem perpetuo subjectionem et dependentiam a propriis pastoribus commendabant; quod si ad particularia individua scribebant, ea minime subducebant generali institutioni, qua tenebantur obedire iis, quos *Spiritus Sanctus posuit episcopos regere ecclesiam Dei* (Act. XX, 28), et quibus dicebatur: *Obedite praepositis vestris et subjacete eis, ipsi enim pervigilant quasi rationem pro animabus vestris reddituri* (Hebr. XIII, 17).

51. Ad 3. *D.* Ut supra, sub directione ecclesiae, *C.* independenter ab ipsa *N.*

52. Ad 4. *D.* Id est ecclesiae prout supra explicatum est, *C.* fidelibus seorsim sumptis *N.* Addo apostolos proprii pastoralis ministerii officio functos esse, cum ista scriberent ad fideles communiendos a seductoribus, ac propterea ex illorum agendi ratione magis confirmari necessitatem dependentiae a legitima auctoritate, ne in errorem quis inducatur vel ex propria infirmitate vel ex aliorum malitia.

53. Inst. Scriptura non est nisi voluntatis Dei declaratio; atqui omnium filiorum est interpretatio voluntatis patris; ergo.

54. Resp. *D. min.* Juxta regulas, quas pater ipse praescripserit, ac prout exigit ipsa rei natura, *C.* pro uniuscujusque arbitrio ac voluntate *N.* Alioquin, si lis oriretur inter filios circa patris dispositionem, nullus unquam finis disceptationis haberetur. Quare apostolus Petrus omni-

*

bus inculcat : *Hoc primum scientes , quod omnis prophetia scripturae propria interpretatione non fit ; non enim voluntate humana allata est aliquando prophetia ; sed Spiritu Sancto inspirati locuti sunt sancti Dei homines* (II Epist. I , 20 , 21).

55. II. Obj. Si ecclesia esset revera depositaria , custos atque interpres infallibilis revelationis , nulla unquam excitata controversia fuisset circa numerum librorum canonicorum eorumque authenticitatem , nulla quaestio mota fuisset circa traditiones ; atqui magna olim , ac primis ipsis ecclesiae saeculis , dissensio fuit circa hos articulos inter diversas ecclesias , nec magis Patres inter se hac in parte concordantes fuerunt (1) ; ergo.

56. Resp. D. M. Si ecclesiae infallibilitas esset per modum revelationis aut inspirationis , C. si per modum adsistentiae ne erret in propriis judiciis N. Porro apostoli acceptam a Christo revelationem consignarunt vel singularibus individuis , episcopis scilicet , vel particularibus ecclesiis quas instituerunt , et ad quas identidem etiam scripserunt ; nec totam insuper , atque , ut ita dicam , in solido revelationem singulis ad instar unius doctrinae corporis tradiderunt , sed prout occasio ferebat , exceptis articulis explicite necessario ab omnibus credendis , cam proponebant , prout colligitur ex I. Cor. III , 1 , 2 , et alibi passim. Hinc non potuit statim constare singulis episcopis vel ecclesiis particularibus , ex quibus ecclesia universalis coalescit , de iis , quae apostoli sive viva voce , sive scriptis singularibus vel episcopis vel ecclesiis commiserunt. Inde ortae quandoque vel excitatae controversiae sive circa numerum librorum canonicorum , sive circa veritatem aliquarum traditionum , sive demum circa legitimum sensum quorundam scripturae locorum ,

(1) Cons. Franc. Marchini *Tractatus de divinitate et canonicitate sacrorum librorum* , Taurini 1777 , in-4.

donec collatis suffragiis ecclesia universa divina ope suffulta de eis determinaverit seu iudicium tulerit (1).

57. Inst. Ergo ecclesiae fides non semper uniformis fuit.

58. Resp. Si sermo sit de aliqua difformitate positiva, quatenus alii contraria vel diversa crederent, *N.* Si de difformitate negativa, *subd.* quoad ecclesias aliquas vel particularia individua circa puncta nondum definita, *Tr.* vel *C.*; quoad ecclesiam universalem *N.* Voco autem difformitatem negativam illam diversam sentiendi rationem, quae oriebatur vel adhuc oritur circa quaestiones nondum eliquatas vel definitas, quae potius provenit ex carentia cognitionis quam ex positiva aliqua scientia; omnes tamen ita affecti erant, prout semper sunt, ut implicite crederent ea omnia, quae tanquam divinitus revelata teneret vel tenet ecclesia, explicite credituri, si ea expresse ecclesia definivisset vel definiret.

PROPOSITIO IV.

Ecclesia Christi est una, visibilis atque perpetua

59. Hic nobis in animo non est agere de notis verae ecclesiae, de quibus ex professo in tractatu de *Lociis*

(1) Ex his patet, celeberrimum Vincentii Lirinensis effatum, quod semper, quod ubique, quod ab omnibus creditum est esse tenendum; quod ipse fusc. evoluit n. 3, 4, 5, adversus haereticos in suo *Commonitorio*, et quod nonnulli ex recentioribus scriptoribus abusi sunt ad statuendam nescio quam auctoritatem universalem generis humani ut fidei christianae basim, non esse intelligendum nisi in sensu, ut dicunt, *positivo* quatenus nempe, quod semper, etc. non possit non esse verum, aut non ex traditione apostolica descendere; non autem in sensu *negativo*, ita ut verum aut certum non sit censendum

quidquid semper, ubique et ab omnibus creditum saltem explicite minime fuerit; alioquin actum esset de authenticitate et canonicitate omnium librorum, quos deuterocanonicos dicimus; quod prorsus absurdum est, atque a Vincentii Lirinensis mente omnino alienum, qui profecto non ignorabat agitalas adhuc sua aetate esse, vel paulo ante fuisse controversias circa sacrorum librorum canonicitatem; et aliunde constat successu temporum sexcenta fuisse ab ecclesia definita, quae prius, nondum ortis haeresibus, quae solemnes ejusmodi definitiones provocarunt, nonnisi *implicite* credebantur.

theologicis serino instituetur, sed solum eas intrinsecas et essentielles proprietates persequi, quae ad rem praesentem faciunt, juxta methodum quam nobis praefiximus ad impugnandos heterodoxos.

60. Ut igitur ad propositum veniamus, ecclesia est societas ab ipso Christo instituta ad profitendam religionem, cujus ipse auctor est et invisibile caput. Cum vero religionem Christus ad commune hominum bonum et utilitatem instituerit, hinc sequitur quod ecclesia vel societas a Christo instituta necessario debeat esse *una, visibilis atque perpetua*.

61. Una quidem, prout una est religio, una fides, quam Christus homines docuit, quamque ipse voluit homines profiteri. Religio autem et fides, sicut et veritas, una est ac indivisibilis in sui notione, nec ullam patitur cum falsitate et errore vel commixtionem vel transactionem, cum altera alteram excludat, veritas enim, ut acute observat s. Augustinus, est quod vere est (1), falsitas autem quod non vere est; quicumque propterea recedunt a fide quam Christus tradidit ecclesiae suae, seu societati quam ipse instituit, hoc ipso recedunt a veritate et ab unitate; ergo ecclesia Christi est essentialiter una, sicut essentialiter una est fides et una veritas.

62. Et sane Christus vocat ecclesiam suam *unum ovile* (Joan. X, 16), vocat regnum *suum* (2), ecclesiam *suam* (Matth. XVI, 18), etc. Et apostolus *Unus Dominus, una fides, unum baptisma* (Ephes. IV, 5); et in symbolo apostolico jubemur credere *ecclesiam catholicam* (3).

(1) Tract. xxxviii, in Joan. n. 10, p. 559, edit. Maur.

(2) Matth. xvi, 18, et alibi ecclesia passim a Christo *regnum Dei* vocatur, *regnum coelorum*, etc.

(3) Ubi obiter notandum est, plebsque protestantes, qui adhuc retinent symbolum apostolicum, prorsus sustulisse vocem *catholicam* e symbo-

lo, ne, quoties illud recitant, toties propriae sectae condemnationem repant. Attamen neque hac ratione illam effugiant, siquidem, cum profiteantur se credere *ecclesiam*, et quidem unicam et singularem, quid aliud venire potest sub hac denominatione nisi ecclesia catholica? Numquid ridiculum non est putare, apostolos vel au-

63. Omnis insuper societas, quae ex hominibus coalescit, debet necessario esse visibilis atque externa; talis autem est ecclesia quam Christus instituit. Ergo ecclesia Christi non solum una, sed et visibilis est. Quare non solum internam fidem, sed et externam fidei professionem Christus ab hominibus exposcit: *Qui confitebitur me coram hominibus, inquit, confitebor et ego eum coram Patre meo; qui erubuerit me et sermones meos coram hominibus, erubescam et ego eum coram Patre meo, qui in coelis est* (Matth. X, 32.). Et Apostolus ad Romanos: *Corde creditur ad justitiam, ore autem confessio fit ad salutem* (cap. X, 10). Symbola praeterea externa ipsis dedit, nempe sacramenta, externum sacerdotium et externos ministros; praecepit ut omnes obedirent praepositis sibi pastoribus, et vicissim

etores antiquissimos hujus symboli, quod saltem ab aetate apostolica provenit, et doctrinam apostolicam continet, voluisse ut objectum vel articulum fidei proponere: Credo ecclesiam *lutheranam, vel reformatam, vel protestantem*, etc.? Alii nonnulli aliter vitium originis suae oblegere conati sunt, dum vocem *catholicam* acquivoce verterunt per vocabula germanica *Allgemeine christliche*; Borussiae rex qui apud protestantes sui regni sacris praest, in *Agenda*, seu *Rituale* protestantico, ejus jussu ex ecclesiae romanae *Ordinibus* et antiquis ritualibus catholicis confabato, et protestantibus regia auctoritate nuper imposito, verba Symboli apostolici: *1 Credo... Sanctam ecclesiam catholicam, sic transtulit: Ich glaube... eine heilige, allgemeine christliche Kirche* (Vid. *Agende für die evangelische Kirche in den Königlich-Preussischen Landen, mit besondern Bestimmungen und Zusätzen für die Provinz Westphalen und die Rhein-Provinz, pag. 23, in 4, Berlin 1834, id est Agenda pro evangelica ecclesia regni borussici, cum peculiaribus dispositionibus et ad-*

ditionibus pro provinciis Westphaliae et Rheni) 2; sectae itaque suae sententiam clarius pronunciat, quam si vocem *catholicam* omnino de medio sustulisset. Dixi *auctores antiquissimos*; hec enim quidam recentiores intemperantes critici subdubitare videantur, apostolos per se hanc fidei regulam, quam symbolum apostolicum dicimus, minime confecisse, atamen extra dubium est ipsum antiquissimum esse, cujus jam meminit Tertullianus, in lib. *De Virginibus velandis*, c. 1, ubi illud vocat *regulam fidei*, tum in lib. *De Praesc.* c. 13, et *Ado. Praescam*, c. 2, atque s. Irenaeus, lib. 1. *Contra haeresees*, c. 2; imo doctus Pelavius censet ad hanc fidei formulam, passim jam receptam in omnibus ecclesiis apostolica aetate, s. Paulum respexisse in Epist. 1. ad Cor. viii, 5, quaeque catechumenis ac tironibus, ante baptismum proponi, atque ab iis exigi solebat (*Theol. dogm. tom. II, lib. III, de Trin. c. 1, §. 5.*). Vid. Bergier, *Diet. de theol. art. Symbole*, nec non Nat. Alex. *Diss. 21 in saec. ecclesiae* 1.

injunxit pastoribus, ut pascere gregem sibi commissum; voluit ut omnes sub comminatione aeternorum suppliciorum ad ecclesiam accederent, e contrario autem inobedientes et perversos in proprio sensu ab eadem expellerentur, aliaque ejusmodi; quae quidem omnia societatem profecto visibilem et externam supponunt. Ut ergo ecclesia Christi necessario est una, ita necessario visibilis est atque externa.

64. Ex iisdem principiis veluti sua sponte sequitur Christi ecclesiam perpetuam esse debere, seu perpetuo durataram. Etenim Christus pro omnibus omnino hominibus, ac proinde pro hominibus omnium locorum et saeculorum, religionem suam instituit, ac fidem credendam proposuit; voluit ut quovis tempore infideles, quibus annuntiaretur evangelium, ad ecclesiam accederent, eidemque aggregarentur, et quovis tempore ab eadem expellerentur contumaces ac rebelles; hinc semper subsistere debet ecclesia seu ista societas, quam semel Christus instituit in omnium bonum ac utilitatem (1).

(1) Atque hinc refellitur illorum sententia neotericorum, qui ausi sunt affirmare, Christum non potuisse religionem, ut vocant, *positivam* instituere, eo quod haec contraria sit hominis indoli, quae ad libertatem adeo prona est. Id tamen plane ridiculum est; nam eo quod nonnulli rebelles se submittere detrectant legitimae auctoritati a Deo constitutae, debet ne Deus eorum perversae agenda et sentiendi rationi se se accommodare? Cum tamen apud prophetam scriptum sit: *Quis tibi imputabit, si perierint nationes, quas tu fecisti?* Posset et his dicere Christus Dominus: *Numquid et vos vultis abire?* Præterea licet obiter monebo, nullum majus inesse pondus alii rationi, quam ad hanc impossibilitatem saltem indirecte ostendendam, adducit neotericus auctor Georg. Hermes, nuper theologiae professor in univer-

sitate Bonnæ, in sua *Introductione ad christiano-catholicam theologiam*, germanice exarata, p. 1, *Philosoph. introduct.* edit. 2 Munsteri 1831; ubi postquam in quaest. 111, p. 504 et seqq., multa obscure atque implexè disseruit de possibilitate revelationis supernaturalis, tandem accedens ad eas generales condiciones, a quibus revelatio tanquam realis est habenda, p. 503 hoc generale statuit criterium: « Ibi, nec alibi, realitas supernaturalis divinae revelationis vel cujuscunque miraculi admitti debet, ubi per hujus negationem ratio theoretica necessarium principium rejicere, vel practica indubium officium omittere cogeretur, quia in utroque casu ratio vadem se præstat pro ipsius realitate et veritate ». Quod principium seu criterium a nullo vere catholico admitti potest; inde enim sequeretur humanam rationem, sive theoreticam

65. Cum vero per hominum infirmitatem vel malitiam ac improbositatem fieri posset, ut veritates ab ipso propositae vel toto vel saltem aliqua ex parte laederentur, vel ut dissolveretur societas ipsa, quam Christus instituerat, hinc perpetuam ac nunquam desituram protectionem et defensionem suam eidem promisit, qua fieret, ut intemerata semper persisteret adversus quaecumque hominum ac inferorum molimina; sic apud Matthaeum: *Portae inferi*, inquit, *non praevallebunt adversus eam* (Matth. XVI, 18), et iterum: *Ecce ego vobiscum sum omnibus diebus usque ad consummationem saeculi* (Matth. XXVIII, 20); et alibi passim. Quae oracula, aliaque ejusmodi, semper ecclesia intellexit de indefectibili sui subsistentia et infallibilitate sibi a Christo tributa usque ad mundi finem. Ac proinde ecclesia Christi, ut necessario ac natura sua una est ac visibilis, sic necessario perpetua ex Christi institutione est atque indefectibilis.

66. Ex dictis sequitur, 1. cum Christus unitati tantum praerogativas omnes tribuerit tum auctoritatis, tum infallibilitatis, etc., has nullo modo privatis hominibus competere.

sive practicam, esse judicem eorum, quae Deus revelare ac moliri posset. Quid si agatur de iis, quae mentis nostrae captum excedunt, cujusmodi plura sunt, quae in revelatione supernaturali continentur? Motiva, ut vocant, extrinseca credibilitatis ad haec admittenda sufficere debent; alioquin non rationem revelationi ac mysteriis, sed revelationem ac mysteria rationi subiceremus, quod est principium socinianorum et ineredulorum. Sed de hoc auctore ejusque systemate, cui adlaborando viginti tres annos ipse insudavit, suo loco dicemus. Interea id graviter dolemus, quod hermesianum ejusmodi eversivum systema in Westphalia passim atque in Borussia in ipsis scholis catholicis et

recipitur et propugnatur.

Haec quidem ita se habebant, cum primum hoc opus in lucem prodiiit (anno 1835); posteaquam vero emissum est decretum a sancta sede adversus Hermesii libros, nemo catholicus Hermesianam doctrinam in publicis scholis tuebitur, illi favebit. Nec stetit per illum Archiepiscopum colonicensem, qui tanquam murum aeneum sese illis perniciosius novitatibus opposuit, quominus vel ab ipsis animis eraderetur. At eheu! constantiae et fortitudinis suae reus molestam subit captivitatem, quae utinam neque novioribus addat audaciam, neque in sanae doctrinae vergat detrimentum!

67. Sequitur 2. has multo minus vindicare sibi posse sectas quaslibet utut numerosissimas, quae identidem ab unitate recesserunt, quaeque spectari debent veluti totidem rami a magna arbore excisi, ac veluti rivuli a fonte separati et disjuncti, veluti membra a vivo corpore excecta, ut sancti ecclesiae patres passim loquuntur, ac praesertim s. Cyprianus (1); ideoque sectas carere vita omni-que vitae principio (2).

68. Sequitur 3. somnare prorsus eos omnes, qui, ad suam cohonestandam defectionem ab ecclesia, obtrudunt nescio quam invisibilem successionem et communionem cum justis (id est, haereticis) omnium praeteritorum temporum, ex quibus tantum vera ecclesia a Christo instituta juxta ipsos coalescit (3).

(1) *Ecclesia una est*, inquit sanctus martyr, (lib. de unitate ecclesiae), « quae in multitudinem latius incremento fecunditatis extenditur. Quomodo solis multi radii, sed lumen unum, et rami arboris multi, sed robur unum tenaci radice fundatum; et cum de fonte uno rivuli pluri defluunt, numerositas licet diffusa videatur exundantis copiae largitate, unitas tamen servatur in origine. Avelle radium solis a corpore, divisionem lucis unitas non capit. Ab arbore frange ramum, fractus germinare non potest. A fonte praecide rivum, praecius arescit. Sic et ecclesia Domini », etc. Edit. Maur. p. 195.

(2) Ut rami dissecti, radii a sole divisi, etc. Hinc concludebat idem s. Doctor: *Hanc unitatem qui non tenet, non tenet Patris et Filii fidem, vitam non tenet et salutem*, ibid. pag. 196. Impossibile est ut sectarii oculos in sanctorum ecclesiae patrum scripta conjiciant, et illico non inveniant propriae sectae damnationem. At ipsi sapientissimos patres contemnunt, nec illorum ullam rationem habent. Ipsi viderint, si coram Deo tanta animorum audacia eos

excuset; etiam veteres haeretici, ut refert s. Irenaeus, lib. III, *Contra haereses*, sub finem cap. 2, parvipendebant apostolos. Quid inde?

(3) D. Neander, Berolinensis professor, in sua *Histoire de l'Eglise*, statuit quod ad bene cognoscendam historiam et eventus religionis christianae seu ecclesiae, necesse sit rei basim ponere in idea ecclesiae invisibilis. Haec assertio multos nactus est impugnatores etiam inter reformatos. In *Ephemeride evangelica*, quae Berolini imprimitur, pastor Grundwisch, in articulo cui titulus *Neander*, scribit ejusmodi ecclesiam invisibilem inventam seu excogitatam esse a protestantibus ad respondendum catholicis, qui eis exprobrabant non amplius eos in ecclesia esse, extra quam non datur salus, quibus non aliter reponere potuerunt quam dando hoc nomen soli electorum ecclesiae, quae nulla distinguitur nota sensibili. Verum, subdit ipse, si homines nullum habent adjumentum ad discernendum veram ecclesiam, haec non erit nisi *ens imaginarium*, atque impossibile pariter erit asserere cum certitudine, utrum s. Stephanus an vero ipsius carnifices pertraherint ad

69. Sequitur 4. commentitiam esse distinctionem articulo-
rum fundamentalium et non fundamentalium, quam
primus invenit Jurieu (1), quamque protestantes passim
ambabus ulnis velut salutarem protestantismi tabulam,
qua ab imminente naufragio eriperentur, sunt comple-
xi, ut adstruerent ad ecclesiam Christi seu unitatem eos
omnes pertinere, qui articulis fundamentalibus assenti-
rent, licet alios omnes articulos fidei rejicerent. Caeteris
enim omissis, futilitas hujusmodi distinctionis ex eo de-
prehenditur, quod ea detrahat unitati ac integritati fidei,
quam Christus omnibus indiscriminatim credendam per
ecclesiam a se institutam proposuit, dicens: *Docete om-
nes gentes servare omnia quaecumque mandavi vobis...*
Qui non crediderit, condemnabitur (Matth. cap. ult.;
Marc. XVI, 16).

70. Sequitur 5. unitatem debere perpetuari, qualem
Christus ipse eam instituit; jam vero Christus eam non
solum constare voluit ex unitate seu identitate fidei et ex
eorumdem sacramentorum participatione, verum etiam
ex unitate regiminis, ac specialim ex unitate capitis vi-
sibilis, quod universae a se institutae praefecit ecclesiae,
Petrum dico, cui Christus apud Matthaeum ait: *Et ego*

ecclesiam, eo quod nos eos non aliunde discernere possimus quam ex ver-
bis et actionibus, id est, ex rebus
sensibilibus.

(1) Cum animadverteret premi a
catholicis reformatos protestantes ab
ineluctabili argumento, desumpto ex
perpetuitate ecclesiae ac nunquam
interrupta episcoporum successione,
ab identitate doctrinae, etc. hinc ex-
cogitavit distinctionem articulo-
rum *fundamentalium et non fundamen-
tali-um*, quam late persequitur in
opere, *Le vrai système de l'Eglise*,
in-8, 1686, tum in opere *Unité de
l'Eglise*, 1688, quibus ostendere ni-
tuitur ecclesiam constare ex omnibus
societalibus christianis, quae retine-
runt *fundamenta fidei*. Fanatici om-

nium saeculorum proscripti ab eccle-
sia catholica in dypticos istius Jurieu
referuntur. Ipse Bayle, tanta ministri
protestantis amplitudine percitus, cum
aceriter impugnavit in suo tractatu
*Janua coelorum reserata cunctis re-
ligionibus a celebri admodum viro
domino Petro Jurieu*, cui epigra-
phum praemisit: *Porta patens esto
nulli claudatur honesto*. Verum ejus-
modi systema, quod ab initio per
hominum ora late abiit, jam plane
jaacet etiam apud ipsos protestantes.
Nulla quippe est secta, quae non fa-
teatur per illam doctrinam subui fi-
dei fundamenta. Quis iudex erit? Vid.
Feller, *Dict. hist. art. Jurieu*; Bayle,
pariter in *art. Jurieu*, ubi cum vel-
licat acerbissime.

dieo tibi, quia tu es Petrus; et super hanc petram aedificabo ecclesiam meam, et portae inferi non praevalerunt adversus eam, et tibi dabo claves regni caelorum, et quodcumque ligaveris super terram, erit ligatum et in coelis, et quodcumque solveris super terram, erit solutum et in coelis (Matth. XVI; 18). Ac rursum apud Joannem eidem Petro: *Pasce agnos meos... pasce oves meas*, (Joan. XXI, 15 et seqq.). Quae verba de vera superioritate potestatis, honoris ac jurisdictionis Petro ejusque successoribus collata semper intellexit ecclesia. Sequitur proinde schismaticos esse eos omnes, qui ab hoc capite ac unitatis centro se subdixerunt vel identidem subducunt, ideoque ad Christi ecclesiam nulla ratione pertinere, qui Petro ejusque legitimis successoribus non adhaerent; nec quidquam episcopos in ecclesia posse, quod gubernandi potestatem attinet, nisi cum Petro et sub Petro, cum sub hac conditione tantum ipsi utantur privilegiis seu praerogativis, quibus Christus episcopatum instruit. Unitati siquidem, ut ostendimus, Christus has praerogativas concessit (1).

DIFFICULTATES

71. I. Obj. Eodem modo quo ecclesia est una, est etiam sancta; ergo sicut pravitas morum in individuís non officit verac ecclesiae sanctitati, sic diversitas aut pravitas fidei ac doctrinae non detrahit ejus unitati.

72. Resp. *Conc. antec. et neg. conseq.* Ad paritatem *D.* Si pravitas morum sit personalis, *C.* si doctrinalis vel *N.* vel *subdist.* privata, *C.* publica, quae nempe proveniat ex ecclesiae magisterio *N.* Sanctitas enim ecclesiae perinde ac unitas non minus ex fidei regula quam ex regula morum pendet; quapropter, si semel ecclesia pravam mo-

(1) Ut patet ex facto, et ex confessione ipsorum incredulorum Gibbon et Hume, quos inferius adducimus.

rum doctrinam traderet filiis suis, aperte patet quod sancta jam esse cessaret, eadem ratione ac si prava dogmata doceret. Quod si nonnulli privati sive circa fidem sive circa mores peccarent, utique istorum error aut ignorantia aut malitia nullo modo officerent sive unitati sive sanctitati ecclesiae, sed illis solis nocerent.

73. I. Inst. Unitas plerumque ex diversis, imo contrariis quandoque elementis seu principiis constare potest; ergo et unitas fidei.

74. Resp. D. A. Unitas physica, C. doctrinalis, fidei ac religionis N. (1).

75. II. Inst. Religio vetus sive naturalis sive judaica una et integra subsistebat, licet ipsarum cultores diversa, imo et contraria sentirent circa multos articulos, prout de ethnicis notum est, et quod spectat ad judaeos, circa resurrectionem futuram ex. gr. ut sadducei, vel circa humanam libertatem vel aliquot traditiones, ut pharisaei (2), vel circa libros canonicos, ut samaritani; ergo.

76. Resp. Neg. antec. Quoad omnes partes: ac primo quidem ad ethnicos quod spectat, errores, quibus pedetentim se commacularunt, errores erant privatorum, qui a regula seu fidei norma desciverant. Cum vero in dies cresceret ejusmodi defectio, ne religio ex integro periret, Deus in Abrahamo ejusque posteris peculiarem sibi populum delegit velut publicum verae religionis ac fidei depositarium, apud quem vera ecclesia seu religio subsistere incolumis pergeret; ad hanc autem, spiritu saltem, pertinebant quicumque inter gentes veram religionem ex antiqua et domestica traditione profitebantur. Quod si aliqui etiam inter judaeos a veritatis tramite de-

(1) Unitas enim fidei ac religionis est ipsa incommutabilis veritas, simplex, indivisibilis, aeterna, quae ab ipso Deo dimanat, qui est veritas ipsa subsistens, ut passim loquitur s. Augustinus, et ut patet per se.

(2) Cons. Flav. Josephus, *Antiquit.* lib. xviii, cap. 1 et seq. ubi exponit dogmata peculiaria uniuscujusque sectae pharisaeorum nempe, esseniolorum, sadduceeorum et galilaeorum, quia Juda galilaeo nomen sortiti sunt.

flexissent, et adversati essent expressis fidei articulis, quos vera ecclesia profitebatur, hoc ipso culpabiles erant, et spiritu saltem, cessabant pertinere ad hanc veram ecclesiam, quandoque etiam ab ipso corpore expellebantur (1). Hinc vera religio seu ecclesia una semper ac indivisa immutabiliter exsistit, non obstantibus illis particularibus defectionibus, quae nocebant quidem his culpabiliter errantibus, non autem fidei et ecclesiae integritati et unitati, cui Deus semper prospexit, quamque incolumem ad Christum usque peculiari sua providentia servavit.

77. II. Obj. cum Bretschneider (2): 1. Uniformitas in modo concipiendi veritates fidei est prorsus impossibilis. 2. Variationes continuæ hac in parte ex historia librorum ac dogmatum particularium patesiunt. 3. Unitas, quam catholica ecclesia jactat, reducitur demum ad unitatem verborum, quae pariter existit in fidei professionibus ecclesiae evangelicae, 4. sed verbum est sonus vacuus, neque constituit unitatem intellectualem; 5. sic nulla inter nos omnes est discrepantia in pronunciandis his verbis: *Credo in Deum*, attamen quae non existit diversitas in nostris conceptionibus respectu divinitatis? 6. Vis et auctoritas cum ultimo non inducant nisi unitatem in verbis, satius est non aliam admittere auctoritatem quam rationis utpote quae sola consistere possit eum spiritu religionis ac dignitatis hominis rationalis. 7. Homo quilibet per se veritatis compos fieri debet.

(1) Flav. Josephus ibid. refert sadducæos coactos fuisse, cum aliquam publicam administrationem susciperent, se conformare pharisæorum placitis, alioquin ipsos populus minime tulisset; s.c. enim de sadducæis scribit (§ 4): «Ὅποτε γὰρ ἐπ' ἀρχὰς παρίλθοιεν, ἀκουσίως μὲν καὶ κατ' ἀνάγκην, προσχωροῦσι δὲ εὖν οἷς ὁ Φαρισαῖος λέγει, διὰ τὸ μὴ ἄλλως ἀνέκτους γενέσθαι τοῖς πλεονάζουσιν, id

est, et Nam, si quando magistratus gerunt, inviti et necessitate coacti, pharisæorum opinioni assentiuntur, quod eos alioquin non ferret populus».

(2) In op. cui titulus: *Henricus et Antonius, seu de proselytis ecclesiae romanae et ecclesiae evangelicae*; cui respondit D. Handschuh, in ejusdem operis continuatione, Vindob. 1828.

8. Privare omnes homines ejusmodi jure naturali, eo quod nonnulli individui homines eo abusi sint, aequè absurdum esset ac interdicere omnibus navigationem, quia nonnulli naufragium fecerunt; ergo.

78. Resp. ad 1. *D.* Quoad gradum comprehensionis, *C.* quoad substantiam *N.* Scilicet omnes uniformes esse possunt in credendis iisdem fidei articulis, quoad eorum substantiam, at pro majori vel minori ingenii acuminis, vel cognitionis seu scientiae apparatu, majori vel minori perfectione eos percipiunt, prout pariter contingit in scientiis naturalibus; sic rusticus et astrónomus eandem quoad substantiam solis et lunae ideam habent, sed astronomus eas callet leges, quas ignorat rusticus, et ita de ceteris.

79. Ad 2. *D.* Apud dissidentes ab ecclesiae auctoritate, *C.* apud dociles ecclesiae filios in definitis fidei articulis *N.* Ecclesia catholica semper idem credidit, tenuit ac docuit in iis quae ad fidem pertinent; quod si dissidentes haeretici ac protestantes et rationalistae in perpetua fluctuatione fuerunt et sunt, sive circa scripturae sensum, sive circa particularia dogmata, illud defectui auctoritatis, quam rejecerunt, adscribere debent, non autem auctoritati ipsi, quae sola efficit, ne incerti *circumferamur omni vento doctrinae* (Ephes. IV, 14).

80. Ad 3. *Neg.* Verba enim non sunt nudus vocis sonus ac sensu vacuus, sed signa sunt mentis conceptuum, ut omnes logici docent. Neque Christus, neque apostoli, cum fidem tradiderunt et commendarunt ecclesiae, ut eam usque ad consummationem saeculi intemeratam custodiret et conservaret, unquam in animo habuerunt tradere ac commendare nudum vocis sonum, seu voces sensu vacuas, sed veritates per verba significatas; sic neque martyres sanguinem fuderunt ad conservandam materiale verborum formulam, cui nulla determinata idea responderet. Certe Apostolos Timotheo commendabat, ut

formam haberet sanorum verborum, quae a me, inquit, audisti in fide (II Tim. I, 13). Ludicra porro fuisset haec commendatio, si verba non sunt nisi voces sensu vacuae. Cum legislatores leges condunt, vel cum principes decreta promulgant, in adversarii hypothēsī non darent nisi voces absque sensu; cum medici pharmacum aegrotis praescribunt, non praescriberent nisi materialem verborum formulam; patres familias filiis suis petentibus panem, dare possent lapidem, pro ovo scorpionem, pro pisce serpentem. Adeo desipiunt, qui unitatem ecclesiae impugnant! Negamus praeterea ecclesiam, quam dicunt evangelicam, prout in ecclesia catholica viget, praesferre unitatem fidei, tum quia ex protestantismi notione, ut inferius exponemus, nullam habet auctoritatem, qua praescribere possit ejusmodi fidei unitatem, tum quia ecclesiae singulae diversas fidei professiones habent, quas pro diversitate temporum seu scientiarum progressu, ut ipsi dicunt, variant, tum quia *passim* jam nullum librum symbolicum admittunt (1).

(1) Ecclesiae evangelicae rhemanae, in decreto unionis § 3, decreverunt assumere sacras scripturas velut unicum doctrinae theologiae fundamentum, e medio tollendo quodcumque symbolum; quod decretum confirmatum fuit, post novam deliberationem mensis Novemb. 1825, a tertia Synodo generali ecclesiae protestantis Rheno-Bavaricae. Ecclesia genevensis pariter omnia symbola et confessiones fidei rejecit, in suo statuto sub die 3 Maii 1817. Quae quidem documenta aliaque inferius dabimus. Interea patet viam impiorum revera esse tenebrosam; nesciunt ubi currant; adeo nempe apud protestantes res fidei ac religionis perturbatae sunt et confusae, ut nesciant ubi pedem figant, neque ubi constant. Dixi autem *passim* protestantes nullum jam librum symbolicum admittere; quoniam non ignoro aliquot

protestantium communionēs ejusmodi libros adhuc retinere; imo in Borussia rex ipse novam a se editam liturgiam tanquam librum symbolicum, fidei per cultus uniformitatem manifestatam, promulgavit, omnesque ministros iurejurando ad eam suscipiendam adstruxit. Sed notum pariter est hisce ministris, qui in libros symbolicos jurant, persuasum esse se hujusmodi iurejurando ad credenda vel docenda ea omnia, quae in libris istis continentur, adstringi minime posse. In hac porro ingenuis ac religiosis viris non satis honesta agendi ratio: ipsi ministri aliquam excusationem obtinere posse videntur; siquidem qui apud ipsos Pontifex seu Papa est, non censuris, sed aut expulsionē aut armata militum vi eos ad obediendum adigit; quod sub finem anni superioris (1834) evenit. Cum enim detrectassent non pau-

81. Ad 4. *Neg.* Omnes enim homines hactenus verba veluti signa mentis notionum habuerunt, atque ut medium necessarium ad suas ideas sibi invicem communicandas. Sublatis verbis, actum est de societate et de qualibet scientia; libri omnes physicae, matheseos, etc. essent abijciendi, si nullum praeserferrent sensum, nec scientiae unitatem; ad confusionem babelicam revertemur. Addo quaedam verba habere sensum determinatum et unicum, cujusmodi e. g. sunt nomina, quibus geometricae utuntur, cum designant circulum, triangulum, etc., quaedam autem quamdam pati latitudinem significationis, ita tamen ut habeant ideam fundamentalem certam in quam omnes conveniunt (1).

ei lutherani ministri ac lutheranae societas excipere novam *Agendam*, seu liturgiam denuo praescriptam sub die 28 Febr. anni 1834, a qua vehementer abhorrebant acque ac ab conjunctione cum ecclesia unita quam vocant, de qua aliquid inferius dicemus, plures parochi de loco, in quo erant, dejecti sunt, ac a lege statutis poenis multati, novique vicarii in ipsorum locum suffecti. Quum vero, in quadam Silesiae urbe *Oels* nuncupata turba templum occlusisset atque obsignasset, ne novis vicariis aditus ad illud pateret, quingenti milites urbanusque Praetor missi sunt, qui populum coercerent et compellerent. Quo in tumultu ipso natalitatis dominicae pervigilio ad viginti circiter homines vulneribus multati sunt; in singulas autem domos decem, et quindecim etiam, milites distributi, qui ad frugem et obedientiam pertinaciores suavioribus argumentis adducerent. Atque hoc specimen est certissimum libertatis conscientiae, quam protestantes tantopere depradicant. Praeclaram conscientiae libertatem! Operae pretium erat Romani Pontificis jugum abjicere ad eam nanciscendam! Habemus tamen, quod vehementius miremur; nam in iisdem hisce locis,

de quibus est sermo, lutherani *dis-sentientes* ab ecclesia unita seu evangelica modo vocantur *protestantes*, modo *secta*; Vid. *Ephem. univ. Augustanae* n. 26, 27, cum additamentis extraord. ad diem 1 Januarii 1835, n. 21, p. 102, 103.

(1) Apposite Cl. Manzoni: « Questa diversità, o per dir meglio latitudine di significato, si trova più specialmente nei nomi consecrati ad esprimere disposizioni morali. Ma non pertanto è certo, che gli uomini s'intendono fra di loro, se non con precisione, almeno approssimativamente, quando adoperano o ascoltano alcuna di queste parole; non potrebbero anzi disputare, se non andassero intesi più o meno, se non dessero in parte lo stesso significato alle parole in questione; il che ha fatto dire a taluno, che non vi ha dispute di meri vocaboli, ma che tutte sono d'idee. Questo si spiega, a mio credere, osservando, che in ognuno di questi nomi d'idee morali (quod de ceteris dici debet) vi è una idea predominante e generalissima che tutti vi riconoscono, benchè nell'applicazione essa subisca modificazioni indefinite secondo la diversità delle menti; idea che ricompare sempre, e che regge per così dire il compless-

82. Ad 5. *D.* Non omnes eundem conceptum habent divinitatis quoad cognitionis gradum , ut supra dictum est , *C.* quoad substantiam *N.* Omnes enim qui haec verba proferunt : *Credo in Deum* , non aliud intelligunt sub generali Dei notione nisi summum esse ac perfectissimum , rerum omnium principium , etc. , etsi non apprehendant in specie summas ejus perfectiones , ceteraque omnia , quae in Deo considerari possunt , quaecque nonnisi docti et quidem pro diverso scientiae gradu assequuntur.

83. Ad. 6. *Neg.* ex dictis. Ad id vero quod adversarius subdit , satius esse non aliam admittere auctoritatem quam rationis , respondeo , rationem minime praesferre aliquam auctoritatem in iis quae ad fidem pertinent , sed eam in his non esse nisi pedissequam ; positis scilicet fidei dogmatibus , potest ratio plura invenire ad ea illustranda , magisque comprobanda , atque ad ostendendum nullam in iis inveniri repugnantiam , etc. ; has enim partes , et quidem solas , potest habere ratio in rebus fidei. Ex quo patet falsum esse quod ipse assumit , homines scilicet rationales veluti machinas excipere debere veritates fidei , iisque assentiri ; talis enim semper fuit spiritus religionis , ut nullo modo detrahat dignitati hominis rationalis , cum ipsa ratio nos doceat summa veneratione excipienda esse quae tanquam divinitus revelata proponuntur ab auctoritate infallibili , nomine ipsius Dei , cujusmodi Christi ecclesiam esse ostendimus.

84. Ad 7. *D.* Veritatis ordinis naturalis , *Tr.* vel *C.* ordinis supernaturalis ac revelatae *N.*

85. Ad 8. *Neg.* suppositum , homines neapè jure naturali gaudere inquirendi in veritates a Deo revelatas ; in his enim homines non habent *jus* , sed *debitum* captivandi proprium intellectum in obsequium fidei (II Cor.

so d' idee alie quali si vuole applicare quel nome » (*Morale catol.* cap. 17 , p. 355 , edit. rom.).

X, 5; Philipp. II, 17); et quicumque sibi temere arrogarunt ejusmodi commentitium jus, se committendo liberae navigationi, ut similitudine adversarii utar, *navfragaverunt circa fidem* (I Tim. I, 19), ut Hymeneus et Alexander, prout testatur Apostolus. Certe Christus, cum misit apostolos ad praedicandum, de ejusmodi jure ne verbum quidem fecit, sed simpliciter eis dixit: *Praedicate evangelium omni creaturae; qui crediderit, salvus erit; qui non crediderit, condemnabitur*. Videat adversarius, ne in horum censu sit.

86. III. Obj. cum Benjamine Constant (1). Christus nullam determinatam ac peculiarem ecclesiam instituit, nullum externum ac proprie dictum sacerdotium, sed ministros tantum, et quidem ab invicem liberos, misit ad annuntiandam populis doctrinam suam, quae cor potius quam mentem afficit. Religio enim essentialiter non consistit nisi in cordis affectu, ac mere, ut ajunt, *sentimentali*, quae proinde in se immutabilis est, licet diversas formas accidentales capere possit, hinc diversitas formarum non officit unitati religionis. Oportet praeterea distinguere, subdit Bretschneider (2), inter ecclesiam et christianitatem; Christus Dominus fundavit quidem christianismum, minime vero formam catholicam vel graecam vel evangelicam christianismi. Sane, concludit Felix Bodin (3), ecclesiae ab apostolis fundatae non erant nisi totidem societates inter se distinctae atque independentes, ad quarum regimen aliquis ex praestantioribus fidelibus eligebatur; omnes autem ejusmodi aristocraticae respublicae sacrae communicabant cum romano praeside ad instar statuum foederatorum Americae, qui uni subsunt generali praesidi; ergo.

(1) *De la religion considérée dans sa source, ses formes et ses développements*, loc. cit.

(2) Opere citato.

(3) *Resumé de l'Histoire de France augmenté d'un coup-d'oeil sur l'Histoire de la civilisation*, Paris 1825.

87. Resp. *Neg. antec.* quoad omnes partes. Sero nimis Constant, Bretschneider, Bodin ista systema irreligiosa ac totius revelationis eversiva excogitarunt. Incognita fuerunt apostolis ac toti antiquitati, quae ejusmodi figmenta ne somniavit quidem. S. Petrus veram exercuit jurisdictionem in ecclesiam universam (1), prout pariter exercuerunt ipsius successores. Ecclesia est in possessione sua, a qua ipsam neque haeretici, neque rationalistae seu increduli exturbare possunt. Omnia praeterea monumenta ecclesiastica explodunt ejusmodi deliramenta. S. Clemens romanus veram exercuit auctoritatem in Corinthiorum ecclesiam (2), exercuit Victor adversus quartodecimanos, Stephanus adversus rebaptizantes (3). S. Irenaeus et asiatici episcopi hanc superioritatem ecclesiae romanae, seu Romani Pontificis, et agnoverunt et testati sunt (4), ut

(1) Act. ix. Petrus utpote totius ecclesiae caput perhibetur pertransiens *unicersos*, id est, non modo visitans omnes ecclesias tunc temporis fundatas, sed insuper in Ep. 11, cap. 11, 15, 16, approbans et commendans scripta apostoli Pauli. In concilio hierosolimitano (Act. xv, 7) omnium primus sententiam dixit circa exortam questionem. Ibid. 1, 15, ipse proposuit fratribus simul congregatis, ut alter sufficeretur in locum Judae praevicatoris, quae quidem omnia totidem actus sunt jurisdictionis, quam jure primatus sui Petrus apostolus exercuit.

(2) Ubi sedulo animadvertendum est, Corinthios ad sedandas seditiones ortas in propria ecclesia ad s. Clementem Romanum Pontificem confugisse, ut probabilis videtur ex communiori criticorum sententia, cum adhuc in vivis esset s. Joannes apostolus, qui tunc regibat omnes Asiae ecclesias a se fundatas. Atque inde erant Romanorum Pontificum supremam auctoritatem in ecclesiam universam apertam jam fuisse viventibus apostolis, atque ab ipsis Ro-

manis Pontificibus jam tunc in praxim deductam.

(3) Nota est ipsius responsio seu decretum datum adversus s. Cyprianum ejusque synodum africanam: *Si quis ergo a quacunque haeresi venerit, nihil innovetur, nisi quod traditum est, ut manus illi imponatur in poenitentiam* (Ep. s. Cypri. lxxiv, ad Pompejum).

(4) Vid. praecelsum s. Irenaei testimonium (*Contra haereses*, lib. iii, cap. 3) et *Ecclesiae romanae, ab ipso maximae vocatae et antiquissimae et omnibus cognitae, a gloriosissimis duobus apostolis Petro et Paulo fundatae, etc.* Ad hanc ecclesiam, ait, propter potentiores principatum, necesse est omnem convenire ecclesiam, hoc est, eos qui sunt undique fideles, in qua semper ab his, qui sunt undique, conservata est, quae est ab apostolis tradita. Qui deinde refert de Clemente, tertio ab apostolis episcopo: « Et vidit ipsos apostolos, et contulit cum eis... Sub hoc igitur Clemente, dissensione non modica inter eos, qui Corinthii essent, fratres facta, scripsit

nihil dicam de subsequentibus Pontificibus. Appellationes, quae undique interponebantur ad romanam sedem, id ipsum invietissime ostendunt (1). Verba, quibus Christus ecclesiam suam instituit, in sensum adversariorum nullomodo possunt detorqueri.

88. Ad id porro, quod subdit Bretschneider de distinctione inter ecclesiam et christianitatem seu christianismum, dico ejusmodi distinctionem vanam prorsus esse. Quid est enim christianismus nisi societas eorum, qui profitentur doctrinam Christi, et quidem in sua integritate, prout Christus apostolis suis illam tradidit praedicandam omnibus gentibus? Haec autem societas alia non est, nec esse potest, nisi ecclesia. Accedit quod nullibi legitur, Christum fundasse *christianismum*, vel id ipsum innuisse; saepissime vero legitur, eum fundasse ecclesiam suam: *Aedificabo*, ait, *ecclesiam meam*... *Qua ecclesiam non audierit, sit tibi tanquam ethnicus et publicanus*; adeo ut tota controversia, quae a tribus saeculis vixit inter protestantes et catholicos, in hoc posita fuerit: *Quaenam scilicet sit vera ecclesia Christi*; nunquam vero: *Utrum Christus fundaverit, vel instituerit ecclesiam*, prout nunc temporis a Beniamino Constant, biblicis ac rationalistis fit, qui, cum omnem fidem ami-

quae est Romae ecclesia potentissimas litteras Corinthiis, ad pacem eos congregans et reparans fidem eorum s. Ex quibus patet s. Irenaeum superioritatem ecclesiae romanae seu Romani Pontificis in universam ecclesiam apertissime agnovisse. Atque hic obiter observo, maurinum editorum aliam lectionem seculum esse atque posuisse *potiorem* pro *potentior*, al absque solido fundamento; etenim non innitur nisi auctoritate codicis claramontensis, qui tamen mendosus est, cum habeat *potiorem*, et auctoritate Salmasii protestantis, contra omnium aliorum codicum li-

dem, qui habent *potentior*, quod quidem etiam innuit codex claramontensis per illud *pontior*, vocabulum imperfectum, quo indicatur librarium per abbreviationem, ut fieri solet, scripsisse *pontior* pro *potentior*.

(1) Harum appellationum exempla plura suppeditat in suis epistolis s. Cyprianus; notae sunt appellationes ad Romanam Sedem s. Athanasii, Pauli, etc. nec non s. Joan. Chrysostomi; imo ipsius s. Dionysii alexandri, cum accusatus esset sabellianismi, ad s. Dionysium Romanum Pontificem.

serint, confugiunt ad cordis affectum, quem vocant *senti-mentalem*, ad charitatem, etc., cum Christus dixerit : *Qui non crediderit, condemnabitur.*

89. Quod spectat ad *formas*, quas dicunt accidentales, *catholicam*, *graeecam*, *evangelicam* (lutherano-calvinianam), respondeo Christum reipsa non fundasse nisi unam ecclesiam, quae totam doctrinam suam et solam profitetur sub legitimis pastoribus, eorumque capite ac principe a se constituto : *Super hanc petram*, inquit, *aedificabo ecclesiam meam*. Quae quidem ecclesia catholica nuncupata fuit ab ipsis temporibus apostolicis, ut supra adnotatum est, eo quod integrum complectatur christianismum, quovis tempore et quovis loco; et haec est proprietas intrinseca et essentialis verae ecclesiae Christi, non vero forma eidem superveniens et accidentalis, ut ipsi autumant. Ceterae vero societates omnes, quae partialem christianismum profitentur, debuerunt sibi adsciscere aliquam denominationem et formam determinatam induere, utpote locales et temporaneae; de his autem formis quid sentiendum sit, in sequenti propositione dicemus.

90. Inst. 1. Si unitati Christus praerogativas auctoritatis, infallibilitatis ac perpetuitatis concessit; ergo s. Petrus ejusque successores, utpote pars *totius*, nulla speciali praerogativa gaudent; 2. addatur promissiones Christi posse conditionatas esse, 3. prout insinuant ejus verba : *Filius hominis veniens; putas inveniet fidem in terra* (Luc. XVIII, 8)? et verba Apostoli, qui, loquens de tempore quod antichristi adventum praecedet, scribit : *Nisi venerit dissessio primum*, etc. (II Thess. II, 3); 4. hinc s. Hieronymus non dubitavit de aetate sua affirmare, quod *Nicaenae fidei damnatio conclamata est; ingemuit totus orbis, et arianum se esse miratus est*(1); ergo.

(1) In *Dial. adv. Luciferianos*, n. 19, edit. Vallarsii.

91. Resp. ad 1. *D.* Si Petrus ejusque successores spectarentur ut personae privatae, *C.* si ut caput ecclesiae, universalis pastor ac unitatis centrum *N.* Nam ut apposite observat s. Ambrosius: *Ubi Petrus, ibi Ecclesia* (1), vel ut loquitur s. Cyprianus: *Ecclesia est in episcopo* (2); ac proinde omnes praerogativae unitatis seu ecclesiae eminentiori quadam ratione in Petro resident, quia in Petro ecclesia, et ecclesia in Petro est; nec fieri unquam potest, ut, cum Petrus seu Romanus Pontifex proprio ministerio fungitur, ecclesia per ipsum et in ipso non agat, non definiat, etc. Est enim caput, et quidem vivum et operans. Talis est autem ratio, quare videamus Christum Petro seorsim ea omnia contulisse, quae toti postea contulit collegio apostolico seu ecclesiae, quae insuper debet regi, moveri, dirigi a capite, nec quidpiam potest independentem ab ipso.

92. Ad 2. *Neg.* Ecclesia enim eas semper ut absolutas intellexit et habuit. Addo ejusmodi exceptionem aditum aperire omni perduellioni; quilibet enim haereticus et contumax posset hoc modo eludere quaecunque ecclesiae definitionem.

93. Ad 3. *D.* Et haec verba intelligenda sunt de defectione partiali particularium membrorum *Tr.* de defectione totali ipsius ecclesiae *N.* Transmisimus primum membrum antecedentis, eo quod non desint interpretes, qui alio sensu exponant objecta testimonia.

94. Ad 4. *D.* Et hyperbolica s. Hieronymi verba sunt intelligenda de apparente quadam ac momentanea *multorum* defectione, *C.* de *vero* ac generali *ecclesiae* defectu *N.* Citata enim verba protulit s. Doctor ex occasione subscriptionis a patribus ariminensibus factae voci *quicunque*, dum nempe vim vocis non intelligerent, decepti fraudibus arianorum ac vi adaeti; verum simul ac detecta est

(1) *Enarr.* in Psalm. XL, n. 30. (2) *De unit. Ecclesiae*, loc. cit.

fraus, plerique illam illico retractaverunt. Deerat concilio Romanus Pontifex vel ejus legatus, majorque episcoporum ecclesiae catholicae pars eidem concilio non interfuit (1); addo nonnisi per vim sibi a Constantii imperatoris satellitibus illatam episcopos illos subscripsisse. Sane nemo ingemit et miratur se esse et haberi, qualem se esse scit et vult; ergo, cum episcopi arianinenses ingemuerint et mirati sint juxta Hieronymum, traduci se veluti arianos, manifestum est eos tales non fuisse neque in confessione externa; alias nec ingemuissent, nec mirati fuissent.

(1) Ursacii potissimum ac Valentis episcoporum arianorum artibus factum est, ut deciperentur patres ariminenses, qui ad id adducti fuerunt, ut subscriberent formulae sirmicensi, quae vel catholica est, vel saltem sensum catholicum patitur. Filius enim catholico sensu dici potest similis Patri, at in sensu similitudinis substantialis promanantis a participatione ejusdem naturae divinae. Sed criminatum est patribus istis, quod neglexerint formulam nicenam, quae erat tessera omnium catholicorum adversus arianos multiplicisque arianorum surculos, qui unanimiter eam rejiciebant. Ceterum a Constantii satellitibus plures easque gravissimas vexationes patres ariminenses passi sunt, adeo ut nullo modo censi debeat libera eorum subscriptio; facta enim est sub finem synodi, quando jam degeneraverat in conciliabulum. Dixi praeterea majorem defuisse episcoporum ecclesiae catholicae partem, praeter Romani Pontificis legatos, quia, licet nemo ex veteri-

bus transierit ad nos certum episcoporum numerum tempore Constantini et Constantii, attamen opera ac diligentia Caroli a s. Paulo, Lucae Holstenii atque Binghami, facta recensione omnium aedium episcopaliurn ecclesiae catholicae in Imperio romano, compertum est numerum eorum per ea tempora ad 1800 attigisse, quorum mille inveniebantur in provinciis graecis Imperii, octingenti vero in latinis. Etsi huic supputationi non subscribamus, nam ex aliis monumentis constat longe plures per ea tempora in occidentali praesertim ecclesia episcopos fuisse. In hoc censu praeterea desunt sedes episcopales extra ditionem romanam positae, quae paucae non erant. In concilio vero ariminensi non interfuerunt nisi 400 Episcopi, ex quibus juxta s. Athanasium, lib. *De synodis*, quinquaginta, et juxta Sulpitium Severum, octoginta erant ariani. Cons. *Collectio Conciliorum*, Labbei, tom. 11, col. 792 et seqq.

PROPOSITIO V.

Hinc sola ecclesia catholica est vera ecclesia Christi

95. Haec propositio necessario fluit ex praecedenti. Si enim vera ecclesia Christi ea sola est, quam Christus ipse fundavit in unitate fidei ac regiminis, quaeque non interrupta successione ad mundi exitum perdurare debet; cum ecclesia catholica sola sit, quae ab apostolis ad nos usque pervenerit in utraque fidei ac regiminis seu capitulis unitate, ut omnia monumenta testantur, evidens est solam ecclesiam catholicam veram esse ecclesiam Christi.

96. Et sane quod attinet ad unitatem fidei, haec patet ex eo, quod omnium saeculorum haeretici impugnaverint illam eandem fidem, in cujus possessione jam erat ecclesia cum ipsi insurrexerint et protestati fuerint modo adversus unum, modo adversus alterum ipsius fidei articulum, quos tamen ecclesia semper in possessione sua retinuit, rejiciens ut profanos novatores et usurpatores eos, qui aliquo ex ejusmodi articulis eam privare conati sunt; non secus ac eos execrata est, qui spolia aegyptiorum in suam haereditatem novo semper astu inferre aliquando con'enderunt, eosque pariter ut profanos novatores rejecit e sinu suo (1). Ipsa proinde semper *praescripsit*

(1) Id evincitur ex ipsis scriptis apostolicis. Etenim s. Petrus excitat primos christianos, ut memores sint, adversus haeticorum novitates, verborum prophetarum et apostolorum (11 Pet. 11, 3); sic pariter s. Judas adhortatur fideles ut adhaereant fortiter *semel traditae Sanctis fidei*; s. Paulus in 1. ad Cor. cap. 15, arguit eos, qui dicebant resurrectionem jam esse factam, seu non dari carnis resurrectionem; s. Joannes invelitur in eos, qui docebant Christum non venisse in carne, qui sol-

vebant Christum, etc. Quod attinet ad patres apostolicos aliosque, qui eos subsecuti sunt, res adeo manifesta est ex ipsorum scriptis, ut in dubium id revocare perinde sit ac lucem meridianam negare. Legantur epistolae s. Ignatii martyris, epistola s. Polycarpi, scripta Justini, Clementis Alexandrini, Irenaei, Origenis, etc. In quavis prope pagina in novatores haec objurgatio occurrit, et eos hoc ipso nomine patres damnaverunt. Quod vero admirationem excitat, potissimum est, quod recentio-

istorum innovationibus sive negativis sive positivis. Quare ecclesia semper tranquilla spectatrix fuit istarum omnium sectarum ortus et interitus, ac toties repetere potuit: *Defuncti sunt enim qui querebant animam pueri*, nec non Psalmistae verba: *Vidi impium superexaltatum et elevatum, et transivi; et ecce non erat.*

97. Patet 2. ex consensu ac testimonio haereticorum. Haeretici enim, qui nunquam sibi cohaerentes fuerunt, dum in aliqua doctrinae parte seu articulo ab ecclesia dissentiebant, cum eadem in ceteris omnibus fidei capitibus consentiebant; omnes proinde haeretici, exceptis punctis a quibus aberrabant, fassi semper sunt in reliquis ecclesiam catholicam veram fidem retinuisse; hinc, si percurramus circulum articulorum, quos seorsim singulae haereticorum sectae cum ecclesia catholica profitebantur vel adhuc profitentur, completum habebimus et absolutum doctrinae catholicae corpus seu collectionem omnium dogmatum fidei nostrae; quo fit ut haeretici ipsi, licet inviti, totidem sint luculentissimi testes verae fidei, quam ecclesia catholica semper professsa est. Quod vero attinet ad veritates, quas ipsi singillatim impugnavunt, nulla est ratio cur his potius quam illis assentiamur. Si enim simul colligerentur articuli seorsim ab ipsis negati, jam nullus nobis restaret articulus fidei, atque in pluribus perfectae simul haberentur contradictiones.

98. Patet 3. eadem veritas ex perpetua dissensione haereticorum in constituenda vera et certa epocha, et in determinando vero auctore innovationis, quae juxta ipsos in ecclesia catholica aliquando introducta fuit. Centuriatores magdeburgenses sibi contradicunt (1); Hospinianus

res novatores (protestantes) dicant, veteres novatores haereticos, insanos, etc. neque animadvertant se in eundem censum cadere. Nullum omnino discrimen est inter recentiores et veteres, nisi fortasse in aliqua er-

rorum diversitate ac temporum dis-
crimine, sed principium idem est,
quia diversitas temporis et errorum
non mutat naturam haereseon.

(1) Cfr. *Centuria* 1, lib. 11, c. 4,
p. 138, tum *Cent.* III, c. 5, p. 145,

accusat s. Gregorium M. tanquam auctorem superstitio-
nis et idololatriæ (1); minister Claudius saeculum VII.
recenset adhuc inter aureos ecclesiae dies (2); Andreas
Rivetus sententiam dicit communem omnibus calvinistis
esse, quod Antichristus signum seu vexillum publice ere-
xerit in ecclesia post sexcentos annos a Christo nato (3);
alii communiter vel ad quintum vel sextum saeculum res-
tringunt aureos ecclesiae dies (4); dominus d' Aubigné
quatuor priora integra saecula ex consensu ministrorum
calvinistarum habet pro regula fidei; Gibbon affirmat,
quod nemo eruditorum resistere possit ponderi evidentiae
historicae, quae testatur per totam periodum quatuor
priorum saeculorum praecipua puncta doctrinae papisti-
ticae (nempe catholicae) jam admissa fuisse theoretice
et practice (5); Newton futeetur *germina papismi sat-
fuisse ab ipsa aetate apostolica* (6). Ergo ex aperta con-
fessione ipsorum adversariorum eorumque agendi ratione
ineluctabile habemus argumentum de perpetua fidei uni-
tate in ecclesia catholica, quin recurrere debeamus ad
positiva et singularia testimonia quoad singulos articulos,
de quibus agendum erit in hujus operis decursu. Addo
qualemcumque haereticorum hypothesim pugnare cum pro-
missis Christi et esse prorsus impossibilem, cum, ut ait
Bellarminus, in omni etiam levi mutatione semper osten-
di haec quinque possint: auctor, dogma, aetas, defen-
sores et oppugnatores.

99. Quod vero spectat ad unitatem regiminis, seu ad

ed. Basil. anni 1562, et alibi passim,
siquidem semper haerent.

(1) Apud anonymum impugnato-
rem Gibbonii, edit. Pisan.

(2) Ibidem.

(3) *Critici sacri*.

(4) V. Bellarm. lib. 17, *De notis
Ecclesiae militantis*, cap. 6.

(5) *Mem. tom. 1, c. 1, versionis
gallicae*.

(6) Bishop Newton, *Dissertationes
on the prophecies*, in-8, tom. III,
c. 10, pag. 148, London; addatur
Hume, qui in sua *Historia Henrici
VIII*, cap. 29, ad annum 1521, af-
firmavit: « Que les pouvoirs exercés
par l'église romaine sont en grande
partie antérieurs à presque tous les
établissements politiques de l'Europe ».

successionem non interruptam pastorum seu episcoporum, a Christo ad nos usque, series Romanorum Pontificum, cum quibus omnium particularium ecclesiarum episcopi communicarunt, est monumentum indubiae fidei atque certissimum perpetuitatis et unitatis regiminis ejusdem ecclesiae.

100. Tertullianus, Cyprianus, Irenaeus, Eusebius caesariensis, Optatus milevitanus, Augustinus exhibent catalogum Romanorum Pontificum sancti Petri successorum usque ad sua tempora, quem subsequentes scriptores subinde extenderunt usque ad aetatem nostram (1).

101. Romanum autem pontificem quovis tempore habitum fuisse veluti caput totius ecclesiae catholicae, principium, radicem, fontem, centrum unitatis regiminis ecclesiastici, omnium saeculorum monumenta pariter testantur.

102. S. Irenaeus: *Ad hanc ecclesiam (romanam), scribit, propter potentiorē principalitatem necesse est omnem convenire ecclesiam, et eos qui sunt undique fideles*; atque exposita serie Romanorum Pontificum a s. Petro usque ad Eleutherium concludit: *Hac serie et successione, tum traditio apostolorum in ecclesia, tum praedicatio ad nos usque pervenit* (2).

103. Tertullianus licet jam montanista vocal Romanum Pontificem *Episcopum episcoporum* (3), quae denominatio vel communis erat in ecclesia ad designandum Romanum Pontificem, vel saltem ab omnibus admissa erat suprema Romani Pontificis auctoritas in universam ecclesiam, ipso adnotante Fleury (4), illa denominatione designata.

(1) In historiis ecclesiasticis omnibus.

(2) *Contra haereses*, lib. III, cap. 2. et seq.

(3) Lib. *De pudicitia*, cap. 1: et Audio edictum esse propositum, et

quidem peremptorium: Pontifex scilicet Maximus, quod est Episcopus episcoporum, edicit: ego et moechiae et fornicationis delicta poenitentia functis dimitto s. Edit. Rigaltii.

(4) Vid. *Hist. eccles.* IV, n. 46.

104. Origenes unum idemque esse affirmat petram seu Romanum Pontificem et ecclesiam, scribit enim : *An quasi unam eandemque rem petram et ecclesiam* (Christus posuit) ? *Hoc verum existimo ; nec enim adversus petram , super quam Christus ecclesiam aedificat , nec adversus ecclesiam portae inferi praevalerunt* (1).

105. S. Cyprianus vocat ecclesiam Romanam *Ecclesiae catholicae radicem et matricem* (2), et Romanum Pontificem *ecclesiae unius caput et radicem* (3), et alibi rursum vocat Romanam Ecclesiam *Ecclesiam principalem , unde unitas sacerdotalis exorta est* (4).

106. Concilium propterea Aquilejense, quod anno 381 celebratum fuit, cuique praefuit s. Ambrosius, haec habet, loquens de eadem Romana Sede : *Inde enim et in omnes venerandae communionis jura dimanant* (5). Hinc celebre illud ejusdem s. Ambrosii dictum : *Ubi Petrus ibi ecclesia* (6).

107. S. Hieronymus comparat ecclesiam seu sedem Romanam arcae Noe, extra quam omnes perierunt, et domui, extra quam agnum comedens profanus est ; sic enim scribit ad Damasum : *Ego Beatitudini tuae , id est , Cathedrae Petri , communionem consocior , super illam petram aedificatam ecclesiam scio. Quicumque extra*

Paris. 1713, ubi sic scribit : « Les Papes ne prenaient point alors ces titres, et c'est par ironie que Tertullien les leur donne ; mais cette raillerie eût été sans fondement, si le pape n'eût été en effet regardé par tous les catholiques comme le chef de la religion et le pasteur des Evêques mêmes. Il lui donne ensuite les titres de Pape et d'Apostolique que les catholiques lui donnaient ».

(1) Ἡ ὡς ἐνὸς καὶ τοῦ αὐτοῦ τῆς πέτρας, καὶ τῆς ἐκκλησίας ; τοῦτο εἶμαι ἀληθὲς τυγχάνειν, οὐτὰ γὰρ τῆς πέτρας, ἐφ' ἧς ὁ χριστός οἰκοδομῇ τὴν ἐκκλησίαν, οὕτως τῆς ἐκ-

κλησίας πύλαι ἁδου κατισχύσουσιν. Tom. xii in Malth. n. 11. Cons. praeter ea eundem, Hom. v, in Exod. n. 4, ubi ait : « Vide magno illi ecclesiae fundamento et petrae solidissimae, super quam Christus fundavit ecclesiam, quid dicatur a Domino : modicae, inquit, fidei quare dubitasti ? »

(2) Epist. 45, ad Corn.

(3) Epist. 73, ad Jub.

(4) Epist. 55, ad Corn.

(5) Collect. Concil. labbei, epist. 1, ad Gratianum Imperatorem, tom. 11, col. 99.

(6) In Psal. xl, n. 30.

hanc domum agnum comederit, profanus est. Si quis in Noe arca non fuerit, peribit regnante diluvio (1).

108. S. Optatus Milevitanus: *Cathedra, inquit, unica est, quae est prima de dotibus Sedit prior Petrus, cui successit Linus, Lino Clemens, Clementi Anaclctus Damaso Syricus, qui noster est socius, cum quo nobis totus orbis commercio formatarum in una communionis societate* (2).

109. S. Augustinus in eodem sensu loquens de successione Romanorum Pontificum ac Petri sede, ut confunderet schismaticos donatistas, scribit: *Ipsa est petra, quam non vincunt superbae inferorum portae* (3).

110. S. Petrus Chrysologus: *Quoniam B. Petrus, inquit, qui in propria sede vivit et praesidet, praestat quaerentibus veritatem* (4).

111. Huic consentiens doctrinae concilium oecumenicum Chalcedonense, actione II, clamavit: *Petrus per Leonem locutus est* (5); et similiter conc. generale VI, actione XVIII, loquens de epistola s. Agathonis: *Charta, ait, et atramentum videbatur, sed per Agathonem Petrus loquebatur*; et episcopi orientales, scribentes ad Pontificem Symmachum, sic eum alloquuntur: *Qui quotidie a sacro tuo doctore Petro doceris oves Christi per totum habitabilem mundum creditus tibi pascere* (6).

112. Hinc concilium oecumenicum Lateranense IV anno 1213 hanc edidit definitionem: *Sancimus, ut post romanam ecclesiam, quae disponente Domino super omnes alias ordinariae potestatis obtinet principatum,*

(1) Epist. 15, ad Damas. alias 57, edil. Vallarsi, n. 9, qui praeterea in *Lial. adv. Lucif.* n. 9: *et Ecclesiae salus, inquit, in summi sacerdotis dignitate pendet, cui si non exors quaedam et ab omnibus eminens detur potestas, tot in ecclesiis efficiuntur schismata, quod sacerdos*.

(2) Lib. II, *Celsa Parmen.* edil.

Gabr. Albaspinaci, Par. 1651.

(3) In *Psalm.* contra partem Donati, circa linum, tom. IV, opp.

(4) *Bibl. Patrum De la Bigne*, tom. IV.

(5) *Acta Concilii Chalcedonensis*, tom. IV, edil. Labbei.

(6) Apud Labb. tom. IV, col. 1305.

utpote mater universorum Christi fidelium et magistra, etc. (1). In concilio Lugdunensi oecumenico, anno 1274 celebrato, hanc fidei professionem graeci ediderunt, ut denuo cooplerentur in ecclesiam catholicam: *Romana Ecclesia summum et plenum primum et principatum super universam ecclesiam catholicam obtinet, quem se ab ipso Domino in beato Petro apostolorum principe sive vertice, cujus Romanus Pontifex est successor, cum potestatis plenitudine recepissee veraciter et humiliter recognoscit* (2). Ac demum concilium oecumenicum Florentinum definivit: *Sanctam apostolicam Sedem et Romanum Pontificem in universum orbem tenere primum; et ipsum Romanum Pontificem successorem esse beati Petri principis apostolorum, et verum Christi vicarium, totiusque ecclesiae caput, et omnium christianorum patrem et doctorem existere; et ipsi in beato Petro pascendi, regendi et gubernandi universalem ecclesiam a Domino Nostro Jesu Christo plenam potestatem traditam esse* (3).

113. Patet igitur ex his omnibus testimoniis et monumentis, aliisque quamplurimis, quae afferri possent omnium saeculorum, semper Romanum Pontificem s. Petri successorem ab universa ecclesia veluti radicem, fontem, originem, caput et centrum ecclesiasticae unitatis habitum fuisse. Hinc licet multi fuerint episcopi per orbem dispersi, semper tamen unus fuit episcopatus ob istorum intimam adhaesionem ad Romanum Pontificem, et una ecclesia, quae *ad Trinitatis instar*, ut loquitur s. Sym-

(1) Ibid. tom. xi, part. 1, c. 153.

(2) Ibid. col. 966.

(3) Ἐπεὶ ὁρίζομεν τὴν ἁγίαν ἀποστολικὴν καθέδραν, καὶ τὸν Ῥωμαῖκὸν ἀρχιερεῖα εἰς πᾶσαν τὴν οἰκουμένην τὸ πρῶτον κατεῖναι, αὐτὸν τε τὸν Ῥωμαῖκὸν ἀρχιερεῖα διὰ τοιοῦτον εἶναι τοῦ μακαρίου Πάτρως τοῦ κορηφῆσιον τῶν ἀποστόλων, καὶ ἀληθῶς τοῦτον

ῥητὴν τοῦ Χριστοῦ, καὶ πάσης τῆς ἐκκλησίας κεφαλὴν, καὶ πάντων τῶν χριστιανῶν πατέρα τε καὶ διδάσκαλον ὑπάρχειν, καὶ αὐτῷ ἐν τῷ μακαρίῳ Πάτρει τοῦ ποιμαίνειν, καὶ διευθετεῖν, καὶ κυβερνᾶν τὴν καθολικὴν ἐκκλησίαν ὑπὸ τοῦ κυρίου ἡμῶν Ἰησοῦ Χριστοῦ πλήρη ἐξουσίαν παρατεδωθῆναι. Ibid. tom. xiii, col. 1167.

machus (1), *cujus una est atque individua potestas, unum per diversos antistites sacerdotium*. Qua pariter similitudine usus est s. Cyprianus (2), tum ad explicandum *Episcopatum unum episcoporum multorum concordia numerositate diffusum*, tum ad exponendam unitatem illius episcopatus, *cujus a singulis in solidum pars tenetur* (3); qui postea concludit: *Et idcirco Dominus insinuans nobis unitatem de divina auctoritate venientem ponit et dicit: Ego et Pater unum sumus; ad quam unitatem redigens ecclesiam suam, demum dicit: Et erit unus grex, et unus pastor* (4); ex quo infert: *Si autem grex unus est, quomodo potest gregi numerari, qui in numero gregis non est?*

114. Jure propterea his praemissis nos concludimus: ecclesia Christi unitate regiminis in Petro ejusque successoribus constituta est; atqui in sola ecclesia catholica invenitur ista perpetua et nunquam interrupta successio Romanorum Pontificum ceterorumque omnium episcoporum, qui cum ipsis communicarunt, assurgendo a Gregorio XVI, qui nunc ecclesiam regit, usque ad Petrum, nempe usque ad apostolos et usque ad Christum; ergo sola ecclesia catholica habet hanc perpetuam regiminis unitatem.

115. Seu quod consequens est, si vera ecclesia Christi necessario atque ex ipsius institutione est una, visibilis atque perpetua, cum sola ecclesia catholica has sibi vindicet proprietates, sola igitur ecclesia catholica est vera ecclesia Christi. Quod erat demonstrandum.

116. Ex his sequitur 1. omnes communionem ab eadem ecclesia separatas totidem esse synagogas Satanae, ut phrasi utar beati Joannis (5), et humanae superbiae monumenta, non autem Christi ecclesias.

(1) Epist. 1, apud Labbeum, tom. IV, col. 1297.

(2) Epist. 52, ad Antonian.

(3) Tract. de unitate ecclesiae.

(4) Epist. 76, ad Magnum.

(5) Apoc. III, 9.

117. Sequitur 2. hanc esse potissimum rationem, cur praeter ecclesiam romanam seu ecclesiam catholicam, quae a Christo ad nos usque perseverat, nullae sectae ausae quidem fuerint, obsistente scilicet ineluctabili conscientiae testimonio, sibi usurpare nomen *ecclesiae catholicae*, quam denominationem semper intactam reliquerunt veteri illi ecclesiae, a qua discesserunt, sed vel a sectae seu factionis auctoribus nomen habuerunt ex. gr. *sabelliani*, *ariani*, *macedoniani* . . . *lutherani*, *calvinistae*, *jansenistae*, etc. vel ab alio nomine, quod sibi imposuerunt, ex. gr. *gnosticorum*, *noetarum* . . . *reformatorum*, *apostolicorum*, *evangelicorum*, *protestantium*. Hae autem sunt illae, quas Bretschneider et Benjaminus Constant vocant *formas accidentales*; sunt certe prorsus accidentales, stricto sensu acceptae, a spiritu superbiae inductae. Toties proinde se ipsos judicant et damnant, quoties, symbolum apostolicum recitantes, profitentur se credere *ecclesiam*, dum ipsae separatas factiones constituunt et particulares sectas (1).

118. Sequitur 3. quod si fons et origo unitatis episcopatus et ecclesiae est in Romano Pontifice, graecos schismaticos, ruthenos, ecclesiam anglicanam, ultrajectinam ceterosque episcopos omnes, a Romano Pontifice separa-

(1) Conantur quidem haeretici identidem alio nomine catholicos nominare, *papistas* ex. gr. *pontificios*, *romanistas*, etc. at frustra; in hoc enim, sicut et in reliquis omnibus suis, ut ipsi vocant, antecessores imitati sunt, qui eadem ratione sese gesserunt, nullo tamen felici successu; *Catholicae* enim gloriosum nomen semper Ecclesiae Romanae communioni adhaesit atque adhaerebit. En quid de veteribus haereticis scripserit s. Augustinus, lib. 1. *Operis imperfecti*, n. 75: « Athanasianos, *inquil*, vel homousianos ariani catholicos vocant, non et alii haereti-

ci. Vos autem non solum a catholicis, sed etiam ab haereticis a vobis dissentientibus et vobis similibus pelagiani vocamini; quemadmodum non tantum a catholicis, sed etiam ab haereticis vocantur ariani. Vos vero soli nos appellatis traducianos, sicut illi homousianos, sicut donatistae macarianos, sicut manichaei pharisaeos, et ceteri haeretici diversis nominibus. Nec mirum esse debet, quod novi haeretici catholicis, a quibus exeunt, novum nomen imponant. Hoc enim et alii fecerunt, quando similiter exierunt ».

tos ac divisos, nullo modo pertinere ad individuum ecclesiae unitatem, ideoque neque ad Christi ecclesiam.

119. Sequitur 4. nullum dari posse concilium vere oecumenicum, seu repraesentans universam ecclesiam, absque Romano Pontifice, qui, cum sit caput ecclesiae, hoc ipso est caput concilii oecumenici, quod illam repraesentare debet, quodque alioquin esset acephalum.

120. Sequitur demum ineptire factiosos quosdam scriptores, qui dicunt Romanum Pontificem esse *signum*, *vexillum*, *signiferum* unitatis vel caput *ministeriale*, non autem simpliciter *caput*, *centrum*, *radicem* ipsius unitatis (1).

DIFFICULTATES

121. I. Obj. 1. Fides in ecclesia immutari potuit sensim sine sensu, ut fit, donec mutatio ista evaserit universalis; nil mirum igitur, si assignari non possit epocha certa inductae inmutationis. 2. Addatur, quasdam veritates et dogmata tractu temporis obscurari posse, propterea stante hac universali quarundam veritatum obscuritate, error obrepere facillime potuit; ergo.

122. Resp. ad 1. N. Alioquin promissis Christus defuisset, quod impium est asserere. Ignorantia et error dari possunt in privatis individuís, nunquam vero in ecclesia ipsa; Christus enim, ut superius diximus, promissiones suas et privilegia non privatis et singularibus

(1) Ita passim jansenistae ac pistorienses praesertim vero Tamburini, in sua *Ethica*, tom. 1, pag. 252 et seq. atque in sua *Analisi delle prescrizioni di Tertulliano*, § 40, 60, 69, etc. et in *Catech. Gourlin*, tom. 1, cap. 9, § 3, p. 273. Denominatio vero *capitis ministerialis*, tributa Romano Pontifici, proscripta fuit in Constitutione Pii VI, *Auctorem fidei*,

prop. III, his verbis: « De capitis ministerialis denominatione Romano Pontifici attributa, sic explicata, ut Romanus Pontifex non a Christo in persona beati Petri, sed ab ecclesia potestatem ministerii accipiat, qua velut Petri successor, verus Christi vicarius ac totius ecclesiae caput pollet in universa ecclesia; haeretica ».

personis, sed *unitati* concessit. Alias semper incerti fluctuare deberemus.

123. Ad 2. *N.* pariter; siquidem ejusmodi universalis obscuritas est commentum jansenistarum, merito confixum a Pio VI in constitutione *Auctorem fidei* (1). Etenim Christus semper vigilat super ecclesiam suam, eidem prospicit, ac *semper* cum ipsa est.

124. Inst. Cur itaque, cum nova oritur controversia, tot disquisitiones fiunt, tot exoriuntur dissidia?

125. Resp. Quia Christus non per modum inspirationis, sed per *modum adstantiae*, ut jam notavimus, ecclesiae suae praesto est; neque excludit media, studium scilicet, humanam industriam, etc. ad finem obtinendum. Et eadem ratione ac, cum quis cum altero contendit de possessione bonorum suorum, iste inquit in instrumenta et titulos propriae possessionis, maxima qua potest diligentia, ut sibi vindicet bona propria, sic ecclesia inquit diligenter in monumenta scripturae et traditionis, ut ea opponat istorum novatorum audaciae, et consulat multorum infirmitati. Praeterea, nonne et in concilio jerosolymitano inter apostolos, et seniores *magna conquisitio* (Act. XV, 7.) facta est ad dirimendam controversiam de legalium observantia, etsi apostoli omnes et singuli infallibiles essent?

126. II. Obj. Episcopi sunt successores apostolorum, qui immediatam habuerunt a Christo missionem, et quidem illimitatam, et super ipsos non minus quam super Petrum aedificata ecclesia est, dicente Apostolo, quod fideles aedificati sunt *super fundamentum Apostolorum et prophetarum* (Ephes. II, 20); ac, teste praeterea beato Joanne, civitas Hierosolymorum (ecclesia) habet *fun-*

(1) Prop. 1. « Propositio, quae asserit postrimis hisce saeculis esse generalem obscuritatem super veritates gravioris momenti, spectantes ad re-

ligionem, et quae sunt basis fidei et moralis doctrinae Jesu Christi, haeretica ».

damenta duodecim, et in ipsis duodecim nomina duodecim apostolorum Agni (Apocal. XXI, 14); ergo falsum est unitatem regiminis ecclesiastici ab unitate capitis seu Romani Pontificis provenire, ab eaque pendere.

127. Resp. D. primae propositionis sensum. Episcopi simul unum corpus efficientes sunt successores apostolorum seu collegii apostolici, C. singillatim sumpti, *subd.* quoad potestatem ordinis, C. quoad potestatem jurisdictionis N. Addo, licet extraordinaria fuerit apostolorum potestas, eam tamen non fuisse illimitatam atque independentem. Nam extraordinariam hanc potestatem habuerunt quidem apostoli a Christo, sed subordinatam Petro, qui unus plenitudinem potestatis accepit ad suos successores transmittendam, utpote ordinariam. Hinc istud intercedit discrimen inter potestatem Petro collatam et potestatem collatam apostolis singulis: licet utraque fuerit plena et universalis, attamen potestas Petri fuit *ordinaria*, *suprema*, et *independens*, potestas apostolorum *extraordinaria* et subordinata Petro quoad exercitium, quae propterea cum ipsis terminare debebat. Etenim potestas ista extraordinaria concessa fuit apostolis ad fundandam ecclesiam, ac necessaria fuit illis ecclesiae primordiis, potestas Petro insuper concessa fuit ad unitatem ecclesiae conservandam, ideoque perpetua atque, ut loquitur Tertullianus, *cum jure traducis*.

128. Hinc rursum idem Tertullianus: *Memento*, scribebat, *claves hic Dominum Petro, et per eum Ecclesiae reliquisse* (1); ac reliqui Patres passim vocant Petrum, *caput*, *coriphaeum*, *praesidem*, *principem*, *pastorem supremum Apostolorum et Ecclesiae* (2), quia, ut loquitur s. Cyprianus: *Exordium ab unitate proficiscitur, et primatus Petro datur, ut una Christi*

(1) Scorp. c. 10.

(2) Vid. Bolgeni, *l'Episcopato*,

1789, Part. 1, c. 2

ecclesia, et cathedra una monstretur, et pastores sunt omnes, et grex unus ostenditur, qui ab apostolis omnibus unanimi consensione pascatur, et ecclesia Christi una monstretur (1), *ecclesia est in episcopo* *Petro primum Dominus potestatem dedit, et post ad apostolos quoque loquitur* . . . *super Petrum aedificat ecclesiam, inde episcoporum ordinatio et ecclesiae ratio decurrit* (2); ac rursum: *Una ecclesia a Christo Domino super Petrum origine unitatis et ratione fundata* (3); et alias saepe eandem veritatem inculcat. Consonat s. Cypriano s. Augustinus, dicens: *Et dubitamus nos ejus ecclesiae condere gremio, quae usque ad confessionem generis humani ab apostolica sede per successiones episcoporum, frustra haereticis circumlatrantibus, . . . culmen auctoritatis obtinuit* (4)? ut alia innumera his similia Patrum testimonia praetermittam.

129. Ad 2. prop. partem, *super ipsos non minus*, etc. D. Sed diversa ratione, ut nuper declaravimus, C. eadem ratione N.

130. Ad 3. ad prolata nempe testimonia scripturarum, D. Fideles aedificati sunt super fundamentum, id est, super fidem praenuntiatam a prophetis, et praedicatam ab apostolis, qui per praedicationem diversas ecclesias fundarunt, C. secus N.

131. I. Inst. 1. s. Cyprianus dicit: *Episcopatus unus*

(1) *De unitate ecclesiae.*

(2) *Ibid.*

(3) *Epist. lxx, Ad Januarium.*

(4) *De utilitate credendi*, cap. xvii, n. 35. Jam vero si ad haec aliaque prope innumera antiquitatis documenta, quae adduci possent, animadvertissent vel animadverterent protestantes, profecto tot nova systemata non excogitassent vel quotidie excogitarent ad detegendam veram Christi ecclesiam, et constitutam a Christo religionem. Via enim brevissima

nobis a patribus unanimiter proponitur, ecclesia Christi est illa, cui praesidet ut caput Romanus Pontifex, beati Petri successor et Christi vicarius, quaeque a Christo ad nos usque perpetua successione pervenit. Haec est via regia, quae fallaciae vel errori seu deceptioni obnoxia non est. Haec obtinet summam auctoritatem. Ubi haec abjicitur, nihil certi superest, nullum omnino effugium, per quod desperationem vitare possumus, ut ex dicendis magis patebit.

est, cuius a singulis in solidum *pars tenetur* (1); 2. idem praeterea addit: *Hoc erant utique et ceteri apostoli, quod fuit Petrus, pari consortio praediti et honoris. et potestatis* (2); et 3. s. Hieronymus: *Licet . . . cuncti* (apostoli), inquit, *elaves regni caelorum accipiant, et ex aequo super eos ecclesiae fortitudo solidetur* (3); ergo.

132. Resp. ad 1. *D. A. A singulis in solidum pars tenetur*, quoad individuum unitatem ipsius episcopatus et ecclesiae, quae non dividitur per multitudinem episcoporum, qui cum Petro et sub Petro *tenent* et pascunt *partem* sibi commissam, *C.* quasi episcopi singuli episcopatum in solido tenerent, *N.* Talem porro esse germanum sensum textus allati, patet ex verbis, quae immediate praecedunt: *Quam unitatem*, inquit, *firmiter tenere et vindicare debemus, maxime episcopi, qui in ecclesia praesidemus, ut episcopatum quoque ipsum unum atque indivisum probemus . . . episcopatus unus est* etc. Ipsemet s. Martyr, scribens ad Cornelium, vocat: *Petri cathedram atque ecclesiam principalem, unde unitas sacerdotalis exorta est* (4). Hinc illae similitudines solis, unde radii, fontis, unde rivuli, arboris, unde rami exoriuntur, quibus passim ipse utitur ad ecclesiae naturam et unitatem designandam (5).

133. Ad 2. *D.* Hoc erant in dignitate apostolatus ac potestate extraordinaria, *C.* in potestate episcopali, *subd.* simul sumpti, *C.* seorsim sumpti *N.* Etenim hic s. Cyprianus non videtur spectare nisi solam dignitatem apostolatus, sub quo respectu dici poterant *ceteri* apostoli Petro aliqua ratione pares; etsi in hac ipsa dignitate,

(1) *De unitate ecclesiae.*

(2) *Ibid.*

(3) *Lib. 1. Cont. Iovinianum, n. 26.*

(4) *Epist. LV.*

(5) *De unit. eccl. loc. cit. Cons. in hunc textum s. Cypriani Bolge-*

ni, in opere inscripto L'Episcopato, cap. 2, n. 20, et cap. 6, n. 68 et seq. edil. Rom. 1824; et Petrus Ballerinius, De vi ac ratione primatus Rom. Pont. cap. 13, §. 3.

juxta eundem Cyprianum, essent Petro subordinati; pro-
tinus enim subjicit: *Sed exordium ab unitate profici-*
scitur, et primatus Petro datur, ut una Christi eccle-
sia et cathedra una monstretur. Quod si adversarii con-
tendant, loqui s. Martyrem de dignitate seu potestate epi-
scopali, tunc dicimus sub duplici respectu tum aposto-
los tum episcopos considerari posse, quatenus nempe
unum constituunt corpus et individuum cum suo capite,
et quatenus singillatim sumpti singularia membra sunt
ejusdem corporis; sub primo respectu omnes utique pari
potestate praediti sunt, ut senatores in senatu sub et una
cum suo praeside, qui omnes gaudent potestate supre-
ma, legislativa, etc.; sub altero respectu nullam aliam
potestatem habent, quam eam, quae eis conceditur seu
communicatur; haec autem extraordinaria potestas apo-
stolis a Christo ipso data est cum subordinatione ad Pe-
trum quoad exercitium, ut superius notavimus, episco-
pis autem quoad proprias dioeceses a Romano Pontifice
tribuitur ac communicatur (1).

134. Ad 3. *D.* ut supra; etenim prosequitur ibidem
immediate s. Hieronymus: *Inter duodecim unus eligi-*
tur (a Christo), ut capite constituto, schismatis tolla-
tur occasio.

135. II. Inst. Ecclesiae orientales et apostolicae inde-
pendentes semper fuerunt ab ecclesia romana, seu a Ro-
mano Pontifice; ergo.

136. Resp. *Neg. antec.* Nam Romani Pontifices toties
veram exercuerunt auctoritatem in ecclesias orientales,
quoties sese obtulit occasio vel necessitas, ut pleraque
ecclesiastica monumenta testantur, ipso fatente Fleury (2).

(1) Cons. Muzzarelli, in *Disserta-*
tione: An Summus Pontifex habeat
auctoritatem destituendi Episcopum
inquitum, etc., inter dissertationes
ejusdem selectas, Romae anno 1807
editas, n. 17.

(2) Opere citato. Cons. praeterea
Opusculum Domini Marchetti: *Del*
concilio di Sardica, vol. 1, in 8, nec
non eruditissimi fratres Ballerini, tum
in cit. op. *De vi et ratione primatus*
Romanorum Pontificum, tum in ad-

Et sane frequentes fuerunt recursus ad Apostolicam Sedem. Non raro sane patriarchae alexandrinus, antiochenus, jerosolimitanus, Apostolicam Sedem adierunt; non raro ad ipsam appellationes detulerunt; non semel etiam ipsos patriarchas Romani Pontifices deposuerunt; s. Athanasius, a sua sede arianorum machinationibus expulsus, appellavit ad Sedem Romanam; s. Sophronius jerosolimitanus et Sergius constantinopolitanus in causa monothelitarum Romam miserunt. In schismate antiocheno id ipsum factum est (1). Quod primis etiam ecclesiae saeculis passim factum ipsemet Wetsteinius concedit, eidemque assentitur Gibbon (2).

137. III. Inst. Non satis patet quandoque, quinam sit Romanus Pontifex legitimus; romana praeterea ecclesia saepe suo pastore caret, sede vacante; ergo in ejusmodi casibus ecclesia nullum habebit caput, nullum centrum.

notationibus ad novam editionem operum s. Leonis Magni, operibus nunquam satis commendatis.

(1) Ibid.

(a) *De lapsu Imp. Rom.* cap. 21, loquens de appellatione interposita a s. Athanasio ad Romanam Sedem, n. 1, refert animadversionem prudentia *plenam*, ut ipse vocat, Wetsteinii (*Proleg.* n. 1, pag. 19): « Si tamen ecclesiasticam historiam velimus consulere, patebit jam inde a saeculo IV, cum, enatis controversiis, ecclesiae graecae Doctores in duas partes scinderentur, ingenio, eloquentia, numero tamen non aequales, eam partem, quae vincere cupiebat, Romam fugivisse, maiestatemque Pontificis comiter coluisse, eoque pacto, oppressis per Pontificem et episcopos latinos adversarii praevaluisse, atque orthodoxiam in conciliis stabilivisse; eam ob causam Athanasius non sine comitatu Romam petiit pluresque annos ibi haesit ». Admissa in primis confessione adversariorum de usu appellationum ad Ro-

manum Pontificem ex parte ecclesiarum orientalium, IV. ecclesiae saeculo, sciscitari possumus a Wetsteinio et Gibbon, quarum unquam pars sit, quae *vincere* non cupiat? Certe ipse Nestorius vincere cupiens Romam confugerat, at frustra; ratio est, quia, cum haeresim induxisset, quae numquam in Petri cathedra locum habere potest, hinc arduum vinceret, victus est, ipsi obsistente Romano Pontifice. Sciscitamus secundo, quomodo a Romano Pontifice et episcopis latinis opprimi potuerint Orientales dissidentes tempore persecutionum, quum tamen certum sit, jam III. ecclesiae saeculo Romae accusatum fuisse Paulum samosatenum sub imperatore Aureliano ob novitates quas disseminare coeperat, atque a Romano Pontifice Paulum fuisse depositum, quod cum intellexisset imperator Aurelianus, qui ad episcopum Romanum querelas sibi delatas remiserat, cum exilio multavit. Vid. Eusebius, *Ist. eccles.* lib. vii, cap. 30.

138. Resp. *Neg. conseq.* In his enim casibus omnes ecclesiae particulares communicant cum Sede Romana, quae centri vices supplet, ut patet ex perpetua praxi. Negotia, quae urgent, sic expediri possunt communi consensu tribunalium seu congregationum et Cardinalium, quando peculiari non indigent Romani Pontificis auctoritate, quae alioquin tandiu desideratur, donec novus Pontifex vel certus designetur. Qui bona fide tempore schismatis uni potius Pontifici dubio adhaerent quam alteri, hoc ipso inculpabiles sunt, et virtualiter saltem germano seu vero unitatis capiti adhaerent (1).

139. IV. Inst. Concilia Basileense et Constantiense non habuerunt Romanum Pontificem veluti unitatis centrum et caput; ergo.

140. Resp. *Neg. antec.* Haec enim Concilia, si tamen in decretis quae Romani Pontificis auctoritatem spectant, oecumenica sunt, quod plerique jure negant, istud unitatis centrum in Pontifice ultro admiserunt; eorum disceptatio non erat nisi de amplitudine pontificiae potestatis. Ceterum haec in parte concilium Basileense tanquam schismaticum vulgo habetur, Constantiense autem respicit tempus schismatis, atque passim quoad ista de-

(1) Sane ecclesia nonnullos, qui falsis Pontificibus, errore decepti, adhaeserant, fastis suis adscripsit. Juvat nonnulla hic exempla afferre. Die 31 Maii in *Martyrologio romano* mentio fit s. Paschasii, qui errore deceptus adhaesit schismati Laurentii antipapae adversus s. Symmachum, de quo sic scribit s. Gregorius Magnus, lib. iv, *Dialog.* cap. 40 et 41: « Qui enim non malitiae sed ignorantiae errore peccaverat, purgari post mortem a peccato potuit ». Vid. Baronius in *Notis ad Martyr.* rom. loc. cit. Sic sub die 5. Aprilis recensetur nomen s. Vincentii Ferrerii, quem schismati Benedicti XIII antipapae, eodem errore de-

ceptum, ad tempus adhaesisse constat. B. Petrus luxemburgensis vivere desiit, quum adhuc adhaereret schismati antipapae Clementis vii, a quo creatus fuerat Cardinalis, et inter beatos a vero Pontifice ejusdem nominis, Clemente vii, adscriptus est. Vid. Raynaldus, ad annum 1387, n. 11, s. Antoninus, 3. part. tit. c. 2, § 1, cujus verba referuntur ab eodem Raynaldo, loc. cit. Ciconius, *Vitae et res gestae Pontificum Rom. et sanctae Romanae Ecclesiae Cardinalium*, vol. 1, fol. col. 1012. Romae 1630, Bolland. *Acta SS. mensis Julii*, sub die 2 Julii, § 12, *Vindicatae*, etc.

creta rejicitur, vel saltem ut dubiae habetur auctoritatis, ideoque nullius roboris (1), sed de his uberius et ex professo in Tractatu *De locis theologicis*, ubi de Romano Pontifice.

PROPOSITIO VI.

Quicumque quovis tempore, spiritus privati placita sectando, se opponunt ecclesiae catholicae magisterio, rebelles sunt, sectarii et novatores

141. Una est omnium haereseon origo, systema videlicet spiritus privati (2), seu privatorum hominum, qui sese erigunt adversus legitimam auctoritatem, divinitus institutam ad fidem docendam, propagandam atque intemerate servandam usque ad consummationem saeculi, quam solam esse ecclesiam catholicam praecedenti propositione ostendimus, ut sua propria sectentur placita (3).

142. Christus, ut vidimus, soli ecclesiae, nempe do-

(1) Cons. opus Schelestrate: *De Concilio Constantiensi et Basiliensi* in 4. necnon *Animadversiones Roncaliae et Mansi*, ad *Hist. Eccles.* Natal. Alex. in diss. iv, saeculi xv, et xvi, in decreta sess. iv, et v Concilii Constantiensis, § 1 et seqq.

(2) Hic notanda est confusio nuper inducta a plerisque recentioribus scriptoribus, qui promiscue accipiunt has duas denominationes *spiritus privati* et *rationis individualis*, perinde ac si idem significarent, at longe a se distant. Etenim ratio individualis in bonam partem accipi potest, cum homo etiam individualis recte ratione sua uti possit ad inquisitionem veritatis, et passim recte eadem utatur; at denominatio *spiritus privati* semper in malam partem accipitur, pro oppositione nempe rationis propriae adversus legitimam auctoritatem a Christo institutam, id est, ecclesiam catholicam;

hinc factum est ut Bellarminus, Becanus, Bossuet etc. alique controversistae nunquam impugnaverint *rationem individualement*, sed semper *spiritum privatum* protestantium.

(3) En verba, quibus Hegesippus omnium haereseon originem declarat: "Εκαστος ἰδίας καὶ ἑτέρως ἰδίαν δόξαν παρεστήγαγεν; id est, *Qui (haeretici) seorsim singuli proprias opiniones induxerunt*. Apud Eus. *Hist. eccles.* lib. iv, c. 22, qui praeterea refert ex eodem Hegesippo, qui floruit sub Imperatore Hadriano, ipsum, cum Romam proficisceretur, *Plurimos episcopos adiit, et ab omnibus unam eandemque audivisse doctrinam*; "Οτι τὴν αὐτὴν περὶ πάντων παρῆλθεν διδασκαλίαν ἀκούσαι γίγτο παρῆσσι, etc. Unde patet perpetua unitas in ecclesia catholica, dissensio et divisio perpetua in sectis heterodoxorum.

enti, a se institutae missionem dedit, eamque perpetuam constituit fidei depositariam ac magistram cunctis gentibus. Ecclesia hac facultate utens per suos ministros auctoritative, ut ajunt, seu nomine ipsius Christi, quovis tempore omnibus gentibus sibi commendatas veritates tradit, ac suos filios edocet. Hinc sicut ecclesiae officium ac munus est *docere*, sic privatorum est *doceri* et *credere*, seu, ut loquitur Apostolus, *in captivitatem redigere intellectum in obsequium Christi* (II Cor. 5), seu fidei christianae, et *obedire fidei* (Rom. 1, 5 et alibi passim). Fides proinde seu veritas *necessario* a legitima auctoritate est (1); haeresis contra seu error *necessario* a spiritu privato huic legitimae auctoritati opposito. Haec autem oppositio ex parte privatorum hominum *necessario* includit perduellionem, et quotquot ecclesiam catholicam deserunt, ut privatorum hominum plaetis adhaereant, hoc ipso adhaerent perduellioni, sectarii fiunt, novatores vel novatorum participes.

143. De his novatoribus jam scribebant apostoli in concilio hierosolymitano congregati: *Quoniam audimus quia quidam ex nobis exeuntes turbaverunt vos verbis, evertentes animas vestras, quibus non mandavimus*, etc. (Act XV, 24); et Apostolus ad Galatas: *Sunt aliqui, qui vos conturbant, et volunt convertere evangelium Christi; sed licet nos, aut angelus de coelo evangelizet vobis, praeterquam quod evangelizavimus vobis, anathema sit* (cap. 1, 8); et ad Thessalonicenses: *Rogamus vos, . . . ne quis vos seducat ullo modo* (II Thess. II, 3); atque ad Timotheum:

(1) Præclare s. Augustinus, lib. *De utilitate credendi*, cap. ix, cum hoc inter ecclesiam catholicam et haereticos dixisset esse discrimen, quod ecclesia catholica venientibus ad se præcipiat fidem, haeretici autem promittant rationem, concludit:

« Vera religio, nisi credantur ea, quae quisque postea, si se bene gesserit dignusque fuerit, assequatur atque percipiat, et omnino sine quodam gravi auctoritatis imperio iniri recte nullo pacto potest ». Ed. Maur. tom. vii.

Erunt homines se ipsos amantes, cupidi, elati, superbi, blasphemi, . . . hi resistunt veritati, homines corrupti mente, reprobī circa fidem (II Tim. III, 2 et seq.); denique, ut alia innumera his similia testimonia praetermittam, Christus ipse in Apocalypsi reprehendit atque objurgat episcopum Pergami, eo quod haberet in ecclesia sua *tenentes doctrinam nicolaitarum*. Ex doctrina igitur Christi et apostolorum isti omnes, qui insurgunt adversus legitimam auctoritatem, ut ipsius doctrinae ac magisterio sua propria placita substituant, tanquam totidem perturbatores, seductores, evangelicae doctrinae corruptores, superbi, mente corrupti, reprobī circa fidem, anathematizandi, sectarii, haeretici habendi sunt absque ullo discrimine; nam Apostolus loquitur etiam de iis, qui subsequentibus aetatibus insurrecturi erant, scribit enim ad Timotheum: *In novissimis diebus instabunt tempora periculosa*, etc. (II Tim. III, I). Ergo omnes et singuli, qui quovis tempore, quovis colore ac praetextu, priorum novatorum vestigia sectantes, spiritus privati figmenta opponunt receptae ab ecclesia doctrinae, omnes, inquam, indiscriminatim tanquam rebelles, seductores, perturbatores, reprobī circa fidem hoc ipso sunt et erunt usque ad consummationem saeculi.

144. Et sane in rebus fidei, vel legitimae standum est auctoritati vel spiritui privato. Si primum dicatur, cum nulla alia auctoritas legitima sit nisi ecclesia catholica a Christo instituta, quod jam demonstravimus, et cum omnes et singuli novatores, nullo facto discrimine, ab ecclesia damnati et proscripti sint, hinc omnes indiscriminatim rebelles et sectarii ex aequo sunt, incipiendo a nicolaitis, quos Christus ipse reprobavit, usque ad unitarios et methodistas. Quanam enim ratione methodistae, unitarii, protestantes ausint sese praeferre nicolaitis, gnosticis, cerinthianis, carpocratianis, arianis aut aliis haeticis, quasi nempe illi erraverint, ipsi vero a

veritatis tramite minime deflexerint? Quis iudex erit? Ergo vel omnes pariter damnandi et reprobandi, vel omnes pariter ut veritatis cultores ac veri Christi discipuli habendi sunt; quod postremum cum dici non possit, nisi impie dicatur, tum Christum, tum apostolos errasse, dum hos insectati sunt et rejecerunt ab ecclesiae communione, restat ut primum affirmetur. Nulla via media.

145. Quod si contendant adversarii, spiritui privato vel, ut in praesentiarum loqui malunt, rationi individuali uniuscujusque standum esse in negotio fidei, tunc frustra damnati fuissent omnes novatores seu haeretici a temporibus apostolicis usque ad nos; omnes admittere possemus errores non semel contrarios et contradictorios, quos delira hominum quorundam ratio invexit; omnis prorsus veritas sic prolaberetur; nullum jam dogma esset retinendum. In Deo tres essent personae et una tantum; Christus Deus esset simul et non esset; duae essent in Christo naturae et una solum; una esset in ipso persona et duplex; Deus auctor esset peccati et non esset; in homine esset liberum arbitrium et absoluta necessitas, etc. etc. vel saltem esset indifferens unicuique sic diversa, imo et contraria sentire et credere; et quod consequens est, cum identidem homines isti nonnihil novi induxerint etiam circa moralem seu practicam doctrinam, fas unicuique esset tanquam licita habere homicidia, adulteria, fornicationes, incestus, infanda denique omnia flagitia, quae tum veteres tum recentiores approbarunt (1).

(1) *Fletcher's Works*, vol. III, p. 10, refert moggletonianos et labadistas, qui sunt ex secta methodistarum, sub praetextu obsequendi interiori lumini, se flagitiosissimis impetibus dedisse, prout adhuc faciunt nonnullae aliae sectae methodisticae. *Adulterium et homicidium*, inquit supranominatus Richardus Hill, « non nocent filiis Dei, imo sunt ipsis utilia. Peccata mea possunt Deo

displicere, sed persona mea semper ipsi chara erit. Etsi magis peccarem quam Manasses, non ideo minus dilectus filius Dei essem, quia semper me videt in Christo; exinde fit, ut inter ipsa adulteria, incestus et homicidia possit ad me verba convertere: *Tota pulchra es, amica mea, et macula non est in te* (Ibid. vol. IV, p. 97). Etsi ego vilupero vos, qui dicunt: *Peccemus, ut in nobis gratia*

Itane Ecclesia, a Christo instituta, erit sine dogmate et sine morali? Quorsum igitur revelatio? Ergo vel catholici vel rebelles, vel in ecclesia catholica vel in synagoga Satanae vel Christi vel Belial, vel catholica fides vel quodlibet spiritus privati deliramentum, omnia contradictoria acque vera, acque laudanda sunt!

146. Ex his sequitur 1. quod quicumque protestati sunt adversus ecclesiam catholicam, protestati fuerint adversus veritatem et adversus Deum ipsum.

147. 2. Quod, cum protestantismus sit actus rebellionis adversus ecclesiae auctoritatem, quotquot haeretici fuerunt et sunt, totidem fuerint ac sint *protestantes*, ejusdem nempe criminis rei, et ipsis idem conveniat nomen.

148. 3. Quod, cum *Protestantismus* vox sit negativa, significans actum protestationis adversus articulos fidei ab ecclesia definitos, fiat ut, quo quis minus credit, seu quo plures articulos rejicit, eo magis sit protestans, eique magis conveniat talis denominatio, ita ut perfectus incredulus ac rationalista sit perfectus protestans.

149. 4. Quod protestantismus partialis sit plena et formalis incohaerentia; si enim regula fidei est spiritus pri-

abundet; attamen, his non obstantibus, adulterium, incestus, homicidium me sanctionem reddunt super terra et gloriosorem in coelis: (Fleisches Dujbeny's Guide to the Church pag. 82). D. Milner (*Letters to a Prebendary*) refert et ipse Salomonem quemdam, ministrum apud *Conventry*, populum docuisse jurare, blasphemare, liberumque laxare frenum excessibus omnibus. Quoniam abhorret animus ejusmodi excessus recensere, qui plura enipit praeter citatos auctores, consulere potest ipsos scriptores protestantes, Trembley, *Considérations sur l'état présent du Christianisme*, pag. 239, et Baronem de Starck, *Entretiens philosophiques sur la reunion des différentes communions chrétiennes*, tra-

duits de l'allemand, Paris 1818, praesertim pag. 285, ubi refert excerptum ejusdam dissertationis *De s. Pauli christianismo*, auctoris anonymi, insertae in *Repertorio Semleri*, in qua auctor praefert ethnicum christianae religioni, et §. 3. quaerit: « Si le rétablissement de la religion des Grecs et des Romains ne serait point le meilleur parti qu'on pût prendre ». Id ipsum praestiterunt magistri populi seu pastores, ut constat ex nota 72 operis Thiess; sic imitati sunt nonnullos philosophos gallos, nominatim vero Raynal, qui in sua *Historia philosophica* amare queritur *De ce que la Croix de J.-C. avait remplacé les dieux riantes de Rome et de la Grèce*. Si tamen hoc opus citati auctoris factus est.

vatus, nulla est ratio cur vel unus fidei articulus admittatur ob ecclesiae auctoritatem. Hinc protestantismus partialis non est status consistentiae; quisquis enim a fide catholica recesserit, ille profecto in nullo statu medio diu permanebit, sed deistarum vel ad rationalistarum partes accedet; et sane deismus ac rationalismus sunt naturalis ac ultimus fructus protestantismi (1).

DIFFICULTATES

150. I. Obj. S. Cyprianus aliique quamplurimi africani episcopi dissentiebant a Romano Pontifice, ideoque ab ecclesia universali, circa valorem baptismi haereticorum, nec tamen rebelles habiti sunt. Sic semipelagiani, licet errarent circa gratiae necessitatem ad initium fidei, non propterea damnati sunt. Frequentes sunt, in ecclesia ipsa catholica, concertationes circa fidei articulos, divisae scholae sunt thomistarum, congruistarum, augustinianensium, etc. nec propterea alterutra contendit pars rebellis censetur. Jam ipse Apostolus scripserat: *Unusquisque in suo sensu abundet* (Rom. XIV, 5); necesse propterea non est auctoritati acquiescere in iis, quae ad fidem pertinent.

151. Resp. D. Ante expressam ecclesiae definitionem, et quidem sub anathematis poena latam, C. post ejusmodi definitionem N. Aliud est errare, aliud in proprio sensu persistere, seu resistere legitimae auctoritati definienti. Jam vero citati africani episcopi errabant quidem ante expressam illam definitionem; cum tamen dubium fortasse adhuc superesse posset, num ipsorum doctrina

(1) Leibnitzius merito praedixit, in epis. inedita ad Arnaldum, atheismum vel saltem naturalismum postremam haeresium fore: « Il est vraiment à craindre que la dernière des hérésies ne soit l'athéisme, ou du

moins le naturalisme ». Vid. Exposition de la doctrine de Leibnitz sur la Religion, Paris 1819, p. 415. Eventus veritatem praedictionis ostendit.

contraria esset ecclesiae doctrinae, innoxii erant; non autem post ejusdem ecclesiae definitionem, cui se reipsa submiserunt. Nec illud omittendum est, quaestionem illam rebaptizantium spectatam ab illis fuisse, juxta non paucos eruditos, ut quaestionem potius disciplinae quam fidei (1). Hinc factum putamus, ut nonnulli, etiam post concilium nicaenum, perrexerint consuetudinem illam inveteratam in suis ecclesiis retinere, ut suo loco dicemus.

152. Semipelagiani nunquam sectam constituerunt, vix enim s. Caelestinus Pontifex dederat rescriptum suum ad controversiam illam dirimendam, cum statim omnes, quos error ille infecerat, eidem decreto ultro adstipulati sunt.

153. Atque hinc responsio patet ad difficultatem petitam a concertationibus theologorum. Ejusmodi enim domesticae concertationes, quae, salva charitate, in scholis catholicis libere agitantur, fidem seu fidei articulos ab ecclesia definitos nullatenus attingunt, sed modum tantummodo ac rationem nonnulla explicandi; praeterea omnes theologi catholici parati sunt privatos sensus subijcere ecclesiae definitioni, si qua ab ipsa daretur (2).

154. Ad verba Apostoli: *Unusquisque*, etc. *D.* circa aliquam praxim praesertim disciplinae, quam ecclesia liberam unicuique reliquit, *C.* in rebus fidei definitis *N.* Hoc enim inauditum in ecclesia est, et Apostolus, ut patet ex contextu, loquitur de libera discretionem ciborum et quorundam legalium observatione.

(1) Vid. Bolgani, in opere *Risposta al quesito cosa è un appellante* ? Testo. x.

(2) Atque hinc patet mala eorum fides, qui, ad conciliandas propriae sectae divisiones in rebus fidei, in medium afferunt dissensiones theologorum catholicorum, non advertentes ingens interesse discrimen inter divisiones et placita haereticorum,

quae oriuntur ex defectione a legitima auctoritate, ac subruunt fidem ipsam, et accidentales, ut ita dicam, levesque dissensiones theologorum, qui in fide unanimis sunt, et quorum controversiae agitantur circa ea, quae nondum ab ecclesia definita sunt, nec habent pro objecto nisi diversam rationem exponendi ea quae ad fidem pertinent, salva semper fide ipsa.

155. II. Obj. Spiritus evangelii est spiritus libertatis; et sane Christus, cum in mundum venit, praestitit erga degenerem judaeorum religionem, quod postea Lutherus efficere tentavit in ipsa religione catholica, tunc temporis foede immutata per usurpationes papales et insectatorem monachorum spiritum melio aeo (1); ergo.

156. Resp. D. A. Spiritus evangelii est spiritus libertatis a lege mosaica ac legalibus observantiis, vel per oppositionem ad spiritum servitutis et timoris legis mosaicae, C. est spiritus libertatis, ita ut liberum unicuique sit credere, sentire et innovare in rebus fidei, prout magis libet N. Absurda enim esset libertas illa credendi quodlibet, verum aut falsum, fidemque omnino destrueret.

157. Ad probationem, Neg. impiam et blasphemiam comparationem. Equis enim, nisi deista vel atheus, impurum ac scelestissimum apostatam, qui inhumani arrogantia inconsutilem Christi vestem, id est, ecclesiam, dilacerare aggressus est, per rebellionem filiorum adversus propriam suam matrem omnia susdeque vertendo, audeat comparare cum unigenito Filio Dei, qui *non venit solvere legem, sed adimplere* (Matth. V, 17)? Ubinam signa inveniuntur ejus missionis? Ubi vaticinia, ubi miracula? Nisi per summum nefas velis inter ipsius prodigia satanicum plane furorem, fornicationes, adulteria, sacrilegia recensere (2).

(1) Ita auctor operis *Chronologie universelle*, vol. 100. *De la Bibliothèque du citoyen du XIX siècle*.

(2) Vid. Lessius, in *Consultatione: Quae fides et religio sit capessenda*, Consid. ix, quinta ratio ex vita et morum conditione; ubi pessima, Lutheri et Calvinii vita in proptulo ponitur. Quod attinet ad miracula Lutheri nemo id ignorat, quod testis ocularis refert Frid. Staphylus, in *Absoluta apologia*, pag. 404.

158. Quod si Christus abrogavit legem caeremonialem et judicialem, substituendo umbrae ac figurae rei veritatem, necessario debuit vetus pariter sacerdotium abrogare, lex enim et sacerdotium relativa sunt; attamen novum in se sacerdotium instituit ac sempiternum, cujus ministros voluit perpetuari in ecclesia sua per continuam successionem, usque ad saeculi consummationem, cum potestatis plenitudine, quam in episcopatu, sensu jam exposito, collocavit.

159. Si aliquot praeterea abusus in ecclesia (1) circa disciplinam vel individuorum mores identidem exoriantur, quis poterit tales abusus extirpare, nisi ecclesia ipsa, quae sola talem a Christo auctoritatem nacta est? Nunquam privatorum est potestatem in ecclesia Dei exercere. Il proinde qui sibi ejusmodi jus arrogant, tanquam sacrilegi et perduelles habendi sunt, ac detestandi veluti profani usurpatores, si fidem approbatam ab ecclesia mutare volunt.

160. III. Obj. Scriptura ubique supponit liberam doctrinae discussionem et examen ex parte fidelium, qui debent *probare utrum spiritus ex Deo sint*, ut praescribit apostolus Joannes (I Joan. IV, I.); quibus praeterea injungit Paulus: *Omnia probate, quod bonum est tenete* (I Thess. V, 21); qui cavere debent, ne quis eos

suae et incoluntati consuluit. Cons. Baddley, *A sure way to find out the true religion*, Boston 1831, pag. 66.

(1) Vid. Muzzarelli in praecelaro opere, *Il buon uso della logica in materia di religione*, tom. I, ed. t. Florentiae 1821, opus. II, cui titulus est: *Abusi nella chiesa*; scilicet Cl. auctor d. s. ingens in hoc abusus ecclesiae et abusus in ecclesia, merito negat, vel aliquando extitisse, vel exire posse abusus ecclesiae, seu totius ecclesiae corporis, nisi Christus promissis suis potuerit deesse; abu-

sus enim quolibet ecclesia nunquam probavit, sed perpetuo damnavit atque proscripsit, juxta illud s. Augustini effatum: « Ecclesia Dei inter multam paleam, multaque zizania constituta, multa tolerat; et tamen quae sunt contra fidem vel bonam vitam non approbat, nec tacet, nec facit (Ep. 55 ad Januar.) ». Al fatetur, abusus esse in ecclesia, semperque aliquot fuisse, et futuros esse, quia cum ex hominibus ecclesia coalescat, qui fragiles sunt et infirmi, impossibile est, ut nemo sit, qui humana non patiat.

seducat (Colos. II, 18); quique jubentur omne externum excludere magisterium, cum Spiritus Sanctus unumquemque interius doceat ad fidem necessaria: *Non necesse habetis*, inquit Joannes, *ut aliquis doceat vos; sed uictio ejus* (Christi) *docet vos de omnibus, et verum est, et non est mendacium. Et sicut docuit vos, manete in eo* (I Joan. II, 27). Quod sane consonat veteri prophetiae, in qua dicitur: *Ponam universos filios tuos doctos a Domino* (Joan. VI, 45, coll. Isaiae LIV, 13); quod quidem vaticinium suum adimplementum in Novo Foedere habuisse tradit Christus, qui propterea vetuit, ne quispiam ex discipulis suis vocaretur *magister*: *Quia magister vester*, inquit, *unus est Christus* (Matth. XXIII, 10); ergo.

161. Resp. 1. *N. A.* Nihil quippe evincunt adducta testimonia, quae alio sensu semper intellexit ecclesia.

162. Resp. 2. *Neg. Ant.* Ad quatuor vero priores probationes, *D.* Et allata testimonia speciatim tendunt ad excludendum systema spiritus privati, *C.* ad illud colonestandum, sive ad excludendam ecclesiae auctoritatem *N.* Etenim allati textus inducti sunt ad praemonendos fideles, ut caveant a privatis et suspectis doctoribus, qui, cum apostoli adhuc in vivis essent, jam coeperant hac illac disseminare falsa dogmata, ac puram apostolorum doctrinam corrumpere. Quapropter ipsi, utpote vigiles pastores, gregem sibi commissum perpetuo monent de imminente periculo, ac de necessitate obsequendi legitimae auctoritati, si immunes ab erronea doctrina et seductione esse velint. Subdit enim inter ceteros B. Joannes: *Haec scripsi vobis de iis, qui seducunt vos* (I Joan. II, 26). Apposite Bellarminus, lib. 3. *De verbo Dei*, cap. 10, ad argumentum 12, inter cetera habet: *Haec scribit s. Joannes, quomodo si catholicus aliquis scriberet catholicis, qui ab haereticis obsiderentur et perturbarentur; non necesse habetis, ut aliquis luthera-*

mus vel calvinista doceat vos doctrinam Christi; omnino enim quae vos scire oportet jam didicistis et tenetis ex praedicatione ecclesiae, adjuvante unctioe Spiritus Sancti.

163. Ad 5. probationem, *D.* Christus in adductis verbis vanam excludit nominis gloriam, *C.* excludit magistros ab ecclesia *N.* Alioquin quomodo dixisset apostolis: *Euntes docete?* Ex eo autem, quod se unum magistrum praedicet non sequitur quod excludat ecclesiae magisterium. Opportune enim observat s. Augustinus magistrum proprie ac praecipue illum dici, qui doctrinam a seipso habet, non vero item illum, qui doctrinam ab alio acceptam ceteris tradit. Ecclesia autem non aliud filios suos docet, quam quod didicit ab ipso Christo.

164. Inst. Apostolus inquit: 1. *Non dominamur fidei vestrae* (II Cor. I, 23); et 2.: *Spiritualis homo judicat omnia, et ipse a nemine judicatur* (I Cor. II, 15); ergo.

165. Resp. ad 1. *D.* Non dominamur, id est, non intendimus ob praedicatam vobis fidem arbitrarium in vos exercere dominatum cum ostentatione potestatis, *C.* non intendimus germanam in vobis fidem conservare *N.* Ut patet ex scopo et contextu istius capitis, et prout ipse exponit Rosenmüller (1). Et sane solus Deus est, qui dominatur fidei nostrae; ecclesia nos non docet nisi ea, quae Deus revelavit.

166. Ad 2. *D.* Judicat omnia iudicio privato, quod tamen non dissentiat ab ecclesiae magisterio, *Tr.* iudicio definitivo ac independenter ab ecclesiae auctoritate *N.* Addendum, non desse qui ita explicent citatum textum,

(1) In hunc locum, cui praeverat Bern. a Piconio; si quid enim boni in suis commentariis habent protestantes, id a nostris mutuari sunt, nec unquam fere fontes indignant.

Hoc praecclare ostendit Dr. Petrus Fourcr. Ackermann Canonicus lateran. in opere, quod inscribitur *Prophetiae minores perpetua annotatione illustrati*, Viennae 1839.

ut hinc falsum ostendant ethnicorum vel profanorum iudicium de religione christiana ; nullus enim christianus erroris circa doctrinam quam profitetur argui potest (1) , et sane congruit contextus. Sed dato etiam , quod de christiano a Spiritu Sancto interius edocto sermo sit , sciri nunquam potest certitudine fidei , quinam ejusmodi homo spiritualis sit.

167. IV. Obj. Ea , quae ad salutem spectant diligentissimo examine ponderanda ac discutienda ab unoquoque sunt , nisi velimus ipsum naturae jus prorsus violare ; liberum ergo unicuique erit ecclesiae iudicio adhaerere , vel ab eo recedere , quoties conscientia aliud suadet.

168. Resp. D. A. Antequam fidem christianam quis aniplectatur , seu quamdiu infidelis est , jus habet inquirendi in motiva credibilitatis , Tr. postquam fidem suscepit N. Fideli enim nullum *dubitaticum* , ut vocant , examen permittitur , quod cum vera fide consistere nequit. Permittitur tamen iis , qui idonei sunt , examen tantum *discretionis* , ut magis magisque se in fide confirmant.

169. Inst. Saltem unicuique examen dubitationis licebit instituere circa veram ecclesiam , alioquin sequeretur , quempiam posse , imo et debere , sectae , quae christiana dicatur , et in qua natus sit , adhacere , quod est absurdum. Quod si examen dubitationis necessarium est ad veram Christi ecclesiam dignoscendam , quidni etiam ad cetera fidei dogmata discutienda ?

170. Resp. D. M. Unicuique licitum est examen dubitationis circa veram ecclesiam , imo necessarium iis omnibus qui extra catholicam ecclesiam versantur , C. catholicis N. Ratio summae disparitatis inter utrosque ex eo patet , quod catholicis per examen discretionis evidentia morali constet de perpetua et nunquam interrupta suc-

(1) Cons. citatus auctor in hunc locum.

cessionem episcoporum ab apostolis usque ad nos , prout omnia publica monumenta testantur. Contra vero eadem morali evidentia constat omnibus sectariis de epocha , in qua ipsorum majores ab eadem ecclesia discesserunt ad novam societatem instituendam , quae se se opposuit tum auctoritati tum fidei quam reliquerunt , vel a qua ob suam pervicaciam expulsi sunt. Ideoque primi certi sunt , et quidem certitudine fidei , de infallibilitate propriae ecclesiae , cui promisit Christus se adfuturum usque ad consummationem saeculi ; sectarii autem nunquam sibi hanc infallibilitatem possunt polliceri , nisi velint sibi arrogare , quod denegant ecclesiae universae quam deseruerunt. Hinc catholici ex propriis principiis dubitare *non possunt* , sectarii autem ex propriis principiis dubitare *debent*. Verum de hoc argumento alias iterum agemus.

PROPOSITIO VII.

Iis , qui auctoritatem rejiciunt catholicae ecclesiae , ut spiritus privati placita sectentur , nulla est vera fides , sed opinio tantum vel dubium

171. Ut omnis tollatur amphibologia , antequam manum admoveamus ad veritatem enunciatae propositionis evincendam , praemittimus :

172. 1. Ex recepta apud omnes doctrina , actum fidei bifariam constare , tum nempe ex objecto , ut vocant , materiali , cujusmodi sunt veritates ipsae revelatae , tum ex objecto formali , seu motivo , auctoritate scilicet et veracitate Dei revelantis , quae quidem duo una cum divinae gratiae auxilio requiruntur et sufficiunt ad actum fidei theologicae constituendum. Quum proinde dicimus respectu eorum , qui auctoritatem ecclesiae catholicae rejiciunt , ut sectentur placita spiritus privati , nullam dari fidem , id intelligimus ex defectu regulae proximae uni-

versalis atque infallibilis, quae nobis tuto proponat tum veritates revelatas tum verum sensum revelationis, ita ut eirea objectum materiale decipi nulla ratione possimus. Quod enim revelatio supernaturalis data divinitus fuerit, et quod talis et non alius sensus sit ejusmodi revelationis, est *quoddam factum*, de quo nobis certo constare non potest, nisi per eos, quos Deus ipse constituit ejusdem testes, depositarios ac interpretes, quales ab initio fuerunt apostoli una cum Petro, in quibus coepit ecclesia docens, quae viva semper est, ac jugiter perseverat vivo magisterio suo in Romanis Pontificibus, Petri successoribus, atque in episcopis, qui cum ipsis conjunguntur et ipsis subordinantur (1).

173. 2. Non spectari a nobis hunc vel illum peculiarem fidei actum, quem quispiam eirea unam vel alteram revelatam veritatem, independentem ab ecclesiae magisterio, elicere posset, eo quod ipsi ex motivis, ut voeant, credibilitatis, vel evidenti morali certitudine de aliqua revelata veritate constare posset, ac de sensu obvio ejusdem revelationis: sed a nobis agi de toto potissimum fidei systemate, seu de universis articulis, quos omnes credere tenemur utpote a Deo revelatos. Christus enim, ut vidimus, integrum fidei depositum ecclesiae suae concredidit, ut haec usque ad consummationem saeculi eandem, fidem quam acceperat, doceret omnes gentes: *Docentes*, ait, *servare omnia quaecumque mandavi vobis*; integrum propterea materiale fidei objectum intelligimus, non autem partiale. Quanquam, quod sedulo observandum est, nemo positive fidei actum eliciat, nisi dependenter ab ecclesiae auctoritate, a qua, saltem ab origine, didicit tum esse revelationem, et talem sensum esse revelationis eirea illam peculiarem veritatem. Si quandoque enim protestantes positive aliquid credunt, credunt ex principio,

(1) Cons. Bolgeni in opere *L' Economia della f. de cristiana*, Brescia 1790, cap. 1, art. 1 et seqq.

ut ita dicam, catholico, et ex ea parte catholici sunt, quod et de ceteris haereticis est intelligendum; nam nemo est haereticus vel protestans, nisi quatenus de suo vel adjecit, vel detraxit ab iis, quae ecclesia docuit aut docet.

174. 3. Adstruimus, eos hoc integrum materiale fidei obiectum habere non posse, qui opponunt spiritus privati placita, seu substituunt spiritum privatum magisterio et auctoritati ecclesiae a Christo institutae; hocque ex duplici causa: tum scilicet ob regulas fidei remotas, cuiusmodi sunt scriptura et traditio, de quibus ipsis constare non potest independenter ab ecclesiae testimonio; tum ob ejusdem genuinum scripturae et traditionis sensum, quem independenter ab ejusdem magisterio agnoscere nequeunt. Quae quidem evincere intendimus tum a priori, ut dicunt, tum a posteriori, a jure scilicet et facto, seu agendi ratione ipsorum protestantium. Quae quum ita sint, accedimus ad enunciatam propositionis probationem.

175. Systema fidei est systema auctoritatis. Fides enim in genere non est nisi assensus alicui praestitus ob ejus auctoritatem. Apostoli autem a Christo edocti de veritatibus fidei, has easdem tradiderunt successoribus a se delectis, ut isti pariter has easdem integras transmitterent ad seram usque posteritatem, quales eas acceperunt absque ulla discussione. Apostoli rursum eorumque successores infidelibus eas ipsas credendas proposuerunt, et, cum totum istud supernaturale systema captum rationis excederet, signa ediderunt, vel motiva credibilitatis exposuerunt, ut rationabile esset eorum obsequium erga fidem. Quod tamen spectat ad veritates ipsas, prout in se sunt, id semper expostularunt, ut omnes captivarent intellectum, et eas crederent, comminantes aeternas poenas his, qui eas credere detrectassent. Quotquot proinde crediderunt, crediderunt ob auctoritatem ecclesiae, quae testabatur a Christo seu a Deo se eas accepisse.

176. Propter infallibilem hanc ecclesiae catholicae au-

cloritatem, divinitus institutam, fideles omnes has et non alias crediderunt veritates tanquam totidem fidei articulos, has et non alias admiserunt traditiones tanquam divinitus acceptas, hos et non alios canonicos libros tanquam divinitus inspiratos, juxta celebre Augustini effatum: *Ego vero evangelio non crederem, nisi me catholicae ecclesiae commoveret auctoritas* (1). Augustino praeceverat s. Irenaeus, eundem sensum exprimens, dum ait, non apud alios quaerendam veritatem quam apud ecclesiam; *cum apostoli, inquit, quasi in depositarium dives plenissime in eam contulerint omnia, quae sint veritatis, ut omnis quicumque velit, sumat ex ea potum vitae. Haec est enim vitae introitus*, etc. (2); deinde exposita successione ecclesiarum apostolicarum, ac praecipue ecclesiae romanae, a quibus quaerenda veritas esset, concludit. *Hac ordinatione et successione ea quae est ab apostolis traditio et veritatis praeconizatio pervenit usque ad nos* (3). Praeiverat s. Polycarpus, qui ex testimonio ejusdem Irenaei: *Vir multo majoris auctoritatis et fidelior veritatis est testis quam Valentinus et Marcion et reliqui, qui sunt perversae sententiae. Illic docuit semper, quae ab apostolis didicerat, quae ecclesia tradidit, et solu sunt vera* (4). Praeiverat Clemens Romanus, quem idem Irenaeus asserit, *vidisse ipsos apostolos, et contulisse cum eis, cum adhuc insonantem praedicationem apostolorum et traditionem ante oculos haberet* (5). Praeiverat s. Ignatius martyr,

(1) Lib. *Contra epist. fundamenti*, cap. v, n. 6.

(2) *Contra haereses*, lib. iii, cap. 4.

(3) Ἐγὼ αὐτῇ ταῖς, καὶ τῇ αὐτῇ δόξα καὶ ἡτις ἀπὸ τῶν ἀποστόλων ἐν τῇ ἐκκλησίᾳ παραδίδεται, καὶ τὸ τῆς ἀληθείας κήρυγμα κατήντηκεν εἰς ἡμᾶς. S. Iren. *Contra haereses*, lib. iii, cap. 3, p. 176, edit. Maurin.

(4) Μαρτυροῦσιν ταῦτοις αἱ κατὰ τὴν Ἀσίαν ἐκκλησίαι πᾶσαι, καὶ οἱ

μέχρι νῦν διαδεχόμενοι τὴν Πολύκαρπον, πολλὰ ἀξιοπιστοτέρων καὶ βεβαίωτον ἀληθείας μάρτυρα ὄντα, Οὐαλεντίνου καὶ Μαρκίου, καὶ τῶν λοιπῶν κακογυμνοῦντες δὲ καὶ μίαν καὶ μόνην ταύτην ἀλήθειαν κηρύττας ὑπὸ τῶν ἀποστόλων παρεδόχθαι, τὴν ὑπὸ τῆς ἐκκλησίας παραδεδομένην. Ibid. pag. 177.

(5) Κλήμης, ὁ καὶ ἰσχυρῶς τοὺς μακαρίους ἀποστόλους, καὶ συμβα-

quem Eusebius testatur, *hortatum esse fideles, ut apostolorum traditionibus tenaciter inhaererent* (1), nec non Origenes, de quo pariter idem Eusebius scribit: *Ecclesiastico insistens canonē, quatuor dumtaxat evangelia testatur, his verbis: Sicut ex traditione, inquit, accepi de quatuor evangelis, quae sola in universa Dei ecclesia, quae sub coelo est, extra controversiam admittuntur* (2). Eusebius ipse, eodem loco primam Petri memorans epistolam, hoc ei testimonium reddit: *Petrus autem, cui tanquam fundamento superstructa est ecclesia Christi, adversus quam nec ipsae inferorum portae sunt praevaliturae* (3). Ut nihil dicam de Tertulliano, qui in suo libro *De Praescriptionibus*, totus est in hoc principio evolvendo adversus omnes haereticos, et de iis, qui recensitas sententias exscripserunt, Cyrillo Alex., Capreolo Carthaginiensi; Vincentio Lirinensi, etc., qui unanimes in hoc principio adstruendo auctoritatis ecclesiae catholicae insistent, sive ad veros scripturae libros ac traditiones apostolicas cognoscendas, sive ad germanum earundem sensum excutiendum (4). Propter idem idcirco universale motivum, quo infideles christiani facti sunt, crediderunt omnibus et singulis veritatibus ab ecclesia propositis, propter auctoritatem nempe infallibilem ipsius ecclesiae, seu per idem motivum facti sunt catholici per quod facti sunt christiani.

177. Si igitur norma et regula proxima fidei nostrae est auctoritas ecclesiae proponentis, seu applicantis nō-

βληκώς αὐτοῖς, καὶ ἐν ἑαυτὸν τὸ κέρυσμα τῶν ἀποστόλων, καὶ τὴν παραδοσιν πρὸ ὀφθαλμῶν ἔχων, οὐ μόνος. Ibid. pag. 176.

(1) Προὔτειπέ τε ἀκριβὲς ἔχισθαι τῆς τῶν ἀποστόλων παραδόσεως. *Ibid.* eccles. lib. III, cap. 36.

(2) Τὸν ἐκκλησιαστικὸν φυλάττων κανόνα, μόνα τέσσαρα εἰδῆται εὐαγγέλια μαρτυρεται, ὡς πως χρῆσθαι.

ὡς ἐν παραδόσει μαθὼν περὶ τῶν τεσσάρων εὐαγγελίων, ὃ καὶ μόνα ἀκιντήρητα ἴσται ἐν τῇ ὑπὸ τῶν οὐρανῶν ἐκκλησίᾳ τοῦ Θεοῦ. *Ibid.* lib. VI, cap. 25.

(3) Πέτρος δὲ ἐφ' ᾧ οἰκοδομεῖται ἡ Χριστοῦ ἐκκλησία. *Euseb.* loc. cit.

(4) Cons Gerdilius, in *Comm. adv. Boehmerum*, opp. edit Rom. tom. II.

P45. 77.

his divinam auctoritatem, et conditio *sine qua certo et infallibiliter constare nobis non potest*, quatenam sint de fide tenenda, patet quod quicumque hanc rejicit, seu contra ejus auctoritatem protestatur, veram fidem habere nequeat. Nulla enim est ratio, cur quis hoc credat, aliud vero non credat; praeter proprium spiritum privatum; et eodem modo, quo quis rejicit unum articulum, potest pariter et alium respuere, atque ita porro, donec ne vel unus quidem supersit, juxta Tertulliani dictum: *Idem licuit valentinianis, quod Valentino, idem marcionitis quod Marcioni, de arbitrio suo fidem innovare* (1). Cum autem spiritus privatus per se fallibilis sit et errori ac deceptioni obnoxius, evidens est nullam esse infallibilem regulam quoad eos, qui rejiciunt auctoritatem ecclesiae, propter quam aliquid de fide credatur, ideoque intra humanae opinionis limites non concludatur quidquid ab ipsis vel admittitur vel rejicitur. Cum nemo insuper possit tanquam certam propriam tueri sententiam, alienam autem, quae suae opponitur, certe ut absolute falsam rejicere, in iis praesertim, quae humanae mentis captum superant, infertur, per hanc substitutionem spiritus privati auctoritati ecclesiae, necessario oriri dubium aliquod universale, nec quemquam unquam posse verum fidei actum elicere, ac necessario in dubio absoluto in iis, quae ad fidem pertinent, versari debere; vel si quis actum fidei elicit, non elicit, prout adnotavimus, nisi ex principio catholico.

178. Haec magis ac magis confirmantur ex doctrina et agendi ratione ipsorum protestantium. Aliquot enim dog-

(1) *De praescrip.* cap. 42, ejus integer textus ita est: «Mentior, si non etiam a regulis suis variant (haeretici) inter se, dum unusquisque proinde suo arbitrio modulatur, quod accepit, quemadmodum de suo arbitrio ea composuit ille, qui tradidit. Agno-

scit naturam suam, et originis suam morem, profectus rei. Idem licuit valentinianis quod Valentino.... Denique p-nitas inspicit haereses omnes in multis cum auctoribus suis dissentientibus deprehenduntur» (pag. 217. edit. Rigaltii, Lutetiae Paris. 1664).

mata ab initio rejecit Lutherus, alia negavit Calvinus, alia Zwinglius, alia anabaptistae, omnia demum rejecerunt sociniani, methodistae, rationalistae, deistae. Pastores genevenses adeo desciverunt a placitis Calvini, ut postremis hisce annis bellum, hactenus non sopitum, moverint adversus doctores et ministros quosdam, qui, a proposito sibi systemate discedentes, aliquot dogmata, ex. gr. peccati originalis, Trinitatis, Divinitatis Christi, adhuc retinere ac defendere conabantur (1).

179. Hinc in Recognitione protestantica protestantismus definitur: *actus independentiae rationis humanae in negotio religionis* (2). Juxta Anglicanum Watson, protestantismus est *actus, quo quis credit quidquid vult, et proficitur quidquid credit* (3); vel prout traditur in catechismo anglicano nuper evulgato: *Protestantismus est detestatio papismi* (catholicismi) *et exclusio papistarum* (catholicorum) *ab omni officio ecclesiastico et civili* (4); juxta quam definitionem, licet omnia rejiciantur fidei dogmata, et omnia subvertantur moralitatis principia, dummodo rejiciatur ecclesia catholica, quisque poterit esse protestans, ideoque et judaeus et islamita imo et ethnicus. In controversia nuper habita in provinciis confederalis Americae septentrionalis a Breckenridge, protestantismus definitur: *Religio reformatu et opposita ecclesiae catholicae romanae, quoad doctrinam, moralitatem, regimen, disciplinam ac cultum*; et alibi: *Religio revelata ac consistens cum ss. Scripturis*

(1) Vid. edictum senatus genevensis latum adversus eos, quos vulgo nuncupant *Momiers*, in *Mem. cath. Férr.* 1824.

(2) *Revue protestante.*

(3) Apud Milner, *The end of religious controversies*, etc. part. 3, pag. 125.

(4) *The protestant's catechism, by the Bishop of Saint-David*, pag.

12. Juxta Tschirner professorem Lipsiensem protestantismus est *un christianisme dégagé de formes gênantes*; juxta theologos ligurinos, protestantismus consistit in *triplici libertate examinis interpretationis et publicae professionis*; et ita porro, adeo ut mira sit dissensio in ipsa protestantismi definitione.

tanquam unicis fidei ac praxis seu morum regulis, et quae contra errores et corruptiones ecclesiae romanae protestatur (1). Quae quidem definitiones congruunt cum ceteris allatis, cum statuunt essentiam protestantis- mi consistere in privata scripturarum interpretatione et protestatione adversus ecclesiam catholicam. Istiusmodi principiis insistentes nonnulli ex protestantibus rejiciunt hoc vel illud caput e sacris libris. (2), hunc vel illum librum e censu Scripturarum divinarum; sunt qui rejiciunt omnem inspirationem librorum sacrorum; sunt qui affirmant christianismum necessarium non esse nisi ad so- lam moralem institutionem; sunt denique qui asserunt nullas actiones esse per se immorales, seu nullas dari actiones *subjective immorales*, sed solum *illegales*, quatenus minus congruunt cum humanae societatis legi- bus et institutis. Omnia enim affirmant subesse necessi- tati naturae, nec posse dari pugnam et oppositionem in-

(1) In *Controversy between rev. Messrs Hughes and Breckenridge*, Philadelphiae 1833, cont. n. xv, p. 226, nunquam hic provocator stetit regulis utrumque statuit, sed omnia miscet atque confundit. Mire in eum congruit Cl. Comil's De Maistre dictum: « Sur les points où il n'est pas possible de bien raisonner, l'esprit de secte fait ce qu'il peut, il di- vogue, il donne le change, et sur- tout il s'étudie à laisser les choses dans un certain demi-jour favorable à l'er- reur ». Soirée 8, p. 96. Et ipse qui- dem confugit ad loca communia in-quisitionis, noctis s. Bartholomaei, etc.

(2) Speciminis gratia nonnulla in- dicabimus exempla. Duo priora ca- pita, evangelii s. Lucae rejecerunt Evanson in *The dissonance of the four generally receiv ed Evangelist, and the evidence of their respecti- ve authenticity examined*, Ipswich 1792, 8; J. E. C. Schmidt, *Das ächte Evangelium des Lucas, eine Vermuthung*; seu *Evangelium au-*

thenticum Lucae, in Henckü *Col- lect. pro religio- a philosophia, ex- gesi et historia ecclesiastica*, part. 5, sect. 3, pag. 473 et seqq.; Hord, *Ueber die beyden ersten Kapiteln im Evangelium Lucas, seu De duo- bus primis capitibus evangelii Lu- cae*, in Henckii *Musaeo*. Authen- tiam ultimae sectionis evangelii s. Mar- ci, a versu 8 ad finem, multi im- pugnarunt; cfr. Michaelis *Begrün- nis- und Auferstehungs Geschichte*, seu, *Historia sepulturae et resur- rectionis*, p. 179; Telari, *Neues magazin etc.*, seu, *Nova collectio pro concionatoribus*, vol. 3, § 5, alique non pauci apud Kuinoel, in *Comment. in lib. Novi Testamenti hist.* Caput 21 s. Joannis praeter no- vos templarios in ipsorum codice, qui *Levitikon* inscribitur, Parisiis vulga- tus anno 1831, fere omnes recentio- res bibliae protestantes rejiciunt, vel saltem in dubium revocant. Cons. Kuinoel, op. cit., Clericus, etc.

ter mentem et *sensibilitatem* (1). Jam vero quis non videt hac agendi et quidlibet sentiendi licentia omnem funditus tolli christianam religionem, vel ad summum non amplius retineri christianismi nisi nomen et larvam?

180. Propterea ex dictis jam sequitur 1. Protestantismum non esse, ut cum chemicis loquar, nisi *principium dissolvens* religionis christianae, quae vitam non habet nisi in sola ecclesia catholica, quae cum ea quodammodo identificatur (2).

181. Sequitur 2. Protestantes, ac proinde haereticos omnes, nullum habere vinculum unitatis religiosae, cui propterea consulere non possunt nisi per auctoritatem civilem et politicam (3), vel per commune odium

(1) Apud Baronem De Stark, op. cit. et Tremblay, pariter op. cit. Nos inferius ex his omnibus aliquot eorum, quae hic indicavimus, documenta proferemus; interim omnes quas Sociniani, aninomii, alique sectarii docent, satis sit ea in medium asferre, quae testatur Tremblay, op. cit. pag. 262 et seqq. in ipso nempe reformationis nudoceri: « Qu'il n'y a point d'actions immorales par elles-mêmes, quoiqu'elles puissent être illégales, d'après les lois et les conventions de la société, qu'il n'y a point d'action *subjectivement immorale*, mais, que tout est soumis à la nécessité de la nature, et qu'il ne peut y avoir d'opposition entre la sensibilité et la raison ».

(2) Apposite Comes de Maistre in opere, quod inscribitur *Du Pape*, liv. II, ch. 5, scripsit: « Si le protestantisme porte toujours le même nom, quoique sa foi ait immensément varié, c'est que son nom étant purement négatif, et ne signifiant qu'une renonciation au catholicisme, *moins il croira, plus il protestera*, plus il sera lui-même. Son nom devenant donc tous les jours plus vrai, il doit subsister, jusqu'au moment où il périra, comme l'ulcère périt avec

le dernier atome de chair vivante qu'il a dévoré ». Quod plane congruit cum iis quae habet Apostolus: *Sermo eorum* (haereticorum) *ut cancer serpit* (11 Tim. II, 17).

(3) Experimento comprobata plurimum saeculorum, sectas quae se subduxerunt legitimae auctoritatis spirituali, prolapsas fuisse sub imperium saeculare seu civile, quod multo duriorum in ipsas exercet potestatem, quam unquam ante earum rebellionem in ipsas exercuerint Romani Pontifices. Quare merito scripsit Feller, *Dict. hist.* tom. VII, pag. 262. « Tous ceux, qui se sont séparés du grand corps de l'église et de son chef, n'ont jamais manqué de tomber sous une autorité profane et arbitraire ». Ille jamdiu observaverat Melancthon in *Praefatione* suorum operum, ubi vehementer conqueritur, jugo papali, quod non erat nisi ligneum, sufficium fuisse jugum ferreum *politicorum* seu laicorum, qui sibi arrogaverant auctoritatem terribiorem papali. Centuriatores magdeburgenses, in *Introductione ad centuriam VII*, graviter et ipsi de eodem malo conqueruntur. Sic anglos non puduit pro Romano Pontifice Elisabetham veluti papissam habere. Sic alibi supremi

adversus ecclesiam catholicam a qua discesserunt (1).

182. Sequitur 3. quod si nonnulla adhuc christianismi lineamenta supersunt apud heterodoxos, et omnes fructus suos nondum protulit protestantismus apud populum, id unice repetendum esse ex incohaerentia pastorum ac ministrorum qui propriam *auctoritatem* auctoritati ecclesiae catholicae substituerunt, vel ex influxu validissimo, quem adhuc, saltem indirecte, exercet catholica ecclesia in istas sectas, etsi ab ea divisas et rebelles.

183. Sequitur 4. merito nos affirmasse rationalismum et naturalismum, etc. esse verum, naturalem et necessarium fructum illius principii, in quo tota posita est reformatio seu protestantismus, independentiae nempe absolutae et completae a legitima auctoritate, seu ab auctoritate ecclesiae catholicae, quam unice Christus constituit custodem, interpretem infallibilem, depositariam et testem suae doctrinae ac religionis.

DIFFICULTATES

184. I. Obj. Protestantes auctoritatem ecclesiae a Christo institutae minime rejiciunt, sed abusum istius auctoritatis, qui posterioribus saeculis inolevit. Immo *emendatores sacrorum* (2), qui quovis saeculo insurrexerunt,

magistratus omnia spiritualia negotia, synodos, liturgiam, etc. moderantur, et ministri non aliud possunt nisi aures dimittere, et abjectissime in his omnibus, velint noli, assentiri.

(1) Odium omnium sectarum adversus religionem seu ecclesiam catholicam potest vero dici ipsarum vita et alimentum. Indidem tot machinationes oriuntur, insidiae, fraudes de quibus consuli potest Lessius, *Diss. cit. Quae religio sit capessenda*; *Septima ratio ex dolo et fraudibus*. Superius vidimus definitum pro-

testantismum in catechismo anglicano, *odium papismi*; deputati genevenses ad synodum dorchesterianam declarant onanum nomine: *Nous ne voulons avoir aucune sorte d'union avec les catholiques, au contraire nous les méprisons, et nous les haïssons* (§ 15, et ss. xxv et xxvi).

(2) Ita passim Wegscheider aliquae protestantes Lutherum et Calvinum designant. At apposite Cl. Comte De Maistre, lib. iv. *Du Pape*, sic ironice eos pingit: « Jésus-Christ reparut parmi nous, pour assurer solennellement à son église une assistance

nihil innovarunt in rebus fidei, sed solum protestati sunt adversus novitates, quae in eandem ecclesiam identidem irrepererunt, fidem revocantes ad simplicitatem ecclesiae purioris ac primitivae; ergo.

185. Resp. *N. A.* et adversariorum suppositionem. Nullus enim ejusmodi auctoritatis abusus in iis, quae ad fidei ac morum integritatem spectant, juxta Christi promissa in ejus ecclesia locum habere potest. Haec autem appellatio ab ecclesia praesenti ad ecclesiam primitivam ac puriorem praeteritorum saeculorum non est nisi pallium, quo semper nisi sunt isti (non *emendatores*, sed *corruptores* sacrorum, id est, *haeretici*) cohonestare propriam perduellionem, ut populis fucum facerept. Ebionitae, eleesitae, simoniani, nicolaitae, cerinthiani, gnostici insurrexissent adversus novitates apostolorum, et appellassent in istorum hypothese ad puriorem ecclesiam, qualis erat vivente adhuc in terris Christo Jesu (1).

186. II. Obj. 1. Independentia religiosa protestantium non est absoluta, sed circumscribitur sacris bibliis, quae sunt codex revelationis. Cum igitur quidpiam ipsi de fide tenent, illud tenent ob auctoritatem sacrae scripturae, quae perspicue ejusmodi articulos, in quos credunt protestantes, in se continet; ergo independentia religiosa ab auctoritate ecclesiae in sensu protestantium non officit, quia aliquid de fide credatur (2). 2. Imo ex hoc intelligitur, quomodo ecclesia protestans *una* sit, non minus quam ecclesia romana, quum una fide et sacramentorum administratione juxta mentem sui fundatoris

aussi durable que le monde. Mais hélas ! cet effort de l'amour tout-puissant n'eut pas à beaucoup près tout le succès qu'il annonçait. Par défaut de science ou de force, ou par distraction peut-être, Dieu manqua son coup et ne put tenir sa parole bien tôt cette religion sainte, révélée à l'homme par l'Homme-Dieu, ne fut

plus qu'une infâme idolâtrie, qui durerait encore, si le christianisme n'eût été brusquement ramené à sa pureté originelle par deux misérables !.

(1) Cfr. s. Iren. *Contra haereses*, loc. cit.

(2) Ita *Revue protestante*; cui addi potest D. Breckenridge, in *Controversia americana*, loc. cit.

(Christi) omnes fideles conjungat, ut Otto bene exponit (1). Vel prout rem explicat D. Tittmann, 3. adeo si bi ecclesia protestans unitatem vindicat, ut a) sacram scripturam pro unico revelationis fonte habeat, b) sem piternam veritatis propagationem et c) continuum eccle siae christianae progressum admittat (2); ergo.

187. Resp. Ad I. *Neg.* rursum *antec.* et suppositum. Rejecta semel ecclesiae catholicae auctoritate, unde constat protestantibus libros sacrae scripturae fuisse inspira tos et divinos, vel inspiratam fuisse quamlibet ipsorum partem nisi ex ipso spiritu privato, qui est solus judex independens inspirationis? Nonne Lutherus expunxit in tegros libros e censu scripturae divinitus inspiratae? Et post Lutherum nonne recentiores quidam Germaniae pro testantes divinam inspirationem plurimarum partium scri pturae, imo et totius scripturae formaliter rejecerunt (3)?

(1) In opere, quod inscribitur *Der Katholik und der Protestant*, id est, *Catholicus et Protestans*.

(2) *Ueber die Einheit in der evan gelischen Kirche*, seu *De unitate in Ecclesia evangelica*, Lipsiae 1826.

(3) Cons. *On the state*, etc. seu *De statu religionis protestantis in Germania*, R. Hugh James Rose; ubi auctor licet anglicanus deplorat statum, ad quem demum devenit protestantismus in Germania; ibi protestantes nonnulli accusant s. Paulum apostolum judaismi, Semlerus e contra ipsum affirmat fuisse gnosti cum; alii, ut Ammon, Wegscheider, Hense, etc. omnem supernaturalem revelationem et inspirationem Spiritus Sancti ab auctoribus sacris explodunt; imo scriptura universa non est nisi quaedam introductio ad rationem puram. Baro de Starck, op. cit. pag. 133. cum nonnulla excerpta attulisset Clodii doctoris biblicae ac superin tendentis protestantis Heldeniae, qui in suis *Aperçus primitifs du Christianisme*, edit. anno 1808, accusat

Christum Dominum velut falsarium ac perjurum in mortis conspectu, utpote qui prodidit veritatem solenni iurejuran do coram judaïs, etc. demum re fert ejusmodi tractum: « D'après l'é vangile de Matthieu, la doctrine est exposée avec beaucoup de suppléments étrangers et de changemens; il ne peut par conséquent servir de règle de foi. L'évangile de Jean et ses let tres ne sont pas de lui, mais l'ouvrage de quelque juif. On y trouve plu sieurs choses blâmables et contradic toires; la doctrine en est gnostique. Paul, dans ses lettres, n'a point quit té ses idées judaïques; il continue de croire à la divinité de la religion juive, d'admettre une résurrection réelle de la chair, et on ne trouve point chez lui la doctrine de la providence. Les lettres de Pierre et de Jacques et celle aux Hébreux sont comme celles de Paul; en général, les écrits du Nouveau Testament ne peuvent produire aucun corps de doctrine bien lié et bien avéré, etc. ». Sed satis est oculos conjicere in ipsos libris

Nonne ex reformatis Benjaminus Constant, cui concinit recognitio protestans, aperte tradit libros Veteris Testamenti corruptos magna ex parte fuisse a spiritu sacerdotali Esdrae, quem exasperaverat infortunium (1)?

183. *Neg.* praeterea *conseq.* Etenim si spiritus privatus est solus interpres et quidem independens sacrorum codicum, quidquid putat quis se invenisse ad fidem pertinens, de fide erit, quidquid vero ad fidem minime pertinere existimaverit, omnino respuet. Tot proinde erunt fidei symbola, quot capita, immo cum quisque opinionem suam saepe mutet, erit de fide hodie, quod eras erit falsum. Nihil proinde fixum in tali systemate habetur praeter perpetuam inconstantiam et fluctuationem. Nulla alia fidei regula erit praeter subjectivam ac privatam uniuscujusque persuasionem, seu potius opinionem vel dubium. Experientia et historia id evidentissime ostendunt (2).

corum notericorum libros, ut quisque certior fiat, quo tandem deveniunt protestantes. Quae enim adduximus non sunt nisi levia lineamenta, et tamen hi sunt, qui pro unica religionis basi sumpsisse sacram scripturam gloriantur!

(1) Op. cit. *De la religion considérée dans sa source*, etc. tom. II. pag. 249: « L'Histoire des juifs, *scribit*, ayant été recomposée de nouveau par Esdras (ut ipse gratis affirmat) qui était de race sacerdotale, et qui, dans son zèle, *aigri* par le malheur, exagérait la sévérité des lois de Moïse, les livres hébreux durent se pénétrer de l'esprit sacerdotal, etc.

(2) Cons. *Lettre de M. Laval et devant ministre à Condé-sur-Noireau, à ses anciens corréligionnaires*, Paris 1823; in qua inter cetera invictissime ostendit, protestantes ex suis principiis non posse affirmare aut in quo consistat vera fides, aut quid sint biblia, quia eadem ratione qua primi reformatores e sacrorum librorum numero aliquot expunxerunt, co-

dem jure et ex eodem principio quisque potest alios et alios expandere, quin argui possit, vel tollere numero protestantium, cum ita se gerat ex subjectiva persuasione et juxta libertatem, qua primi reformatores usi sunt, prout respo se se gesserunt, ut vidimus, biblici protestantes. Atque hic obiter praevenienda est difficultas, quae objici posset, nempe etiam inter catholicos existisse atque exsistere non paucos, qui non minus absurda circa religionem ac sacros libros protulerunt, nec tamen istorum aberrationes adscribi posse seu imputari religioni catholicae, sic a pari protestantismo imputari non posse privatorem deliramenta. Reponimus enim, ingens esse discrimen inter catholicos et protestantes; illi enim agunt *contra* propriae religionis principia, quae ejusmodi deliramenta proscribit et damnat, resistunt auctoritati, etc., at protestantes agunt *ex reformationis principijs*, *natura et essentia*, quae consistit, ut tollas diximus, in libertate examinis quam habet spiritus privatus, cum indepen-

189. Ad 2. *D.* Una sit nomine ac negative, *T.* re et positive, *N.* Nisi velis sub unica fide totam omnium contradictionum congeriem comprehendere; ut si quis dicat: *Christus est Deus*, alter vero: *Christus non est Deus*, haec eadem fides est, ideoque ambo eandem fidem profiteamur et ecclesia nostra una est; et sic dicatur de ceteris omnibus articulis. Quare saepe provocati protestantes ad communem fidei professionem edendam nunquam adduci potuerunt ad id praestandum; cur vero, nisi quia ex protestantismi fundamento hoc est ipsis impossibile? Si enim fundamentum ac ipsa natura et essentia protestantismi, ut protestantes saepe professi sunt, consistit in independentia religiosa individuali in materia fidei, clare patet, impossibile omnino esse, ut ipse possit unam habere fidem, imo nec fidem ipsam, cum fides in hoc systemate non pendeat nisi a subjectiva uniuscujusque persuasionem, quae et individua est, fallax atque inconstans. Ex quo sequitur, non aliam in protestantismo reperiri posse unitatem nisi negativam, quae scilicet consistit in negatione fidei cujuscumque.

190. Ad 3. *Neg.* vindicari etiam hac ratione posse fidei vel ecclesiae unitatem, sive tria argumenta a Titmann adducta seorsim, sive simul sumantur. Non sufficit a) quod ecclesia protestans habeat scripturam sacram pro unico revelationis fonte; alioquin sociniani et methodistae, unitarii omnes, rationalistae, etc. qui omnia dogmata rejiciunt, sive Trinitatis, sive Divinitatis Christi, Incarnationis, transmissionis peccati originalis, realis Christi praesentiae, etc. constituerent unam ecclesiam, et profiterentur fidei unitatem cum lutheranis et supernaturalistis protestantibus, qui illa se adhuc profiteri contendunt; omnes enim recensiti sectarii habent Scriptu-

dentia a quacumque auctoritate, et proinde nemo jus habet istos erroris arguendi, contra accidit in communio-

ne catholica, cujus fundamentum est principium auctoritatis ecclesiae doctis.

•

ram sacram pro unico revelationis fonte. Imo omnes prorsus omnium saeculorum haeretici, qui tot paradoxa effutierunt, servarent fidei et ecclesiae unitatem, eo quod omnes Scripturam pariter pro unico revelationis fonte haberint, quod quam absurdum sit nemo est qui non videat.

191. Id ipsum dicatur de sempiterna veritatis propagatione, quae secundo loco recensetur, quid enim sibi vult adversarius illa *sempiterna veritatis propagatione*? Haec enim vel sunt verba sensu vacua, vel si quem sensum habent, nihil aliud significant nisi sempiternam *confusionis* et *chaos* propagationem; tot enim pene sunt, ut vidimus, in protestantismo sententiae quot capita; alter ex ipsis affirmat quod alter negat, donec desperatione compulsus protestantismus omnes ubique fere rejecerit libros symbolicos, omnemque fidei professionem; et tamen Tittmann loquitur de sempiterna veritatis propagatione, quamvis ignoret penitus, quale sit hujus veritatis objectum.

192. Sed neque sufficit quod tertio loco posuit, quod scilicet *continuum ecclesiae christianae progressum* admittat, cum non alius progressus in protestantismo sit, nisi de errore in errorem. Adeo enim protestantismus hodiernus differt a protestantismo primitivo, ut, excepto principio fundamentali nuper memorato de independentia individuali, toto coelo ab illo differat; cum omnes abjecerit veritates, quas primi protestantes cum ecclesia catholica adhuc retinuerant; ad quam defectionem cohonestandam recentiores excogitarunt principium *perfectibilitatis*, id est, destructionis.

193. Dixi praeterea illam unitatem tria haec a Tittmann recensita etiam simul sumpta non constituere, cum nulla secta sit cui accommodari non possint; simoniani, nicolaïtae, etc. potuissent pariter sibi ejusmodi unitatem vindicare, etsi jamdiu evanuerint, prout evanescet protestantismus, non obstante sua *sempiterna veritatis propagatione et continuo progressu*.

194. Inst. Satis saltem erit implicite credere ea onnia, quae Christus docuit, seu ut loquitur Otto (1), juxta mentem sui Fundatoris; ergo.

195. Resp. *Neg.* Necesse enim est credere ea, quae Christus docuit per ecclesiae magisterium, id Fundator religionis christianae voluit, id non semel patefecit, ut ex adductis testimoniis patet. Alioquin inutilis plane fuisset ejus revelatio, penitus ignoraremus fidei nostrae objectum, religionis veritates jam nullum in nos influxum exercerent, et in perpetua versaremur fluctuatione. Eo magis quod ejusmodi ignorantia voluntaria sit, atque a perduellione et contumacia proveniat.

PROPOSITIO VIII.

Haeretici et schismatici declarati extra Christi ecclesiam sunt

196. Hic non loquimur, ut ipsa propositionis enunciatio indicat, de iis qui in haeresi vel schismate ignorantia invincibili seu, ut ajunt, bona fide versantur. Illos siquidem anima saltem seu spiritu ad veram Christi ecclesiam pertinere, ut infantes omnes rite baptizatos, nemo est qui dubitet. Neque pariter loquimur de haereti-

(1) In opere *Der Katholik und der Protestant*, in quo ea refricat, quae ante ipsum alii dixerunt, atque inter ceteros Baronissa de Staël, in suis *Considerations sur les principaux evenemens de la revolution française*, tom. III, p. 15; ubi scribit: « Il n'est aucune question ni de morale, ni de politique, dans laquelle il faille admettre ce qu'on appelle autorité. La conscience des hommes est en eux une révélation perpétuelle, et leur raison un fait inaltérable. Ce qui fait l'essence de la religion chrétienne, c'est l'accord de nos sentimens

intimes avec les paroles de J. C.; et alibi: Le droit d'examiner ce qu'on doit croire est le fondement du protestantisme. Les premiers réformateurs ne l'entendaient pas ainsi. Ils croyaient pouvoir placer les colonnes d'Hercule de l'esprit humain aux termes de leurs propres lumières; mais ils avaient tort d'espérer qu'on se soumettrait à leurs propres décisions, comme infaillibles, eux qui rejetaient toute autorité de ce genre dans la religion catholique » (*De l'Allemagne par Mad. Staël*, IV part. ch. II, in 12, pag. 13).

cis aut incredulis, vel occultis, vel nondum ab ecclesia solemniter iudicio declaratis. Quamdiu enim isti ab ecclesia sejuncti aut expulsi non sunt, ad ejus saltem corpus spectant. Propositio igitur est de illis, qui exterius ab ecclesia divisi sunt, et in separatam ac distinctam ab ipsa societatem aut coetum coalescunt, et quidem per voluntariam ac culpabilem defectionem.

197. Illos autem neque ad animam, neque ad corpus, ut ajunt, ecclesiae, seu nullo modo ad ecclesiam pertinere facile est evincere. Sectarii atque schismatici, ut superius vidimus (1), sunt veluti totidem rami excisi a magna illa arbore, quam Christus plantavit, ut cresceret usque ad consummationem saeculi, sunt rivuli a fonte separati, membra a corpore recisa. Ut pote perduelles, atque in proprio sensu pervicaces contra ecclesiae definitiones, ipsos eadem ecclesia damnavit atque excidit ab unitate. Ecclesia juxta Christi mandatum eos habet velut ethnicos et publicanos, et cohaerenter ad Pauli aliorumque apostolorum doctrinam et praxim veluti proprio iudicio condemnatos et subversos devitat (2), nec ulla ratione cum eis communicat, nec sinit in spiritualibus communicare cum ipsis filios suos. Ergo haeretici atque schismatici voluntarii tam alieni sunt ab anima ecclesiae, quam alienus et extraneus est error a veritate, et divisio et confusio ab ordine et individua unitate; tam sunt alieni a corpore ipsius ecclesiae, ut membrum a corpore abscissum, ut ramus ab arbore avulsus, ut rivulus a fonte divisus, ut rebelles ac refractarii a societate depulsi atque extorres. Hinc sicut nulla est conventio Christi ad Belial, et nulla societas lucis ad tenebras, sic nulla haereticeis et schismaticis pars et cum Christo ejusque regno seu cum vera Christi ecclesia.

198. Haec proinde semper fuit et sententia et praxis

(1) Prop. iv, corol. 2.

(2) loc. cit.

antiquitatis in revelatione fundata. Christus ipse, ut supra animadvertimus, in Apocalypsi acriter objurgat Angelum seu episcopum ecclesiae Pergami, eo quod pate-
retur in sua ecclesia quosdam *tenentes doctrinam nicolaitarum*, et idcirco injungit ipsi poenitentiam (Apoc. II, 15). Apostolus Paulus in Epistola ad Galatas anathema dicit iis, qui docerent diversam doctrinam ab illa, quam ipse tradiderat (Galat. I, 6). S. Joannes scripsit ad Electam et filios ejus: *Si quis venit ad vos, et hanc doctrinam non affert, nolite recipere eum in domum, nec ave ei dixeritis. Qui enim dicit illi ave, communicat operibus ejus malignis* (II Joan. v, 10 et 11). Hinc ab aetate ipsa apostolica cerinthiani, ebionitae, etc., jam aggregati erant ab ecclesia, Irenaeo teste (1). Cum idem i. Joannes Cerinthus in balneo invenisset: *Fugiamus*, inquit, *ne balneum corruat, in quo Cerinthus est veritatis inimicus* (2); sic B. Polycarpus Joannis discipulus cum ei obviam Romae venisset Marcion, dicens: *Agnosce nos*, respondit ei: *Agnosco te primogenitum Satanae*, ut refert idem Eusebius, qui post hujus facti narrationem e vestigio subdit: *Ad eo religiose cavebant apostoli eorumque discipuli, ne vel sermone tenus miscerentur cum ullo eorum, qui veritatem adulterabant* (3). Origenes deseruit domum cujusdam ma-

(1) *Contra haereses*, lib. III, cap. 28. Id etiam aperte affirmat apost. Joannes, qui Epist. I. cap. II, 18 et 19, loquens de haereticis, dicit: *Et nunc antichristi multi facti sunt.... ex nobis prodierunt, sed non erant ex nobis; nam si fuissent ex nobis, permansissent uique nobiscum*, etc. Et s. Hieronymus, *De scriptoribus ecclesiasticis*, testatur eundem apostolum, rogatum ab Asiae episcopis, se contulisse ad conscribendam suum evangelium, ut illud opponeret Cerintho aliisque haereticis, et maxime ebionitarum dogmati tunc consurgen-

ti; cons. praeterea Tertull. *Adv. Marcionem*, lib. III, cap. 8.

(2) Apud s. Iren. loc. cit. cap. 3, et apud Eusebium *Hist. eccles.* lib. IV, cap. 14. Verba, quae ab apostolo Joanne prolata refert s. Irenaeus, haec sunt: *Φυγῶμεν, μή καί τό βαλνεῖον συμπίσῃ, ἐνῶν ὄντος Κηρίνου, τοῦ τῆς ἀληθείας ἐχθροῦ*.

(3) Τοσαύτην οἱ Ἀπόστολοι καί οἱ μαθηταί αὐτῶν ἔσχον εὐλάβειαν, πρὸς τὴν μὴ δὲ μίχῃ λόγον κοινοῦν τινὶ τῶν παραχρᾶσσόντων τὴν ἀληθειαν. Euseb. loc. cit. Haec quidem Eusebius ex Irenaeo *Contra haereses* lib.

tronae a qua alebatur, maluitque pauper ac sine hospitio esse quam ibi diutius commorari, eo quod quidam haereticus ibidem degeret, licet ipsius occursum omni studio effugere contenderet (1). Tertullianus haereticos omnes interrogabat: *Qui estis, et unde venistis*, etc. (2)? Tum: *Edant ergo*, sic eos perstringebat, *origines ecclesiarum suarum, evolvant ordinem episcoporum suorum, ita per successiones ab initio decurrentem, ut primus ille episcopus aliquem ex apostolis vel apostolicis viris, qui tamen cum apostolis perseveraverit, habuerit auctorem et antecessorem* (3). Hinc prodierint haereticorum catalogi, quos exhibuerunt s. Irenaeus, s. Epiphanius, s. Augustinus aliique ad nostram usque aetatem (4). Ergo haeretici schismatici quavis aetate, tanquam omnino ab ecclesia Christi extranei habiti sunt.

199. Cujus rei causa obscura non est. Alioquin enim ecclesia Christi esset commixtio veritatis cum omnibus erroribus atque absurditatibus, quae ab humana ignorantia ac perversitate excogitari unquam possent, prout reipsa excogitatae sunt ab haereticis sive antiquioribus sive recentioribus (5); si cuilibet impune fas esset innovare, jam nullum daretur adjumentum ad cognoscendam atque intemeratam servandam veritatem, quam Christus e coe-

III, cap. 3, edit. Maurinorum.

(1) Eusebius *Hist. eccles.* lib. vi, cap. 2.

(2) *De praesc.* cap. 2.

(3) *Ibid.* cap. 32.

(4) Cons. *Historia haeresicon* Bernini; ac postea Petri Palotta S. J. *Storia ragionata delle eresie*, Verona 1797; *Dictionnaire des hérésies*, par M. l'abbé Plouquet; etsi plures in his operibus desint ex recentioribus seculis nuper exortis.

(5) Vere affirmari potest de haereticis cujusque aetatis, quod de philosophis dicebat Tullius, nihil esse tam absurdum, quod dictum non fue-

rit ab aliquo philosophorum; sic nihil est tam absurdum ac impium sive circa fidem, sive circa mores, quod dictum non fuerit ab aliquo haereticorum, et quidem prout observatum est, juxta germana haeresicon principia earumque naturam, quae tota est in subvertendo spiritum privatum auctoritati legitimae. Nos, qui brevitati studemus, nonnisi pauca exempla dedimus, sed interea, ex paucis quae adduximus et adducemus, quisque poterit speciem aliquam sibi efformare absurditatum, in quas ducit haeresis natura et principium fundamentale.

lo detulit, atque ecclesiae suae patefaciendam gentibus omnibus tradidit, dareturque in ecclesia absoluta confusio ac sententiarum perturbatio; in tanta porro opinionum varietate et discrepantia nulla via pateret ad veritatem cognoscendam, auceps quisque esset circa id quod esset credendum vel agendum ad salutem obtinendam, vel cuius saltem pro lubito fas esset credere vel agere quidquid sibi bonum videretur. Quae omnia, quam absurda sint et Christo iuriosa, quisque videt; siquidem actum esset de ipsa revelatione.

200. Sequitur autem ex dictis 1. inapte sibi placere protestantes, perinde ac si ad Christi ecclesiam pertinerent, vel ceteros omnes, qui christianum nomen gerunt, eo quod in Christum se credere profitentur. Necesse enim praeterea est, ut pertineant ad unitatem tum fidei tum regiminis, qualem Christus instituit, et ut teneant eam doctrinam, quam Christus per ecclesiam suam homines docuit.

201. Sequitur 2. ex desperatione inveniendi veritatem et ob insitam eorum systemati fluctuationem et perpetuas varietates, protestantes adductos ad hoc fuisse, ut scilicet proclamarent tolerantismum religiosum universalem omnium sententiarum, opinionum ac paradoxorum quarumcumque sectarum, quae eodem innituntur principio independentiae a quavis auctoritate, ejusdemque fructus legitimi sunt (1).

202. Sequitur 3. hanc veram esse causam communis

(1) *Les protestans*, inquit Sismondi (*Revue encyclopedique*, Paris, Mars 1826, art. *Opinions religieuses*), « n'ont pas toujours bien compris leur propre système; ils n'ont pas toujours senti que l'indépendance des opinions individuelles était l'essence de leurs églises (haeretici enim habent ecclesias, nunquam ecclesiam), ils n'ont pas toujours renoncé à l'uniformité de croyance, et ils

ont paru quelquefois embarrassés de ce qu'on leur reprochait leurs variations et les nombreux dissidences qu'on trouvait en eux. Encore aujourd'hui une moitié des protestans, persistant dans la même erreur, combat pour l'unité des doctrines, quoiqu'avec bien peu de chances de l'obtenir, parce que chacun cherche cette unité dans un système différent ».

illius odii, quo protestantes, quodcumque gerant nomen, prosequuntur ecclesiam catholicam, quae ipsis nunquam cessat obijcere verba Christi: *Nescio vos*, neque eos in sua unitate et communione consistere patitur.

203. Sequitur 4. haereticos et schismaticos se quidem ab ecclesia separasse, vel fuisse per eandem expulsos ab unitate, nec tamen eorum errores ac perduelliones ecclesiae Christi unitatem vel scindere vel laedere unquam potuisse.

DIFFICULTATES

204. I. Obj. Si haeretici vel schismatici in ecclesia non essent, nullam in ipsos ecclesia jurisdictionem exercere posset; atqui ex sententia catholicorum ecclesia veram potest in eos exercere jurisdictionem; ergo.

205. Resp. *D. M.* Si nullo titulo ad ecclesiam pertinerent, *C.* aliter *N.* Jam vero haeretici et schismatici ratione baptismi subditi ecclesiae facti sunt, et cum perpetuus atque indelebilis sit character, quem ipsi ex baptismo receperunt, hinc ecclesia perpetuum atque inalienabile jus habet in ipsos, licet perduelles ac refractarios, quamdiu ipsi in vivis sunt, multo magis quam princeps in subditos suos, licet rebelles contra ipsius auctoritatem.

206. Inst. Ecclesia ipsa haereticos quandoque atque schismaticos e societate sua rejicit atque expellit; ergo.

207. Resp. *D. A.* Rejicit atque expellit, ut puniat et corrigit, atque a contagionis periculo filios suos innoxios servet, *C.* abdicando jus, quod in ipsos habet *N.*

208. II. Obj. 1. Licet sadducaei graviter in fide errarent, 2. ac decem tribus schismaticae essent respectu ecclesiae judaeicae, non ideo cessabant pertinere ad veram ecclesiam; ergo a pari, licet haeretici atque schismatici a fide ecclesiae catholicae ejusque unitate discesserint, ad veram Christi ecclesiam pertinere non cessant.

209. I. Resp. ad 1. *D.* Quia nullo solemnii judicio

fuerunt a synagoga expulsi, ideo pertinebant ad verae ecclesiae corpus, *Tr.* pertinebant ad animam *N.* Erant enim in corpore ecclesiae, prout nunc sunt tot increduli, qui ad ecclesiae corpus pertinent, etsi nullo modo nec illi pertinuerint, nec isti pertineant ad ecclesiae animam. Juvat praeterea iterum referre, quod de sadducaeis habet Josephus Flavius, quod scilicet ceteri judaei illis nullum munus publicum concederent, nisi publice saltem a corporis morte animas superstiles esse profiterentur, (1), seu nisi assentirent pharisaeorum sententiae.

210. Ad 2. *D.* Schismaticae erant civiliter seu politice, *C.* religiose *subd.* plerique, *C.* omnes *N.* Plures enim semper fuerunt in decem tribubus, qui mosaica instituta rite servabant, et statutis temporibus Jerosolymam Deum adorandi causa ascendebant, nisi per vim ab hujusmodi officio impedirentur (2); qui vero in decem tribubus idololatriam sectabantur, neque ad animam neque ad corpus ecclesiae judaeicae pertinebant.

211. Resp. II. *N. conseq.* et paritalem, quia Christus apertis verbis alium rerum ordinem induxit in ecclesiam suam.

212. III. Obj. 1. Omnes, qui in Christum credunt et habent charitatem erga proximum, sunt veri Christi discipuli, dicente Domino: *Creditis in Deum, et in me credite* (Joan. XIV, 1); tum: *Qui credit in me, habet vitam aeternam* (Joan. VI, 47); et alibi passim; 2. ac rursum: *In hoc cognoscent omnes, quia discipuli mei estis, si dilectionem habueritis ad invicem* (Joan. XIII, 35); ergo quicumque in Christum credunt et proximum diligunt, sunt in vera ecclesia Christi.

(1) *Antiquitatum*, lib. XVIII, cap. 1, n. 4. En ejus verba: 'Ὅποτε γὰρ ἐπ' ἀρχαῖς παρῶλθοιεν, ἀκούσιως μὲν καὶ κατ' ἀνάγκης, προσχωροῦσι δ' οὐκ εἰς ὁ φαρισαῖος λέγει, διὰ τὸ μὴ ἄλ-

λως ἀνεκτοῦς γινίσθαι τοῖς πλῆθεσιν.

(2) Atque hinc patet, quam insolentem Voltaire in *Questions sur l'encyclopédie*, art. *Prophéties*, dicat plures prophetas fuisse schismaticos.

213. Resp. ad 1. *D. A.* Omnes qui credunt in Christum et credunt ea omnia, quae Christus docuit, et credenda per ecclesiam proposuit, seu eo modo quo Christus vult, *C.* eo modo quo volunt haeretici *N.* Quandoquidem Christus ipse apostolis dixit: *Docentes servare omnia quaecumque mandavi vobis* (Matth. ult.); ergo non partem aliquam, et prout unicuique libet. Addo adhuc haereticos ignorare quid Christus sit, utrum Deus scilicet an homo tantum, etc.

214. Ad 2. *D.* Cognoscent an sint *veri* discipuli, et non solum fidei professione, sed et operibus bonis, quorum praeceptum est charitas, *C.* an discipuli *simpliciter* *N.* Vult enim Christus Dominus discipulos suos cognosci ex bonis operibus, quae fidem commendunt. Sunt enim aliqui, de quibus loquitur Apostolus, qui *verbis profitentur se nosse Deum, factis autem negant* (Tit. 1, 16); quo sensu etiam dicebat apostolus Iacobus: *Ostendam tibi ex operibus fidem meam* (Iacob. II, 18). Ad datur haereticos nec veram hanc charitatis dilectionem habere, nec habere posse. Etenim sine fide nulla vera datur charitas, quae commisci non debet cum liberalitate, docente Apostolo: *Et si distribuero in cibos pauperum omnes facultas meas . . . charitatem autem non habuero, nihil mihi prodest* (I Cor. XIII, 3).

215. IV. Obj. Plures interdum in schismate vixerunt, in eoque defuncti sunt, nec tamen ab ecclesia Christi extorres habiti fuerunt, quin etiam nonnulli in sanctorum album sunt relati. Tales fuerunt sancti Meletius et Paulinus antiocheni episcopi, talis Lucifer calaritanus, plures ex iis, qui Acacii schismati adhaeserunt; ergo.

216. Resp. *D. A.* Plures, bona fide, atque in dubio de vero ac legitimo episcopo vel Pontifice, *C.* alias *N.* Idem enim dicendum est de schismatibus partialibus quod de generalibus, quando scilicet Pontifex est dubius, ut supra notavimus. Meletius porro et Paulinus viri sancti erant,

et uterque communicabat, saltem mediate, cum universa ecclesia. Lucifer calaritanus vel in unitate ecclesiae defunctus non est, neque inter sanctos ab ecclesia universali recensetur, vel saltem eum ante mortem poenituit, ut aliqui volunt (1). Nulli pariter ex iis, qui Acacii schismati adhaeserunt inter sanctos relati fuere, quin potius Euphemii et Macedonii constantinopolitanorum Antistitum nomina e sacris dypticis expuncta sunt, eo quod Acacii nomen in dypticis retinuerint (2).

PROPOSITIO IX.

Protestantismi origo ac variae phases ipsius arguunt falsitatem

217. Eadem nempe ratione, qua origo, stabilitas ac perpetuitas ecclesiae catholicae, prout superius demonstravimus (3), ejus divinam institutionem invictissime ostendunt, sic origo ac perpetua vicissitudo et successus, quos subiit protestantismus, non minus quam sectae omnes, quae in ecclesia passim excitatae sunt, invictissime ejus arguunt falsitatem.

218. Divinum opus omnes praefert characteres divinos, quibus facile ab humano quocumque molimine discernitur; talis porro est ecclesia catholica, quae a sua origine semper eadem immutabiliter stetit, semper sibi constans, semper praesefrens divinae adsistentiae, ac divinarum promissionum signa atque argumenta, ut ex iis, quae hactenus dicta sunt, quisque intelligit. *Dei enim perfecta sunt opera; apud quem non est mutatio, nec vicissitudinis obumbratio* (Deut. XXXII, 4; Jacob. I, 17).

(1) Vid. Nat. Alex. *Hist. eccles. saeculi IV*, cap. 6, art. 11.

(2) Ibid. *Saec. V*, cap. 3, art. 16, circa finem. Nec non Petrus Balle-

rinus in appendice ad § 1, cap. 2, operis *De vi ac ratione primatus*.

(3) Part. 1, cap. 4, prop. 1 et seqq.

219. Jam vero protestantismus saeculo XVI ortum suum habuit ab apostata Luthero ex aemulatione privata Ordinis, cui ipse nomen dederat; dein incrementum coepit ex perviciacia ac perduellione contra constitutionem Leonis X, qui nefarios illius proscripserat errores. Tunc primum rerum *sacrarum hic restitutor* proclamavit principium protestantismi de absoluta spiritus privati independentia ab ecclesiae auctoritate. Quo principio semel constituto coepit totum religionis christianae aedificium lahefactare, prout ipsi libuit. Rejecit indulgentias, purgatorium, missas privatas, necessitatem bonorum operum, statuit articulum de *sola fide justificante*, sustulit omnia fere sacramenta. Ad haec adjecit Scripturarum corruptionem, expunxit plures libros e censu *hagiographorum* scriptorum, nec tamen in hac re sibi unquam constans fuit; saepe affirmat quod negaverat, negat quod affirmaverat (1), projectus in omnem libidinem, arrogantia tumens, ita ut saepe videatur spiritu satanico correptus (2).

220. Ex eodem protestantismi destructivo principio velut ex equo trojano plures statim proinde *sacrorum emendatores* Zwinglius in Helvetia, Calvinus in Galliis, Carolostadius in Germania, Munsterus in Westphalia, etc. qui *emendarunt* suo sensu quod *inemendatum* reliquerat Lutherus, seu verius subverterunt quod intactum adhuc ille servaverat. Sed et isti *novos emendatores* nati sunt in quakeris, fratribus bohemicis, pietistis, herrnhutanicis, swedenborgianis, arminianis, et in socinianis, qui rursus dejecti de loco, quem sibi usurpaverant, *emendati* fuerunt ab illuminatis et philosophis, ac demum a rationalistis ac naturalistis. Protestantismus in innumeras

(1) Vid. *Catechismus christianus D. Martini Lutheri*, ex ejus operibus simul collectus per Ludovicum Upler, 1744, qui de novo recens fuit Augustae Vindelicorum anno 1828, cum hac inscriptione: « Diss. Chri-

stophori Besold, motiva sui reditus ad rom. cathol. ecclesiam elaborata, translata et edita per P. W. K. appendix secunda ».

(2) Vid. Lessius, diss. cit. cum ejus appendice.

prope sectas sive frustula divisas est, quae se invicem non ita pridem damnabant atque anathematizabant (1), ac, quantum poterant, morte muletabant (2).

221. Donec, ad saniora consilia se recipientes ejusmodi emendatores coeperunt serio secum consulere de foedere iucundo, praesertim inter duas principales sectas lutheranorum et calvinistarum, plures prodire libri ex utraque parte ad pacem hanc conciliandam (3), ast irrita co-

(1) Sic enim, ut diximus, protestantes vocant haereticas sacculi XVI. Simen magus fuit primus emendator sacrarum, quem postea tercintam alii subsecuti sunt usque ad Lutherum et Calvinum. Postremum locum inter hos sacrarum emendatores obtinent rationalistae, seu potius athei, qui sacra omnia plenissime emendarunt.

(2) Nemo est, qui ignoret Lutherum, Melancthonem, Bugenhagen, Regium ac theologos Ulmae et Turingae pronuntiasse, anabaptistas, utpote haereticos, posse morte muletari; ac reipsa Muller, Kraetzel Peisker capitis sententiam Jenae subisse, coeperante Melancthone notum est; omnes norunt submersiones aliaque supplicia, quibus in Helvetia isti catholici alicui fuerint; Servetum Calvinum jussu fuisse igne combustum, Gentilem capite truncatum res pariter notissima est. Pect reformationum coryphaeus in Gallis decrevit imitandum esse Calvinum exemplum in catholicorum supplicio, quod ipse dedarat respectu Serveti (isti tamen accusant catholicos intolerantiae!); et sane episcopos, sacerdotes, religiosos catholicos passim ab ipsis morti datos esse, praesertim in rusticorum bello, quod dirigit hant reformationis praecoones, indubis monumentis compertum est; vid. Baro de Stark, op. cit. pag. 406 et seqq.

(3) Foederis condiciones, a theologo heidelbergensi David Paraeo, in suo *Irenico*, 1614 propositae, non sine stomacho rejectae sunt a Lutheranis; propendebant autem, ut doctri-

nae, in quibus ambae sectae a se invicem non discrepabant, fundamntales declararentur, quique hoc indicaretur *syncretista* vocaretur. Gustavus Adolphus, occasione cujusdam principum conventus, auctor fuit, ut collatio institueretur inter theologos lutheranos et calvinistas anno 1631, in qua confessio augustana velut fundamentum sumeretur, quam reformationi, alique propriae doctrinae detrimento, facile admittere potuissent, nihil tamen factum est; prout nihil perit profuit colloquium in urbe Casael anno 1661 habitum inter theologos marburgenses et wittenbergenses. Decretum tamen ibi editum est, quo statuebatur, ne propter articulos, de quibus convenire non poterant, se invicem injuriis lacesserint, neve calumniis oburgarent, vel odio prosequerentur, sed unusquisque alterius partis assecclas vera membra unice verae ecclesiae haberet. Haec porro conventio dicta fuit *unio conservativa*; verum theologo lutherani, qui illius participes fuerant, in *syncretistae* notae suspicionem incurrebant. Paria prae se ferebant ea, quae proposuit theol. turingensis Pfaff in diversis opusculis collectis et vulgatis anno 1723, 2. vol. in 4, quibus titulus: *Gesammelte Schriften, so zur Vereinigung, etc.*, seu, *Collectiones ad stabilendam concordiam, etc.* Utraque pars, aiebat ipse, habet articulos necessarios ad salutem; diligant ergo se ut fratres, et adhuc residuum opinionum divergentiam patienter ferant, ita quidem ut in posterum liberum unicuique sit, *eoenam* ex manu luth-

natu ; saepius instituta sunt colloquia religiosa , praecipue Lipsiae anno 1631 , et Maulbruni anno 1654 , ast nec ipsa optatum effectum consequuta sunt. Sub saeculi XVIII initium , adnitente vel maxime Borussiae rege , qui Berolini templum pro utraque confessione , ut ajunt , erexit ac dedicavit , denuo tentata pax est , sed obsistentibus lutheranis res infecta cessit. Novi exarati libri ad eundem scopum obtinendum , ac nova data edicta praesertim a Borussiae rege Guillelmo I , anno 1736 , quibus jubebat calvinistas recedere a doctrina de praedestinatione , lutheranos vero a consuetudinibus abstinere , quas adhuc cum religione catholica retinebant ; donec Fridericus II anno 1740 sectis omnibus plenam libertatem restituit. Quo tempore etsi nihil directe ad unionem ineundam molitus fuerit Fridericus , attamen longe lateque recentiori philosophia , rationalismo ac naturalismo sese diffundentibus , omnis difficultas sublata videbatur. Sed necdum optatam pacem sunt assequuti. Ipsius successor Guillelmus III , 18. Junii 1798 , emisit edictum , in quo proposuit novam liturgiam , qua ambae confessiones uterentur , quin tamen ulli liturgiam illam acceptandi obligationem imponeret ; sed et istud edictum nullum alium effectum obtinuit , quam ut scriptores non pauci e grege rationalistarum unionem plenis buccis praedicarent , ac omnibus eam factam esse suaderent. Cum anno 1817 jubilaeum reformationis celebraretur , qui illic sacra moderabantur , die 27 Septembris publice declararunt se optare , ut unionem quam primum locum haberet ; plura ad illam stabilien-

rani vel calviniani praedicatoris accipere. Hoc vero consilium , saltem apud lutheranos , fautores non habuit ; ipse Leibnitzius et Molanus ei adversabantur. Vid. Amiraldu calvinista , in op. cui titulus ; & De secessione ab ecclesia romana , deque pace inter evangelicos in negotio religionis constituenda , 1647 , et de in

in Irenico , anno 1662 ; Calixtus , De tolerantia reformationum circa quaestiones inter ipsos et augustanam confessionem prolixas controversas consultatio , 1697 ; & vid. *Hist. eccles.* D. Horig , continuata a Joan. Jos. Ignat. Doellinger , sacrae theologiae prof. in universitate Monachensi.

dam praescripta sunt, indictae synodi, Berolini aliisque in locis calvinistae et lutherani in eodem templo sacram coenam celebrarunt, ea lege, ut quisque circa realem Christi praesentiam crederet quidvis prius quisque sibi persuaserat, sive panem scilicet, sive reale Christi corpus. Haec unio, quae partialis fuit, *ecclesiae evangelicae* sibi nomen adscivit anno 1818. Synodis nova ecclesiae constitutio proposita fuit, et anno 1820 edita de novo est nova liturgia, quae librum symbolicum unitae ecclesiae constituit, atque omnibus ecclesiis commendata, quae rursum anno 1834 indicta est (1); attamen hoc eodem anno 1834 contra hanc liturgiam scripsit D. J. G. Scheibel (2).

222. Et haec de varietatibus seclorum protestantium in se; ad doctrinam vero quod attinet; et haec, ex principio a Luthero posito de omnimoda independentia spiritus privati ab ecclesiae auctoritate in biblicorum interpretatione, suas conversiones subiit (3). Non paucis dogmata, ut vidimus, rejecerat Lutherus, multo plura rejecerunt ejus discipuli, donec agentibus potissimum gallis et anglis naturalistis et latitudinariis necnon Friderico II, Borussiae rege, ac demum philosophia kantiana, eo devenit, ut fides omnis ac ipsa etiam religio revelata, si tamen nomen excipias, extincta videatur.

(1) Sic inita tandem, aliqua saltem ex parte, pax fuit religiosa inter lutheranos et calvinistas, licet tam in doctrina quam in constitutione, quoad res maxime essentielles, differant inter se, ac tam acriter inter ipsos dimicatum fuerit, ut, teste Schrockio, in *Hist. eccles.* vol. IV, pag. 292, a tempore reformationis lutherani majori odio et detestatione insectati fuerint calvinistas quam ipsos catholicos. Quoad unionis seu societatis istius documenta consulatur folium periodici religiosum, cui titulus: *Der katholisch*, id est, *Catho-*

licus, editum a D. Weiss, Spira anno 1834, mens. April. fasciculo IV, pag. 1—26; mens. Mai. fasc. V, pag. 141—181; mens. Jun. fasc. VI, pag. 280—310.

(2) *Actenmaessige Geschichte, etc.* seu, *Historia authentica tentaminis reformatam et lutheranam ecclesiam uniuendi per quamdam agendam communem*, etc. Lipsiae 1834.

(3) Quae quidem jamdudum praedicta fuerant a Bossuet ac Fenelon inter catholicos, ac Leibnitzio inter protestantes.

223. Etenim ex systemate kantiano distingui debet religio vera a religione seu fide ecclesiastica. Religio vera est religio rationis, quae sola admitti potest; fides ecclesiastica est fides praestita veritatibus positivae revelationis. Religio revelata nec potest nec debet aliud esse quam simplex vehiculum ad facilius invehendam religionem rationis, quam alio nomine vocat *fidem religiosam*, cuius objectum ex propria cuiusque hominis ratione erui potest. Quo purior et universalior fiet fides haec religiosa, sensim siue sensu deficiet fides ecclesiastica. Ilinc status canon ad exponendas sacras Scripturas, non aliud scilicet in illis esse quaerendum quam solam religionem rationis; reliqua vero non esse nisi involuera vel accommodatissima quid ad vulgi opinionem, quae tunc vigebat, quum scripturae editae sunt, vel ad privatam biblici scriptoris opinionem. Juxta Jacobium ejusque assecclas religio, perinde ac quaecvis alia scientia philosophica, in naturali et immediata fide, in perceptione veri et supernaturalis absque probatione, id est in scientia intuitiva consistit; alia, praeter hanc internam, revelatio nec ulla forma externa religionis existit (1). Quo convenit, saltem ex parte, *philosophia identitatis*, iuncta a Schelling ejusque discipulo Daub, nec non doctrina de *absoluto*, quod in historia tantum sui conscium (id est personale) sit, et de reditu, qui aliquando fiet omnis separati ad identitatem, adeoque de annihilatione omnis personalitatis (2).

(1) In lib. *De rebus divinis*.

(2) Dum dicimus ex principio independendiae spiritus privati a legitima auctoritate omnes sectas ortas esse, omnesque errores illos proluxisse, inter quos fluctuant protestantes, non exclusis ipsis rationalismo ac naturalismo, quos affirmavimus fructum permanum esse principii reformationis, duo haec confundere non debemus, quae ecclesiam quereamus

dederunt protestantibus. Plures enim inter ipsos conqueruntur, catholicos injuste abstergere principis reformationis saxonis errores, qui non solum ex illius doctrina non proluxerunt, verum etiam toto caelo eidem adversantur; Lutherus enim per Adae peccatum prorsus perisse hominis arbitrium autumavit, humanamque rationem penitus obtenebratam; rationalistae autem utraque rejiciunt, ac

224. Hinc nova prodixit exegesis sacrarum librorum, juxta quam sublata sunt miracula et vaticinia omnia, introducti mythi, adoptatum systema, ut vocant *accommodationis* (1). Eminent in hac schola Paulus Hetzel, Eichhorn, uterque Rosenmüller (2), Koppe, Heinrichs et Kuinoel.

225. Semler oppugnat inspirationem scripturarum, plures libros expungit e canone, Vetus Testamentum in contemptum adducit, opponit religioni exteriori ac publicae fidei ecclesiasticae religionem interiorem et moralem privatam (3). Gruner asserit christianismum, jam sub fi-

rationem sibi solam sufficere obtinendunt. Assentimur propterea et nos doctissimo professori Moehler, qui in sua *Synbolica*, pag. 353. primae edit. 1832, adstruit, recentiorum theologiae protestantium reactionem esse perfectissimam atque completam adversus antiquam, rationemque terribili plane modo se vindicare de tota oppressione, ad quam eam redegerant reformatores, quae onus praetera in se suscepit in omnibus contradicendi illorum doctrinae. At his non obstantibus, verissimum est, idem esse principium formale praedicatum a reformatore, cuique Lutherus et rationalistae inaedificaverunt, et ejus ope propugnarunt suas reformationes atque doctrinas. Absoluta oppositio, quam invenimus inter ejusmodi protestantes, maxime evincit falsitatem illius principii formalis fundamentalis, atque necessitatem illius auctoritatis, quae nobis verum praebeat sensum verbi Dei, et propiciat, conservet ac semper tueatur divinam revelationem in sua integritate atque in unico suo sensu. Itaque duo haec distingui debent, principium scilicet generale ac fundamentale reformationis a Luthero inventum de independentia rationis ab auctoritate, et peculiare doctrinae Lutheri systema. Systema rationalismi adversantur peculiari doctrinae Lutheri,

ideoque ab eo recedit rationalista; quatenus autem hoc systema provenit ex independentia, rationalismus genuinus fructus est reformationis, ut ceteri errores omnes, quos recensuimus.

(1) Cujus auctor videtur Semler. Cons. Hug. James Rose, op. cit. *Sur l'état de la religion protestante*.

(2) Et Rosenmüller junior in suis scholiis in libros Veteris Testamenti majori moderatione usus esse videtur, in Daniele tamen, edit. anno 1832, nullam plane temperantiam servavit, sed abjudicat Danieli prophetiam ejus numme inscriptam, vel saltem suspectam reddit, valde probabile existimans ante annum Christi ducentessimum aut centesimum octogesimum nondum fuisse scriptum volumen, quod Danielis nomine inscribitur. Ad gravissimam vero Christi Jesu auctoritatem, qui, relictis Matthaeo (cap. xxiv, 15) et Marco (cap. xiii, 14), praedictionem, quae in Daniele cap. ix, 27 legitur de futuro templi jerosolimitani exedicio, Danieli prophetae tribuit, respondet Jesum ex recepta tunc aequalium suorum sententia loquutum esse; de ipsius scholiis tacito; vid. proemium § 3.

(3) Revolantur superius relata ex opere ministri protestantis Baronis de Starck.

*

nem saeculi I, in suis principalibus doctrinis per doctrinam platoniam fuisse corruptum, atque idecirco rejicit christiana mysteria. Eckermann contendit doctrinam Jesu nihil amplius esse quam popularem instructionem ad morale et rationabilem cultum Dei; insuper evangelia esse corrupta, et apostolicas epistolas falsas continere interpretationes et errores. Henke querebatur de nimis adhuc dilata *christolatria* tanquam de impedimento magnae et beneficae *revolutionis* in rebus religiosis. Wegscheider, cujus operis dogmatici, quod classicum apud rationalistas audit, saepe in priori hujus tractatus parte mentionem fecimus, supernaturalem revelationem minime necessariam, quin imo impossibilem declarat. Ad eundem censum pertinent Roehr, Boehme, Schultess, nec non Schott, Bretschneider et de Wette, qui postremus in dogmatibus christianis non aliud videt praeter expressionem symbolicam religiosarum idearum. Utpote omni humanitate expertes, incredibilem arrogantiam tumentes, doctrinas christianas aggressi sunt Basedon et Car. Frid. Bahrdt (1).

(1) *Generalis bibliotheca germanica*, ab anno 1768, medium erat sine organum ac vehiculum omnium apertissimum ad omnes ejusmodi impietates disseminandas. Quique alios audacia et impetate superabat, primas habebat, summis laudibus in hac pessima bibliotheca afferebatur. Cum impossibile sit errores, quos isti docerunt et docent, singulatim persequi, ut aliqua saltem idea habeatur istarum impietatum, placeat ea referre, quae scribit protestans Joan. Tremblay, in op. cit. « Considérations sur l'état présent du christianisme » pag. 62: « Plusieurs prédicateurs, ait ipse, (en Allemagne) ne nient pas, à la vérité, l'existence de Dieu, la Providence, une vie future, et cependant enseignent publiquement qu'on ne peut proprement rien savoir de ces vérités fondamentales de la religion, représentent, non seulement dans les

églises mais aussi dans les écoles, comme nulles les preuves de l'existence de Dieu tirées de la considération de l'univers, soutiennent que tout ce qu'on peut affirmer c'est qu'on homme vertueux doit désirer qu'il y ait un Dieu. On sait qu'ils en disent autant du christianisme, et affirment que J.-C. a enseigné la même doctrine, et que la bible ne doit être employée que comme une introduction à la raison pure, quisqu'on ne peut pas plus prouver la révélation que l'existence de Dieu ». Et tamen isti sunt professores in universitatibus et curam gerunt animarum! Cons. praeterea opus cui titulus: *Der Triumph*, etc. seu, *Triumphus philosophiae saeculi xviii*, Germantown 18u3, auctore eodem De Staëck, qui edidit *Conventium Theoduli*. Nunc in medium prodeat minister genevensis Chastel, et principii loco statuat: « Qu'on peut

226. Post haec, non est quod aliquis quærat, quid sentiant protestantes, praesertim rationalistae et naturalistae, circa singulos fidei christianae articulos. Satis sit observare nonnullos ex ipsis eo devenisse, ut dicere non erubuerint, Joannem Baptistam et Christum Jesum foedus inter se iniisse, ut alter Praecursoris, alter Messiae personam sustineret (1), et alii scripserint apologiam Judae Iscariotis (2).

227. Libros fere omnes, sive veteris sive novi foederis, vel prorsus rejecerunt, vel eorumdem authenticita-

distinguer en deux classes les dogmes du christianisme; les uns sont reconnus antérieurement à l'interprétation de l'évangile, et sans eux il n'y a point de christianisme; ce sont les dogmes de l'existence de Dieu, de la mission divine de J.-C. et l'inspiration des écrits sacrés; nous les appellerons *primitifs*. Les autres dérivent d'une interprétation déterminée de l'évangile, après que celui-ci a été reconnu pour règle de foi... nous les appellerons *d'interprétation* (*De l'usage des confessions*, etc. pag. 2) ; circa prima dogmata affirmat omnes christianos convenire; quoad dogmata interpretationis asserit convenire catholicos; reformatos vero consentientes esse circa dogmata *primitiva*, dissidentes vero in dogmatibus *interpretationis*. At ex allatis documentis patet falsum esse protestantes et reformatos consentientes esse circa dogmata primitiva, nam et illa destruxerunt. Observat praeterea fidei confessiones non fuisse obligatorias nisi saeculo III, easque causas fuisse divisionum et multiplicationis haeresicon. At in hoc dupliciter labitur, quia fides coepit esse obligatoria a sua promulgatione, ut patet ex epistolis apostolorum; et symbolum apostolicum statim obtinuit ab ipsa praedicatione evangelica, etsi daremus non esse confectum ab ipsis apostolis, quod tamen Rufinus cum aliis affirmat; 2. adeo multiplicatae

fuerunt haereses duobus prioribus ecclesiae saeculis, ut Hippolytus, Eusebio test. *Hist. eccles.* lib. VI. cap. 20, secundo saeculo labente, librum scripserit adversus triginta duas haereses; quod ante ipsum jam praestiterant Hegesippus, qui floruit sub Hadriano, et Melito, et Bardesanes haereticorum malleus nuncupatus, apud eundem, lib. IV, cap. 22, An haec ignorantiae vel malae fidei ministri protestantis vel utriusque simul adscribenda sunt?

(1) Ita Becker *Historiae universalis ad usum juventutis*, vol. III, ubi Christum Dominum et Joan. Baptistam velut ferventioris ingenii homines (*Feuerkoepe*) traducit, qui ad excutiendum jugum sacerdotum judaeorum, quorum detestabantur superbiam et hypocrisin, post longas deliberationes convenerunt inter se, ut alter Praecursoris, alter Messiae personam gereret. Wieland in *Agythodemon*, Berolini 1799, vocat Christum *nobilem theurgum judaeum*; alibi cum ut enthusiasten traducit, lib. IV, pag. 335 et 355.

(2) Edita est a praediatore evangelico, qui nititur Christum accusare, quod sibi socium adiecerit Judam, hunc vero ab omni macula purgare suae proditoris. Cons. *Correctiones pro amicis et inimicis catholicis*, a Joann. B. Pfeilschifter, edit. Offenbachii ad Moenum 1831, pag. 116 et seqq.

tem in dubium revocarunt. Quo potissimum tempore protestantismus sibi ecclesiae evangelicae titulum adscivit, ut observat Reinhard, scripturae et evangelii auctoritatem plerique ex protestantibus rejiciebant. Inter libros Veteris Testamenti maxime Pentateucho historica abjudicatur auctoritas; cum Davidis aut Salomonis aetate confectum asserunt Vater atque Gesenius, tanquam epos declaratur a de Vette. Alii, ut Fulda et Naeltigal, universum Vetus Testamentum serius ortum aperte pronunciant. Idem contigit libris Novi Testamenti; Eichhorn omnia evangelia tardiozem habuisse originem contendit; Vogel, Horst, Ballenstedt, Bretschneider evangelium Joannis genuinum esse negant, imo opus cujusdam gnostici illud esse autumant (1). Schleiermacher, Borussiae regis concionator, primam epistolam ad Timotheum Apostolo Paulo abjudicat, Eichhorn utramque rejicit, ac illam praeterea quam Paulus ad Titum scripsit. Juxta hunc auctorem Apocalypsis non est nisi drama, in quo excidium judaismi atque ethnicismi exprimitur; Semler prius eandem rejecerat veluti furentis auctoris librum. Tria priora Evangelia, Matthaei nempe, Marci et Lucae a communi quodam fonte syrochaldaico, quem *Urevangelium* vocant, hausta fuisse tradunt Lessing, Semler, etc. ac praesertim Kuinoel (2). Quod vero accidit integris libris, a fortiori singulis librorum sacrorum partibus evenit, quarum vix ulla est, quae non traducatur ab uno vel altero tanquam subditiia vel interpolata; nos nimis taederet singula persequi.

228. Interca ex his, quae vix a nobis delibata sunt, sive circa protestantismi originem et vicissitudines, sive

(1) Cons. Hughes James Rose, op. cit.

(2) Vid. Joan. Gregorü Rosenmüller *Scholia in Novum Testamentum*. edil. vii. tom. 1. in praef., ubi de quatuor evangelis, pag. 2. et

seqq., nec non Kuinoel, *Comment. in lib. N. T. historicos*. Lipsiae 1832, vol. 1, prolegomena § 1, *De origine evangeliorum Matthaei, Marci et Lucae*.

circa fructus, quos protulit tum in doctrina, sive theoretica sive practica, sive circa exegesisin et criticam sacram, sic argumentum perstringimus. Quod a pessimo atque eversore principio originem ducit, quodque natura sua infert opinionum et sententiarum divisionem et sectas, et eo tendit ut omnem fidem, proindeque religionem omnem revelatam e medio tollat, ac nonnisi ad dubium quoddam universale inducat, et morum corruptionem inferat, certo non potest esse a Deo ejusdem revelationis auctore, et secum fert propriae falsitatis ineluctabilia argumenta, dicente Christo, *non potest arbor bona malos fructus facere ex fructibus eorum cognoscetis eos*. Atqui ex dictis talis est protestantismus; ergo.

229. Atque hinc sequitur 1. divisionem intrinsecam esse atque essentialem protestantismo, nec nisi per quamdam conventionem ac mutuam cessionem posse inter se diversas sectas coalescere, facultatem praebendo, ut unaquaeque in negotio religionis id sentiat, quod uniuersique magis lubet, prout factum vidimus in foederatione inita inter lutheranos, et calvinistas, quasi ageretur de latifundio; proindeque unitatem essentialiter opponi naturae protestantismi.

230. Sequitur 2. neminem protestantium, si principio essentiali reformationis adherere velit, habere jus alteri exprobandi propria sensa religiosa ut impia et absurda (1).

231. Sequitur 3. frustra nonnullos protestantes adhuc gloriari, quod protestantismus habeat pro basi ac regula purum verbum Dei, tum quia seposita ecclesiae auctoritate nunquam ipsis constare potest, quodnam sit istud Dei verbum, quum nullus fere sit liber, cujus authen-

(1) Sic enim statuit *Revisio protestantica*: *Notre croyance n'est que la liberté d'examen*, (anno 1825, 4. livraison, pag. 153), et

alibi: *Ce principe fondamental du protestantisme est admis aujourd'hui sans restriction* (5. livr. pag. 151).

ticitas in dubium revocata non sit, et non revocetur; tum quia absque ecclesiae auctoritate nunquam ipsi certi esse possunt de inspiratione divina sacrorum librorum, quae pariter vel penitus abjudicata est ab universa scriptura, vel saltem in dubium revocata quoad plures libros; tum denique quia, si verbum Dei pendeat ab interpretatione spiritus uniuscujusque privati, nullus est error, nullum paradoxum, quod non eehonestetur per verbum Dei sic expositum, prout anabaptistae, quakeri, sociniani, methodistae et alii novatores faciunt. Quomodo enim verbum Dei, prout litteris consignatum est, potest regula esse fidei, si tota lis fere semper vertitur circa sensum verbi Dei? Quicumque in judicio lites agitat, legem pro se habere contendit, et nisi judex foret, qui sententiam ferret, nullus unquam liti et controversiae finis esset. Nullus unquam haereticus extitit, qui non jactaret pro se esse verbum Dei, ita gnostici, ita manichaei et ceteri omnes qui non secus ac protestantes in innumeras prope sectas seu frustula divisi sunt, quod pariter contigit arianis, aliisque omnibus sectis ab ecclesia separatis, quae proinde omnes aequae perierunt (1).

232. Sequitur 4. hanc potissimam rationem esse cur tot ex privatis et principibus viris, doctrina et eruditio-

(1) Gnostici cito in quinquaginta sectas divisi sunt, ipsis latentibus Moshemio, Clerico, Beausobrio, apud Gibbon, op. cit. lib. 1, cap. 13. Tertullianus, loquens de Marcionitis, dicebat: *Faciunt furos et vagas, faciunt ecclesias et marcionistas*. Recensentur novendecim fidei confessiones spatio quatuordecim circiter annorum editae ab arianis apud Pelavium, *De Trin.* lib. 1, cap. 7, n. 13. Et sic ceteris omnibus evenit. Quod attinet ad nostros protestantes, res adeo aperta est, ut ipsimet nunc de hae variatione gloriarentur. Certe impossibile est, ut ipsi possint con-

fessionem fidei elicere sive communem sive perpetuam; non communem, quia juxta ipsos fides est negotium individuale; non perpetuum, quia eorum religio assimilari potest tabulis meteorologicis, in quibus attendendum est ad diem, horam, locum atque atmosphaerae statum, utrum humidus an siccus, supra vel infra nivo. Hinc protestantes non possunt dicere nisi: *Ego credo in me, protestor contra ecclesiam romanam*. Cons. epistola data ad redactores Revisionis protestanticae in *Mémoires catholiques*, mense Februario, anno 1827.

ne conspicui, ejusmodi chaos, quod necessario protestantismo inest, animadvertentes, ad ecclesiae catholicae gremium, a quo eorum patres, recesserant, se se receperint, ut in illa conscientiae pacem nanciscerentur, quam frustra inter tot sententiarum varietatem ac fluctus protestantismi quaesierant. Dum contra nonnisi pauci sordidique apostatae, caelibatus ac propriae vocationis pertaesi, ad protestantismum defecerunt aut deficiunt (1).

DIFFICULTATES

233. Obj. 1. Etiam ecclesia catholica suas vicissitudines passa est. 2. Fidei definitiones, quas identidem ecclesia catholica emisit, totidem argumenta sunt progressus ac perfectibilitatis systematis, quod adoptavit protestantismus. 3. Quid porro sunt fidei dogmata, quibus

(1) Innumeri prope sunt nobilitate, doctrina et eruditione insignes, qui ad religionem catholicam ab initio hujus saeculi, tum in Germania, tum in Anglia, Gallia et foederatis statibus Americae redierunt. Longum esset catalogum texere. A multis annis in Hungaria id animadvertitur, quod singulis annis ex frigescentibus catholicis ad religionem protestanticam a 30 ad 40 inigrent; contra vero ex protestantibus a 500 ad 600 ad ecclesiam catholicam se conferant; licet provocati protestantes, ut hoc factum negarent altum tamen silentium servarunt. Cons. *Universalis amicus relig. et eccles. et Correspondens eccles.* a D. Benkert Herlipoli (Würzburg) edit. n. 9, 28 Feb. 1834, pag. 10 et seqq. Diximus e frigescentibus catholicis, quia verissima est observatio Cl. Comitis De Maistro, hoc discrimen intercedere inter catholicos et protestantes relate ad firmitatem in sua religione, quod quo catholicus innocentioris vitae est, eo tonacius ecclesiae

suae adhaeret, et eo magis fluctuat, quo inquinatioribus moribus diluit; e contra, quo magis protestans vel sectarius corruptus mente et corde est atque in vitia effusus, tanto est firmior in sua secta; et quo integrioribus moribus praestat, eo magis dubitat de veritate suae sectae, et ad religionem catholicam accedit. Et sane ut plurimum, qui ad protestantismum nunc accedunt quinam sunt, nisi periti quidam apostatae sacerdotes vel religiosi ad omnia vitia projecti? Nempe quod veteribus haereticis solemne fuit, recentioribus etiam familiare est, quod citatus Tertullianus illis exprobrabat, dicens: « Ordinationes eorum temerario, leves. Nunc neophytas enlocant... Nunc apostatas nostros, ut gloria eis obligent, quia veritate non possunt. Nusquam facilius proficetur, quam in castris rebellium, ubi ipsum esse illic promereri est » (*De praescr.* cap. 41, edit. Rigaltii). Hoc possem pluribus exemplis illustrare, nisi ageretur de re notissima.

gloriatur ecclesia catholica, nisi unius vel alterius Patris istius ecclesiae inventa, vel formulae verborum sine sensu (1) ? 4. Cum proinde vera lux non prodierit nisi saeculo XVI, ex illo tempore clariores semper radios emisit ad tenebras dissipandas, quas ecclesia tum decipiens tum decepta effuderat, ac fanaticismus et dominandi libido foverant, donec emendatores sacrorum, captivitatis illius vincula solvantes, in libertatem et se et nos asseruerunt. 5. Atque hinc ratio eruitur cujusdam inconstantiae atque fluctuationis, quae tum in ipsis tum in primis eorum discipulis interdum conspicitur, circa plures vel pauciores articulos quos retinuerunt, cum nec uno temporis momento potuerint omnes ideas illas deponere, in quibus ab infantia fuerant nutriti (2). Nec est 6. quod rationalismus nobis objiciatur aut naturalismus; si enim res bene perpendatur, rationalismus est proprius ecclesiae catholicae; et caput ecclesiae romanae spectari debet ut verus rationalista; etenim ipse praetendit spiritum suum internum seu rationem suam, intra sui pectoris veluti penetralia, posse per immediatam inspirationem divinam sententias legesque proferre, quae norma sint in rebus fidei, etiamsi desit, vel illi opponatur Scriptura. Item concilia ecclesiae catholicae sint *naturalistica*, *rationalistica* sen phantastica, quatenus ipsa confirmant proprias sententias, non jam in solo canone infallibili verbi Dei scripti, sed in practensa ac fallaci illustratione interna et inspiratione Spiritus Sancti, prout potissime concilium Tridentinum se gessit (3); ergo.

(1) Sic Henke in *Hist. eccles.* cuius iteratae editiones, continuationes et compendia communem plausum, quo apud protestantes fuit excepta, ostendunt. In hujus porro historiae initio statim evangelistae ut mendaces, apostoli vero ut corruptores doctrinae Jesu Christi traducuntur. Iluc referantur pariter historiae dogma-

tum a protestantibus passim vulgatae.

(2) Ita respondere solent protestantes, cum ipsis objicitur recessus a doctrina emendatorum suorum.

(3) Sic Ernestus Sartorius, prof. Theol. dogmat. et moral. *Dorpart.* in *Beitraege zur*, etc., id est, *Collocationes ad defensionem evangelicae orthodoxiae*, Heidelbergae 1825.

234. Resp. ad 1. *Dist.* In disciplina mutabili et accidentali, *Tr.* Vel *C.* in fidei morumque doctrina *N.* Jam enim ostendimus ipsos adversarios nobis ultro dare vel a primo ecclesiæ sæculo omnia germina catholice doctrinæ reperiri. Saepius provocati adversarii, ut assignarent epocham mutationis, quam nobis objeiciunt, nunquam id efficere potuerunt, prout superius ostendimus.

235. Ad 2. *D.* Id est majorem recepti jam dogmatis dilucidationem, ex occasione eorum qui aliquem articulum impugnarunt *C.* per novorum dogmatum introductionem *N.* Nempe ex occasione, qua aliqui receptam in ecclesia doctrinam temerare infami ausu aggressi sunt, ecclesia accuratiori examini subjecit controversum articulum, ipsumque sibi vindicavit per expressam illius articuli definitionem et condemnationem oppositæ novitatis. Ita constanter se gessit ecclesia, quod ut obtineret, semper ad vetusta monumenta ac receptam fidem provocavit, ut ex historia conciliorum unicuique constare poterit. Protestantismus contra, per suum perfectibilitatis inventum, unum post aliud omnia fidei dogmata rejecit, donec vel ipsum fidei nomen sustulerit, et tunc demum summam adeptus est, ad quam tendebat, perfectionem, omnia scilicet destruendo (1).

236. Ad 3. Respondeo fidei dogmata esse totidem veritates divinitus revelatas, quas a Christo ecclesia accepit ad posteros transmittendas et intemerate servandas ab edaci novatorum dente, prout, divina ope suffulta ha-

(1) Vadem damus hujus assertionis non suspectum D. Müller profess. Schaffusiae: « Des Théologiens mêmes, *inquit*, se font une affaire de noyer la religion dans un vain déisme,... Tous ensemble sciemment ou sans s'en douter liennent la même conduite, et le langage suivant: déchirons et jetons loin de nous ces liens, qui attachaient à la foi et au de-

voir nos ignorans et ténébreux ancêtres ». *Vid.* « Recherches hist. de Müller dans ses lettres confidentielles à Briester, » 1801, pag. 41, et pag. 69, 88, ubi citat textus Schrock et Vincentii Lirinensis ad judicium ferendum novi *perfectibilismi* protestantium. *Celui-ci*, *inquit* De Starck (op. cit.) *est au but, quand il aura atteint l'athéisme.*

ctenus praestitit , ac praestabit usque ad consummationem saeculi , juxta fundatoris sui pollicitationes. Quod attinet ad supposita Patrum inventa , respondeo non esse istam nisi gratuitam adversarii assertionem , omni destitutam fundamento , imo plane contrariam omnibus historicis documentis. En quid de ecclesiae Patribus jam suo tempore scripserit s. Augustinus : *Quod invenerunt in ecclesia , temerunt , quod didicerunt , docuerunt , quod a Patribus acceperunt , hoc filiis tradiderunt* (1) ; et longe ante s. Augustinum Tertullianus dicebat : *Quicunque hac regula incedimus , quam Ecclesia ab Apostolis , Apostoli a Christo , Christus a Deo tradidit , constat ratio propositi nostri* (2) , et ita distinguebat catholicos ab haereticis , qui suis novitatibus antiquam doctrinam ecclesiae catholicae temerare audebant , ut innumera ejusmodi testimonia praeteream , quae impudentissimi mendacii arguunt adversarium nostrum , qui nonnisi imperitis fucum facere potest. De formula verborum , quam dicit sensu vacuam , satis disseruimus , nec opus est eadem refricare.

237. Ad 4. D. Qualis lux nempe jam affulserat simonianiis , nicolaëtis , ceterisque haereticorum pestibus , usque ad Lutherum et deinceps , seu a diabolo excitata , C. lux quae a Deo sit N. Optime Tertullianus : *Sed quaeritur a quo intellectus interpretetur eorum , quae ad haereses faciant ? A diabolo , cujus sunt partes intervertendi veritatem* (3). Mirum sane est Christum ecclesiae suae non prospexisse nisi a tempore Lutheri ejusque sociorum perduellionis et apostasiae nec antea cognitum fuisse principium regenerationis per sexdecim integra saecula. Apposite rursum Tertullianus : *Quod apud multos unum invenitur non est erratum sed traditum. Audeat*

(1) Lib. 11 , *Contra Julianum* , n. 34 , tom. 2 , édit. Maur.

(2) *De praescript.* cap. 37.

(3) *Ibid.* cap. 11.

ergo aliquis dicere illos errasse qui tradiderunt? Quomodo sit erratum, tamdiu ulique regnavit error, quamdiu haerese non erant. Aliquos Marcionitas et Valentinianos (Lutheranos et Calvinistas) liberanda veritas expectabat; interea perperam evangelizabatur, perperam credebatur, tot millia millium perperam tineta, tot opera fidei perperam administrata, tot virtutes, tot chrismata perperam operata, tot sacerdotia, tot ministeria perperam juncta, tot denique martyria perperam coronata (1). Libertas vero, in quam nos asseruerunt, est solutio ab omni freno et subjectione legis evangelicae divinorumque mandatorum, ita ut neque islamitae tanta licentia, credendi nempe quidquid placet, et faciendi quidquid lubet, utantur.

238. Ad 5. D. Id est in destructionis progressu, a quo sive quodam irresistibili conscientiae clamore, sive contraria animorum dispositione detinebantur, C. secus N. Nimirum ejusmodi *emendatores* vel statim non agnoverunt omnes principii a se constituti pessimas consecutiones, vel nondum satis firmi in impietate ab iis exhoruerunt, atque ut proprium est eorum, qui periculum vident nec pedem a praecipitio retrahere valent, nituntur per incoherentiam in medio itinere consistere. Ast abyssus aperta erat, impulsus ipsi dederant, eorum discipuli omnem harum consecutionum necessarium nexum sequuti sunt, magisque obfirmati antecessorum exemplo, post varias fluctuationes demum fructus omnes illius destructivi principii collegerunt, quos afferre debebat. Sic cadaver per aliquot tempus lineamenta servat, quae postea, cum corruptum ac dissolutum est, amittit. Sic contigit protestantismo. Bossuet ac Feueclou ejusmodi dissolutionem jamdiu praeviderant atque praedixerant; eventus veritatem ejusmodi praedicationis comprobavit.

(1) Ibid. capp. 38 et 39, edit. Rigaltii.

239. Ad 6. *D.* Ea nempe ratione, qua datur participatio justitiae cum iniquitate, aut societas lucis ad tenebras, aut conventio Christi ad Belial, *C.* alia ratione *N.* Si rationalismus est proprius ecclesiae catholicae, ut impudentissimus auctor affirmat, qui sit, ut ecclesia catholica illum damnet et anathematizet, et rationalistae pejus quam a cane et angue abhorreant ab ecclesia catholica? Nonne hoc est vocare lucem tenebras et Christum Antichristum? Quanquam hic opus non sit plura congerere ad depellendam calumniam, quum vel ipsi protestantes rationalistae ejusmodi invento glorientur; Wegscheider unus ex ejus antesignanis recenset auctores rationalismi, qui omnes protestantes sunt (1). Kantius, a quo potissimum originem duxit, nonne protestans est? Nonne protestantes ii sunt, a quibus mysticismus et fanaticismus prodire (2)? Porro, si jus suum est cuique tri-

(1) Op. cit. Sic enim inter cetera scribit in praefatione: cap. 11, « Quum progressus in literarum doctrinis ... effecti *plerosque protestantium ecclesiarum socios* ad altiora quasi se ent ac alique culturae templa adduxerunt, unde aliam fidei religiosae formam ac speciem intulerunt, quam majoribus nostris prae illius aetatis rationibus licuit ». Et clarius adhuc. (prolog. cap. 1, §. 13): « Protestantismus autem, *itaquit*, quum accurata et subtili librorum sacrarum indagatione nitatur, eorumque argumentum ad verum vitae usum transferre studeat, utrumque autem pro illorum librorum diversa indole, saepius obtinere, nisi rationis artis-que usu obtineri nequeat, jam ab in-fide reformationis ecclesiae primis ejus auctoribus hae rationis usus adeo observabatur, ut in ipsa sacrarum emendatione *rationalismi germina* clarissime appareant ». Ac deum ibid. nol. 6, ostendere nititur rationalismi principia fuisse a Luthero posita, et concludit: « Quae cum ita sint, theo-

logi recentiores, qui ad Lutheri exemplum, clarissimisque rationibus ducti ultra libros symbolicos et usum rationis, quem dicunt formalem, sapere tandem aliquando didicerunt, suo jure, sicut Lutherus, recte, uti videntur, neque ideo calumniandi sunt ».

(2) Celeres rationalismi progressus inter protestantes, ejusque aperta oppositio contra quodlibet christianismi principium d. v. s. i. protestantes in duas, ut ita dicam, ingentes exercitus, in *naturalistas*, qui rejiciunt positivam Dei revelationem, et *super-naturalistas*, qui ipsam admittunt. Qui quidem postremi iterum in duas classes subdividuntur, quarum altera ad unguem sectatur Lutheri placita, admittitque propria libros symbolicos seu fidei protestantes una cum aliqua hierarchica constitutione suarum ecclesiarum, prout in Borussia potissimum viget; altera vero est *pietistarum* seu *mysticorum*, qui libros symbolicos rejiciunt, neque obsequi se possunt nisi interiori Spiritui Sancti luminis. Pietistae in Ger-

buendum, teneant protestantes quod suum est; iste est fructus sive effectus illius magnae lucis, quae demum regnum suum adepta est saeculo XVI, et illius libertatis, quam in mundum intulit Lutherus cum ceteris suis *sacrorum emendatoribus*.

240. Atque hinc responsio patet ad id quod subdit ideum auctor de Romano Pontifice ac de conciliis ecclesiae catholicae rationalistis, naturalistis, phantasticis, eo quod definitiones edant per inspirationem immediatam siue scripturis et contra scripturas. Cui unquam id persuadere poterit? Nunquam Pontifex aut concilia definitiones fidei edunt nisi in verbo Dei seu revelatione divina fundatas, quae pervenit ad nos tum per scripturam tum per traditionem (de qua in tractatu de locis theologicis); nihil sive Pontifex sive concilia de suo obtrudunt, sed testes sunt doctrinae, quam Christus docuit et apostoli tradiderunt, prout supra exposuimus. Aliud porro est divina adsistentia, qua suffulta est ecclesia juxta Christi promissa, aliud illa divina immediata inspiratio, de qua loquitur adversarius, quam nunquam sive Pontifex sive concilia sibi vindicant, quam edunt fidei definitiones. Divina inspiratio non tribuitur a catholicis in iis, quae ad religionem pertinent, nisi hagiographis scriptoribus. Sola divina adsistentia tribuitur tum Romano Pontifici ex cathedra, ut ajunt, decernenti, tum ecclesiae sive dispersae sive in conciliis congregatae. Divinae autem adsistentiae nomine designant illam peculiarem opem atque specialem providentiam, qua Deus ita praesto est ecclesiae suae, ut non patiatur illam in errorem labi, quacumque demum ratione id obtineat; verificari enim debent Christi dicta: *Portae inferi non praevalerunt adversas eam*; et: *Ecce ego vobiscum sum usque ad consummationem*

mania suae sectae fundatores agnoscent Philppum Jacobum Spener, comitem Zinzendorf, Frid. Wanten-
ville et Spangenberg.

saeculi, aliaque ejusmodi. Si adversarius legisset concilium Tridentinum, reperisset, nullum esse fidei decretum, in quo non referantur testimonia tum ex scriptura tum ex traditione deprompta (1).

PROPOSITIO X.

Sterilitas Protestantismi in suis missionibus apud infideles novum est ipsius falsitatis argumentum

241. Inter ceteros divinos characteres et dotes, quibus praestat catholica ecclesia, mira ipsius foecunditas in conversione infidelium debet recenseri. Cum enim ipsa missionem a Christo acceperit per ea verba: *Euntes per mundum universum, praedicate evangelium omni creaturae*; nunquam destitit filios suos in diversas regiones mittere, qui spiritu vere apostolico repleti eas de tenebris infidelitatis ad evangelicam lucem revocarent. Innumeros propterea recenset, qui in ejusmodi ministerio non solum magnos exantlarunt labores, sed et sanguinem profuderunt, ac plures praeterea, qui quovis saeculo tum prophetiae tum signorum dono ditati religionem mirifice propagarunt. Non solum nullum regnum vel provincia, sed nec regio, nec civitas, nec vicus est in toto terrarum orbe, qui ad Christi fidem aliter venerit quam per ecclesiae catholicae operarios. Historia ecclesiastica in suis

(1) Praeclare Vincentius Lirin. in suo *Commonitorio*, n. 3a, scribit: « Christi vero Ecclesia, sedula et cauta depositorum apud se dogmatum custos, nihil in his unquam permutat, nihil minuit, nihil addit, non amputat necessaria, non apponit superflua, non amittit sua, non usurpat aliena... denique quid unquam aliud Conciliorum decretis enixa est, nisi ut quod antea simpliciter crede-

batur, hoc idem postea diligentius crederetur?... Hoc, inquam, semper, nec quicquam praeterea, haereticorum novitatibus excitata, conciliorum suorum decretis catholica perfecit ecclesia, nisi ut quod prius a majoribus sola traditione susceperat, hoc deinde posteris etiam per scripturas chirographum consignaret ».

annalibus quovis fere saeculo aliquam gentem vel regionem refert, quae evangelium amplexa est per operarios a Romanis Pontificibus ad praedicandum missos (1).

242. Haereticae sectae e contra semper sterilitate a Deo multatae sunt, adeo ut nulla proferri possit gens, quam aliquando ab infidelitate aliqua haeretica secta ad Christi fidem converterit. Hujus sterilitatis conscii haeretici infidelium conversionem penitus neglexerunt, vel animum desponderant post infelicia tentamina nullosque successus, ac semper ad Christi fideles seu catholicos pervertendos studium omne adhibuerunt: *Cum hoc sit negotium illis* (haeticis), *ut jam scripsit suo tempore Tertullianus, non ethnicos convertendi, sed nostros evertendi, hanc magis gloriam captant, si stantibus ruinam, non si jacentibus elevationem operentur; quoniam et ipsum opus eorum non de suo proprio aedificio venit, sed de veritatis destructione. Nostra suffodiunt, ut sua aedificent* (2). Ac talis constanter omnium haeticorum indoles fuit, talis perpetua eorum agendi ratio.

243. Ac proinde ita se gessit protestantismus. Ab initio reformationis, ut ipsi vocant, de conversione infidelium protestantes ne cogitarunt quidem. Omnes eorum machinationes dirigebantur ad perversionem catholicorum, ad extirpationem antiquae fidei. Licet vero nonnul-

(1) S. Innocentius 1. jam saeculo v, epist. xxv. ad Decentium Episc. Eugub. scripsit: « Cum sit manifestum in omnem Italiam, Gallias, Hispaniam, Africam atque Siciliam et insulas interjacentes nullum instituisse ecclesias nisi eos, quos venerabilis Apostolus Petrus auctoritate successores constituerint sacerdotes ». Ad dicit autem D. Constant in nota c: « Hilarius iis, qui una fidei communione ac societate copulabantur, librum de synodis scribens, cum eodem Germaniae primae et secundae

Britanniarumque episcopos recenset. His si adjungantur variae illirici provinciae, quas Innocentius epist. xlv, n. 2, suam in eas vicem Rufo committens, recenset, dioceseon, quae ad Romanum Patriarchatum attinent, satis accurata habebitur enumeratio ». De Anglia, Hibernia, Scotia, Hungaria, Polonia, reliquisque septentrionalium regionum gentibus, ad Christi fidem conversis Romanorum Pontificum sedulitate subsequen-
tibus temporibus, res vulgatissima est.

(2) De praescrip. cap. xlv.

lae protestanticae respublicae classibus instructae essent, et maritimo potirentur imperio, quibus subsidiis uti possent ad Christi fidem inter paganos disseminandam, iis uti maluerunt ad catholicas missiones evertendas, ut se gesserunt Batavi, et heu nimis felici successu in Japonia praesertim et Indiis orientalibus! Imo ut protestantes zeli defectum in evangelii propagatione tegerent, declarabant minime per conscientiam licere paganos in sua fide turbare, atque in dordracena synodo objectioni remonstrantium respondebant: *Qui sine peculiari vocatione et missione paganos evangelium annunciat, haec in eum quadrat Apostoli Petri objurgatio, quod se videlicet rebus alienis immisceat, Deumque tentet, cum sine vocatione tanto se objicit periculo.* Subsequentibus temporibus decanus cantuariensis in oratione habita coram rege Angliae assererat nemini licere, quin habeat, ut apostoli, extraordinarium mandatum, illudque probare possit, religionem etsi falsam regionis alicujus aggredi, hominesque ab ejus professione contra magistratus voluntatem dinovere (1).

244. Ast percusi gloriosis catholicorum successibus, denum et ipsi protestantes coeperunt serio de missionibus apud infideles cogitare sub finem saeculi XVII (2). Anno 1647 jam exorta erat quaedam societas in Anglia ad hunc finem, quae a senatu (parlamento) approbata est, tamen nonnisi tardius aliquid profecit. Fridericus IV Daniae rex missionem instituit anno 1706 pro sua colonia Tranguebar in Indiis orientalibus; in Groenlandia vero ab anno 1708 evangelium praedicavit *vcuerabilis Joannes Egede*. Anabaptistae inchoarunt missiones suas anno 1792. Anglia praesertim sub hujus saeculi XIX ini-

(1) Cons. *Hist. eccles.* D. Hortig continuata a Joh. Jos. Ignat. Doellinger, sac. Theol. Doct. et-Profess. ordin. in universitate Monachiensi.

(2) Dixi *denum*, nam notum est missionem anno 1536 a Generensibus tentatam non fuisse nisi abortivam.

tium maxime coepit suum exercere zelum ex occasione missionum anabaptistarum et methodistarum, pluresque ibi institutae sunt societates generales et particulares ad propagandas missiones; ab anno 1807 insudatur convertendis nigris in Sierra-Leone Africae; Societas Britannica nuncupata et extranea biblicorum propagandorum erecta est Landini anno 1804, quibus aliae auxiliares adjectae sunt.

His porro deliberatis circa originem et progressum missionum protestantium, expendamus breviter media, quibus ad finem obtinendum ejusmodi societates usae sunt, deinde successum et fructum.

245. Jam vero si spectemus *numerum* missionariorum protestantium, constat ab anno 1824 societatem ecclesiae anglicanae 419 missionarios permanentes habuisse (1). Eodem anno methodistae numerabant 623 (2). Hae duae proinde societates jam tunc suppeditabant 1042 operarios. Nunc supputatione instituta ad ceteras societates, quas mox recensimus, in sola Anglia haberemus 3442 emissarios; ex America societates, quae illic sunt, miserunt ad missiones saltem 1000 concionatores; itaque, non computatis missionariis, quos protestantes regiones suppeditarunt, habemus summam 4442 (3). Licet vero missionarii societatis propagationis evangelii teneantur juxta tenorem diplomatis, dati 16 Junii 1841, prospicere instructioni coloniarum anglicanarum, cui tribuuntur 122 missionarii ac 96 ludimagistri, attamen certum est, hos ipsos debere operam navare conversioni infidelium.

(1) Vid. eruditam dissertationem Cl. D. Nic. Wiseman, rectoris collegii Anglorum in alma hac Urbe, et prof. linguarum orientalium in Archigymnasio Romano, quam prius recitavit in academia religionis catholicae, postea typis vulgavit Romae 1831; ex qua pleraque documenta, quae hic recensentur, desumpsimus, et quae interea profe-

rimus, ut videant protestantes, in quorum manus haec dissertatio non venit, quibus fundamentis ea, quae hic traduntur, nitantur.

(2) *Quarterley Review journal*. 1825, p. 29 et *Christian register*, in quo solum enumerantur 210.

(3) *Nouveau journal asiatique*, Paris 1828, tom. 11, pag. 29, computat 5100 missionarios.

246. Si vero spectemus *numerum* societatum, quae pecunias ac libros quotannis subministrant ad opus conversionis infidelium, inuenimus ex Anglia, Statibus Foederatis Americae, Gallia, Germania, Hollandia, Helvetia ac regionibus septentrionalibus XIX societates principales, quibus aliae quatuor addi debent institutae ad distribuenda *biblia*, *tractatus religiosos*, *libros precum et homilias ecclesiae anglicanae* (1). Unaquaeque vero ex his societatibus suas habet numerosas veluti minoris gentium sodalitates, quas vocant auxiliares; in sola Gallia 200 numerantur, in Anglia vix numerari possunt. Scopus harum societatum est, pecunias ac libros subministrare missionariis, qui conversioni infidelium dant operam. Porro hae societates jam ab anno 1824 subministrabant singulis annis 1,715,500 nummos scutatos (francos circiter 9,263,700), id est, 4700 (francos circiter 18,800) in dies singulos (2). Cum vero missionarii adhuc conquererentur de ejusmodi stipendio quasi nimis exiguo, redditus seu proventus annui societatum jam ascendeant ad 3,431,000 scutatos (franc. 18,527,400) (3). Societas biblica innumera exemplaria s. Scripturae, in omnia fere idiomata ac dialectus conversae, quotannis distribuit ope suorum publicanorum et viatorum, qui veluti totidem missionarii spectari debent. Anno enim 1830 solo distribuit 632,676 exemplaria Novi Testamenti (4). Et hoc medium censetur aptissimum ad conversionem infidelium.

247. His addantur subsidia externa, quibus abundant missiones protestantes, nempe favor, qui vel a magistratibus vel legibus tribuitur (5), apparatus moderatorum

(1) Jowett *Christian researches in the mediterranean*, 3. edit. Lond. 1824, pag. 318.

(2) *Quarter. Rev.* pag. 29.

(3) Qui calculus valde moderatus est *Epheemerides enim asiaticae Pa-*

ris. 1828, tom. 11, pag. 32, illi addunt vices centena milia libellarum gallicarum.

(4) *Christ. regist.* eodem anno Londini vulgatum.

(5) Societas propagationis evange-

ac omnis gradus magistratuum, publicarum ephemeridum, doctorum virorum, etc., opes et comoda quibus ejusmodi missionarii obruuntur (1), regiones, in quibus ut plurimum commorantur, quae ad Britanniam pertinent; quod si barbaros ac silvestres penetrare interdum tentant, semper armatis provinciae praesidiis utuntur, praemia distribuunt cum magna pompa ac apparatu suis alumni in scholis, quas gratis aperiunt (2), adeo ut vere scribere potuerit D. Buchanan magnus missionum fautor: *Nulla gens christiana unquam campum tam extensum habuit ad propagationem fidei christianae, qualem nos habemus ex influxu, quem exerceamus super centum miliones incolarum Indostan. Nulla unquam natio tot commodis abundavit ad dilutationem suae religionis, qualia nobis offeruntur inter gentes, quae nullam opposunt resistantiam, quae obtemperant libenter imperio nostro, quae reverentur principia nostra, et dominationem nostram velut benedictionem aestimant* (3). Talia igitur sunt media, talia subsidia ac commoditates, quibus protestantes instructi sunt ad disseminandam evangelicam doctrinam apud infideles. Restat ut videamus, quo successu ac fructu opus istud perficiant.

248. Ex confessione ipsorummet protestantium fautorumque harum missionum ejusmodi fructus post tot labores et tot impensas nullus aut fere nullus omnino est; vix enim numerant nonnulla individua (4), quae com-

licae anno 1819 a Georgio 111 literam regiam, ut vocant, impetraverat, qua praescribebatur stipes expendenda in universo regno, collegii-que scutata romana 283200. *Christian remembr.* vol. xi, Lond. 1829, pag. 50.

(1) Quilibet stipendium annuum percipit scutatorum 1132 (fr. circiter 6112); quod si uxorem habeat, augetur alius scutatus 188 (fr. circiter 1013); quod si filios habeat, alia

94 (fr. circiter 508) adduntur in singulos filios. *Report of the society*, London 1829, pag. 195—197.

(2) *Report.* ibid. anno 1826 et 1827, pag. 51.

(3) *Memoir on the expediency of an ecclesiastical establishment in british India*, by the rev. Claud. Buchanan D. D. 2 edit. Lond. 1812, pag. 48.

(4) Cons. cit. diss. sectione quarta, ubi recensitis missionibus angli-

modioris vitae illecebris inducta sunt, vel quia depulsa a propriis contribulibus. Ipsiusque missionarii animum despondent ob invictas et insuperabiles difficultates, quas in conversionibus ubique offendunt; omnes fere missiones in statu decrementi inveniuntur, nonnullae penitus perierunt. Relationes horum missionariorum fere semper reticent conversiones factas, et sese extendunt ad exaggerandam *melio rem spem* in futurum. Si interdum numerum individuorum recensent, statim ab aliis mendacii arguuntur. Et haec non in una vel altera mundi parte, non ab una vel altera secta, sed idem omnino plenus defectus reperitur ubique terrarum, ubi isti missionarii, cujuscunque demum confessionis seu sectae, appulerunt et operam impenderunt ad infidelium conversiones, adeo ut auctor historiarum missionum protestantium non dubitet his verbis narrationi suae finem ponere. *Sub finem hujus libri, cujus erat scopus enarrare propagationem christianae religionis, animos omnino desponderemus, si nostrae religionis propagatio penderet a successu operum, quae hactenus suscepimus, quaeque in his voluminibus descripsimus* (1). Non minus aperta est confessio quam D. Bickerseth, qui erat a secretis societatis missionariae, apud ecclesiam anglicanam exhibet in sermone quem habuit anno 1823, ad novos socios Eboraci cooptandos: *Decem priorum annorum decursu, ait, societas nunquam notitiam habuit vel unius individui, quod ab idololatria transierit ad christianam religionem* (2). *Post viginti annorum labores, alibi dicitur, felix successus praesens et visibilis non est certe cri-*

canis in Indiis orientalibus missionibus anabaptistarum et independentium in iisdem regionibus, omnium sectarum in India et Australasia, in America circa servos, in Mediterraneo, inter Calumchos, atque ex confessionibus eorum ipsorum, quorum

maxime interest earum fructus patefacere, adductis certissimis documentis, ostendit nullum vel pene nullum esse istarum missionum omnium fructum.

(1) *Month. rev.* 1817, p. 252.

(2) *York Herald*, may 1823.

terium quod labores nostri, Deo accepti sint (1), ut alia innumera prope monumenta ejusdem tenoris omit- tam (2). Quare his annis gubernium anglicanum, cui cordi est conversio coloniarum suarum, omni spe desti- tutum, ut videtur, alicujus successus missionariorum pro- testantium, promovit, saltem indirecte, catholicorum mis- siones; adeo ut vere affirmari possit, protestantes tot mis- sionariis, tot impensis, tanta bibliorum diffusionem nullum alium fructum tulisse, praeter hunc, quod nempe catho- licorum missiones vel everterunt, vel extirbarunt, vel earum successus quoquomodo impediunt, qui semper praecipuus ipsorum scopus et finis est.

249. Contra vero missionarii catholici ut plurimum absque ullo praesidio regum aut magistratum, pecuniis aliisque humanis facultatibus destituti, soli se conferunt ad efferatos ac silvestres populos, inter continua ac prae- sentia pericula vitae amittendae quocumque penetrant, atque ubique uberrimos fructus ferunt. Solus s. Franciscus Xaverius ultra decies centena hominum millia sua manu sacro baptismate tinxit, plures principes ac reges ad re- ligionem christianam adduxit, ubique ecclesias aedifica- vit, quae adhuc consistunt, non obstantibus atrocibus Ba- tavorum aliorumque haereticorum persecutionibus ac co- natibus ad eas evertendas. Atque ut ad recentiores mis- siones veniamus, etiam omissis quae spectant ad Para- quariam, de quibus egregie scripsit Muratorius (3), Bra- siliam, Novam Franciam, sive Canada etc. postrenus etiam hisce annis plures missionarii in Virginia, apud Iroquenses aliasque septentrionalis Americae silvestres gen- tes felici exitu laborarunt, ibique adhuc operam suam impendunt (4), et plura hominum millia ad evangelicam

(1) *Report of P. C. K. soc. Lond.* 1829, pag. 43.

(2) Quae videri possunt cit. Diss. sect. 1^a et v.

(3) *Il cristianesimo felice nelle missioni del Paraguay*, Vene. ia 1743.

(4) Vid. *Lettera del Padre Car-*

lucem venerunt ac veniunt. Ubique expetantur ab iis apud quos olim conversati sunt, et unde postea ab Europeis fuerunt ejecti (1). Nuper praeterea ipse praeses, licet protestans, provinciarum foederatarum in America promovit ejusmodi missiones catholicorum, quae jam magnam fructuum copiam producunt. Idem dicatur de missionibus catholicis apud Indos orientales; D. Buchanan fatetur paucorum annorum spatio non obstantibus diris persecutionibus in insula Ceylan auctum esse numerum catholicorum ad 50,000, dum missiones protestantium omnino defecerunt (2). Eundem habent exitum missiones siuenses; etsi vix unquam ihi quieverit persecutio, attamen ab anno 1800 ad 1827 numerantur 22,000 baptismo initiati in sola provincia Sucinen (3), atque ita non dissimili fere modo augentur in aliis provinciis ejusdem imperii Kansii et Kaukowan, Zokien et Kiansi, Canton et Kouansi, quae excoluntur a religiosis diversorum Ordinum vel a sacerdotibus saecularibus; idem successus in provinciis Thibet, Tunkini, in regno Cocini, Siamensis, etc., et ibidem pariter conatus protestantium irriti omnino sunt, ita ut ne unum quidem haecenus ad religionem christianam adduxerint. Quidam protestans Scotus ex India reversus: *Neminem novi*, inquit, *exceptis missionariis catholicis, qui operetur conversiones* (4). Et haec delibasse sufficiat ad ostendendum ex confessione et factis ipsorum protestantium discrimen ingens inter fructum ac exitum missionum catholicorum et acatholicorum (5) ubique gentium et quovis tempore.

250. His constitutis, sic argumentum nostrum perstringimus: Ubi vis naturalis est maxima, effectus autem minimus, et ubi vis naturalis est minima, effectus autem

lo *Fauquienborne della compagnia di Gesù*, 10. M. 170 1829, edita in *Annuaire d'Italia*, vol. XVI, pag. 163.

(1) Ibid.

(2) *Brist. critic.* Jun. 1828.

(3) *Annales de l'association de la Propagation de la foi*, Lyon 1830.

(4) Ibid.

(5) Cons. Wiseman, d'ss. cit.

maximus, ejusmodi effectus a causa seu vi naturali repeti nulla ratione potest; atqui ex demonstratis aliisque quamplurimis, quae brevitatis gratia praetermisimus et afferri possent, constat, omnibus perpensis, ex parte protestantium vim seu causam naturalem maximam esse, sive numerus missionariorum spectetur, sive subsidia, sive comoda, etc., minimam vero ex parte catholicorum, effectum vero contrarium omnino tamen produci, minimum scilicet ac pene nullum ex missionibus protestantium, maximum vero et perennem ubique locorum ex missionibus catholicorum; ergo hujus discriminis ratio a causa supernaturali repeti debet; quia nempe soli ecclesiae a Christo ipsius fundatore dictum est: *Euntes docete*; *Sicut misit me Pater et ego mitto vos*; *Ego posui vos, ut fructum afferatis, et fructus vester maneat*; *Faciám vos fieri piscatores hominum*; *Eccc ego vobiscum sum*. Contra vero haeretici non sunt *de genere virorum illorum, per quos salus facta est in Israel*; de ipsis scriptum est: *Nescio vos*; *Non novi vos*; *Discedite a me operarii iniquitatis*; *Scribe virum istum sterilem*; seu, quod idem est: Eadem ratione qua jugis fecunditas ecclesiae catholicae est argumentum ineluctabile divinae ipsius institutionis ac jugis divinae protectionis, ita sterilitas protestantismi in suis missionibus apud infideles novum est ipsius falsitatis argumentum. Quod erat demonstrandum.

251. Atque ex his sequitur 1. imputationem illam *pro-selytismi*, quam toties protestantes catholicae ecclesiae objicere solent, praeclarissimum esse testimonium fecunditatis et gloriae ejusdem ecclesiae, ac nullius spei incredibilisque sterilitatis quae inest sectis omnibus protestantibus; proinde ipsae cum videant irritos ac inanes esse suos omnes conatus et infelicem exitum suarum missionum, invidia quodammodo tacescant, et illud crimini

vertunt ecclesiae catholicae, quod ipsae attingere, licet maxime velint, omnino non possunt (1).

252. Sequitur 2. protestantes, si fundamentali atque essentiali reformationis principio de omnimoda spiritus privati independentia religiosa in rebus fidei adhaerere velint, nec posse missiones instituere apud infideles. Si enim unusquisque jus habet ex sacris litteris sibi cudendi religionem, non possunt ipsi nisi biblia porrigere, ac dicere pagano: Hinc tibi effinge religionem, cave tamen ne filiis tuis tradas ea quae didicisti, cum eodem jure et ipsi fruantur sibi propriam cudendi religionem. Addo nec posse ipsos affirmare volumen, quod tradunt, verbum Dei purum continere, cum uniuscujusque pariter sit, non solum judicare de sensu sacrae scripturae, sed ex eodem principio praeterea expendere quinam libri genuini sint, quinam divinitus inspirati, num integri sint,

(1) Hic juvat recensere media, quibus utuntur protestantes, qui accusant catholicam ecclesiam *proselytismi*, ad proprias sectas augendas, seu potius procurandam defectionem ab ecclesia catholica, vel, si agatur de infidelibus, ad impediendum, ne ad eam veniant: 1. Jubilaeum reformationis. 2. Anniversarium reformationis festum. 3. Missiones apud infideles, et juxta professorem Elvers, ad impugnantium catholicismum (saltem aliquando verum scopum suum continentur). 4. Instituta ad convertendos judaeos, ad quod opus ab una tantum ex societatibus londinensibus quotannis 9000 nummi scutati (*thulari*) impenduntur. 5. Societates biblicae et propagationes, quibus addi debent innumeri emissarii ubique locorum, qui causam protestantismi vel clanculum vel aperte omniconatu promoveant. 6. Studium occupandi cathedras in catholicis universitatibus et scholis. 7. Domicilium in regionibus catholicis et publicum ibidem exercitium sui cultus. 8. Distributio tractatum et editiones libro-

rum, in quibus doctrinae distinctivae catholicorum (diformatae, ut supponitur,) et protestantium non sine strepitu traduntur; bibliothecae librorum protestantium, quae omnibus pateant. 9. Incitamenta et exhortationes ad amplectendam religionem protestantem. 10. Theoretica confirmatio proselytismi. Quidam protestans, Thomas nuncupatus, appellat ad Jesum, ad Apostolos, praesertim Paulum, ad reformatores saeculi xvi et ad missionarios evangelico-christianos, qui proselytismum commendant et confirmant. 11. Matrimonia mixta inter protestantes et catholicos, quae illi summo studio promovere sagunt in regionibus praesertim catholicis. 12. Innumerae prope ephemerides, in quibus agitur de religione, adeo ut ipsorum theologia possit dici theologia ephemeridum, prout notavit de Starck. 13. Denum calumniae, dieteria, etc. quibus puerile religionem catholicam ubique insectantur; et tamen quotidie deficiunt, et ecclesia catholica propagatur et crescit.

num aliquid adjectum eis fuerit vel detractum ; alioquin contra proprium principium examinis se gererent , et propria auctoritate imposerent infideli ; cum notum sit ex dictis , plures protestantes hunc vel illum librum , hanc vel illam alicujus libri partem rejicere , negare divinam inspirationem , etc. , et quidem ex principio fundamentalis protestantismi. Quae cum ita sint , quin protestantismi essentiam destruere velint , nequeunt haeretici vel unam operari conversionem.

253. Sequitur 3. societatem biblicam , dum sacra volumina diffundit ad conversionem infidelium , destruere principium essenziale protestantismi , et praeterea nocere causae propagationis evangelicae ; quia etiam caeteris omissis , cum infideles idonei per se non sint ad intelligendam scripturam , scandalum potius ex diversis ibidem contentis narrationibus patiuntur , et graviter offenduntur , quo fit ut animum magis avertant a religione christiana , ut reipsa passim evenire apud Indos abbas Dubois , qui per annos XXX missionibus illis operam navavit , testatur et factis luculentissimis ostendit (1).

254. Sequitur 4. ingentem illam pecuniae copiam , quam undique corrogant quaestores societatum protestantium ad missiones promovendas , non esse , ex confessione ingenuorum nonnullorum protestantium , nisi totidem latrocinia ac simplicium deceptiones , qui dum sibi blandiuntur cooperari magno operi conversionis infidelium et dilatationis verbi Dei , pecuniam suam non erogant nisi ad alendam seductorum cupiditatem , qui non possunt conversionem paganorum promovere nisi subruendo fundamentum essenziale et constitutivum protestantismi (2).

255. Sequitur 5. nec veram neque christiana denomi-

(1) *Lettres sur l'état du Christianisme dans l'Inde*, par M. Dubois.

(2) *Fol. period. anglicanum protestans Ager*, 7. Sep. 1831, vocat

hos *Latrones immanes*, et *pessimum genus daemonum terrestrium*, *sycophaentas*, etc.

natione dignam eam professionem esse, quae si sola obtinisset, mundus paganus adhuc in tenebris esset suae superstitionis, ejusmodi esse protestantismum ostendimus, spectata ejus intrinseca impotentia annunciandi ac disseminandi religionem christianam. Quin imo neque subsisteret ipse protestantismus, qui non secus ac haereses omnes non prodiit, nisi ex catholicorum quorundam seditionibus ac perversione. Quod jamdiu significaverat Tertullianus testimonio supra adducto: *Quoniam et ipsum opus eorum (haeticorum) non de suo proprio aedificio venit, sed de veritatis destructione. Nostra suffodiunt, ut sua aedificent.*

DIFFICULTATES

256. Obj. 1. Falsum in primis est, missiones protestantium ea sterilitate laborare, quam fingunt catholici, sed ubique florentissimae sunt. Anno 1830. proselyti religionis wesleianae seu methodisticae jam ascendebant ad 39,000; proselyti vero societatis propagationis evangelii in partes externas numerabantur eodem anno 6043; et ita porro quoad ceteras societates (1), praesertim 2. fratrum Moravorum. 3. Quis ignorat felices successus missionum Ziegenbald, Schulze et Schwartz? 4. Addatur ejusmodi successus adhuc non esse nisi certum argumentum ulteriorum progressuum. 5. Quod si vel una anima salva facta esset, nonne tot labores ac impensae satis bene erogatae fuissent (2)? Notum praeterea est 6. missiones protestantium plurimum impediri a missionariis catholicis, qui ubique animos christianorum et infidelium commovent adversus nos, quos propterea nec recipi patiuntur; quid mirum

(1) *Christ. regist.* an. 1830.

(2) Vultus enim deceptum cum nihil aliud pro regno Dei facere velit, sibi maxime placeat, si, data singu-

lis annis exigua pecunia, sibi blandiri potest, se cooperari magno operi conversionis paganorum et dilationis verbi divini.

proinde , si missiones protestantium non omnes adhuc fructus pariant , quos sperare liceret absque hujusmodi impedimento ? ergo.

257. Resp. ad I. D. Supputatis proselytis vel secundum numerum bibliorum quae distributa sunt , vel secundum numerum discipulorum qui aut scholas aut aliquam congregationem frequentant , C. proprie dictis N. Admissis itaque exaggeratis ac saepe falsis missionariorum protestantium relationibus , illud serio est animadvertendum , nempe eos solere numerum seu censum proselytorum instituire ex numero bibliorum quae distribuunt (1). Haec tamen ratio computandi falsa est ; plures enim , imo plerique volumen bibliorum accipiunt , ut illud dein adhibeant ad varios usus domesticos , amiciendi ex. gr. , ut dicam cum Horatio , *et piper et quidquid chartis amicitur ineptis* (2) ; ita ut , innumeris distributis bibliis , nemo christianus fiat. Tum etiam , ut magnum faciant numerum suorum proselytorum , solent inter hos accensere discipulos , qui eorum scholas frequentant (3) ; quae pariter supputatio falsa deprehenditur , eo quod ejusmodi discipuli vix schola abscedunt , ut illico ad idola sua redeant atque illudant magistris suis , a quibus interdum et victum et donaria accipiunt (4). Tum denique in proselytorum censum referunt cos omnes , qui ipsorum congregationibus et concionibus adsistunt (5) ; et tamen compertum est , plerosque iis non adesse nisi rei novitate et curiositate pernotos , tum ut irrideant concionatorem ; vel ut eorum subsidiis pecuniariis perfruantur (6) , quae ubi cessaverint , cessat proselytorum numerus ac pe-

(1) Vid. Wiseman, diss. cit. sect. v.

(2) *Newcan journal asiatique* 1828, tom. II, pag. 40.

(3) *The history, design, and present state of the religions, etc. by the British in Calcutta and its vicinity* 1824, pag. 217. et seqq. Anno 1831 ; jam distributa erant a so-

cietate biblica 12,000,000 bibliorum exemplaria in 143 linguas conversa.

(4) Ibid. tom. III, pag. 399, nec non *Report*, etc. pag. 211.

(5) *Register*, p. 83 seqq.

(6) *A memoir of the rev. Henry Martyn*, (ed. S. Lond. 1825, pag. 27, 28).

nitus evanescit. Tales sunt triumphus ejusmodi missionariorum, talis exitus biblicae societatis! *Risum teneatis amici.*

258. Ad. 2. *D.* Id est in opificiis et coloniis instituentis, *C.* in convertendis infidelibus *N.* Nempe istiusmodi fratres Moravi, adeo celebrati in missionibus Sareptae, non eunt nisi ad proprium lucrum, atque ad instituentis colonias, ad promovendam industriam, minime vero ad novos christianos efformandos, ut testatur Klaproth, testis oculatus (1). Omni effectu missiones ad radices Caucasi institutas caruisse fatetur Henderson (2). Quare Alexander Russiarum Imperator anno 1822. tum Moravorum missiones in Sarepta tum nonnullas alias omnino de medio sustulit; hinc penitus perierunt, ut aliae plurimae (3).

259. Ad 3. Resp. omnibus nota esse quae plenae buccis protestantes ab initio de istorum missionibus in Tranquebar, Trichnopoly, Tanjore ac Travancor praedicabant, adeo ut episcopus protestans Heber, ut refert D. Robinson, dicere soleret: *Ibi subsistere vim causae christianae in Indiis*, ac nullibi se adeo florentem vidisse christianismum. At postea compertum est post quinquaginta annorum labores, concurrentibus pluribus adjunctis politicis, septem millia fuisse filiorum spiritualium a Schwartz relicta, si fidem damus eidem Geor. Heber, qui postea adeo imminuti sunt, ut vix vestigia supersint illius celeberrimae missionis, et anno 1826 quinquaginta candidati fuerint in ecclesia Tanjore, ubi ille pseudo-apostolus sepultus est. Quid de reliquis dicemus (4)?

260. Ad 4. *D.* Certum argumentum progressum, quod sibi et mens et desiderium effingit, *C.* qui jure ab

(1) *Voyage au Mont Caucase et en Georgie*, Paris 1823, tom. 1, pag. 261.

(2) *Voyage dans la Russie Meri-*

dionale, Paris 1826, tom. II. p. 870.

(3) V. Wiseman, diss. cit. pag. 85 et seqq.

(4) *Ibid.*

antecedentibus exspectari possint, omnino *N.* Jam enim ostendimus ex monumentis ipsorum protestantium irritos cessasse omnes eorum conatus; quare, si ex praeteritorum laborum exitu conjicere licet sortem futuram, affirmare procul dubio possumus, nullam illis inesse posse spem feliciois exitus. Plantatio enim, quam non plantavit Pater, ut verbis utamur Ignatii Mart. (1), vitae fructus edere non potest. Nunc addimus, hanc fraudem communem esse apud hos missionarios protestantes, qui cum non possint in suis relationibus exhibere fructum determinatum laborum suorum, ad decipiendos emungendosque ineautes, toti sunt in magnificanda spe fructuum, quos jamjam percepturi sunt, etsi tamen eos nunquam colligant (2). Optima profecto agendi ratio, et horum apostolorum digna.

261. Ad 5. *D.* Quae tamen longe facilius sine ipsis salva fieri posset, *C.* per ipsos *N.* Verendum nempe est, ne iis congruant verba Christi: *Vae vobis . . . qui circumcitis mare et aridam, ut faciatis unum proselytum; et cum fuerit factus, facitis eum filium gehennae duplo quam vos* (Matth. XXIII, 15). Notum est enim, plerosque ex ejusmodi proselytis ad evangelicam professionem venire, ut liberior vivant, ut jugum servitutis excutiant, plures (si sermo sit de missionibus quakerorum et methodistarum) cooptari in christianorum coetum absque baptismo, interdum eucharistiam ipsis porrigi confectam in liquore, quem *rhum* vocant, quique illic minoris quam vinum prostat, et quidem aqua dilutum, etc., et eos adeo flagitiosae vitae ut plurimum esse, ut ab ipsis magistratibus protestantibus excludantur isti proselyti ab officiis publicis (3). Jam praeterea observavimus, ejusmodi missiones impedimento potius esse veri christianismi praedicationi ac dilatationi.

(1) Epist. Ad Philadelph. cap. 3.

(2) Vid. Wiseman disert. cit. sect. 17.

(3) Catholic miscell. Maj. 1813, pag. 927 et pag. 296. Heber op. cit. tom. III, pag. 463 et seqq.

262. Ad 6. *D.* Impediri apud exteras gentes, *Tr.* apud gentes quae subsunt ditioni protestantium *N.* Itaque ob-
servo in primis optime fungi officio suo missionarios ca-
tholicos, dum sedulam dant operam, ut suos greges a
lupis avertant; praeterea non a missionariis catholicis,
sed ab ipsis locupletioribus agrorum possessoribus, non
naturam, ut aiunt, sed quakeros praedicatores et metho-
distas expelli furca, ne servos ad fugam ac rebellionem
adducant, imo et a civilibus magistratibus, ne deterio-
res fiant coloniae per istorum praedicationem. Ceterum
missiones protestantes etiam in regionibus, in quibus fa-
vore ac protectione regum utuntur, quotidie in pejus
runt (1). Deinde si desiderio martyrii flagerent hi novi
apostoli, aliter nullam rationem deberent ab ejusmodi
impedimentis, quae catholicos non absterrent. Ast nimis
eos tenet cuticulae amor, a minimis periculis fugiunt;
nil mirum proinde, si nemo ex ipsis hactenus pro evan-
gelio sanguinem fuderit; nempe, ut de Pelagio scribe-
bat s. Hieronymus, isti foveant inimicam suam, id est,
carne suam.

263. *Inst.* Saltem in dubium revocari nequeunt pro-
gressus, quos religio christiana ingentes fecit, protestan-
tium missionariorum opera, in insulis Sandwichianis,
quae jacent in Oceano pacifico, nec non in aliis insulis
ejusdem maris, *Socialibus* nuncupatis, quae sub illorum
cultura ita profecerunt, ut altera Paraquaria jure dici
possint; ergo.

264. *Resp. D.* Id est opera missionariorum protestan-
tium dissipatae sunt optimae illorum populorum disposi-
tiones, *C.* religio propagata est *N.* Nempe jam rex ac
principes illarum regionum, utpote optima indole prac-
diti, subditos suos ab idololatria abduxerant, interea mi-
nistros religionis christianae exoptaverant atque petierant

(1) Diss. citat.

ab anglis, qui ad ipsos protestantes missionarios, puritanos praesertim, miserunt. Sed simul ac suum influxum suamque virtutem illuc intulerunt ejusmodi apostoli (ut plurimum sutores, sartores, etc.), illico omnia permiscuerunt ac perturbarunt, seditionem, ignaviam, inertiam omniumque vitiorum colluviem quacunque disseminarunt. Sancte adeo instruebant suos proselytos, ut Sandwichianorum rex Riho Ribo, qui a quinque annis jam baptismo lustratus erat cum Londini mortuus est, polygamiam sectaretur et incestum; inter ceteras enim uxores suas habebat propriam sororem, quam secum in Angliam duxerat, quaeque Londini pariter defuncta est (1). Eos non secus ac Pomarem regem insularum *socialium* poenituit accersivisse ejusmodi praedicatores, qui veluti grando ac ventus urens omnia mala secum in illas insulas detulerunt ex confessione ipsorummet protestantium (2). Hinc novi sunt accersiti missionarii, catholici nempe, qui eo appulerunt anno 1827, atque ex tabulis, quae anno sequenti ad nos pervenerunt, colligitur eos cito coepisse tot infortuniis illorum incolarum occurrere, protestantes omnem fere influxum jam amisisse in illos populos, et florere jam religionem catholicam (3). Ecquid aliud haerensis nisi desolationem ac mortem producere potest? Fructus vitae nonnisi veritas potest asferre.

(1) *Annales de l'association pour la propagation de la foi*, n. xxi, Juillet 1830, pag. 286.

(2) *Times*, 20 Sept. 1830, rev.

Tom. I.

122, pag. 609.

(3) *Annales de l'association pour la propagation de la foi*, pag. 273 et seqq.

PROPOSITIO XI.

Culpabiliter in haeresi vel schismate vel incredulitate ex hac vita decedentibus nulla salus esse potest, seu extra ecclesiam catholicam nulla datur salus

265. Haec propositio, quae sectarios omnes et incredulos valde commovet, non solum ex scripturae auctoritate ac perpetuo et constanti ecclesiae catholicae sensu, verum et ex ipsa ratione apertissime constat, ita ut caecus sit oporteat, qui ejusdem veritatem non videat. Jam vero, ut patet ex ipsius propositionis enunciatione, de iis tantum agitur, qui *culpabiliter* vel in haeresi vel schismate aut incredulitate versantur, seu de iis qui *formales*, ut ajunt, sectarii sunt, minime vero de *materialibus*, ut fertur, seu de iis, qui ab infantia erroribus ac praedjudiciis imbuti sunt, quique nec dubitant quidem in haeresi se vel schismate versari, vel si quod dubium in ipsorum mentibus exurgit, toto corde ac sincero animo veritatem inquirunt; hos enim ad Dei judicium remittimus, cujus est cordium cogitationes habitusque introspicere atque scrutari. Dei enim bonitas et clementia non patitur quempiam aeternis cruciatibus addici, qui voluntariae culpa reus non sit. Contrarium affirmare esset contra expressam ecclesiae doctrinam (1).

(1) Hae enim referri possunt propositiones in Bajo proscriptae, nempe LXVIII: « Infidelitas pure negativa in his, in quibus Christus non est praedicatus, peccatum est; LXVII: Homo peccat damnabiliter etiam in eo, quod necessario facit, » item XXXIV, etc., quae lectae proprie sunt de infidelibus negativis, ratio tamen eadem est quoad haereticos, qui invincibili ignorantia laborant. Sed audiat s. Augustinus: « Qui senten-

tiam suam, ait, quamvis falsam atque perversam, nulla pertinaci animositate defendunt, praesertim quam non audacia suae praesumptionis pesserunt, sed a seductis in errorem lapsis parentibus acceperunt, quaerunt autem tanta sollicitudine veritatem, corrigi parati, cum invenerint, nequaquam sunt inter haereticos deputandi, » epist. 43, edit. minor. alias 162; cons. praeterea tract. 45 in Joan., et in lib. De uti-

266. Porro contumaces adversus ecclesiae definitiones , vel pertinaciter ab ecclesiae unitate divisos salutem obtinere non posse , seu in perpetuum damnatum iri , satis aperte Christus declarat , sive cum apud Matthaeum inquit : *Si ecclesiam non audierit , sit tibi sicut ethnicus et publicanus* (XVII , 17) , sive cum apud Lucam ait : *Qui vos spernit me spernit , qui autem me spernit , spernit eum qui misit me* (X , 16) , vel apud Marcum : *Qui vero non crediderit condemnabitur* (cap. ult.) , ac demum apud Joannem : *Qui non credit jam judicatus est* (III , 18) . Quare apostolus Paulus haereticos dicit *subversos et proprio judicio condemnatos* (ad Tit. III , 10 et 11) ; apostolus Petrus eos vocat *magistros mendacii , qui introducunt sectas perditionis , Dominum negant , superinducentes sibi celerem perditionem* (II Pet. II , 1) ; s. Joannes passim eos vocat *antichristos* (I Joan. II , 18 , 19 et alibi *seductores* (II Joan. 7) , qui propterea sollicite discipulos suos admonet , ut caveant ab ejusmodi seductoribus , scribens : *Videte vosmetipsos , ne perdati , quae operati estis ; omnis qui recedit et non permanet in doctrina Christi , Deum non habet* (II Joan. 8 , 9) ; apostolus Judas eos vocat *illuso- res , qui-*

fitate credendi , cap. 1 , edit. maur. tom. VIII ; lib. *De haeres. ad Quodvultdeum* , cap. 1 , circa finem , etc. Sic ceteri patres , quos longo agmine citare possem , qui in eadem sententia sunt. Quare merito Suarez , *De fide* , etc. disp. XIX , sect. 3 , ubi quaerit : « Ultram sit de ratione haeresis , ut voluntarie et cum pertinacia committatur ? respondet n. 1 : In primo puncto hujus articuli generaliter sumpto nulla est difficultas ; certum est enim de ratione haeresis esse , ut voluntarie fiat. Ita docent omnes theologi , D. Thom. 2. 2. q. 11. a. 2. et 1. p. q. 32. a. 4. et reliqui scholastici... et Patres antiqui » etc. ; et num. 9 : Primo sta-

tuendum est *pertinaciam* esse de ratione haeresis. In hoc fundamento conveniunt omnes doctores allegati... et merito quia expresse in jure canonico traditur , etc » . Cons. ex recentioribus Bergier , *Diction. art. Haeresis , Eglise* , § 5 ; item de la Forest , *Méthode d'instruction pour ramener les prétendus réformés à l'Eglise romaine* , Rome 1817 , second entretien , pag. 23 et seqq. ; Card. de la Luzerne , *Evangile du 19. dim. après la Pentecôte* ; Blanco , *Opusculi storici critici* , etc. tom. II , *Lettera sullo stato degli eretici e scismatici* , etc. , ut alios quamplures praeterream.

bus procella tenebrarum servata est in aeternum (Judae 13); *et hos quidem*, addit, *arguite judicatos* (ibid. 22); quae quidem omnia ita sunt perspicua, ut commentario non egeant.

267. Patres apostolici his principiis inhaerentes eorum vestigia perquam diligenter sectati sunt, et quemadmodum apostoli simonianos, nicolaïtas, cerinthianos, phantasiastas, ebionaeos ab ecclesia expulerunt, iisque poenas aeternas, nisi resipiscerent, denunciarunt, sic eorum discipuli ac successores menandrianis, basilianis, saturnianis, marcosianis valentinianis, gnosticis ceterisque illius aetatis novatoribus ac protestantibus easdem aeternas poenas comminati sunt (1). Ita ss. Ignatius, Polycarpus, Irenaeus, Justinus, Theophilus, etc. Ex quibus s. Ignatius: *Ne erretis, inquit, fratres mei. Si quis schisma facientem sectatur, regni Dei haereditatem non consequitur. Si quis in aliena sententia ambulat, iste passioni non consentit* (2); cujus quidem assertionis hanc rationem reddit: *Quotquot enim Dei et J. C. sunt, hi sunt cum episcopo. Quotquot autem poenitentia ducti redierint ad unitatem ecclesiae, et isti Dei erunt* (3); alibi s. Martyr haereticos vocat *feras humanam formam prae se ferentes* (4), *patronos mortis magis quam veritatis, abnegatos a Christo, Christum ignorantes, quos non nisi raro ac difficulter ad poenitentiam converti affirmat* (5); docet praeterea mortiferum eos propinare pharmacum, quod qui ignorat libenter cum vo-

(1) Euseb. *Hist. Eccles.* lib. 17, cap. 7.

(2) Μη πλανᾶσθαι, ἀδελφοί μου. Εἰ τις σχίζειν ἀκούσῃ, βασιλείαν Θεοῦ οὐ κληρονομεῖ. Εἰ τις ἐν ἄλλοτρίᾳ γνώμῃ περιπατεῖ, οὗτος τῷ πατρὶ οὐ συγκατατίθεται. *Epist. Ad Philadelph.* cap. 3.

(3) Ὅσοι γὰρ Θεοῦ εἰσὶν καὶ Ἰησοῦ Χριστοῦ, οὗτοι μετὰ τοῦ ἐπισκόπου εἰσὶν· καὶ οὗτοι αὖ μετανοήσαντες ἴδω-

σασιν ἐπὶ τὴν ἐνότητα τῆς ἐκκλησίας, οὗτοι Θεοῦ ἴσονται. *Ibid.*

(4) Θηρίων τῶν ἀνθρωπομορφῶν. *Epist. Ad Smyrn.* cap. 4.

(5) Ὅντες συνηγοροῦν τοῦ θανάτου μᾶλλον ἢ τῆς ἀληθείας... Ὅν (Χριστὸν) τίνες ἀγνοοῦντες ἀγνοοῦνται, μᾶλλον δὲ ἠρτηθήσαν ὑπ' αὐτοῦ... ἰδὼν πως μετανοήσωσιν, ὅπερ δυσκόλον. *Ibid.* cap. 4, 5.

luptate noxia mortem accipit, a quibus propterea omnes custodiendos sollicitè admonet (1). Ita quidem de haereticis sui temporis Ignatius. S. Polycarpus vero adeo ab haereticis abhorrebat, ut, cum audiret aliquas adversus receptam doctrinam novitates, obturatis sibi auribus, exclamaret: *Deus bone, quae me in tempora reservasti, ut haec sustinerem?* Atque statim e loco fugiebat, in quo stans aut sedens ejusmodi sermones audiverat (2). S. Justinus non dubitat haereticos vocare *atheos* et *impios*, *injustos* et *exleges* (3), sed praeterea addit eos esse, quos Christus praenunciaverat *lupos* iudutos pelli- bus ovium, *pseudochristos*, *pseudoapostolos*, fidelium seductores, eosque appellari eorum nomine, a quibus secta quaeque et opinio ortum habuit: *Nonnulli enim*, ait ipse, *vocantur marciiani, alii valentiniani, alii basilidiani, alii saturniliani, alii aliud vocabulum habent ex suae quisque sectae principe* (4) et illos judaeorum pseudoprophetae comparat, qui quae ab impuro spiritu diabolo sunt mentibus suis injecta docuerunt et etiam docent (5). S. Theophilus, cum perbelle ecclesias sanctas per orbem dispersas insulis frugiferis comparasset aqua salubribus, stationibus ac portibus munitis, ut iis, qui tempestate jactati sunt perfugio esse possint, ad quas proinde, qui salutem consequi cupiunt, veritatis facti amatores se recipiunt, haereticas vero sectas insulis saxosis et

(1) Ὁσπερ θανάσιμον φάρμακον δίδοντες μετὰ οἰνομήλιτος, ὅπερ ὁ πνεύματι ἡδύως λαμβάνει ἐν ἡδονῇ καὶ τὸ ἀποθανεῖν. Epist. Ad Trall. cap. 6., et cap. 7. concludit: φυλάττεισθε οὖν τοῖς τοιούτοις.

(2) Apud Euseb. lib. v, cap. 20.

(3) Dial. cum Tryph. n. 35.

(4) Τίνας καλοῦμενοι Μαρκιανοί, αἱ δὲ Οὐαλντινιανοί, οἱ δὲ Βασιλιδιανοί, οἱ δὲ Σατορνιλιανοί, καὶ ἄλλοι ἄλλῃ ὀνόματι, ἀπὸ τοῦ ἀρχηγίτου τῆς γνώμης ἑκάστος ὀνομαζόμενος.

In Dial. cum Tryph. ibid. Satis porro est ut protestantes subrogent propriae sectae denominationes, ut prope lutheranos, calvinistas, zwinglianos, socinianos, etc. et paucis se ibidem esse descriptos.

(5) Ἀπὸ τοῦ ἀκαθάρτου πνεύματος διαβόλου ἐμβολλομένα ταῖς ἑανοίαις αὐτῶν ἐδίδασκεν, καὶ διδάσκουσι μέχρι νῦν. Ibid. n. 32. Vident hic lutherani praesertim, num haec quadrent in Lutherum, cum scriberet librum De abroganda missa praelata.

inaquosis, infrugiferis, lerarum plenis, ad perniciem navigantium et tempestatem subeuntium appositis, in quibus naves conteruntur, et qui eo appellant penitus pereunt, concludit: *Ita se habent erroris doctrinae, haereses dico, ad quas qui accedunt omnino pereunt* (1). Ita quidem patres apostolici unanimiter docent, a quibus hanc doctrinam pariter hauserunt subsequentes patres, ita ut omnes unius sententiae hac in parte sint, et ne unus quidem exiipi possit (2).

268. Non est propterea, cur eorum testimonia hic singillatim exscribam; non possum tamen me cohibere, quin asseram nonnulla s. Cypriani dicta, qui non solum docet apostolos haereticos execratos esse, non solum graphice eos describit, gladiis ac venenis eos subruere veritatem adstruit, negat esse christianos et multos secum trahendo decipere affirmat; non solum vocat *pestes, bestias, fures, latrones, praedones, laniones*, aliisque non minus probrosis nominibus compellat, sed praeterea, quod non est sine animadversione praeternittendum, causam aperit et originem haereseon omnium, quas repetit ex eo, quod caput ecclesiae non quaeritur, primatus Petri contemnitur, et cathedra ac ecclesia una et episcopatus unus deseritur: *Asserentes, inquit, noctem pro die, interitum pro salute, desperationem pro obtentu operis, perfidiam sub praetextu fidei, antichristum pro vocabulo Christi, ut dum verisimilia mentuntur, veritatem subtilitate frustrentur. Hoc eo fit, fratres dilectissimi, dum ad veritatis originem non reditur, nec caput quaeritur, nec magistri coelestis doctrina servatur. Quae si quis consideret et examinet, tractatu longo atque argumentis opus non est. Probatio est ad fidem facilis, compendio veritatis. Loquitur Dominus ad Pe-*

(1) Οὕτως εἰσὶν αἱ διδασκαλίαι τῆς πλάνης, λέγω δὲ τῶν αἱρεσιῶν, αἱ ἐξαπολλύνουσι τοὺς προσιόντας αὐταῖς.

Ad Autolyicum, lib. II.

(2) Ita sc. Cyprianus, Ambrosius, Augustinus ceterique omnes.

trum: Ego dico tibi, etc. (1); Et cum haereses, prosequitur ibidem, et schismata postmodum nata sint, dum conventicula sibi diversa constituent, veritatis caput atque originem reliquerunt, (nempe Romanum Pontificem, de quo locutus fuerat); demum concludit; Tales (haeretici et schismatici) etiamsi occisi in confessione nominis fuerint, macula ista nec sanguine abluitur . . . esse martyr non potest, qui in ecclesia non est, ad regnum pervenire non potest, qui eam, quae regnatura est, derelinquit.

269. Vix tamen opus est auctoritate ad veritatem hanc adstruendam, cum ratio ipsa evidenter eam evincat; quicumque enim peccati alienius lethalis reus est, et eum ejusmodi nova ex hac vita decedit, perpetuam damnationem incurrit; atqui peccatum lethale et quidem gravissimum est voluntarie schismati vel haeresi aut incredulitati adhaerere, veritatem a Deo credendam propositam respuere, legitimam et divinitus institutam auctoritatem contemnere, ecclesiam non audire, et privatum sensum pertinaciter adversus ecclesiae doctrinam sequi; ergo.

270. Atque hinc factum puto, ut protestantes ipsi, qui nunc nobis succensent ob istud dogma fidei catholicae, quod propugnamus, nullam videlicet dari salutem extra ecclesiam catholicam, ad haec fere tempora id ipsum docuerint. Licet enim semper fluctuantes fuerint circa molestam ipsis quaestionem, utrum catholici salvi fiant, et licet modo affirmaverint, modo negaverint, attamen certo certius est plures ex ipsis, Barone de Stark protestante referente, spectare suam ecclesiam, seu verius sectam, veluti *solam operantem salutem* (2); ac Sulzer testatur se etiam invenisse in quodam mandato magistratus Tigurini in Helvetia anni 1740, quod ecclesia reformata dicta fuerit so-

(1) De unit. Eccles.

pag. 403.

(2) *Entretiens philosophiques, etc.*

la operans salutem; quin etiam observat Henricum Dodwellum docuisse saeculo XVII. *sola membra ecclesiae episcopalis* posse spem certam habere perveniendi ad aeternam beatitudinem (1); quae doctrina omnes profecto reformatos, presbyterianos, ceterosque omnes, ut ipsi vocant, *non-conformistas* excludit ab aeterna salute. Ecclesia anglicana adhuc retinet symbolum athanasianum nuncupatum, quod certe excludit a salutis consecutione omnes unitarios, methodistas, rationalistas, imo et graecos schismaticos, negantes Spiritum Sanctum a Patre Filioque procedere. Recens minister protestans affirmat se plures novisse ministros anglicanos dicentes se non posse sibi persuadere, eos qui in Trinitatem non credunt, posse salvari (2). Quo fundamento autem id sentiant diversae protestantium sectae, prorsus igo; cum aeque novatores omnes sint, atque ex eodem principio independentiae religiosae progenitae sectae; multo minus intelligo, quare tot fidei confessiones euderint et recenderint, quas jam inde a suo tempore receusabat Bossuet (3), quibus novus et satis prolixus catalogus addi posset. Sed operam perderet, qui cohaerentiam in protestantibus quaereret. Id solum ex dictis colligo, nullam esse rationem, cur nobis adeo irascantur, dum docemus, quod ipsorum sectae ad haec usque tempora docuerunt. Quod si ipsi postea mutarunt sententiam, ut in ceteris omnibus, numquid et nos catholici mutare debemus? Error mutari potest, veritas non potest (4).

(1) Vid. *Vérité et Amour*, par Sulzer, pag. 199 et seq.

(2) Auctor opusculi: *Quelques réflexions sur la maxime chrétienne: Ilors de l'Eglise il n'y a point de salut*, Paris 1827; vid. etiam Lessius in append. ad tract. *Consultat. de religione*, etc. cap. 1, quaest. 2, ratione 8.

(3) *Hist. des variations*, praesertim lib. III, § 1 et seqq.; lib. VIII,

§§ 16, 17, 63; lib. IX, §§ 86, 87; lib. X, §§ 58, 68, etc.

(4) Sed rursus hic adnotare juvabit perplexitates et arbitriam docendi ac sentiendi rationem in Babel protestantium, inter quos alii adeo januas coelorum aperiant, ut velint ipsas patere non solum haereticis, etc. sed etiam ipsi idololatris, ut ex adductis documentis evineatur; alii adeo illas occludunt, ut aditus non pateat

271. Sequitur autem ex dictis, 1. male omnino suae salutis consulere eos, qui effutiunt *probi hominis* non esse deserere eam religionem, in qua unusquisque natus est et enutritus. Idololatrae enim, islamitae, etc. hanc eandem exceptionem facere potuissent vel etiam possent adversus apostolorum et ecclesiae praedicationem. Si *probi hominis* non est deserere religionem, in qua quisque natus est, cur igitur protestantes tot biblia, tot impensas, tot labores insumunt in missionibus, quas tanto studio atque impetu promovent? Ast propterea solum ejusmodi

vel ipsis laborantibus invincibili ignorantia, ut ex citato opere Baronis De Stark patet; alii accusant catholicam ecclesiam veluti barbaram, eo quod proficitur extra suum sinum nullam dari salutem, et ita porro. Jam vero neque in praesentia inter protestantes desunt, qui adhuc doceant extra suam sectam nullam esse salutis spem. En quomodo scribat D. Harms: « Extra ecclesiam (Lutheranam) non est salus. Neque approbare possumus, si quis nostrum ad catholicam aut reformatam ecclesiam transeat (non obstante imita societate, de qua supra); nam apud nos est selectissima ecclesiastica institutio (quis dubitet?). Potius vero quam ut aliqui nostrum in rationalisticam unionem conveniant (quae tamen est fructus naturalis protestantismi), concedere possumus, ut judaei fiant, etsi hoc ceteroquin legibus civilibus sub capitis poena vetitum sit ». *Einige Winke, etc. id est*, Nonnulli natus et exhortationes de rebus ad ecclesiam spectantibus, *Kiel* 1840; *Theremin vero sic concionatur*: « Jus alios damnandi ulique nos habemus, nam scriptum est: Qui non credit jam judicatus est. Et quare illos non damnabimus, quos Deus ipse damnavit? » *Predigten, etc. seu, Conciones, vol. II. Berolii* 1819. *Professor Götting Elvers*: « Quia et nos, sicut Lutherus, inquit, pericula in ecclesia catholica non ignoramus, et

firmam salutis spem in sola fide in hac ecclesia nunquam doceri aut trahi videremus; debemus et nos sicut protestantes majores nostri, huic adherere sententiae, non quod omnes catholici aeternum damnentur, nam tam terribile iudicium nobis nunquam arripimus (et si arripimus, parum tali iudicio catholici commoverentur), sed quod protestanti, qui ecclesiam romanam relinquunt, et catholicam fidem amplectuntur, veram evangelicam fidem (nego suppositum) non inquirendo, neque sibi illam adseiscendo, salutem suam aeternam magno exponit periculo (hui quibus serupulis tanguntur!) prout et protestans pater filios catholicos instituendo, iporum aeternam salutem dubiam reddit ». Ita in *Ephem. notio eccles.* 1827, n. 189. Novissima *Afgenda Borussia*, de qua jam supra, continet et symbolum atbanasianum, quod sic incipit: « Qui salvus fieri cupit, rectam praedicationem christianam universalem (symbolum dicit *catholicam*) fidem habeat oportet. Qui illam non omnino integram aut puram habet (qualeni vidimus teneri a protestantibus, qui scripturas rejiciunt, apostolos accusant, et Christum ut seductorem habent enthusiasten, etc.), abque dubio in aeternum peribit: *sic vero explicit*: Hanc est recta christiana fides; qui ipsam firme et fideliter non tenet, salvus fieri non potest ».

principium inter protestantes invaluit , quia cum viderint suas sectas ubique dilabi , ac plures quotidie ex ipsis ad ecclesiam catholicam se recipere , ejusmodi commentum effutierunt , ut per hunc saltem inanis honoris praetextum sectarii retinerentur. Sane nihil potius probro esse potest homini honesto ac ingenuo , quam non amplecti veritatem , cum ipsius menti affulget , et velle in errore cognito et detecto persistere. Quamquam , ut verius dicam , haeretici , schismatici et increduli , accedendo ad ecclesiam catholicam , inter matris amplexus denuo *redeant* , quam ipsi vel eorum majores per summum nefas deseruerunt.

272. Sequitur 2. unumquemque pro viribus teneri dubia , quae interdum sibi suboriuntur , discutere et veritatem inquirere , eamque statim amplecti , cum eam deprehendit , nisi velit in gravissima habituali noxa vitam degere , ac damnationis aeternae evidenti periculo sese exponere , moras nectendo ad conversionem.

273. Sequitur 3. non solum gravissimi criminis reos illos esse , *qui veritatem Dei in injustitia detinent* , quique quaestum faciunt ex animarum damnatione , verum etiam eos omnes , qui omnem diligentiam non adhibent in inquisitione veritatis , ac negligunt negotium maximi momenti , qui propterea sibi solis imputare debent aeternae damnationis reatum , si ex sua culpabili vel socordia , vel mora , ac praecipue orationis neglectu , veritatem non agnoscunt , et ad ecclesiae sinum non redeunt.

DIFFICULTATES

274. I. Obj. Apostolus scribit : *Fundamentum aliud nemo potest ponere , praeter id , quod positum est , quod est Christus Jesus. Si quis autem supraedificat super fundamentum hoc aurum , argentum , lapides pretiosos , ligna , faenum , stipulam , uniuscujusque opus*

quale sit , ignis probabit . . . si cuius opus arserit , detrimentum patietur , ipse autem salvus erit , sic tamen quasi per ignem (I Cor. III , 10) ; unde sic argumentamur : Qui aedificant super fundamentum Christi foenum et stipulam , ii profecto sunt , qui doctrinas forte erroneas docent ; atqui tamen asserit Apostolus eos tantum probandos esse quasi per ignem , non vero aeternis cruciatibus plectendos ; ergo.

275. Resp. N. M. Etenim haeretici non *superaedificant* , sed destruunt et subvertunt fundamentum Christi , ut patet ex v. 17 , quos *destruet Deus* , ut addit Apostolus ; in adductis igitur verbis loquitur de iis doctoribus , qui reipsa *superaedificant* , ac docet , eos qui doctrinam germanam et solidam tradunt consequuturos esse mercedem ; eos vero , qui vanam , inutilem et ad captandam gloriam praedicant , operam perdituros , et operis jacturam esse passuros (1). Haud dissimilem interpretationem adducti testimonii exhibet ipse Rosenmüller.

276. II. Obj. 1. Licet sectarii errent ab ecclesia dissentiendo , attamen certa persuasione ducuntur , se veritatem tenere et obsequium praestare Christo ; 2. Sane , subdit Le Courayer (2) , haeresis est semper error involuntarius , propterea prae culpis omnibus venia digna est. Nemo voluntarie errorem profitetur ; quod si criminis gravitas a libertate electionis dimetienda est , concludamus oportet , haeresim omnium culparum minimam esse ; ergo.

277. Resp. ad 1. D. Certa persuasione et erronea atque ex mentis arrogantia ac pervicacia profecta , C. persuasione prorsus innocua N. Haeresis crimen non consistit praecise in sola mentis aberratione aut ignorantia , sed in pervicacia voluntatis , quae se se opponit ecclesiae magisterio , ex qua fit , ut privatum iudicium quis praeferat auctoritati legitimae a Christo institutae , ut suo loco

(1) Cons. Bernardinus a Piconio in hunc locum.

(2) Not. 119 ad lib. 1 Historiae Conc. Trid. Pauli Sarpil.

vidimus ; quod proinde includit perduellionem , et est omnium criminum in genere suo gravissimum. Ceterum etiam qui occidebant apostolos et martyres , putabant se obsequium praestare Deo , nec tamen propterea excusabiles erant.

278. Ad 2. *N.* Juxta dicta , et sic corrui tota Courayerii argumentatio , quae laborat , ut ajunt , falso supposito.

279. I. Inst. 1. Inhumanum plane ac durum est ob opinionum diversitatem , infinitam propemodum hominum multitudinem sempiternis cruciatibus addici , quorum ceteroquin non pauci claritate et evangelii zelo flagrant ; eo magis 2. quod principium istud , de nulla salutis spe extra ecclesiam catholicam decedentibus , contrarium charitati sit , et inducat in animum perpetuum odium adversus proximum ; ergo.

280. Resp. Ad 1. *D. A.* Et haeretici praecise ob meam opinionum diversitatem aeternum punientur , *N.* ob contumacem resistantiam ecclesiae doctrinae ac voluntariam perduellionem *C.* Hoc vero posteriori sensu inhumanum ac durum esse quempiam damnari nemo affirmare poterit , nisi dicat inhumanum ac durum esse hominem lethalis peccati reum ejusmodi damnationi subjacere. Cum praeterea , ut ex probationibus patet , Christus et apostoli ita docuerint , jam non est quod quis oppondere queat hoc durum esse , quin Christi ipsius doctrinam reprehendat veluti injustam , ipsumque ore blasphemio arguat iniquitatis , quod siue causa aeternas poenas commineatur. Resipiscant , redeant unde discesserunt , et jam nulla erit ratio querimoniae ; quod si nolint , atque idcirco aeternum pereant , id sibi imputent. Quod si impune quisque ac pro lubitu innovare posset in rebus fidei , jam actum esset de fide ipsa , et de unitate a Christo instituta. Quod vero attinet ad zelum et charitatem , qua plures inter suos flagrare praedicant , jam vidimus

quid censuerit s. Cyprianus, cui addimus s. Augustinum de haeretico atque schismatico voluntario scribentem: *Foris ab ecclesia constitutus, et separatus a compage unitatis et vinculo caritatis, aeterno supplicio punieris, etiamsi pro Christi nomine vivus incenderis* (1).

281. Ad 2. *N.* Nisi quis contendat contra charitatem esse, quempiam admonere de mortali periculo, si coeptum iter insistere pergat. Ceterum ecclesia nunquam non omnium, sive haeticorum, sive schismaticorum, sive incredulorum conversionem ac resipiscentiam exoptat, atque efflagitat enixis ad Deum precibus, eosque adhortari non desinit, ipsorum ruinam luget; veritas enim nescit odisse nisi errorem, ac diligit errantes, quia charitas est (2).

282. II. Inst. Ad salutem consequendam satis est honeste vivere et opera misericordiae in proximum exercere; et sane Christus, in extremo iudicii die, minime sententiam feret in praescitos, quod male crediderint, sed ex eo potius quod male vixerint: *Esurivi enim, inquit, et non dedistis mihi manducare*, etc. (Matth. XXV, 42) (3); ergo.

283. Resp. *N. A.* Tum quia Christus aperte dixit: *Qui non crediderit, condemnabitur* cum reliquis, quae adduximus in probationibus. Non sufficit proinde honeste vivere, prout olim et ipsi pagani dicebant, teste s. Augu-

(1) Epist. 173 alias 204, ad Donat. presbyt. edit. maurin.

(2) Cum doctus quidam protestans feria vi majoris heldomadae officii divinis nostris interfuisset, ad teneras effusaque ecclesiae catholicae preces, quibus ipsa Deum orat pro catechumenis, haeticis et schismaticis, judaeis, paganis, pio quodam enthusiasmo veluti extra se raptus, non potuit se cohibere quin exclamaret: *Date huic infantem virum; haec est enim mater I* (III Reg. iii, 27), Veller. *Catech. philos.*

§ 495, n. a.

(3) Hic error, quem nonnulli sapientes neoterici protestantes velut novum proferunt, antiquissimus est; etenim Apelles, haeticus sacculi II, inter cetera docebat; « Non esse omnino examinandam fidem; sed unumquemque in eo, quod semel imbibisset, persistere oportere. Quippe eos, qui in Crucifixo spem suam collocassent, servandos esse affirmabat, dummodo in bonis operibus deprehenderentur. » Euseb. *Hist. eccles.* lib. v, cap. xiii.

stino, qui propterea sub hoc praetextu recusabant religionem christianam profiteri, sed necesse praeterea est vivere vita supernaturali, quae per fidem unice haberi potest: *Sine fide enim impossibile est placere Deo, et Justus ex fide vivit.*

284. Ad probationem autem, *D.* Quia Christus partialem et inadaequatam causam damnationis exposuit, *C.* totalem et adaequatam *N.* Alioquin et moechi et ebriosi et fures, etc. imo et helbraei et islamitae et idololatrae, qui recensita opera misericordiae exercerent, salvarentur, quod est absurdum. Voluit itaque illis verbis Christus ostendere solam fidem sine operibus ad salutem minime perducere, secus ac docuit Lutherus protestantium parens (1); sed necessaria praeterea esse opera bona, ut quis salvus esse possit, dicente eodem Christo: *Qui non credit, jam judicatus est* (Joan. III, 18).

285. III. Inst. Hujus saeculi sapientia aequo animo ferre non potest immania ejusmodi dictata, 1. quae Dei ipsius indignam prorsus ideam ingerunt; 2. procul proinde amandandum est istiusmodi ignorantiae ac superstitionis figmentum, cum quo nec philanthropia, nec mutua vivendi consuetudo, nec ipse humanitatis sensus consistere possunt (2).

286. Resp. *D. A.* Et nos debemus componere ac temperare fidei doctrinam ad ejusque aetatis sapientiam, seu

(1) Nunc receptum illud ejusdem Lutheri effatum, quod ei exprobrat ipsemet Grotius: *Pecca fortiter et crede fortius.* Vid. opera Lutheri, edit. Willelbergensis, tom. vi, fol. 160; a quo dogmate, ut patet ex adducto nuper testimonio Elvers professoris Göttingensis, nondum recesserunt lutherani, etsi omnem fidem abjecerint; imo observat Cobbet (Ep. 7, § 199) hanc unicam fuisse doctrinam in quam convenerint omnes illustres reformatores ecclesiae ca-

tholicae, nempe *bona opera inutilia esse ad salutem*, et sane, prosequitur ipse, eorum vitae ratio comprobabat sinceritatem talis professionis, quia nemo erat inter ipsos, qui carnificis manum non sibi promerueretur. Et hic interim rursum notetur cohaerentia et unitas protestantium, ex quibus alii docent ad salutem sufficere solam fidem sine operibus, alii opera sola sine fide. Feliciter!

(2) Ita auctor anonymus operis cit. *Quelques réflexions*, etc.

sapientia saeculi debet esse fidei regula, *N.* lux et sapientia Christi *C.* Si deberemus fidem accommodare pravae huiusmodi regulae, actum omnino esset de fide ipsa, imo et de praeceptis decalogi, quandoquidem nec ista ferre potest, saltem in nonnullis praeceptis, mundana illa sapientia. Hanc sapientiam relinquimus protestantibus, rationalistis et incredulis omnibus, qui cum sibi metipsis sint et sapientiae et legis norma, possunt pro lubito mutare quod ipsis placet; nobis non alia affulget lux, quam ea, quam attulit Christus in mundum, seu in saeculum tenebris ohvolutum, cui olim plures restiterunt, quam nunc vero plures a se quotidie repellunt, utpote minus accommodatam suis cupiditatibus, ut aliam lucem lucis Christi omnino contrariam sectentur. Apostoli aliter docuerunt, aliter sensit tota antiquitas, aliter ipsi protestantes; donec nova lux philosophica ipsis affulsit, ut ex dictis patet; imo ut propriam est eorum, qui nullam regulam sequuntur, ad aliud extremum plures protestantes accesserunt excludendo a consecutione salutis illos etiam, qui ex invincibili ignorantia sectae ab illa, quam ipsi profitebantur, diversae adhaeserunt (1).

287. Ad 1. prob. *N.* Alioquin dicendum foret ideam Dei prorsus indignum ingerere dictatum, quo adstruitur Deum aeternis poenis illum plectere, qui culpae gravis reatu irretitus ex hac vita discederet, quod nemo nisi incredulus aut insanus dicet; talem vero esse ostendimus eum, qui culpabiliter haeresi vel schismati aut incredulitati adhaerens, migrat ex hac vita.

288. Ad 2. prob. pariter *Neg.* superstitionis ac ignoran-

(1) Hinc Leibnitzius lassus est *Eccl.iam romanam*, longius quam protestantes progressam, non absolute damnare eos, qui sunt extra suam communionem. Cons. operum. Leibnit. collectio per Ludov. Dutens. tom. 1, oper. Theol. Gen. vac 1768,

Tentaminum Theodiceae par. 1, § 96, ubi observat, quod cum alias hoc posuerit ob oculos Cl. Pelissoni, perinde ac sententias plurium theologorum catholicorum, praesertim celeberrimi P. Friderici Spec, ipsum minime abnuisse.

tiae figmentum dicendum esse dogma istud , quod aperte adeo in revelatione continetur , atque in illo puro verbo Dei scripto , quod unice pro regula habere protestantes gloriantur. Sed ita est , quoties istud verbum Dei purum et scriptum aliquod continet quod cum istorum principis consistere non potest , illud vel rejiciunt vel eludunt ejusmodi sapientes , quibus magis placent vana philosophiae seu incredulitatis commenta quam Christi doctrina. Quod attinet ad philanthropiae atque humanitatis sensum , cum quo doctrina ista consistere nequit juxta adversarios , jam diluimus in responsione ad secundum.

289. Et haec sunt argumenta , seu potius declamationes , quas solidis adeo rationum momentis in re tam gravi opponunt sectarii , qui sic conumittunt negotium aeternae salutis subjectivae suae persuasioni ; quid si deciperentur ? Ipsi viderint.

PROPOSITIO XII.

Tolerantia religiosa est impia et absurda

290. Duplex distinguitur tolerantia politica seu civilis , et theologica seu religiosa , quarum prima dici potest extrinseca , altera intrinseca. Tolerantia politica est libertas seu facultas , quam princeps vel respublica tribuit civibus eam profitendi religionem , quam quisque maluerit ; religiosa est expressa vel tacita professio veritatis omnium religionum omniumque sectarum , qua scilicet quilibet tenet religiones omnes aut sectas aequae veras ac bonas , hominique proinde omnes aequae salutare esse. Juxta istud principium nulla religio vel secta potest aliam tanquam falsam accusare ac respuere , atque inde oritur *indifferentismus* , quem vocant , erga religiones omnes , utpote quae tum verae , tum bonae , tum divinae esse possint ; perinde est unam potius quam aliam pro-

fiti et sequi. Nos hic de tolerantia politica non disserimus, dantur enim nonnulla rerum adjuncta, in quibus ea non modo licita, sed etiam necessaria est.

291. Porro tolerantiam religiosam impiam atque absurdam esse evincimus 1. ex eo quod per eam inutilis plane evaderet revelatio; si enim religiones omnes sive christianae sive antichristianae aequae bonae sunt ac salutares, ad quid Deus voluntatem suam hominibus patefecisset? Ad quid supplicia comminatus esset in eos, qui ejus resisterent voluntati? Nonne illusoria omnia ista forent? At vero *non est Deus quasi homo, ut mentiat*ur, *nec ut filius hominis, ut mutetur; dixit ergo et non faciet, locutus est et non implebit?* (Num. XXIV, 19)

292. Evincimus illud 2. ex eo quod in tali hypothese si duae vel plures darentur veritates sibi invicem contradictoriae, hoc vero absurdum esse nemo non videt; etenim veritas individua est ac simplicissima, nec ipsi opponi potest nisi error et falsitas. Veritas necessario excludit errorem et falsitatem, ut lux tenebras expellit, neque cum iis consistere ullo modo potest.

293. 3. Ex eo quod tunc Deus aequae patrocineretur veritati et errori, et aequae diligeret et salvaret eos qui ipsi obsequerentur, et eos qui voluntarie et culpabiliter ipsi resisterent, rejicerentque veritates a se ad credendum propositas; et propterea, quod consequens est, Deus esset indifferens ad veritatem et falsitatem, ad virtutem et vitium, ad obedientiam ac perduellionem. Quod esset destruere ipsam Dei notionem, atque inducere Deum Epicuri.

294. 4. Ex eo quod Christus, si sermo praesertim sit de diversis christianorum sectis, auctor fuisset et revelator omnium contrariarum opinionum quae reperiuntur in diversis his ac prope innumeris sectis, non solum divisas ab ecclesia catholica, sed etiam inter se. Christus propterea se Deum esse et non esse revelasset, vel saltem indifferens esset ad utrumque, sive adoraretur ut Deus,

sive haberetur ut simplex creatura, et sic de ceteris; ac licet ipse quidpiam docuerit, nihil ipsius referret, etsi quisque contrarium omnino doceret ac sentiret, et hoc non ex ignorantia, sed ex voluntaria perfidia et contumacia. Quae quidem omnia aliaque non pauca quae urgeri possent, non solum falsam et impiam, ideoque in Deum contumeliosam, sed et absurdam ejusmodi tolerantiam evincunt, utpote et revelationi ac rectae ipsi rationi contrariam.

295. Quod et ipsi protestantes ad haec ipsa ferme tempora viderunt. Hinc tot ipsorum synodi, in quibus se invicem ejusmodi protestantismi frustula seu sectae anathematizabant (1); *haereticos* alii alios vocabant atque alienos a salute (ac recte, si alias unquam, hac saltem vice, et vere); hinc, antiquioribus praetermissis, anno 1828 in Hibernia celebrata est synodus a presbyterianis in qua proscripti sunt novi ariani atque unitarii, ac nova proinde inter ipsos scissio facta est (2). Neque his contenti, ut capitalis criminis reos protestantes passim insectati sunt eos, qui diversa a sua secta sensa profiterentur. Innumera suppeditat historia protestantismi exempla eorum qui sic vexati, dilaniati ac combusti etiam sunt (3). Loquor porro de protestantibus a protestantibus ipsis neci traditis. Nam quod attinet ad catholicos, notum est protestantismum, nulla secta excepta, constans et atrox bellum a suis incunabulis movisse adversus eos, quod adhuc in diversis eorum provinciis perdurat, non obstante systemate nuper ab ipso inducto de tolerantia universali, quae ita semper intelligenda est, ut excipiantur catholici quos adhuc non pauci protestantes profitentur se odio habere, et factis reipsa ostendunt (4). Quorsum vero haec

(1) Jam plura superius documenta dedimus. Consul. Bossuet, loc. cit.

(2) *Revue catholique* du 15 février 1830, *Irlande*, synode d'Ulster.

(3) Revelantur exempla paulo an-

te prolata.

(4) Non solum antiquitus sed et in praesentiarum protestantes profitentur intolerantiam adversus ecclesiam catholicam. Saepe enim legitur in ope-

omnia, quorum apud eos zelus proselytismi et missionum, si omnes religiones aequae bonae sunt, ac Deo eadem ratione sunt acceptae, vel si saltem Deus indifferens est erga quaecumque professionem? Si quilibet salvari potest in sua, ut ajunt, confessione, quare igitur ipsi solliciti adeo sunt de propria secta augenda, et eos acriter persequuntur, qui ad catholicam ecclesiam redeunt? Velint igitur nolint protestantes, et dictis et factis ostendunt, se saltem in praxi aliter omnino tenere, conscientia scilicet oblectante, quae dicat impiam ac absurdam esse ejusmodi tolerantiam religiosam, quam nunc ipsi comminiscuntur.

296. Atque ex his infertur 1. tolerantiam religiosam universalem, certam asferre perniciem omnibus religioni-

re: *« Lichtblicke von protestanten etc, id est, Luminaria a protestantibus agnita, vel novissima: confessiones pro veritate factae ab ipsis adversariis, per Doctorem Fr. Brenner, Hamburgae 1830, pag. 44: »* Si protestantes nullibi jam sunt concordēs, in religionem catholicam uniuntur, commonem rem esse constituunt illam a se arcere atque impugnare; ipsique, quamvis liberalissimi, in actione se sistunt, ut pugnam plenius inflamment, dirigant atque praelentur. Et sane in folio litterario Jenae 1820, num. 11, 13 legitur: *« Sincerus protestans non potest indifferens esse, si quis confessionis suae particeps infidelis evadat (id est, catholicus fit); talem moralem corruptionem oportet cum ira et indignatione omnis immoralitatis considerare »*. Et Dr. Krug, in opere *Die Kirchenverbesserung, etc. id est, Ecclesiae melioratio (reformatio), seu pericula Protestantismi*, Lipsiae 1816, Protestantibus principibus aelamat: *« Protegite potenti brachio vestro libertatem evangelicam tanta cum difficultate acquisitam »*. Sic Dr. Espe, in op. *die Hoffnung des Sieges, etc. id est, Spes victoriae protestantismi*

in innovata pugna cum romana ecclesia, Lipsiae 1827 c. Vincendum nobis est, *inquit*, hoc, amici, verbum signale omnium sit, qui ex persuasione nostrae adhaerent ecclesiae: quando vel per verbum, vel si non cogunt, per faciem contra adversarios in arenam descendamus. Finem vero huic declarationi seu diatribae imponit iurejurando aeternae pugnae adversus romanam doctrinam; quod per subsequens *amen* confirmatur. Hoc vero scriptum corona donatum est. Omitto quae io novissima Berolinensi *Agenda* seu liturgia leguntur, ne nimius sim. Interea ex his habetur speciem odii perpetui protestantismi in ecclesiam catholicam. Nec mirum; aliter enim esse nequit.

Dum vero vel hic vel alibi de odio protestantium aut sectarum in ecclesiam catholicam verba facimus, intellectum id volumus de spiritu, ut ajuat, *sectae*, non aulem de singulis individuis. Nec enim abnuimus non deesse inter sectarios ipsos sive ex privatis sive ex principibus viros cos, qui catholicos colant, ac omni comitate etiam ac favore prosequantur.

bus, quas dum supponit aequae veras esse, hoc ipso declarat omnes aequae falsas vel saltem dubias.

297. Inferitur 2. tolerantiam ab iis solum propugnari posse, qui nullam vel religionem vel fidem habent, nempe ab atheis, deistis, protestantibus, qui cum nunquam in incerto non sint, quaerunt per hanc persuasionem quamdam conscientiae tranquillitatem ac pacem, quam aliter oblinere non possunt; et sane a protestantibus praesertim proclamari haec tolerantia coepta est, postquam rationalismus ac nova philosophia apud ipsos invaluit, quae omnem revelatam religionem e medio tollit. Hinc demum eam inierunt veluti societatem, in qua recedere, ut ita dicam, trium praecipuarum ecclesiarum, seu priorum emendatorum Lutheri, Zwinglii atque Calvinii, reformationem nisi sunt.

298. Inferitur 3. pacem et tranquillitatem quam *indifferentistae* seu *tolerantes* sectantur, non esse veram animi quietem, sed languorem soporemque vix aut ne vix quidem ab ipsa morte dissimilem; placet ipsis mortis ac sepulchri tranquillitas, atque hic quidem mentis animique morbus eo sane gravior atque insanabilior est, quo magis negligitur ignoratur et latet. Quid enim agas cum homine, qui sanari renuit, qui aegrotare se negat, qui imminente jam morte incolumem se ac tantum non immortalem arbitratur? *Desperata est plaga ejus*, ut Michaeae verbis utar.

299. Inferitur 4. eam potissimam causam esse, cur omnes sive deistae, sive sectarii adeo abhorreant ab unanimi catholicorum voce: *Extra ecclesiam catholicam nulla salus*. Lethifero siquidem somno correpti, nolunt ab hoc, quem amant, sopore expergefferi: hinc veluti ii qui non tam mente quam corpore aegrotant, ipsi medico irascuntur; non aliter isti dum unanimiter nunc tolerantiam religiosam proclamant, catholicis indignantur, eosque acriter persequuntur, eo quod in eandem senten-

tiam minime convenient. Non tamen ideo ab hoc pietatis officio desistere, sed potius quasi tuba extollere debemus vocem nostram; haec enim vox, dum illos licet invite turbat et anxios tenet, potest fortasse ipsis fieri salutaris; dubium enim et conscientiae turbatio in iis qui errorem sectantur, solet esse primus ad veritatem gradus. Dolendum plane vehementissime, quod nonnulli neoterici scriptores, nescio quo falsae pietatis obtentu, vel inani spe ducti, in iis praesertim regionibus, in quibus maxime malum crevit ac praesentissimo remedio opus est, vix audeant aperte hoc fidei nostrae dogma tueri, imo illud ita infirmare contendunt, ut omnem vim suam amittat (1); ex hac porro pessima agendi ratione fit, ut isti protestantes nullum percipiant emolumentum ex ejusmodi temperamentis, ac veritas potius pro-

(1) Inter hos non infimum locum obtinet Franc. Oberthür, in sua *Idea biblica Ecclesiae Dei*, Solisbaci 1818, in qua vol. 1, pag. 1, haec leguntur: « Quo pertinet quod hodie magis quam olim plurimi christianorum gravem experiantur luctum inter sensum humanitatis, nunc multo quam alias, acutiorem, dissidentes in religionis theoria ac diversarum ecclesiarum vel confessionum, ut vocant, homines excusantem, atque ab omni quem inde contraxisse videri possent, reatu absolutam et ex altera parte inter conscientiam, illam in publicis fidei symbolis articulum: *Extra ecclesiam non est salus*, metuentem ». Cui quidem luctus nova, quam ipse aperuit, via consulere se posse arbitratus; pag. 63. scribit Apostolum docere: « Ut salutem quis adipiscatur, non interesse, cujus ecclesiae sit membrum, sed quam justus »; pag. 68, « fidem vero scriptura monente, interpretamur esse religionem sinceram hominis »; pag. 79, proficitur consilium suum hoc esse, ut pharisaismo

occurrat, quo quis confidit salutem obtinere per solam professionem externam suae religionis, ceterosque despiciere, qui *alieni sunt a propriae sectae communionem*; pag. 100, repetit ecclesiae unitatem 1. ab uno fundatore ecclesiae J. C., 2. ab uno totius ecclesiae fundamento, apostolorum doctrina, 3. ab uno externo ejusdem professionis communi symbolo, baptismale; quo sensu quaelibet secta posset sibi vindicare unitatem. Hoc opus a capite ad calcem sciat doctrinis novis, erroneis, depromptis magna ex parte a protestantibus. Quid mirum proinde si auctor in prooemio ad cit. 2. editionem pag. 10, jactet elogia, quae suae huc locutioni tribuerunt relationes quae a protestantibus Gottingae scribuntur? Et sane saepius citatum ac laudatum hoc opus est a scriptoribus protestantibus, biblicis et rationalistis.

Neque pariter probari possunt, quae in hanc sententiam habet Marianus Döbmayer, in suo *Systemate theologiae catholicae*, Solisbaci 1811, tom. IV, pag. 195.

datur, et vacillantes catholici in extremi exitii periculum adducantur (1).

DIFFICULTATES

300. I. Obj. Dens delectatur rituum et caeremoniarum quibus colitur varietate; quemadmodum homines fructuum et florum in hortis, principes officiorum et ministrorum multitudine in regiis aedibus, vel imperatores multarum urbium ac gentium multiplici obsequii genere gaudent; ergo.

301. Resp. *N. A.* in sensu adversariorum; ut enim una veritas est, ita una est vera religio, cui superstitio e regione adversatur, ut error opponitur veritati. Jam vero Deus, qui veritas est, errore et falsitate delectari nequit, nec proinde diversitate religionum. Diversitas florum in hortis et officiorum in aedibus principum nullam arguit oppositionem, sed mirifica est in eundem finem conspiratio. Sic etiam diversum obsequii genus potest imperatori placere, si ea obsequii varietas componi possit cum obsequio ipso, secus vero si pugnet. Atqui veritas cum errore, religio cum superstitione componi inter se nequeunt, quemadmodum non componitur contemptus cum obsequio, obedientia cum contumacia (2).

302. II. Obj. 1. Publica tranquillitas postulat, ut quisque patriam religionem sequatur; 2. nam si secus agat nec reipublicae nec principum legibus praestabit obsequium; 3. hinc multa bella, seditiones et clades catholicorum intolerantia peperit. 4. Quod si religio patria colenda non est, si unica est christiana religio in qua salus obtine-

(1) Hac enim ratione fit ut timore depulso, ipsi transeant ex una in alteram communionem perinde ac si ageretur de transitu de una in aliam scholam aut academiam, quem-

admodum non pauca luctuosa exempla testantur infirmorum scilicet quorundam catholicorum.

(2) Cons. Segneri, *L' incredulo senza scusa* part. II, cap. ult.

ri possit, ergo crimen est poena aeterna dignum, quod quis fide et revelatione careat; de qua nihil unquam audivit (1). Quod cum absurdum sit, sequitur 5. eum qui falsam religionem profitetur quam veram putat, tum culpa liberum esse, tum Deo placere posse, non secus ac illum qui veram religionem profitetur; Deus enim ex intentione operantis judicat omnes. In omnibus proinde religionibus Deus aequè coli potest, ac salus aeterna obtineri (2).

3o3. I. Resp. Ad 1. posse ejusmodi argumentum adversus deistas retorqueri et adversus omnes haeticorum antesignanos seu primos reformatores: publica tranquillitas postulat, ut nemo agat et scripta in lucem emitat contra religionem patriam; ergo deistae ac primi protestantes qui tot scripta edidere contra patriam religionem, seditiosi fuerunt, et in Deum ipsum peccarunt.

3o4. II. Resp. directe, *Dist. antec.* publica tranquillitas postulat, ut quisque religionem patriam sequatur si vera sit, C. si falsa IV. Nunquam enim debent homines assentiri mendacio; nec principes jus ullum habent recipiendi falsam religionem, cum ipsi praesertim ad veram religionem complectendam teneantur (3). Ceterum li-

(1) Rousseau, *Emile*, tom. III.

(2) Ita Baylius in *Comm. phil.*

(3) Peroportune hoc animadvertit *The catholic miscellany* Jun. 1846. Tabula illi apponitur mutationum in religionis professione, quibus subjacere debuit Henricus lenckins in provincia Eboracensi sectando religionem praescriptam a legibus civilibus quibus unum fere ac idem est facta. Henricus lenckins ortus anno 1501 vivere desiit anno 1670, cum vixisset annos 169. Ab anno 1501 usque ad annum 1534, sub Henrico VII, et Henrico VIII, annis 33. catholicus; ab anno 1534 ad annum 1547, sub eodem Henrico VIII, annis 13 partim catholicus partim anglicanus;

ab anno 1547 ad 1553, sub Edmundo VI, annis 6 anglicanus; ab anno 1553 ad 1558, sub Maria annis 5 catholicus; rursum ab anno 1558 ad annum 1649, sub Elisabetha, Jacobo I et Carolo I, annis 91 anglicanus; ab anno 1649 ad annum 1653, interregnum, fanaticus; ab anno 1653 ad annum 1660, sub Cromwel, annis 7 presbyterianus; demum ab anno 1660 ad annum 1670, sub Carolo II, annis 10 anglicanus. Id est, debuit octies mutare religionem; quod si id non est ludere in negotio salutis, ac Deum et homines contemnere, profecto quid sit nescio. Tale porro esset principum Rousseau.

cet nemo possit religionem falsam suscipere, etsi illa humanis legibus praeciperetur, ac prohiberetur vera religionis professio, pax tamen servanda est, nec ordo publicus perturbandus. Sola in ejusmodi casibus resistentia, quae passiva dicitur, est opponenda, prout religio docet, ac primi christiani in praxim deduxere (1). Quod si fiat, nullum tranquillitati publicae detrimentum afferetur, etiamsi falsa patria religio non observetur.

305. Ad 2. *D.* Is reipublicae legibus obsequium denegat, quia nec potest obsequi, nec tenetur, *C.* secus *N.* Tales enim leges sunt essentialiter nullae, Deo enim opponuntur. Tunc enim quispiam homini obedire tenetur, ubi Deo ipse contraria non praecipit: *Oportet enim Deo magis obedire quam hominibus* aliquid contra Deum praecipientibus.

306. Ad 3. *D.* Et ista bella, seditiones, caedes ad summum exorta sunt ex intolerantia civili, *Tr.* ex intolerantia religiosa *N.* Si quid enim probaret adversariorum argumentandi ratio, evinceret nonnulla esse et locorum et rerum adjuncta, in quibus toleranda est a principibus seu reipublicae moderatoribus religionum diversitas, quod minime diffitemur. Quanquam bella et seditiones, de quibus adversarii loquuntur, aliam omnino causam, a religione diversam, habuisse suo loco ostendimus (2).

307. Ad 4. *Neg.* sequelam. Perperam siquidem colligit Rousseau culpam in eo esse, quod quis fide et revelatione destitutus sit, de qua nihil unquam audivit. Nam juxta catholicae ecclesiae doctrinam, si quis invincibili veracis fidei ignorantia laboret, is neque in culpa est, neque

(1) Mure hujus agendi rationis praebuerunt exemplum milites christiani sub Juliano apostata, qui licet scirent facile futuros se totidem victimas superstitionis hujus imperato-

ris, si victor e Perside rediisset, attamen fortiter alacriterque pugnabant adversus imperii hostes.

(2) Part. 1, n. 367.

propterea poenae obnoxius; Deus enim impossibilia non jubet. Hinc theologi docent infidelitatem negativam non esse peccatum (1).

308. Ad 5. *D.* Quam veram putat invincibiliter, *C.* vincibiliter *N.* Quare rursum negamus Baylii sequelam: *ergo in omnibus religionibus Deus aequè colitur*; alioquin sequeretur Deum aequè coli sive ab iis qui humano sanguine et obscoenis ritibus falsa numina colunt, sive ab iis qui legitimum cultum vero Deo exhibent, quod tamen adeo horrendum dictu est, ut ipsorum incredulorum aures offendant.

309. III. Obj. 1. Quilibet videtur admittere religiones omnes veras esse hoc sensu, quod ipsae sint totidem idiomata quibus creatura infirma exprimit obsequium, gratum animum et amorem suum erga dominatorem universi. Quaecumque demum sit ipsius ignorantia vel barbaries, quicumque sint errores, quibus illius mens obvolvitur, ipsius obsequium semper ad Deum dirigitur, semper Deus totius universi ille est, qui illud recipit; quocumque nomine id ipsi offeratur. Gentes silvestres ac barbarae agnoscunt actionem Dei in fulgure, quod iram et minas patefacit, benevolentiam in pluvia quae campos foecundat, providentiam in febris quae vires debilitat, atque in cortice peruana medicinali quae eas restituit. Quaerunt hunc Deum, ac putant se eum invenisse in tuguriolis suis, vel intra proximam silvam; saepe in saxo informi, in arboris trunco, in ave arbitrantur se eum invenisse. Stolide profecto ipsae decipiuntur; attamen dum ad haec objecta convertunt preces, ens invisibile mente revolvunt, vel ens cujus actio est invisibilis, magis potens quam homo, quod remuneratur vel punit, ejusque protectionem implorant. Sed hoc *Esse* solum in mundo est. Ita quidem Sismondi (2). Cui conso-

(1) Recolantur quae superius allata sunt ex propositionum Baii pro-

scriptione, s. Augustino, etc.

(2) In *Revue encyclopedique*, Pa-

nat Benjaminus Constant dicens : 2. *Omnes cultus diversi exprimere non debent nisi sensum omnibus communem* (1) ; ergo.

310. Resp. ad 1. *D.* Si invincibiliter ignorent, quali obsequio Deum honorare debeant, *C.* si Deus manifestaverit modum, quo velit honorari, illisque innotescat *N.* Certe si Deus non manifestasset voluntatem suam circa modum, quo coli ab hominibus velit, quacumque demum ratione homo exprimat venerationem suam et obsequium creatori, dummodo cum recta ratione non pugnet, recte fungitur munere suo. Ast si homini innotescat hic modus quem Deus praescripserit, jam ipse non potest pro lubito suo Deum colere ; alioquin fieret inobedientiae reus. Quare jam concidit tota superstructa moles illius argumenti, seu potius poeticae descriptionis quam subdit genevensis hic auctor. Silvestris enim ac rudis ille homo quem sibi fingit quaerentem Deum suum in tugurio vel silva, etc., est *Esse*, ut ita dicam, abstractum, ac difficile est, imo impossibile ut, si ejusmodi homo ceterorum utitur consuetudine, non possit deprehendere errorem suum, vel ut lux saltem aliqua ei identidem interius non affulgeat, Deum creatorem universi non esse vel truncum vel saxum, ac si sincera mente, et prout oportet, Deum quaerit, Deus certo praesto illi erit, interna saltem illustratione, ad eum erudiendum, ne in tam turpem idololatriam corruat. Hinc receptum illud adagium in scholis : *Facienti quod in se est Deus non denegat gratiam*. Quare tam rudis ignorantia quae invincibilis sit, vel non datur, vel diuturna saltem non erit. Hinc diversum tulit judicium apostolus Paulus circa ritum seu cultum idololatricum, eosque qui *mutaverunt gloriam incorruptibilis Dei in similitudinem imaginis corruptibilis hominis, et volucrum et quadrupedum*

ris 1846, Janv. art. *Opinions religieuses*.

(1) *De la religion*, etc. lib. 1.

et serpentum (1). Nec sufficit ut cultus interpretative, ut aiunt, referatur in Deum unicum et verum, nisi id ex ignorantia inculpabili fiat, si tamen dari posset; sed requiritur, ut aperte atque, ut loquuntur scholae, *formaliter* in verum Deum dirigatur; alias vel ipsa turpissima idololatria quae victimarum sanguine vel obsecroenis ritibus sordescit, in Deum dirigeretur, eumque coleret ac honoraret.

311. Ad 2. *D.* Diversitate accidentali et innocua, *C.* essentiali ac perniciosa *V.* Omnia ejusmodi systemata a protestantibus vel incredulis excogitata evanescent, si lenocinio verborum quibus conceinnata sunt, expolientur.

312. I. Inst. 1. Christianus sibi conscius suae fallibilitatis nunquam vi adiget ceteros ad sua propria sensa admittenda; id enim non aliud esse arbitraretur, nisi ipsos in aeternas poenas conjicere; nonnisi invito animo poterit a sua communione eos repellere qui, eodem fatente, forsitan melius et rectius, quam ipse, sentiunt, quosque forte Jesus ipsi praefert. Semper reverebitur sentienti rationem fratrum suorum, nunquam eos ut haereticos habebit, nunquam odio prosequetur, nunquam ob ipsorum fidem rejiciet. Ita minister Chastel; qui praeterea refert 2. ecclesiam genevensensem declarasse, vere Christianos esse eos omnes, qui admittunt Deum, Jesum Christum et Scripturas (2); hinc 3. subdit: Omnes reformati, quicumque demum sit modus, quo interpretantur Scripturas, debent se considerare ut fratres, repellere a se anathemata, schismata, controversias, ac se invicem in Christo ut fratres diligere ac revereri. 4. Quod attinet ad catholicos, si nos eos a communione nostra arcemus, non propter ipsorum dogmata vel ritus id facimus, sed tum propter spiritum intolerantiae, quam profitetur ipsorum

(1) Rom. 1, 23. Καὶ ἠλλάξαν τὴν
δοξαν τοῦ ἀφθάρτου Θεοῦ ἐν ὁμοιωμά-
τι τῆς κτίσεως φθαρτοῦ ἀνθρώπου, καὶ πε-

πεινῶν καὶ τιτραποδῶν καὶ ἰοσιπῶν.

(2) Op. cit. *De l'usage des con-*
fessions, etc. pag. 81 et pag. 106.

ecclesia, tum propter eorum dependentiam ab auctoritate humana, etc. (1); ergo.

313. Resp. ad 1. *D.* Christianus protestans, *C.* catholicus *N.* Certe nullum jus habet protestans, si velit sibi esse consentiens ac fidelis principio reformationis, ceteros erroris accusare, vel repellere, vel anathematizare, fidei confessionem exigere, etc.; cum omnes et singuli protestantes eodem jure gaudeant, quibus *quidlibet audendi semper fuit aequa potestas*. Quod si secus fecerunt eorum majores, violarunt ejusmodi jus, prout violavit omnium primus Calvinus dignus eorum parens, dum igni damnavit Servetum, eo quod hoc jure uti voluerit, licet admiserit et ipse Deum, Jesum Christum et Scripturas, ac proinde verus esset christianus juxta declarationem ecclesiae genevensis; quod pessimum exemplum ceteri reformati sequuti sunt usque ad hanc epocham, in qua primum totum systema protestantismi ejusque spiritum agnoverunt. Ipsis propterea gratulari debemus. Ast catholicus, qui ab auctoritate infallibili instituitur, ejusmodi commixtiones ac foedera quae erroris tantum propria sunt, nec facere nec inire potest, alioquin jam non catholicus.

314. Ad 2. Quae ecclesia genevensis rursum jure suo usa est in hac declaratione, et emendavit suos emendatores; non longe abest forsitan illud tempus, quo eadem ecclesia declarabit Christianos eos etiam qui rejiciunt Scripturas, prout plures jam reformati faciunt, ut ex dictis suo loco patet. Islamita ex declaratione ecclesiae genevensis veri Christiani sunt; nam et ipsi admittunt Deum, Jesum Christum (ut magnum prophetam sicuti ecclesia genevensis) et, ex parte saltem, Scripturas. Mirum profecto in modum per hanc declarationem suos ecclesia genevensis terminos dilatavit.

(1) *Ibid.*

315. Ad 3. Concedimus totum, sed interea petimus a ministro Chastel, num suis irenicis, quo nomine volunt appellari, congruere possint quae haereticis sui temporis scribebat Tertullianus? *Pacem quoque*, ait ipse, *cum omnibus miscent. Nihil enim interest illis licet diversa tractantibus, dum ad unius veritatis impugnationem conspirent* (1); *schisma est unitas ipsis* (2). Adeo verum est haereticos seu protestantes omnium saeculorum eodem spiritu duci!

316. Ad 4. *D.* Attamen propterea catholici non conqueruntur, *C.* quasi conquerentur *N.* Non debet adversarius noster cum sua ecclesia genevensi sollicitus esse de catholicorum sensu propter ejusmodi communionis denegationem; nam eam catholici nec quaerunt nec ambiunt, atque utpote intolerantes etiam ultro oblatam respuerent, ut humanae, quam ipse vocat, auctoritati subesse pergant.

317. II. Inst. 1. Ast religio non est dogma; ipsa consistit in relatione hominis cum Deo suo, minime vero in illa Dei notione quam sibi quisque efformat, vel in verbis quibus eam exprimit. 2. Religio est quaedam animi affectio (italice: un sentimento), non autem scientia; ipsa enascitur ab expressione amoris (3); ergo.

318. Resp. ad 1. *D.* Ita tamen ut dogmata credenda proponat, *C.* secus *N.* Religio utique in se non est nisi moralis virtus quae hominem inclinât ad Deum debito cultu prosequendum, at objectum istius cultus sunt etiam dogmata quae Deus revelavit ac credenda proposuit. Qui enim renuit fidem Deo revelanti ac per ecclesiam revelationem proponenti adlibere, iste Deum profecto, ut deceat, nulla ratione colit. Atque in hac fide praecipue consistit tanquam in sua radice ac fundamento tota relatio, quam homo habet cum Deo suo qui veram sui no-

(1) De praescriptionibus, cap. 41.

(3) Sismondi loc. cit.

(2) Ib.d. cap. 41.

tionem homini manifestavit, et ut plurimum verba quibus eam exprimat.

319. Ad 2. *N.* Illece siquidem animi affectio non est nisi fructus et effectus quem religio producit, non autem religio ipsa est. Notiones rerum confundi non debent, alioquin orietur confusio. Sic expressio amoris non est nisi affectus quem inspirat ipsa religio non vero ab ipsa enascitur religio, quae absolute stare potest absque ejusmodi expressione.

320. IV. Obj. Deus ipse commendat tolerantiam religiosam; 1. Deus enim, inquit Salvador (1), creare voluit coelum ac terram in bonum omnium hominum. 2. Foedus inivit cum Noe cunctorum hominum parente. 3. Moyses neque allexit neque impulit unquam socerum suum ad relinquendos deos suos. 4. Bona Noemi dicebat nurius suis: *Ite, revertimini ad populum vestrum, et ad Deos vestros* (Ruth. I, 12). 5. Legati Jephthe loquuntur non sine veneratione de Kamos Ammonitarum Deo (Jud. XI, 24). 6. Michaeas progressus est eo usque, ut ratione formali ac positiva praenunciaverit tempora tolerantiae generalis: *Concident (populi) gladios suos in vomeres . . . non sumet gens adversus gentem gladium . . . quia omnes populi ambulabunt unusquisque in nomine Dei sui; nos autem ambulabimus in nomine (Johovah) Dei nostri in aeternum et ultra.* Cfr Isaiae II, 4; ergo.

321. Resp. *N. A.* Ad 1. *D.* in bonum omnium hominum creare voluit coelum et terram, ut omnes homines, tantis beneficiis per eum cumulati, cum colerent ac digno obsequio et amore prosequerentur, *C.* ut sic ostenderet sibi placere tolerantiam religiosam, id est, omnium superstitionum foedissimarum cultum, eumque probare, *N.* Quis enim tam stultum nefas in animum indu-

(1) *Histoire des institutions de Moïse*, pag. 120.

cat suum nisi atheus? Si quid valeret hoc argumentum sive inductio judaei philosophi Salvador, id etiam sequeretur, quod nempe Deo placerent homicidia, furta, blasphemiac, flagitiaque omnia, in quae homines scelesti facile adeo prolabantur; cum et pro ipsis creaverit Deus coelum et terram, et *pluere faciat super justos et injustos*. Attamen adversarius noster id etiam praec oculis habeat, Deum nempe creasse pariter paradisum et infernum, ut pro meritis post praesentem vitam decernat unicuique vel praemia vel poenas. Deus quidem vult ex animo omnes homines salvos fieri, atque *ad agnitionem veritatis* venire. Quod si homines desciscunt, si malunt cupiditatibus indulgere, et colere opera manuum suarum, et veri Dei, qui fecit illos, oblivisci, etsi creaverit pro ipsis etiam coelum et terram, aeternum tamen, nisi resipiscant, a Deo punientur.

322. Ad 2. *D.* Quatenus nunquam amplius diluvio esset homines perditurus sicut prius, *C.* ad colonestandam tolerantiam religiosam *N.* Quin potius ne vera religio oblivioni daretur, vel humanis commentis corrumpere-tur, elegit sibi Abraham ejusque posteritatem in populum peculiarem, cui commissam voluit revelationem suam, donec veniret plenitudo temporis, in qua gentes ab erroribus revocarentur ad veri Dei cognitionem et amorem, quod suo loco ostendemus (1).

323. Ad 3. *D.* Nunquam allexit neque impulit socerum suum ad relinquendos deos quos non habebat, *C.* quos habebat *N.* Jethro enim erat cultor, imo sacerdos veri Dei cui in deserto obtulit holocausta et hostias, ut patet ex libro Exodus (cap. XVIII, 12). Non poterat proinde Moyses cum impellere ad falsos deos relinquendos. Ceterum quod non impulcrit etiam, ut sese cum populo Israel conjungeret, ac proinde profiteretur cultum mo-

(1) In tract. De incarnatione.

saicum, hoc falsum est, ut rursus patet ex libro Numerorum (cap. X, 29-31), ubi et semel et iterum eum invitavit, multa bona ei promittens. Judaicane an potius philosophica est haec fides integerrimi illius Salvador?

324. Ad 4. *N.* prout profert Salvador. Nunquam enim dixit Noemi: *Ite, revertimini ad populum vestrum et ad Deos vestros* (1); sed solum: *Revertimini filiae meae, et abite*; cum vero discessisset ab ea Orpha, altera ejus nurus, dixit Noemi ad Ruth: *En reversa est cognata tua ad populum suum et ad Deos suos, vade cum ea*; ita ut sensus sit: vade et tu in terram tuam, prout et illa perrexit. Haec autem profata est Noemi, ut interpretes passim exponunt, ad explorandam Ruth constantiam atque animi propositum (2). Quid igitur habetur, quod vel inuauat tolerantiam religiosam?

325. Ad 5. *D.* Id est, ad mentem ammonitarum ac moabitarum, *C.* ex mente Jephthe qui non credebat nisi in verum Deum, *N.* Ut si nos argueremus adversus islamitam, ac diceremus: Si tuus propheta Mahumetes hoc tibi praescripsit, etc.; numquid hinc sequeretur nos habere Mahumelem ut verum prophetam, vel de eo loqui non sine veneratione? Non puto; talis vero est sensus legatorum Jephthe (3).

326. Ad 6. *Neg.* Imo contrarium omnino vaticinatur, sensus enim est: etsi omnes gentes ambulent in vanitate sensus sui, falsos deos vel idola colentes, nos tamen semper ambulamus et ambulabimus in nomine Jehovae Dei nostri. En quomodo verba Michaeae vertat Rosenmüller, quem Salvador interdum in medium profert:

(1) Sic enim Salvador refert verba Noemi: *Allez, retournez à vos peuples et à vos dieux*; jam vero etiamsi recorderemus a versione vulgata. hebraica veritas ita se habet: *וְרָגַעְתִּי בְּנַחְתִּי* ad verbum: *revertimini filiae meae, ite ... nec*

additur; *ad Deos vestros.*

(2) Ita exponunt non solum interpretes catholici a Lapide, Tirinus, Calmel, etc. sed ipsi protestantes, ut videre est in *Criticis sacris*, ad hunc locum.

(3) Ita pariter hunc textum exponunt citati interpretes.

Nam omnes populi ambulant in nomine Dei sui, nos vero ambulamus in nomine Jehovah, Dei nostri in perpetuum et aeternum (1), qui praeterea sic pergit exponere sensum prophetae: *Id est, quum Jehovah vobis spem faciat tam praeclaræ restitutionis, oportet vos bono animo stare, et hae promissione frelos pergere in vero ejus cultu, utcumque aliae gentes suis diis serviant, et in suis superstitionibus superbiant.* Cousonat Chaldaeus Paraphrastes, qui sic reddit citatum versum: *Etenim omnes populi ambulant juxta id quod idola colunt, nos vero confidimus in verbo Jehovah, Dei nostri, in saeculum et in saecula saeculorum* (2). Haec ignorare non poterat judaeus auctor. Ubi est igitur formalis illa, imo *formalissima*, ut ipse loquitur, et positiva praedictio futurae alicujus tolerantiae generalis (3)? Quare vero idem auctor proferat Isaïam II, 4, non video, cum ibi nec syllaba nec jota habeatur ad rem suam.

327. Inst. Intolerantia civilis nullo modo distingui potest ab intolerantia religiosa; duae enim hae intolerantiae sunt prorsus indivisibiles; impossibile siquidem est pacifice vivere cum iis, qui tanquam inimici Dei habentur (4); ergo.

328. Resp. *N. A.* quoad omnes partes. Non solum enim distingui possunt duae istae intolerantiae, sed distingui omnino debent, ut distinguuntur et differunt inter se objectum temporale et spirituale. Regis enim seu magistratus qualiscumque est poenas in delinquentes contra incolumitatem reipublicae decernere, vel eas inflige-

(1) In hunc locum.

(2) Ibid.

(3) En verba auctoris: « Il va jusqu'à prophétiser de la manière la plus formelle et la plus positive les temps de la tolérance générale; un jour tous les peuples cesseront de combattre, et prendront plaisir à la paix;

chacun marchera en invoquant le nom de son Dieu, Israël toujours le nom de Jehovah ». Perfrictae frontis sunt ii, qui fidem omnem abjecerunt.

(4) Ita J. J. Rousseau, *Emile*, liv. IV, tom. III.

re. Religionis est declarare eos , qui culpabiliter falsitatem vel errorem sectantur extra viam salutis esse , et eos interea non solum pati , sed amare , iis benefacere , atque omnimode eorum salutem procurare ad exemplum Christi et apostolorum , qui non solum pacifice vixerunt cum iis , qui pervicaces in suis erroribus erant , sed omni beneficentiae argumento eos prosequuti sunt , ut eos sibi conciliarent ; eo magis , quod nos semper lateat , an non futurum sit ut ipsi aliquando revertantur ad veritatem ac resipiscant. Quamdiu vivunt , juvat spem aliquam alere de eorum conversione , quae non raro felicem habuit exitum.



CONCLUSIO

329. Ex iis, quae hucusque disseruimus, prout est colligere totum christianae religionis systema in auctoritate fundari. Deus enim ita disposuit, ut homo, qui limitibus circumscriptus est, ac errori obnoxius, rationem suam subiceret ipsius auctoritati; quare non contentus revelare veritates, quae intra rationis ac naturae fines continentur, revelavit praeterea veritates, quae humanae mentis aciem atque obtutum superant, ut homo disceret munus sibi incumbere subjiçendi propriam rationem in iis, quae ad fidem ac religionem pertinent, atque Deum statuisse mundum salvare per fidem.

330. Donec veniret plenitudo temporis, extraordinaria providentia, ut vidimus, ipsemet prospexit revelationis suae incolumitati atque integritati (1). Ac cum misit Filium suum ad homines retrahendos ab illis ignorantiae tenebris, quibus ipsi sua culpa obvolvebantur, utpote obliti, magna saltem ex parte, illarum veritatum quas jamdiu Deus ipsis patefecerat, atque ad dandam illis pleniorẽ sui cognitionem, constituit, ut haberetur magis-

(1) Prout fatetur ipse Limborchius, etsi socinianus, in sua *Amica collatione cum erudito Juda* o, nempe Orobio. Cum enim Orobius in tertio scripto objecisset: « Nunquam tot difficultatibus, dubiis et variis intelligentiis obnoxium fuisse verbum Dei quam sub evangelio; in ecclesia Israelis nullas enatas sectas, nisi jam depravato saeculo, et de rebus ad legis essentiam non pertinentibus; » respondet Limborchius ad istud secundum punctum: « Quod ecclesia israelitica in principio variis opinionibus agitata non fuerit, causa fuit crebra prophetarum, qui spiritu divino commovebantur, frequentia, quorum auctoritatem omnes excipere tenebantur » (cap. iv. resp. ad ter-

tium Judaei scriptum). Ergo, colligo, auctoritas et quidem divina necessaria est ad unitatem servandam, alioquin hominum ingenia dilabuntur. Quoad discussiones enatas post evangelium, facile fuisset catholico respondere, ipsas non ex evangelio ipso emergere sed ex privatorum perductione ab illa auctoritate, quae divinitus constituta est ab ipso evangelii auctore, nempe ecclesia catholica. At sociniano homini alia via invenienda erat, quae satisfacere expostulationi Judaei nullo modo potest, ut legenti ejusmodi effugia, quae hic habet Limborchius, patet; neque melius, ut supra monuimus, huic ipsi difficultati occurrit Grotius protestans.

terium iuge, infalliibile, visibile, atque perpetuum, quo tuto dirigerentur in salutis via; neque a veritatis tramite, ut antea, aberrarent. Hoc vero magisterium posuit in ecclesia, quam Christus fundavit, eam sibi acquirendo sanguine suo, ac praecise in pastorum coetu sub regimine unius capitis visibilis, quod in totum corpus influeret, quodque fundamentum totius aedificii ecclesiae suae esse voluit. Constituit, ut huic ecclesiae omnes subjicerentur, nisi velint haberi tanquam ethnici et publicani, id est extorres ab hoc individuo corpore seu societate a se constituta, ac rei criminis perduellionis, ideoque aeternae damnationis.

331. Huic ecclesiae revelationis depositum consignavit; mandavitque, ut ipsa in nomine suo praedicaret evangelium omni creaturae, id est in omni loco et omni tempore, adsistentiam suam promittens, ne unquam in hoc ministerio vel deficeret vel erraret. Voluit ut pignus adsistentiae suae praesferret miracula, vaticinia, aliaeque charismatum dona, nec non fecunditatem, non solum in filiis gignendis, sed provehendis usque ad plenam sanctitatem.

332. Haec autem ecclesia, quae coepit in Petro et in apostolis, continua et nunquam interrupta successione, velut persona moralis semper jugiterque perseveravit, ac plena vita praedita usque ad nos, prout ex divinis promissis semper jugiterque una et individua perseverabit usque ad consummationem saeculi, ambiens omnia loca et omnia tempora, semper praesferens divinae adsistentiae pignora et argumenta. Restitit enim firma et invincibilis adversus sibi praenunciatas inferni machinationes, tum externas ex parte ethnicorum seu infidelium, tum internas ex perduellione filiorum suorum. Sibi sufficiens, seu potius divino praesidio ac divinis pollicitationibus innixa, independens omnino est ab hominum sive favore sive furore; humanos favores spectat ut inedia, persecutiones

et iram ut probationes, sed nec illis innititur, nec istas formidat, et saecula trajicit novis semper triumphis clara, uberes sanctitatis fructus producens, homines nempe tum omnibus virtutibus tum charismatum donis insignes in testimonium divinae originis suae, ac novos semper filios in coelum transmittens, usque dum et ipsa, non habens neque rugam neque maculam, cum completus fuerit electorum numerus, regnabit in perpetuas aeternitates.

333. At sicut Deus voluit unitatem ecclesiae suae constitutam esse in principio auctoritatis, e converso sectae ab hac auctoritate divinitus constituta, desciscentes, ut ductum spiritus privati seu rationis, ut vocant, individualis, sectarentur, oppositum ecclesiae magisterio principium dissolutionis ac divisionis substituerunt. Quo principio semel posito, factum est, ut nunquam illae inter se unitatem doctrinae conservare potuerint, atque, ut consequens erat, nunquam sibi constantes nisi in sola mobilitate, de novitate in novitatem, de errore in errorem prolapsae sint; novas semper confessiones edentes, ac in frustula comminutae, donec consumerentur atque perirent, ut sal in aqua dissolvitur. Ita veteribus sectis accidit, ita novis, quae desierunt in naturalismum seu rationalismum, ultimum, juxta Leibnitzium, haerescos genus (1). Quod

(1) Non me fugit Ephemeridem evangelicam ecclesiasticam (mens. Janua. 1830, n. 5, 6) vehementissime insurrexisse contra rationalismum, ac contra doctores Gesenium et Wegscheider, professores theologiae Hallae. Censura autem adeo fuit virulenta, ut non solum commoverit horum professorum auditores, sed compulerit facultatem theologicam ad invocandam ministerii protectionem adversus impugnationes aculae Berolinensis Universitatis (vid. *Appendix extraord. Ephemer. univers. n. 26, 1830*). At quis non videt hanc agendi rationem destruere principium et essentiam reformationis? Si enim,

ut toties dictum est, essentia reformationis consistit, ipsis salentibus, in plena examinis libertate atque in plena independentia spiritus privati a qualibet auctoritate, quo jure Berolinenses excommunicare possunt adversus rationalistas, si isti corollaria deduxerunt ex principio et essentia reformationis? Si ipsis persuasum est, se in scriptura non invenire nisi purum rationalismum, quo jure id illis obijciatur, quod reformatores sibi arrogaverunt? Adco verum est nullum dari medium inter catholicismum et rationalismum sive deismum. Quilibet enim apud protestantes potest respondere: *Quis nosrum iudices vos constituit?*

si interdum atque ad tempus consistere visa est inter haereticos protestantes antiquiores et modernos aliqua unitatis species, id factum non est, nisi quia ipsi non fuerunt consentientes suo proprio principio; substitutes, sive aperte, sive occulte, propriam auctoritatem auctoritati ecclesiae catholicae, quam deseruerunt. Sublata enim auctoritate, necesse est ut auferatur unitas, imo unitatis principium ac proinde ecclesia ipsa, quia sublata auctoritate non remanet nisi individualis libertas, individuus cujusque sensus; et vinculum dirumpitur, quo simul ejusmodi membra secum cohaereant, adeo ut sectae non sint nisi aggregatio turbarum, seu etiam individuum, quorum alterum nihil habet cum altero commune, nisi principium dissolutionis ac divisionis, seu unitatem negativam, id est, privationem essentialem cujuscumque compaginis atque unitatis.

334. Neque huic auctoritatis ecclesiae catholicae defectui supplet auctoritas scripturae, ut protestantes reponunt; nam praeterquam quod ipsis constare non potest de numero, de integritate, de divina inspiratione sacrorum librorum ac singularum eorum partium nisi ex testimonio et auctoritate ecclesiae catholicae, a qua, ut ipsi loquuntur, se tandem in libertatem vindicarunt (1), ac proinde cum integrum unicuique sit, ex principio examinis spiritus privati, eos admittere vel rejicere, ut factum ostendimus a protestantibus recentioribus, quemadmodum semper factum est a protestantibus antiquis (2), illud ipsi constituunt tanquam remedium, quod semper fuit omnis mali origo. *Neque enim*, ut praeclare jam observaverat s. Augustinus (3), *natae sunt haereses, et quaedam dogmata perversitatis illoqueantia animas et in profun-*

(1) Nempe sicut filius prodigus se emancipavit ab auctoritate paterna.

(2) Nempe ebionitis, ecerinthianis, marcionitis, manichaeis, etc. qui et

ipsi rejecerunt eos libros, quos ipsis rejicere placuit.

(3) Tract. xviii, in Joan. tom. iii, p. 440, edit. Maur.

dum praecipitantia, nisi dum scripturae bonae intelliguntur non bene, et quod in eis non bene intelligitur, etiam temere et audacter asseritur. Adco ut nulla unquam fuerit haereticorum secta, quae non inniteretur alicui scripturarum auctoritati (1).

335. Interea Deus ordinatissima providentia sua permisit, ut haereses et sectae orirentur, viventibus adhuc apostolis ipsis, ut ex ipsorum agendi ratione adversus ejusmodi novatores protestantes, compertum esset toti posteritati seu subsequenribus saeculis, tum quanam esset haereseon origo, tum ratio, qua ecclesia se gerere deberet cum haereticis seu protestantibus orituris; ut hos nempe expelleret e sinu suo, et fideles praemuniret adversus eorum conatus ac subdolas versutasque artes; tum demum ipsis, nisi resipuerint, sempiterno exitio certo addicendos denunciaret, nullum interponens discrimen inter haereses et haerceses, haereticos et haereticos. Quandocumque enim quis reus est protestantismi, seu protestationis adversus ecclesiam, quam Christus instituit depositariam perpetuam revelationis, magistram et interpretem, seu, ut loquitur Paulus, *columnam et firmamentum veritatis* (I Tim. 5), certissime ejusmodi poenam incurret.

336. Non exiguum tamen emolumentum cepit, aut capit ecclesia catholica ex ejusmodi semper sibi succedentibus haercesibus et sectis, ipsarumque perpetua mobilitate, ortu et interitu. Ac 1. quidem ex occasione exorientium errorum diligentius inquirat in fidem suam, explicate et luculentius evolvit veram doctrinam, ut inde magis appareat pulchritudo totius catholici systematis, et nexus intimus omnium veritatum, quas profitetur, ut reipsa semper factum est, quoties quilibet novator aliquam veritatem impugnavit. 2. Ut ex perpetuo conflictu, quem sustinere debet ex parte haereticorum, vigilet semper,

(1) Cons. Vinc. Lirin. *Commonitorium* n. 45 et seqq.

firmioremque quodammodo auctoritatem nanciscatur. Etenim prout justi ex malorum insectatione probantur, ac magis eorum virtus nil est, sic ecclesia, quae est, ut saepe diximus, moralis persona, ex sectarum machinationibus, malis artibus, calumniis, imo saepe ferro et igne, pulchrior semper ac nitentior splendet. 3. Ut omnibus platum compertumque sit, ecclesiae stabilitatem ac firmitatem non aliunde quam a Deo ipso ejusque promissis esse repetendam, dum opera hominum continuo diffluunt ac dissolvuntur. 4. Ut ex sterilitate haereticorum omnes discant jugem ecclesiae catholicae foecunditatem Deo soli acceptam esse referendam, non autem humanae cuiusvis industriae vel hominum conatibus, quia: *Nisi Dominus aedificaverit domum, in vanum laboraverunt, qui aedificant eam*; et: *Neque qui plantat est aliquid, neque qui rigat, sed qui incrementum dat Deus* (I Cor. III, 7). 5. Ut discant omnes, fidem donum Dei gratuitum esse, neque scientia comparari posse, neque humana industria, quibus virtutibus certe pollent plures inter sectarios, nec quempiam de se debere praesumere, et: *Qui se existimat stare, videat ne cadat* (I Cor. X, 12); quum Deus de se praesumentes dimiserit in desideria cordis eorum ac *dicentes se esse sapientes, stulti facti sint, et Deus errare eos fecerit quasi ebrios*; adeo ut vix sit errorum monstrum sive theoreticum sive practicum, in quod plus minus ejusmodi sapientes non inciderint, et vix sit contradictio, in quam ipsi turpiter non sint prolapsi; sic neminem aliter posse in fide perseverare nisi humilitate et oratione, prout nemo ad veram fidem nisi humilitate et oratione accedere potest: *Deus enim superbis resistit, humilibus autem dat gratiam* (Jac. IV, 6). Neque mirum cuiquam videri debet tantam hominum multitudinem in haeresi vel schismate versari, dummodo is secum animo reputet, ante adventum Christi, Deum dimisisse omnes gentes ingredi vias

suas, una excepta hebraica natione; post Christum vero, vocalas quidem fuisse gentes ad fidem, ast judaicum populum in oecitatem ac mentis stuporem incidisse (1).

337. Cum igitur ex dictis duplex tantum sit ad veritatem via, *ratio* videlicet et *auctoritas*, omnes de religione controversiae ad hunc cardinem, ut ita dicam, revocantur: utrum videlicet in religionis negotio auctoritas rationi, an contra ratio auctoritati sit praeferenda; vel clarius etiam, utrum per viam disquisitionis et examinis, instituendi per privatum uniuscujusque spiritum, seposita omni auctoritate, an vero per viam fidei ac submissionis publicae ac legitimae auctoritati in religionis negotio sit incedendum; vel etiam ulterius: utrum standum sit auctoritati ecclesiae catholicae, an vero, ista posthabita, unicuique liberum relinquendum sit Scripturas privato sensu admittere et interpretari, ac cudere sibi religionem, prout magis minusve quidpiam probabile videatur (2).

(1) Vincentius Lirinensis internos haereticorum tumultus cruciatusque graphice describit in suo *Commonitorio*, cap. 15, dicens: « Heu miseranda conditio! Quantis illi curarum aestibus, quantis turbinibus exagitantur! Nunc etenim qua ventus impulerit, incitato errore rapiuntur; nunc in semetipsos reversi, tanquam contrarii fluctus, reliduntur; nunc temeritatis praesumptione, et ea, quae incerta videntur, adprobant; nunc irrationali metu etiam, quae certa sunt, expavescunt; incerti, quae eant, qua redeant, quid adpetant, quid fugiant, quid teneant, quid dimittant. Quae quidem dubii et male penduli cordis afflictio divinae erga se miserationis est medicina, si sapiant. Idcirco etenim extra tutissimum catholicae fidei portum diversis cogitationum quatiuntur, verberantur ac pene cecantur procellis, ut excussa in altum clatae montis vela deponant, quae male novitatum ventis expandant, seseque intra fidissimam stationem placidae ac bonae matris re-

ducant et teneant, atque amaros illos turbulentosque errorum fluctus primitus revomant, ut possint deinceps vivae et salientis aquae fluentia potare. Dediscant bene quod didicerant non bene; et ex toto Ecclesiae dogmate, quod intellectu capi potest, capiant, quod non potest, credant.

(2) Sane in Ephemeride protest. (*Le Globe*) n. 137, aperte scribitur: « Notre siècle doute, et, dans le doute, sa religion c'est sa liberté, parce que c'est le seul dogme, qui permet à chacun de suivre ce qui lui plaît aujourd'hui, de le rejeter demain. Le caractère de ce siècle est de ne pas avoir une religion, mais d'en avoir mille, mais d'en avoir presque autant qu'il y a de familles dans chaque nation ». Potuisset insuper adijcere *quot sunt individua in qualibet familia*. Hic graphice describitur systema protestantismi, quod consistit in nulla habenda religione, nulla fide, sed in profitendo purum dubium, prout suo loco monuimus.

Dixi ecclesiae catholicae auctoritati ; nam si systema seu via auctoritatis admittitur , nullum dubium esse potest aliis quibuscumque eam ecclesiam praevalere auctoritatis pondere , quae omnes certò vincit sive antiquitate , sive universalitate , sive unitate et consensione , imo nulla est , quae cum ipsa comparari possit.

338. Jam vero non potest admitti via sensus privati , quin incidamus in illa omnia absurda , quae recensuimus , quaeque eo tandem homines deducunt , ut omnem fidem amittant , incidantque in perfectum scepticismum religiosum , adeo ut nemo sciat quid tenere , quid respuere debeat , sed majori tantum aut minori probabilitate quadam permoveatur. Unde fieret , ut disputare liceret de religione eodem fere modo ac olim disputabatur inter philosophos ; religio vero non esset nisi systema philosophicum , sectae autem totidem academiae , vel scholae philosophicae , in quibus liberum est id tenere ac seclari , quod bonum unicuique videtur. Quis autem sobrius sibi persuadere poterit Deum sic dedisse revelationem suam , ut ejus existentia et sensus permitteretur hominum disputationibus , et omnia incerta , omnia confusa essent , ac religio desineret in pyrrhonismum vel philosophicam quaestionem (1) ? In hoc systemate protestans

(1) En quomodo ab alio folio protestantico progressus protestantismi describitur : « C'est au seizième siècle que la première fois , dans la série des événements qui nous intéressent , on voit la liberté de conscience ouvertement et nettement érigée en principe ; mais d'abord ce n'est point cette liberté illimitée qu'on a réclamée depuis , c'est seulement la faculté de croire , sur un certain nombre de points déterminés , autrement que l'Eglise catholique. A mesure qu'en se succédant , les sectes , qui s'élèvent du sein de l'Eglise , prétendent s'éloigner davantage de sa doctrine , elles reculent aussi théoriquement les

bornes de cette faculté qu'elles s'attribuent par le fait. Les *Écritures sacrées* avaient été d'abord le champ , où il paraissait convenu que la liberté de conscience devait se renfermer ; bientôt cette limite est franchie ; la religion par quelques hommes est réduite , dans son dogme , à une simple conception de la raison et du sentiment , et dans son culte à une pure relation métaphysique de l'homme à son Créateur ; enfin les idées fondamentales de toute institution ou croyance religieuse sont elles-mêmes attaquées , et c'est à l'abri du principe de la liberté de conscience , toujours de plus en plus étendue , que ces di-

sive haereticus, divulsus ab ecclesia universa omnium saeculorum, quaeque hactenus perdurat, segregatus a consortio eorum etiam, qui ecclesiam deseruerunt, cum quisque habeat ex principio protestantismi religionem suam individualement, et sibi a se cusam, solus est, velut insula sive scopulus, in medio mari procellis fluctibusque undique percussus. Quam vero spem, quodve solatium capere potest ex religione sua? Quid si erret? Quod iudicium sibi polliceri poterit a Christo Domino post mortem? Omnia plane in hoc systemate horrorem ingerunt, ac plena omnia formidine sunt. Contra vero catholicus, in systemate seu principio auctoritatis securus vivit; ipse communicat cum ecclesia omnium saeculorum et locorum omnium; consortio fruitur apostolorum, martyrum, sanctorum omnium actatum; nullum unquam poterit ob religionis suae professionem periculum subire, nisi (quod absurdum omnino est) universa catholica ecclesia locum periculis daret; se ipse spectat veluti membrum magnae familiae, cujus caput invisibile Christus est, qui imaginem sui reliquit in Petro ejusque successoribus vicariis suis, in qua omnia bona communia sunt, universalis quidam amor omnia regit, in qua omnia sapientissima providentia a Christo ad nos usque perseverant, omnes eidem mensae eucharisticae assident; et si quae humana fragilitate maculae contrahuntur, per humilem culparum confessionem, in qua ex integra animi sui manifestatio- ne magnum quisque a parente omnium amantissimo per-

vers degrés d'incrédulité se produi- sent tour à tour et essaient de se faire recevoir » (*Producteur*; n. 9, pag. 408). Hoc ipsum, jam a quin- to Ecclesiae saeculo, rursum prae- viderat et praenunciaverat, in suo admirabili *Commonitorio*, cap. xxxi, Vincentius Lirinensis: « Nam si se- mel admissa fuerit, inquit, haec im- pia fraudis licentia, horreo dicere

quantum excidendae atque abolen- dae religionis periculum consequatur. Abdicata etenim qualibet parte catho- lici dogmatis, alia quoque atque item alia, ac deinceps alia et alia, jam quasi ex more et licito abdicantur. Porro autem singillatim partibus re- pudians, quid aliud ad extremum se- quetur, nisi ut totum pariter repu- dietur?

cupit solatium. Nunquam solus catholicus est, nec vivens nec moriens, sed sicut unus Dominus, ita una fides, unum baptisma, unum corpus et unus spiritus, sicut vocatus est in una spe vocationis suae. Quin imo nec deseritur post mortem; pergit enim communicare cum ecclesia sua, sive militante, ejus suffragiis juvatur, sive triumphante, quae manus ad ipsum tendit et ad se eum invitat.

339. Itaque vel nulla religio, vel sola religio catholica. Nullum datur medium; vel si medium datur, est medium incohaerentiae. Quia si Deus est, si divina providentia sua cuncta gubernat, per nexum quemdam validamque ipsius rationis vim ad catholicam professionem tandem deveniri debet.

340. Placet haec omnia testimonio et auctoritate magni Augustini roborare et confirmare, qui non minus vere quam eleganter velut compendium exhibet eorum omnium, quae hactenus fusa a nobis, in utraque hujus tractatus parte, diseussa sunt atque exposita.

341. *Si Dei providentia, scribit ipse, non praesidet rebus humanis, nihil est de religione satagendum; sin vero et species rerum omnium, quam profecto ex aliquo verissimae pulchritudinis fonte manare eredendum est, et interior, nescio quae conscientia Deum quaerendum, Deoque serviendum, meliores quosque animos quasi publice privatinque hortatur, non est desperandum ab eodem ipso Deo auctoritatem aliquam constitutam, quo velut gradu certo innitentes adtollemur in Deum. Haec autem, seposita ratione, quam sinceram intelligere, ut saepe diximus, difficillimum stultis est, dupliciter nos movet, partim miraculis, partim sequentium multitudine . . . miraculum voco, quidquid arduum aut insolitum supra speciem vel facultatem mirantis apparet, in quo genere nihil est populis aptius, et omnino stultis hominibus, quam id quod*

sensibus admoveatur. Sed rursus haec in duo dividuntur; quaedam enim sunt, quae solam faciunt admirationem, quaedam vero magnam etiam gratiam benevolentiamque conciliant. Nam si quis volantem hominem cernat, cum ea res nihil spectatori afferat commodi praeter ipsum spectaculum, miratur tantummodo. Si quis gravi et desperato morbo affectus, mox ut jussu fuerit, convalescat, admirationem sanitatis suae, sanantis etiam caritate superabit. Talia facta sunt illo tempore, quo Deus in vero homine, quantum sat erat, hominibus apparebat. Sanati languidi, mundati leprosi, incessus claudis, caecis visus, surdis auditus est redditus. Homines illius temporis aquam in vinum conversam, saturata quinque millia quinque panibus, transita pedibus maria, mortuos resurgentes viderunt; ita quaedam corpori manifestiori beneficio, quaedam vero menti occultiori signo, et omnia hominibus majestatis testimonio consulebant; sic in se tunc animas errantes mortalium divina commovebat auctoritas. Cur, inquis, ista modo non sunt? Quia non moverent nisi mira essent. Nam diei et noctis vices et constantissimum ordinem rerum caelestium... decedentes redeuntesque frondes arboribus, infinitam vim seminum, pulchritudinem lucis, colorum saporumque varietates, da qui primum vident atque sentiat, cum quo loqui possimus, hebescit obruiturque miraculis; nos vero haec omnia, non cognoscendi facilitate, quid enim his causis obscurius? sed certe sentiendi assiduitate contemnimus. Facta sunt igitur illa opportunissime, ut, his multitudine credentium congregata atque propagata, in ipsos mores utilis converteretur auctoritas. Mores autem quilibet tantum valent ad obtinendas hominum mentes, ut etiam quae in his prava sunt, quod fere superantibus libidinibus evenit, improbare cilius et detestari quam deserere aut vitare

possimus. Parum ne consultum rebus humanis arbitraris, quod nihil terrenum, nihil igneum, nihil denique quod corporis sensus adtingit, pro Deo colendum esse, ad quem solo intellectu ambiendum est, non pauci doctissimi disputant, sed imperitum etiam vulgus marium seminarumque in tam multis diversisque gentibus et credit et praedicat? Quod continentia usque ad tenuissimum victum panis et aquae, et non quotidiana solum, sed etiam per contextos plures dies continuata jejunia, quod castitas usque ad conjugis proliisque contemptum, quod patientia usque ad cruces flammisque neglectas, quod liberalitas usque ad patrimonium distributa pauperibus, quod denique totius hujus mundi aspernatio usque ad desiderium mortis intenditur? Pauci haec faciunt, pauciores bene prudenterque faciunt; sed populi probant, populi audiunt, populi favent, diligunt postremo populi; populi suam imbecillitatem, quod ista non possunt, nec sine propectu mentis in Deum, nec sine quibusdam scintillis virtutis accusant. Hoc factum est divina providentia per prophetarum vaticinia, per humanitatem doctrinamque Christi, per Apostolorum itinera, per martyrum contumelias, cruces, sanguinem, mortes, per Sanctorum praedicabilem vitam, atque in his universis digna rebus tantis atque virtutibus, pro temporum opportunitate, miracula. Cum igitur tantum auxilium Dei, tantum profectum fructumque videamus, dubitabimus nos ejus ecclesiae condere gremio, quae usque ad confessionem generis humani ab Apostolica Sede per successiones Episcoporum, frustra haereticis circumlatrantibus et partim plebis ipsius judicio, partim Conciliorum gravitate, partim etiam miraculorum majestate damnales, culmen auctoritatis obtinuit? Cui nolle primas dare, vel summae profecto impietatis est, vel praecipitis arrogantiae. Nam si nulla certa ad sa-


pietiam salutemque animis via est, nisi cum eos rationi praecolit fides; quid est aliud ingratum esse opi atque auxilio divino, quam tanto labore praeditae auctoritati velle resistere? Et si unaquaeque disciplina, quamquam vilis et facilis, ut percipi possit, doctorem aut magistrum requirit; quid temerariae superbiae plenius quam divinorum sacramentorum libros, et ab interpretibus suis nolle cognoscere, et incognitos velle damnare? Quamobrem si quid te vel ratio vel oratio nostra commovit, et si veram, ut credo, curam tui geris; velim me audias, et bonis praeceptoribus catholicae christianitatis te pia fide, alacri spe, simplici caritate committas; Deumque ipsum, cujus unius et bonitate facti sumus, et iustitia poenas luimus, et clementia liberamur, orare non cesses. Ita tibi neque praecepta et disputationes doctissimorum hominum et vere christianorum, neque libri, neque serenae ipsae cogitationes defuerint, quibus facile quod quaeris invenias (1).

(1) Lib. *De utilitate credendi*, capp. 16, 17, 18, tom. viii, opp. edit. Maur.



FINIS.





INDEX

TYPOGRAPHUS LECTORI	<i>pag.</i> V
LECTORI BENEVOLO	VII
PROLEGOMENA	XI

TRACTATUS DE VERA RELIGIONE

PARS PRIOR ADVERSUS INCREULOS I

CAPUT I.	DE DIVINAE REVELATIONIS POSSIBILITATE	3
PROP. I.	<i>Possibilis est divina revelatio im-</i> <i>mediata</i>	4
	DIFFICULTATES	5
PROP. II.	<i>Possibilis est divina revelatio me-</i> <i>diata</i>	7
	DIFFICULTATES	8
PROP. III.	<i>Possibilis est revelatio illarum veri-</i> <i>tatum, quae mentis nostrae ca-</i> <i>ptum excedunt, seu est possibi-</i> <i>lis mysteriorum revelatio</i>	10
	DIFFICULTATES	11
CAPUT II.	DE REVELATIONIS NECESSITATE	18
PROP. I.	<i>Ex eo, quod nullus populus divina</i> <i>revelatione destitutus dignum Deo</i> <i>cultum exhibuerit, atque in ab-</i> <i>surdos contra sanae ethices prin-</i> <i>cipia errores delapsus non fuerit,</i> <i>jure inferitur divinae supernatura-</i> <i>lis revelationis necessitas</i>	21
	DIFFICULTATES	24

Tom. I.

PROP. II.	<i>Ex eo, quod nulla humana sapientia aut industria populos revelatione destitutos revocare valuerit ab universali illa defectione sive circa cultum sive circa mores, jure rursum inferitur divinae ac supernaturalis revelationis necessitas</i>	pag. 29
	DIFFICULTATES	32
PROP. III.	<i>Cum humana ratio ex se motiva sufficientia non praebeat ad homines in officio continendos atque a vitiis retrahendos, iterum necessitas jure inferitur divinae ac supernaturalis revelationis etiam in iis, quae naturali rationis lumine cognosci possunt</i>	36
	DIFFICULTATES	39
CAPUT III.	DE NOTIS DIVINAE AC SUPERNATURALIS REVELATIONIS	45
ARTIC. I.	De miraculis	47
PROP. I.	<i>Miracula suntabilia</i>	51
	DIFFICULTATES	52
PROP. II.	<i>Miracula certissimam notam exhibent ad dignoscendam divinam ac supernaturalem revelationem</i>	57
	DIFFICULTATES EX RATIONE	38
	DIFFICULTATES EX DAEMONUM EFFICACIA	63
	DIFFICULTATES EX HISTORIA	66
	DIFFICULTATES EX DEFECTU CERTITUDINIS	72
	DIFFICULTATES EX INTIMA HOMINIS VI ET EFFICACIA	79
ARTIC. II.	De prophetia	85
§ I.	De prophetiae possibilitate	87
PROP.	<i>Prophetia est possibilis</i>	87

	<i>Index</i>	403
	DIFFICULTATES	pag. 88
§ II.	De vi et efficacia prophetiae ad ostendendam divinitatem revelationis	89.
PROP.	<i>Prophetia est certissimum divinae ac supernaturalis revelationis argumentum</i>	90
	DIFFICULTATES	91
	DIFFICULTATES EX ETHNICORUM VATICINIIS	101
CAPUT IV.	DE EXISTENTIA DIVINAE AC SUPERNATURALIS REVELATIONIS	109
PROP. I.	<i>Christus miraculis et vaticiniis, praesertim vero sua a mortuis resurrectione divinam sui missionem comprobavit, seu divina facta est ac supernaturalis in Novo Testamento per Christum revelatio</i>	111
	DIFFICULTATES ADVERSUS CHRISTI MIRACULA ET VATICINIA	117
	DIFFICULTATES CONTRA CHRISTI RESURRECTIONEM	128
PROP. II.	<i>Doctrinae evangelicae excellentia et sanctitas divinam ac supernaturalem Christi missionem invictissime confirmat</i>	141
	DIFFICULTATES	150
PROP. III.	<i>Admirabilis christianae religionis propagatio in omnibus suis adjunctis spectata ineluctabile pariter suppeditat divinae ac supernaturalis Christi missionis argumentum</i>	172
	DIFFICULTATES	175
PROP. IV.	<i>Conservatio Christianae Religionis in omnibus suis adjunctis spectata</i>	

	<i>non minus certum divinae ac supernaturalis Christi missionis sup- pedital argumentum</i>	<i>pag.</i> 184
PROP. V.	<i>Christianorum martyrum testimo- nium, omnibus ejus adjunctis per- pensis, validissimum etiam est divinae ac supernaturalis Christi missionis argumentum</i>	190 194
	<i>DIFFICULTATES</i>	201
	<i>Conclusio prioris partis</i>	214
 PARS POSTERIOR ADVERSUS HETERODOXOS 220		
PROP. I.	<i>Validissimae rationes ostendunt, de via ordinaria divinam revelatio- nem ab auctoritate divinitus in- stituta atque infallibili custodiri, atque proponi debere</i>	221
	<i>DIFFICULTATES</i>	224
PROP. II.	<i>Sola ecclesia a Christo instituta in- structa est hac infallibili auctori- tate</i>	229
	<i>DIFFICULTATES</i>	235
PROP. III.	<i>Sola proinde ecclesia est custos et interpres infallibilis divinae reve- lationis, sive viva voce per tra- ditionem transmissae sive litteris consignatae</i>	239
	<i>DIFFICULTATES</i>	242
PROP. IV.	<i>Ecclesia Christi est una, visibilis atque perpetua</i>	245
	<i>DIFFICULTATES</i>	252
PROP. V.	<i>Hinc sola ecclesia catholica est ve- ra ecclesia Christi</i>	265

	DIFFICULTATES	pág. 274
PROP. VI.	<i>Quicumque quovis tempore spiritus privati placita sectando sese opponunt ecclesiae catholicae magisterio, rebelles sunt, sectarii et novatores</i>	282
	DIFFICULTATES	287
PROP. VII.	<i>Quoad eos, qui auctoritatem rejiciunt catholicae ecclesiae, ut spiritus privati placita sectentur, nulla datur vera fides, sed opinio tantum, vel dubium</i>	294
	DIFFICULTATES	303
PROP. VIII.	<i>Haeretici et schismatici declarati extra Christi ecclesiam sunt</i>	309
	DIFFICULTATES	314
PROP. IX.	<i>Protestantismi origo ac variae phases ipsius arguunt falsitatem</i>	317
	DIFFICULTATES	329
PROP. X.	<i>Sterilitas protestantismi in suis missionibus apud infideles novum est ipsius falsitatis argumentum</i>	336
	DIFFICULTATES	348
PROP. XI.	<i>Culpabiliter in haeresi vel schismate vel incredulitate ex hac vita decedentibus nulla salus esse potest, seu extra ecclesiam catholicam nulla datur salus</i>	354
	DIFFICULTATES	362
PROP. XII.	<i>Tolerantia religiosa est impia et absurda</i>	368
	DIFFICULTATES	374
	Conclusio	387

Pag.	lin.	
135 in not. (2).	1. Emmanuel Küster	Küster, <i>Immanuel</i> oder <i>characteristic</i> . . . sive <i>Emmanuel seu character</i> etc.
	<i>Characteristik des . . .</i>	
	<i>seu character</i> etc.	
138	16 induceremur	induceremur
214	13 sive ex parte hominis	sive ex parte Dei, sive
236	23 acquiescebant	acquirebant
257 in not.	2 societas	sociales
316	24 facultas	facultates



REIMPRIMATUR

F. D. BUTTAONI *Crd. Praed. S. P. A. Mag.*

REIMPRIMATUR

A. PIATTI *Patriarcha Antioch. Vicesgerens.*



LEGATORIA
A DEL BOSCO
29 NOV '956
M. RODI 19
TEL 361740

